





62695/B

Vol. 1

MEDICAL SOCIETY of LONDON.

No.

- I. **E**VERY member desiring a book, shall apply for it between the hours of six and eight in the evening on Mondays, and five and six on other evenings; and shall write down on a slip of paper, the number and title, and shall sign and date it; The librarian or his deputy shall file the paper, and shall deliver it back, or cancel it, when the book is returned to the library and any person taking a book without such written acknowledgement, shall forfeit three times its value.
- II. No member shall have more than two volumes at a time in his possession.
- III. Any member detaining a pamphlet or volume in duodecimo above one week; an octavo two weeks; a quarto three weeks; or a folio four weeks, shall be liable to a penalty of one, two, three, or four shillings, in proportion to the size, for each week he shall detain it, provided such penalty exceed not half the value affixed to the book by the council.
- IV. Manuscripts, and books of value, are not to be taken out of the library without a written permission from the council.
- V. All pamphlets and books shall remain in the library for the space of one, two, three, or four weeks, (according to their size,) after they have been received.
- VI. A member who shall lose, or injure a book belonging to the society, shall replace it, or make such compensation as the council may think proper.
- VII. No member without leave of the librarian or his deputy, shall take any book from its place.
- VIII. All books shall be returned before the general meeting in March, for the inspection of the librarian on entering into his office. Every person neglecting to return a book at that time, shall forfeit half its value.



MEDICAL SOCIETY  
OF LONDON



ACCESSION NUMBER

PRESS MARK

JUNCKER, J.



a 4<sup>th</sup> ed. was published 1750 &  
This author died 1759.



CONSPECTVS  
**MEDICINAE**

THEORETICO-PRACTICAE,  
**TABVLIS CXXXVIII**  
OMNES PRIMARIOS MORBOS  
**METHODO STAHLIANA**  
TRACTANDOS,

EXHIBENS:  
TERTIA VICE EDITVS, CORRECTVS ET AVCTVS,  
CVM  
INDICE SATIS LOCVPLETE

ET  
PRAEFATIONE  
**EXCELL. STAHLII,**  
CONSILIARII ET ARCHIATRI REGII,  
AVCTORE

**D. IOANNE IVNCKERO,**  
PROF. PVBL. ORD. ET MED. PRACTICO ORPHANOTROPHEI  
HALENSIS.

LONDON. MEDICAL SOCIETY OF



CVM PRIVILEGIO.

---

HALAE, IMPENSIS ORPHANOTROPHEI, MDCCXXXIV.



# MEDICAL

AND  
SURGICAL  
JOURNAL

OF THE  
AMERICAN  
MEDICAL  
ASSOCIATION  
PUBLISHED  
MONTHLY  
BY THE  
AMERICAN  
MEDICAL  
ASSOCIATION  
535 N. Dearborn St. Chicago, Ill.

Subscription price, \$5.00 per annum in advance.  
Single copies, 15 cents.  
Entered as Second-Class Matter, May 2, 1896.  
Postage paid at Chicago, Ill.  
Acceptance for mailing at special rate of postage provided for in Act of October 3, 1917.  
Copyright, 1918, by American Medical Association



Index Capitulum, seu Tabularum.  
in hoc Volumine

Tab. 1. De Morbis in genere.

1. De Plethora
2. Spissitudine Sanguinis
3. Cachymia
4. Haemorrhagis generatione
5. Haemorrhagia Paruum
6. Suppressione Haemorrhagiae Paruum
7. Hemoptysi
8. Vomitu Cruento
9. Mictu Cruento
10. Haemorrhoidibus internis.
11. Haemorrhoidibus externis
12. Haemorrhoidibus suppressis &c. et fluxu hepatico
13. Fluxu Menstruum nimio &c.
14. Suppressione Menstruum
15. Fluxu Lochiorum nimio.
16. Suppressione Lochiorum
17. Congestionibus completis
18. Congestionibus incompletis s. Rheumaticis
19. Inflammatione Generationis
20. Cephalalgia
21. Clava hysterica
22. Cephalaea
23. Ophthalmia
24. Odontalgia
- 25.

Tab. 26. Otalgia

27. Ticthigine

28. Coryza, gravedine &

29. Broncho et Raucedine

30. Angina

31. Tussi

32. Asthmate

33. Palpitationis cordis

34. Plethysi





LECTORI BENEVOLO,  
GEORGIUS ERNESTVS STAHL,  
FELICITATEM.



Apientiam Diuinam ex operibus eius lustrare gestientibus, illud cynosuræ loco inferuire posse arbitror, vt procul ab omni distractione, & in varios calles exerrante speculatione, quantum fieri potest, simplicem & rectam viam peruestigent; in quam omnes alii tramites definentes, non aliunde securius spectari, imo perspici possunt, quam ab illa regia via, ad quam semper respectando, securius receptus pateat, ab omni erroris periculo. Cui, ex aduerso, necesse est expositum iri, quando non solum diuisos & diuersos tramites percurfare libido incessit, & magis magisque deuia sectari; sed prorsus auia quærere, perreptare, & tan-



dem limites migrando, alienas regiones ingredi, & in vniuersa propositi cursus meta necessario confundi. Facile vero fuerit intelligere, quod viam, qualem laudamus, ingressuro, & in illa feliciter progressuro, apprime necessaria sit vigil atque perspicax animi aduersio; tranquillus, inquam, & bene compositus animus, auidus non solum cognoscendi, sed & ordinatum, & nihil interruptum processum, patienter atque circumspicte prosequendi. Alienissimus imprimis a polypraginosyne, seu multarum diuersarum rerum fugitiua perustratione; quarum vel nullam penitus perspicere obtingat: vel inter plures implicari atque ita confundi necesse sit, vt inde non modo singularum, sed & omnium, vsus amittatur. Nihil autem magis atque certius in hos labyrinthos seducit, quam temere de sua sapientia sibi blandiens opinio, & immatura fiducia funditus atque penitus perspecta, non magis habendi, quam dandi, eiusmodi Diuinæ sapientiæ specimina, & velut in systemate in conspectum producendi, prius, quam pleraque, nedum omnia, eo pertinentia documenta, cognita sint, & in debitum ordinem, redigi potuerint. Ex aduerso, si cum debita animi applicatione, quotquot possunt, phænomena conquiruntur, animo bene composito, & iudicio, vti certe absolute necessario, ita etiam horum ausum recte compote, perpenduntur, & iuxta illum ordinem, quem in rei veritate inter se obseruant, circumspicte colliguntur; fieri aliter non potest, quin multo euidentior agnitio & cognitio inde resultet. Sicut autem huius generis contemplationes de integro suscipere, instruere, & proprio Marte absolvere, profecto non omnium est ingeniorum; ita neque, in plerisque talibus negotiis vlla necessitas hoc postulat: cum vtique Divina benignitas, iam inde ab omni æuo non dedignata sit, hinc inde industriorum hominum solertiæ radium aliquem fulgidissimi illius iubaris suæ sapientiæ obicere, cuius animad-

ver-















versione non solum oblectati fuerunt, sed etiam posteris suis observandum, & magis magisque ad suos usus applicandum, commendarunt. Cum autem nihil in sui initio perfectum esse possit, facile utique est intelligere, quod monumenta, ab antecessoribus ad posteritatem transmissa, non possint aut debeant pro tali perfecto systemate æstimari, cui absolute acquiescere sufficiat. Qui certe error, a multis iam seculis, ut varias alias, ita medicam quoque scientiam, impediuit, ne amplius, quam antiquissimis temporibus factum erat, excoleretur & locupletaretur: imo ipsæ præconceptæ opiniones interceperunt passim etiam vtilissima vetustiorum annotata, monita, atque documenta, ut usibus, quibus inferuire poterant, nusquam admouerentur. Substitit itaque medica scientia seu theoria, usque ad præteriti seculi confinia, ubi nouæ aliquæ contemplationes, partim ex antiquiorum placitis, partim e propriis æstimationibus variorum phænomenorum (Fernelio, Argenterio, &c.) in mentem venerunt; a medio vero eius seculi, cum anatomia caput efferret, & fermentationis nomen putredinem priscorum antiquaret, rude donatis propemodum plerisque vetustatis sententiis, nihil nisi nouæ opiniones, magno agmine eruperunt; quæ ad hunc usque diem, quid emolumenti aut detrimenti arti attulerint, peritorum & æquorum arbitrorum æstimationi lubens relinquo. Postquam autem ab Helmontio decantata, & a Willisio latius ebuccinata, fermentatio, a Tachenio, per breuem manum Acidi & Alkali, ad varias commodiores explicationes & applicationes quadrare visa est; & tale systema Syluio imprimis in mentem venit, & a fidelibus aliquot eius Discipulis, non solum per Belgium, sed & Germaniam superiorem, propagabatur: quod quidem tempus in meorum studiorum Academicorum initia excurrrens, sollicitum de solido fundamento medicæ Doctrinæ capeffendo, animum



non potuit non percellere, & in trutinandis, pro viribus, discrepantium dogmatum ponderibus, vigilem & attentum exigere. Cum autem iam ab ipsa teneriore iuventa mea, chymicarum rerum, & imprimis fermentationis experimentalis, illa ad minimum notitia mihi suppeteret, quæ tam late per ipsum latifundium sanguinis protensam fermentationem, adhuc magis autem tales eius effectus, simpliciter exundatorios & eruptorios, quales, pro statis etiam, imo in exquisitas periodos distributis, commotionibus & excretionibus, allegabantur, pro veris atque ratis agnoscere, nequaquam permetteret: imo magis magisque pensitati omnes actus stricte & proprie Vitales, longe simpliciore methodia, nempe sola, tempore & loco conueniente, administrata gubernatione motuum secretoriorum & excretoriorum, fieri & absolui solere comparerent: institi proinde potius illi viæ, vt fermentationem quidem, seu in animali corpore, omnino veriore Putredinem, (non tamen tam factam, quam fientem, imo, vt scholæ loquuntur, in fieri,) in febribus præsertim, pro subiecto seu vera materia morbida; tempestiuam & maturam eius amotionem, pro obiecto; secretiones & excretiones, pro medio formali; viarum & meatuum idoneam constitutionem, imo & humorum iustam crasin in reliqua sui massa, pro instrumento materiali; directionem autem motuum illorum, pro causa efficiente, agnoscere, necessarium ducerem. Hoc ipso vero non poteram non simul deprehendere, quod Vita stricte sumpta, corporis inquam vita, qua corpus viuere, & secundum illam viuum dicitur, nihil aliud sit, quam conseruatio eius ab omni corruptione, in quam tamen ex vniuersa sua crasi totum præceptum est, & propendet. His certe contemplationibus nihil noui, neque vero etiam quicquam difficilis, vel afferre mihi videbar, vel inferre: quandoquidem simplicissimum hoc systema, vt  
ipsi









ipſi corporis animalis manifeſto conſpicuæ conſtitutioni, ita quoque antiquiſſimorum medicinæ deſcriptorum vero ſenſui conſentaneum eſt. Conueniebat etiam apprime, imo in-ædificatum videri poterat, recentiſſimæ ſententiæ: Quod omnia in corpore animali fiant mechanice: dum exquisitè commonſtrabat, quod vtique tota Conſeruationis vitalis abſolvatur, & ad vltimum ſuum finem perducatur, nullo, (præter inſtrumenta) materiali, ſed ſimpliciter formali, Mechanico Actu, nempe Motu, exquisitè ad materiæ ſuſpectarum proportionem, gubernato, vt materiæ illæ alienæ, partim ſemoueantur, (ſecernantur) partim tandem ex vniuerſo corpore emoueantur (excernantur.) Conſidebam autem, totum hoc negotium, ad medicum uſum atque ſcopum, tanto luculentius inferuiturum, dum ex eo diluceſcit, quod vniuerſa ita conſiderata vitalis conſeruationis ſit vera & indefinens Therapia interna ſeu ſpontanea; cuius rationi plane conformem energiam, pro certiſſima cynoſura: & ſynergiam, pro fideliffimo adiumento, medicus obſeruare & afferre debeat. Vbi ſimul, aut certe magis magisque, ſuæ luci vindicare atque ſtabilire laborabam, impeditiſſimam illam, & nuſquam pro merito & pondere ſuo, tactam, nedum deductam diſcretionem, quinam actus & motus, in morbis, reuera ſymptomatici, œconomix corporis obſciantur, & illi damna minentur: quinam autem contra, actus atque motus vere Energici, contra morbum incumbentem, plane ſalutariter, pro eius depulſione, inſtruantur & exerceantur. Id quod omnis æui Medici per pugnam Naturæ cum morbo, vix leuiter adumbrare, ſatis habuerunt; quibus vero conſiliis, auxiliis, atque machinis, illa geratur, deſignare, nedum demonſtrare, nuſquam condigne curæ cordique habuerunt. Id quod, ex aduerſo, mihi quidem apparuit, ſatis ex eo elucere poſſe, quod dicti hi actus Energici, aduerſus


mor.



morbos iam præfentes atque incumbentes, falutariter militantes, nullius alterius generis fint, quam illi, qui etiam cetera tranquillis corporis rebus, perpetuo præfidio præfio sunt. Adeoque in morbis, folo, ( præfenti neceffitati maiori, conveniente, ) gradu, tempore, atque ordine, & tandem loco, ita inftruuntur, vt expugnationi morbidæ materiæ, & plenariæ exturbationi, adeoque fystematis corporei, eliminatis alienis reftitutioni in fui homogeneitatem, ( amotis heterogeneis, ) fatisfaciant. Dum autem hanc confiderationem, Medico imprimis vfui commendaturus, illud vbique indicare atque ftabilire laboro, quod hæc vitalis conferuatio, atque vindicatio, omnino fanæ rationi exquisite confentanea fit; vtique ab ipfo corporis animalis primo fupremo Architecto fapientiffime inftituta, & ita conftituta, vt fana ratio, fcitiffimum hunc ordinem, vtique percipere & agnofcere poffit: Tanto magis autem debeat, quo medicæ methodi iuftam & vere legitimam cynofuram hinc formare liceat: Totam rem altius, & ab ouo, quod iaiunt, exorfurus, antiquiffimam illam, & ipfa veritate fimpliciffimam, fententiam, profundamento fubfterno, quod vera caufa efficiens, ( directionum illarum, quas pro pure medico fcopo, pro efficiente cauffa agnofcere, fufficere poterat, ) fit in homine ipfa Anima. Agnofco, quod hac propofitione, vtpote non tam ad medicam, quam phyficam anthropologiam, plane fupersedere potuiſſem. Intempeftiuo vero metu, ne tam motus in abstracto, quam infuper directio in abstracto ( ficut hoc fenfu reuera funt, ) pro metaphyficis gryphis, & nudis mentalibus ideis, tanquam Actus fine Agente, mihi imputarentur, confultum duxi, Agens ipfum diferte nominare, & Animæ has partes deferre, imo afferere, atque vindicare. Tædet autem merito, atque piget, imo profecto pudet, altercationum, quæ fuper hoc negotio, intentatæ, & per aliquod iam fu-










supra viginti annos, vix non singulis diebus, recoctæ appo-  
sitæ, lassata tandem patientia, ad logicorum atque metaphy-  
sicorum in ipsis triuialibus scholis scabella litem hanc reii-  
cere extuderunt. Vbi facile decernetur, quid abstracte meta-  
physici, vel in hac antiquæ veritatis sententia insit; vel in opi-  
nionibus illis, de motu (vt actu, sine agente) materiæ insito; de  
spiritibus animalibus, motus hos non solum dirigentibus, sed  
& ad finem, proportionate, gubernantibus: de motuum ho-  
rum, siue absolutorum, siue insuper directorum, momenta-  
neo obsequio, sine reliquo nexu, ad animæ voluntates; & nu-  
de fictitias, & per errorem patheticas, animæ ideas, (non so-  
lum in animi pathematibus, corporis motus in instanti, & pro-  
funde, turbantibus; sed & in impressionibus pure patheticis  
& fictitiis, in monstrosos næuos foetuum, exeuntibus &c.) &  
quæ sunt plura huius commatis postulata. Insuper habitis in-  
anibus huiusmodi oblocutionibus, non destiti nexum verita-  
tis, vtilissimarum depletionum & ventilationum, prudenti &  
peritæ considerationi commendare; præsertim in negotio  
spontanearum hæmorrhagiarum, seu sanguinis exoneratio-  
num. Vsus sum pro hoc scopo Hippocratis monumentis, quæ  
de morbis diversarum ætatum successui magis peculiaribus, &  
quasi propriis, consignata reliquit sub finem tertiæ sectionis  
Aphorismorum. Quam rem complexus sum Dissertatione de  
fundamentis morborum ætatum: ostendente, quo modo  
omnibus ætatibus quidem communes sint abundantis sangui-  
nis depletiones in genere; varient autem Loco, per quem  
emittantur. Et pariter communes omnibus ætatibus, appa-  
ratus, congestiones, & contentiones, ad eiusmodi eruptio-  
nem respicientes & tendentes: dum autem, pro diversitate  
ætatum, versus & circa peculiaria illa loca eruptionis instruun-  
tur, hoc ipso etiam illos Hippocrati notatos, peculiare, & sin-  
gulis ætatibus magis proprios, (secundum & per regiones pe-  
culia-



culiaries corporis) morbos introducant: si nempe sincera per-  
ruptio in impedito hæreat, & ad effectum difficulter, aut plane  
non, pertingat. Moui vero omnem lapidem, vt hæc iam ab  
ipso Hippocrate prudentissime notata veritas, quemadmodum  
non aliunde, quam e constanti experientia, desumpta est, ita  
perennis experientiæ euidentissimis testimoniis illustraretur  
& confirmaretur: vnde etiam apud practicos peritos, nempe  
experientiæ quotidie obseruandæ compotes, sine vlla difficul-  
tate, passim, imo, quod sine vanitate dictum velim, longe la-  
teque liberalem assensum obtinuerunt huius generis commen-  
tationes. Ego vero nullam occasionem prætermisi, qua hanc  
eandem experientiam, in varii generis morborum schemati-  
bus, ostendere, ad vera illa sua fundamenta reuocare, adeoque  
aliis aliisque exemplis rem totam demonstratam dare, oppor-  
tunum videbatur. Tandem autem, quod eo vsque sparsim &  
per ambages egeram, iustiore ordine, & magis concinno syste-  
mate, ob oculos ponere suscepi, tractatu, quem medicam  
Theoriam veram nuncupare iustum & æquum duxi. Sicut  
autem medicina scientia sola non absoluitur, sed ad experientiæ  
certam notitiam, & consultam administrationem, tendit; ad  
quam vera medica pathologia Artificem futurum instruere de-  
bet; propterea omnino animo semper sedit, Physiologiæ me-  
dicæ, & Pathologiæ, consentaneam Therapiam subiungere:  
quæ nempe solidis deductionibus monstret, quæ consilia & au-  
xilia talibus læsionibus corporis salutariter adhiberi possint at-  
que debeant. Postquam autem Diuinæ directioni humana-  
rum rerum placuit, ab huiusmodi proposito, qualemcunque  
quietem & assiduitatem postulante, ad longe diuersos labores  
me auocare, nihil antiquius mihi omnino esse debet, quam  
huic humiliter acquiescere, & eo vsque promoti cursus, vix  
medio in stadio, pedem sistere. Sufficit non in vanum laborauis-  
se, dum, simplex & sincerum testimonium veritati perhiben-  
do,










do, non in vna sola regione, aut gente, excitata sunt, scientiæ atque conscientiæ satagentia ingenia, ad eandem viam gnauiter ineundam, & magis magisque complanandam. Quod mihi, Divina benignitate adspirante, & cum alacritate atque oblectatione, successit, laboriosum multis aliis visum est; & quæ ego prolixè deducere oblectamenti loco habui, vel audire, nedum legere, perpendere, & prudenter examinare, operosum apparuit. Interim plenus sum bonæ spei, & habeo eius rei non contemnenda indicia, viuere & vigere passim honestos & solertes viros, qui vel de integro hoc stadium decurrere & infinitis Mæandris inuolutum Labyrinthum doctrinæ & artis medicæ, Ariadneo veritatis filo expedire, non fastidiuerint. Siqui vero etiam illis vestigiis insistere non dedignentur, quæ, inter aspreta, sentes, atque salebras, adnitens, hinc inde impressi, spero fore, vt nec ipsos pœniteat, indicem secutos esse. Laboriosius, quam propemodum credere potuissem, hoc iter ingressus est nobilissimus scriptor præsentium Tabularum; quas maximam propemodum partem, e qualibuscunque meis scriptis adornare, non graue duxit. Laudare hanc eius industriam, qui sunt mores hominum, vitio mihi verti posset, & iam propemodum antiquato scommate mihi tribui, quod hoc ipso per obliquum, mearum animaduersionum laudem celebrare, cordi habeam. Sed frustra, profecto iam dudum, sunt tales ineptiæ; posteaquam pridem sincere testatus sum, me nihil horum, quatenus meum sit, sed vnice quatenus verum, vlli mortalium ratum aut commendatum esse velle. Conquisiuisse, quæ vera esse agnoui, in laudis materiam non arripio; officii certe mei duxi, cum Theoriæ medicæ docendæ sparta mihi demandata esset, cum fide & bona conscientia, hoc agere: neque, nisi quæ pro veris comperta haberem, aliis commendare. Quicquid autem horum sit, de quo honestorum & prudentium virorum arbitrio semper liber erit locus, imo ius fas-



que; illud certe, de præſente Tractatuante ipſos oculos poſi-  
tum eſt, quod labori atque ſtudio nihil pepercerit Dn. Autor,  
tam in reuoluendis meis, etiam extra puræ connexionis ordi-  
nem, Diſſertationum forma, in medium propositis, quam  
aliorum, eodem tendentibus, ſcriptis. Eadem euidentia li-  
quet, quod ordinem euoluendi atque deducendi perſpicua  
cum peritia ſeruauerit; quo quidem cœpto non poterit non  
mereri laudem, & gratiam inire, apud omnes, qui euolutio-  
nes thematum, per cauſas ipſo nomine expreſſas, intelligunt  
& amant. Quamobrem ego illam methodum, cauſas inquam  
nominibus ſuis exprimendi, non amplexus ſim, ſequentes fue-  
run rationes. Quo tempore ad docendi officium admovebar,  
& in hac noſtra in primis Academia, non bene audiebant ſcho-  
laſtica *λεπτολογίαι*; quod etiam, quando (vt fere fit) creperæ  
ſunt, nulla iniuria ipſis euenit: imo vero deriſui erant ipſæ vo-  
ces, apud peritiores quidem, inanes ſcholarum tricas, apud  
imperitos autem, metaphyſicam in genere, aut logicam redo-  
lentes. Imo vero, vt nihil diſſimulem, in plerisque, ad me-  
dicum ſtudium nomina ſua dantibus, minorem, triuialibus  
ſcholis allatam, peritiam deprehēdebam, cognitionis, ne-  
dum veri vſus, primæ & inſtrumentalis philoſophiæ, quam  
vt expeditum conceptum ipſius ordinis cauſalis, nedum per  
ipſa nomina, formare valerent. Quid? quod etiam tot anno-  
rum decurſus, non ſine iuſto ſaſtidio, docuit, quam moleſtas  
lites hic defectus inſpirauerit, etiam illis in locis, a quibus mi-  
nime omnium exſpectari debuiffent; & quam tardis, (licet et-  
iam aliæ cauſæ ad repugnandum inſtigarent animum,) ſucces-  
ſibus, tandem pleraque dogmata, a me inde ab initio, demon-  
ſtrata, in priſtinarum opinionum locum ſubſtituerentur: elu-  
cente tamen perpetuo adhuc, ex inſanabili hoc defectu, veri  
atque firmi nexus vario hiatu. Interim certe nunquam negle-  
xi, quin ſecundum verum & realem ductum cauſandi ordinis,  
res
















res ipsas, quas producere animo federat, euoluerem. Subiit autem reuera mirari, quomodo fieri possit, vt passim adhuc, circa ordinem contemplandi, eluceant offensiones, verum de talibus rebus conceptum hinc inde turbantes. Id quod imprimis in ita dictis febribus acutis euenisse video. Putaueram, Dissertatione de Morbis acutis veterum, sublatam esse omnis implicationis occasionem: tanto magis, cum etiam alio schemate, Dissert. de Febre per se nunquam mortifera, veram mentem meam, quin potius ipsius rei constitutionem, liquido monstrasse considerem. Imo aberrationem ipsius Hippocratis detexisse, vbi, dum recenset, quos Morbos Veteres Acutorum nomine notauerint, inauspicato subiicit: quorum Morborum Febres hominem plerumque occidunt. Cum tamen luce meridiana clarius sit, quod ipsi illi morbi, nempe veræ inflammatoriæ itases sanguinis in visceribus, per se, & sibi relictæ, sine vlllo interventu Febris, hominem necessario occidunt. Ab hoc effectu vero, solius Naturæ viribus, (largiatur autem Divina clementia, vt Ars in solidum multo plus auxilii afferre possit!) nulla alia ratione impediri possint, quam tempestiuæ adhuc itaseos discussione; quæ fieri non possit, nisi insigniter aucto & continuato motu locali, seu circuitu, sanguinis: qui tamen iterum aliter fieri nequeat, nisi per pulsum auctum: quem fero inseparabilis comes, calor auctior totius, stipat: qui (eo gradu & duratione,) Febris appellatur: & summa iniuria, non solum pro morbo, sed ipso solo morbo, & mortis autore, proclamatur, cum sit vnicum salutaris spei & euentus subsidium & instrumentum. Ita enim pestis, & iterum febris miliaris, formalis causa indicatur ipsum principium vitale. Certe non e mea porticu; imo veræ constitutionis rei ipsius, suffragio destituente. Cum Pestis coryphæus morborum acutorum quidem sit; nequaquam vero, proprie, & sua essentia, sit Febris. Ingens vtique paradoxon, sed tamen genuinum;



nempe rem ipsam aliter se habere, quam minus exquisito aspectu, & externa specie, videatur, demonstrans. Sane vero audeo sperare, quod genuinus conceptus de Variolis, experientiae & rei veritati conformis, prudentes contemplatores, si quid usquam aliud, de veritate harum rerum luculentissime instituturus sit. Recte itaque Pestis causa materialis arguitur miasma efficacissime putrefaciens: formalis vero causa nulla alia nominari potest, quam ipse actus huiusmodi corruptionis, iam incipiens: & nisi miasma illud tempestive, ipsa halituoza forma, iterum eiiciatur, aut alicubi arctius, in ignobiliores partes externas, iterum dico, tempestive (minime vero praecipitibus turbidis motibus,) e latifundio massae sanguineae, condensatum seponatur, (causa, inquam illa, materialis,) incoercibili impetu longe lateque sanguinem destruens. Vnde Febris, huic morbo, salutari spe, (imo, per Dei gratiam, non parvi numeri effectu,) opponenda, non, uti vulgo creditur, vehemens & magna, sed lenis, aequalis, assidua, esse debet: quando vero, inter anxiam trepidationem Naturae, alia methodo, aut inconditis consiliis & artificiis, turbulentius commouetur, aut excussionibus, materiae expellendae indoli non quadrantibus, instruitur, non potest non illa in genere salutari intentione excidere. Vnde recte quidem Hippocrates iam ipse observavit, quod morborum acutorum, (seu morbis acutis occurrentes,) febres, *συνεχέες* sint: quod vulgo interpretantur, continuae: rei vero veritas magis probat, continentes intelligendas esse: nempe aequali tenore, sine exacerbationibus aut remissionibus, assiduas; eo magis, quanto magis salutari spei locum relinquunt; dum omnis impetus, tanto magis vagus & inordinatus, |trepidæ & fluctuantis administrationis soboles, ab optato scopo non potest non aberrare. Commendo iterum variolarum, veræ experientiae conformem, observationem & contemplationem. Sicut autem adhuc prolixius hæc deduce-

re









re neque locus fert, nec certe animus; ita propterea tamen attingere libuit, ne vel ipsa huius scopi contemplatio sinistris iudiciis occasionem præberet, vel illi superstruenda inuentio iustæ methodi, vel in exæquanda proportionem causali, vel in ipso omnino effectu pratico, aliqua deficiat. Quemadmodum autem Dn. Autor, in hoc opere, non tam simpliciter meas contemplationes & animaduersiones, sed aliorum etiam, quibus fidendi rationes suas sine dubio habuit, placita, præsertim in remediorum penu, secutus est, ita tanto minus Lectorem quisquam simplicis præiudicii suspicionem concipiet: sed potius e sedula lectione, & prudente pensitatione, totum opus æstimabit. Illud certum est, quod in longe maxima parte operis omnino mecum sentiat; neque vero etiam vsquam prope modum dissentiat: hic illic autem, supplendo, quæ a me non prolixius tractata sunt, alia quædam, quam mea, adferat: præsertim autem in numero remediorum, qui mihi summopere placet, quantum vnquam fieri potest, succinctus: & effectus ratione, nisi plane peculiare circumstantiæ suadent, per indiuidua, ab omni commotione, aut præmatura expulsionem abstinens. Vbi præuissimis, quod febrem miliarem attinet, (simpliciore, non pessimam illam, petechiis aut morbillis accedentem,) illud moneo, quod alias benignior in deteriore statum adducatur, per præcipitem expulsionem; communissime ægrorum propriis inconsultis ausibus: sed & per totum decursum, medicamentis & regiminibus sanguinem calefacientibus. Vbi imprimis voluntariæ sudationes in lecto malæ sunt: spontaneæ modestissime tolerandæ, & non nisi pari modestia, moderandæ potius, quam augendæ: alexipharmacis calidis nullum hic agnosco aut reperiolo locum; imo ne fixis quidem diaphoreticis, quorum in talibus affectibus maior, quam vulgo credatur, est sensus. Nitri, parcis, sed repetitis dosibus, quatuor ad sex horarum interualla, præcipuum hic cogno-



uiusum, præsertim in ipsis etiam puerperis: diarrhœam non inducent; cui tamen vndecunque incidenti, Cascarillæ pulvis, a 10. ad 12. grana, sine regimine affectato, commodius, quam quidquam aliud, consulet: in quavis ætate, præcipue genera, vitentur de gemmis participantia, pretiosa, hic nullius pretii, & in omnibus exanthematibus noxia. Quamuis aliis forte parum ad rem pertinere videri possit, certe tamen non contemnenda est pectoris priuatim, imo ad umbilicum usque, defensio ab omni sensu frigoris: etiam in orthostadia sub talibus efflorescentiis. In quali præterea omnibus modis præstat, a desidïa abstinere, quam illi indulgere: imo motus corporis, citra lassitudinem aut æstum, ad lenes sudores usque, minime formidare: a medicamentis autem, quantum licet, sibi temperare &c. Hæc sunt, quæ per occasionem tangere, non abs re visum est. In reliquis autem plerisque omnibus, nullum est dubium, quin Dni Autoris diligentia, illis, qui cum studio medicam scientiam & artem syntagmatico ordine comprehendere voluerint, certissimo emolumento inferuire possit. Quo nomine, talibus hoc opus commendare, nullus dubito. Deus autem, fons & autor veritatis, largiatur omnibus, medicam scientiam & artem, quod profecto decet, vt Diuinorum institutorum, contemplationem, obseruationem, & subsidiariam administrationem intueri cordi habentibus, vt veræ, cognitionis compotes facti, sapientiam Eius venerabundi agnoscant, intellectus sui manu ductionem ad prudentia consilia, & pro cœptis suis auxiliaribus omnipotentem Eius benedictionem exorent, & feliciter assequantur.


Dabam Berolini VII. Cal. Octobr.

M DCC XVII.

PRAEFA-












## PRAEFATIO AUCTORIS.


**Q**UINDECIM anni, BENEVOLE LECTOR, iam circumacti sunt, cum primum deliberarem, qua fieri posset ratione, ut egregiæ illæ observationes practicæ, quæ e collegiis STAHLIANIS ab Excellentissimi huius Viri auditoribus præteritis annis passim collectæ sunt, in commodiorem ordinem ac usum redigerentur. Manu enim scripta, quorum non pauca prostant, per tot descriptiones, a rei medicæ imperitis plerumque peractas, tempore progrediente ita deprauata sunt, ut in quam plurimis illorum locis vix sensum aliquem peruestigare possent tirones. Post multas deliberationes laborem hunc, satis diffusum, bona fiducia adgrediebar, & iam diuinam veneror benignitatem, quæ, illius finem attigisse, clementer concessit. Urgent autem prægnantes quædam rationes, ut, quæ circumstantiæ speciales opusculum hocce ambiant, paucis significentur. Cum enim humeros meos oneri huic ferendo solos sufficere dubitarem, quia in praxi medica plurimum temporis consumere cogebar, aliorum auxilia quærere in animo habebam.



Elaboratam itaque tabulam de variolis & morbillis speciminis loco trans mittebam præclaro cuidam Practico, Domorum aliquot illustrissimarum Archiatro: cui quidem maximam oneris partem imponi posse putabam, quia certum quemdam studiosorum numerum eo tempore in res medicas manu ducebat, qui sub ipsius cura atque moderamine negotium hoc facile perficere posse a me iudicabantur. Sed hic Vir, quem cum iucunditate animi sincerum amicum nominare licet, difficilis erat ad laborem hunc suscipiendum, & maxime contra germanicum idioma, quo prædictam de variolis tabulam conscripseram, ob ab usum inde metuendum, dubia sua mouebat. Non difficeor, quod, audito tali repudio, id, quod cœptum erat, frigide posthac persecutus sim. Quum vero breui post tempore audirem, laborem hunc, mutata sententia, vni e numero memoratorum medicinæ studiosorum, & quidem tali, qui aliquamdiu amice mecum vixerat, & iam munere Archiatri Illustrissimæ cuiusdam Domus dexterrime fungitur, esse commendatum, nouam spem de votis obtinendis concipiebam. Iuuenis hic eruditissimus, post annum circiter decursum triginta, & quot excedunt, tabulas, iudicio non infimo elaboratas, & ab Archiatro reuistas, mihi exhibebat. Transportans domicilium meum in hanc ciuitatem, has, vt & reliquas meas intentiones, cum amicis quibusdam communicabam, qui definitiones, causas, & plures obseruationes practicas in hisce tabulis desiderabant. Otium mihi datum erat ob loci, vt dictum, mutationem: hinc labori huic omne meum tempus destinare decernebam. Dissertationes STAHLIANAS omnes, theoriam eiusdem medicam, & manu scripta, tantum non omnia, perlegebam, tabulas octoginta, & quæ excedunt, non solum conscribebam, sed & omnes fere illas, quæ ab amico, superius laudato, exhibitæ mihi erant, de nouo prorsus elaborabam, reliquas paucissimas supplebam, donec tan-















tandem hoc, quod vides, BENEVOLE LECTOR, opusculum prodiret. Non dissimulo, sub ipso labore animum me sæpius abieciſſe: tantas enim difficultates paſſim inueniebam, vt vel tres aut quatuor hebdomadas in tabulis quibusdam conſcribendis inſumere cogerer, neque tamen mihi ipſi vbique ſatis facerem. Sed Deo humillimæ ſint laudes, cuius auſpicio id, quod factum eſt, quantulumcumque ſit, fieri potuit. Ceterum ſilentio præterire heic nolo, quod ab illo vsque tempore, quo laborem huncce ſuſcipiendum decreueram, aliquot eiſdem fere conaminis ſpecimina in lucem prodierint: videlicet compendia quædam medica, quorum alia plures, alia pauciores morbos, methodo STAHLIANA tractandos, exhibent. Atque in his non ſolum multæ res, ſed & ipſæ ſubinde phraſeologiæ, quæ in præſentibus hiſce tabulis leguntur, occurrunt; cuius rei tamen, BENEVOLE LECTOR, nulla Te miratio capiet, ſi conſideraueris, ex vno fonte eadem vtrimque eſſe deriuata. Opus ſane non fuit, ab aliis deſumere, quod & dulcius, & omnino perfectius ex primis fontibus petere licebat: & certe hoſpes eſſet in ſcriptis STAHLIANIS, qui cuiquam alii has res tribuendas eſſe cogitaret. Itaque ſi quis me plagii vellet accuſare, ſolus Excellentiffimus STAHLIVS facere hoc poſſet. Hic autem hanc mihi culpam non tantum liberaliter remiſit, ſed & publica, vt vides, præfatione teſtatus eſt, quam minime inuideat illis, qui e ſcriptis ſuis uſum capere, & cum aliis communicare intendunt: quem paternum adfectum vt pia mente recondam, mearum omnino erit partium. Denique de pauciſſillis, quæ, præter res STAHLIANAS, in quibusdam locis inuenies, notare conuenit, quod illa non adieciſſem, niſi peculiaribus plane effectibus probata mihi fuiſſent. De quibus notabilia exempla ſubiungere in animo habebam; ſed temporis anguſtia intentionis meæ effectum excluſit. De altera editione dicendum eſt, quod incrementa ſatis notabilia,




&, meo quidem iudicio, vtilia, immo certo respectu necessaria acceperit. Priores enim CXVI tabulæ non tantum passim auctæ, sed & XXI nouæ additæ sunt; vti ipse adspectus docet. Optarunt quidem amicorum nonnulli, vt hoc additamentum *adpendicis* loco subiungeretur, ne illi, qui primam editionem iam possident, geminis sumtibus onerati indignarentur. Quum vero scopus ille, quem tabulis synopticis respicimus, eius modi distractionem materiarum non permittat, iusta hæc vota expleri non potuerunt. Confido autem quam certissime, nouum hoc opusculi augmentum exiguos illos sumtus satis esse compensaturum. Ceterum cautelas illas, quas Excell. STAHLII *præfatio* ratione *purpureæ* tractandæ continet, secundæ quidem editioni adieci, tabulam autem de *vertigine*, nescio vnde prætermissam, tertia hac editione restituere & priores mendas corrigere nouasque passim obseruationes interiicere necessarium putauit.


Vale & faue

AUCTORI.

TAB. I.











## TABVLA I.

DE

# MORBIS IN GENERE.

### I. DEFINITIO.

*Morbus* est status præternaturalis corpōis viui, in partibus tam fluidis, quam solidis, vtrarumque crasin & mobilitatem lædens: concurrentibus variis *symptomatibus*, quæ vel a *materiali* noxa, vel a *motibus* principii vitalis conseruatoriis, materiali noxæ oppositis, ultra gradum naturalem plurimum auctis, rarius remissis, dependent.

### II. DIFFERENTIA.

1. *Symptomata* non solum ab ipso *morbo*, verum etiam a *se ipsis* sollicite distinguere, vniuersæ medicinæ, tam theoreticæ, quam practicæ, maximam lucem adfundit.
2. Est autem *symptoma* præternaturalis *actionum* constitutio, quæ vel tamquam vere *morbida* & *passiva læsio* actionum, vel tamquam *actiua, proportionata* & salutari intentione suscepta alteratio motuum secretoriorum & excretoriorum, considerari debet.
3. Præter ea morborum differentia petitur
  - a) vel a læsione *quantitatis*, vbi humores vel excedunt, vel deficiunt.
  - b) vel a læsione *qualitatis*, quando humores nimis spissi, vel rarefacti sunt.

A

c) vel



c) vel a vitio *motuum*, quando hi vel ultra consuetum gradum augentur, vel deficiunt, vel peruerse instituuntur.

d) vel ab *accident alibus circumstantiis*.

Harum respectu morbi sunt


- 1) Chronici, acuti, peracuti.
- 2) Continentes, continui, intermittentes.
- 3) Epidemici, endemii, sporadici.
- 4) Contagiosi, non contagiosi.
- 5) Benigni, maligni.
- 6) Legitimi, nothi, regulares, irregulares.
- 7) Habituales, nondum obfirmati.
- 8) Corrupti, non corrupti.
- 9) Idiopathici, sympathici.
- 10) Salutares, lethales.
- 11) Curabiles, incurabiles.
- 12) Simples, compositi.
- 13) Periodici, vagi.
- 14) Vernales, æstiuui, autumnales, hyemales. *conf. Hippocrat. Sect. III. aphor. I. seq. it. de natura hominis Sect. III.*
- 15) Certam ætatem occupantes, vbi
  - a) in iunioribus caput,
  - b) in iuuenibus pectus,
  - c) in senioribus abdomen magis adficitur. *Conf. Stahl. dissert. de morbis ætatum.*
- 16) Secundum initium, incrementum, statum & declinationem differentes.
- 17) Certis diebus & horis mutationes subeuntes, e. gr. die indicatorio, critico, circa horas paroxysmorum.

### III. SIGNA.

1. Motus, siue ultra gradum & ordinem naturæ aucti, siue a vigore, quem principium vitale ordinarie seruat, remittentes.
2. Actionum, non solum vitalium & naturalium, sed & ipsarum animalium & rationalium perturbatio, exacerbatio, aliqua neglectio, cessatio.
3. Variarum anxietatum & dolorum symptomata.

### IV. SVBIECTA morborum









1. *Generatim* homo viuus, qui tamen a morbis raro infestatur, licet secundum mixtionem & structuram suam ad eosdem summam habeat procliuuitatem. Nam multi per totam vitam a morbis prorsus immunes viuunt. Vnde *Democriti* assertum, quod *Hippocr.* epist. 2. ad *Damaget.* refert, hominem totum a natiuitate esse morbum, de corpore quidem mixto satis verum, de vino autem falsissimum est.

2. *Speciatim* morbis præ aliis obnoxii

1) qui a motibus corporis laboriosis immunes sunt, pleno tamen & lautiore victu gaudent; inter quos litterati, lucubrationibus dediti, & molliter educati, principatum tenent.

2) Adfectibus animi grauioribus expositi, e.g. iracundi, admodum sensibiles, meticulosi, suspicaces.

3) Intemperantes, qui eibis non solum variis, sed sæpius etiam aduersis, corpus suum nimium replent.

4) Qui diætam scrupulosam & exquisitam ordinarie quidem obseruant, data autem occasione eandem negligere coguntur.

5) Feminae præ viris, ob maiorem inprimis animi sensibilitatem, molliorem corporis texturam, præcipue etiam ob negotium mensium, gestationis, partus & lactationis. Quæ considerationes haud dubie *Hippocratis* elogio, quod femina bis patiatur morbum, ansam dederunt.

6) Homines præ brutis. Licet enim eandem corporis habeant constitutionem, bruta tamen tales excessus in cibo, potu & adfectibus non committunt. Quo magis autem bruta cum corruptis hominum moribus commercium habent, eo facilius etiam morborum subiecta euadunt e.g. canes delicatuli, die Schoos-Hündchen, so die leckere Speisen essen, und auf weichen Rüffen schlafen.

## V. CAUSSAE.

1. Causa morborum *remota* est materialis corporis constitutio, quæ ad morbos facile subeundos summam habet procliuuitatem.

2. Causæ *proximæ* sunt

1) vel *generales*: nempe plethora & spissitudo humorum.

A 2

2) vel




- 2) vel *speciales*: vitia scilicet lymphæ, feri, salivæ, urinæ, bilis, muci, fæcum aluinarum &c.
3. *Causa procatarctica*, quæ dispositionem ad morbos in actum perducunt, sunt præcipue vitia ex sex rebus, *non naturalibus* dictis, provenientia, nempe aëre, motu vel quiete, somno vel vigiliis, cibo & potu, excretis, retentis, maxime omnium animi pathematibus, quorum efficacia omnes *materiales* causas longo intervallo post se relinquit.
4. Causæ etiam certorum morborum observantur periodi *ætatis*, diversitas *sexus* & *temperamentorum*.
5. Præcipue autem *adsuetudo* ægrotandi & *sensibilitas* subiecti multum valent ad morbos fovendos & reuocandos.

#### V I. PROGNOSIS.

1. Quo delicatius est subiectum, eo difficilius curatur morbus, & contra.
2. Plenariam visceris cuiusdam aut partis organicæ destructionem reparare, nec arti, nec naturæ concessum est.
3. Morbi, a causis *immaterialibus* dependentes, longe sunt pertinaciores, quam qui a *materialibus* proveniunt.
4. Morbi hæreditarii raro perfecte & prorsus auferuntur, cum primis si per crebrum recursum in habitum & consuetudinem deducti sunt, qui proinde mitigari tantum possunt.
5. Morbi *epidemici*, nisi malignitas complicata sit, facilius tolluntur, quam *endemi*.
6. Item morbi *periodici*, quam vagi.
7. Porro morbi *simplices*, quam *compositi*.
8. Morbi a *motuum defectibus* provenientes, maius periculum involuunt, quam qui a *motuum excessu* oriuntur.
9. Morbi certis *ætatibus*, *temporibus* & *tempestatibus* familiares, si eiusmodi circumstantiis respondent, minus periculosi sunt, quam qui multum inde deflectunt.
10. *Motus* morborum *extraordinarios* si sensibiles non sequuntur excretiones, melioris notæ non existunt.
11. Morbi *vernales* benigniores plurimum sunt, quam reliquorum temporum.
12. Morbi sine omni medicatione *sibi relict*i, longe manifestius indolem suam ostendunt, longe certius statas periodos & dies.















dies criticos obseruant, longe felicius & constantius conquiescunt, longe etiam tranquillius, si omnino superari nequeant, ad mortem deflectunt, quam qui variis medicationibus, præcipue manifeste operantibus tractantur.

13. Morbi sub initium causam materiale pro fundamento habentes, in consuetudinem autem degenerati, ita plerumque insolescunt, ut, sublatis licet causis materialibus, pertinaciter tamen durent & recurrant.

14. Multi morbi curantur sine Medico & medicina per *αὐτοκράτειαν* naturæ.

## VII. METHODVS MEDENDI ET REMEDIA.

1. Quoniam natura in plurimis morbis per secretorios & excretorios motus materiam noxiam e corpore eliminare allaborat: Medicus, qui illius minister esse debet, hosce motus secretorios & excretorios quouis modo imitari, & omni prudentia adiuuare studeat. Huic scopo inferuiunt remedia

1) *Pharmaceutica* e. g. emetica, purgantia, diaphoretica, diuretica, emmenagoga.

2) *Chirurgica*: venæsectio, scarificatio, hirudines, vesicatoria, fonticuli, setacea, incisiones, paracenteses.

3) *Dietetica*: prudens regimen circa sex res non-naturales, præcipue circa cibum, potum, calorem moderatum & animi tranquillitatem.

2. Ante autem, quam moueat Medicus, materiam prius mobilem reddere & vias aperire debet, per præparantia, incidentia, resoluentia, digestiua.

3. Pauciores etiam morbi obueniunt, ubi non conuenit, materiam noxiam directe & immediate *euacuare*, sed *corrigere*. Quare & in his, licet rarioribus casibus, prudenter se gerat necesse est. Corrigunt autem remedia alterantia, præcipitantia, temperantia.

4. Et quoniam non raro *motus* siue excessu, siue etiam nonnumquam defectu in morbis peccant, Medicus firmiter sibi persuasum habeat, *medicinam motuum* præcipuam esse partem praxeos felicitis, & discat

1) motus *excedentes* placide ad *mediocritatem* reuocare.

2) motus *erroneos* corrigere.



3) motus *deficientes excitare*.

Remedia, quæ motus excedentes & erroneos corrigunt  
atque sedant, sunt: spec ifica, anodyna, paregorica.

Motus autem exstimulanti: pleraq; euacuant ia superius  
nominata, item analeptica seu roborantia.

# VIII. CAUTELAE ET OBSERVATIONES PRACTICAE.

1. Si natura noxiam materiam eliminare intendit, vel actu iam  
euacuat, caueas sibi Medicus, ne addito stimulo fiat ni-  
mum.

2. Euacuationes *particulares* non adhibeat, nisi præmissis vniuer-  
salibus, h. e. instituta prius, vbi opus est, venæ sectione, ca-  
tharfi, sudatione &c. Non vero hæc omnia simul in quouis  
indiuiduo, sed pro ratione circumstantiarum adhibenda  
sunt.

3. *Quantitas* humorum pluribus morbis ansam dat, quam *quali-  
tas*; quod eo magis considerandum, quia vulgata praxis  
*circa correctionem qualitatis* materiæ potissimum occupata  
est.


4. Moderata autem durant, & omnes *tumultuaria* euacuationes  
tantum nocent, quantum *moderata* profunt.


5. *Motuum* magis quam *materiæ* respectum in omnibus morbis  
habere conuenit: qui proinde, ad euitandum errorem satis  
communem, non temere sistendi sunt.

6. Ad tempora morborum semper etiam respiciendum est, vi-  
delicet num cursu anni legitimo inuadant, ætati ægrorum  
quadrent, debitasque periodos exhibeant.

7. Denique Medicus dictum sibi putet, quod facilius sit, prorsus  
motus suppressere, quam moderari. Cauendum igitur  
est a falso illo elogio, quod *opiata* ad moderamen tantum  
motuum, non autem ad completam suppressionem pro-  
pinari possint & debeant.









## TABVLA II.

DE

## PLETHORA.

## I. DEFINITIO.

Plethora est abundantia sanguinis, ordinariam & debitam proportionem excedens, atque multis morbis ansam præbens. Deriuatur a πλήττω, impleo.

## II. DIFFERENTIA.

Plethora est vel

1. *Simplex*, vbi sanguis quantitate quidem excedit, sed nondum deprauatus est. Vel
2. *Complicata*, seu cum cacochymia coniuncta, id est, vbi vel notabilis spissitudo, vel alia dyscrasia humorum accedit.
3. Plethora porro diuiditur in eam, quæ est
  - a) ad *vasa*, quando sanguis simpliciter abundans vasa turgida reddit, sine vlla notabili molestia.
  - b) ad *vires*, in qua insignis lassitudo artuum, ac torpor membrorum accedit.
4. Plethora *sibi relicta* bene distinguenda est a *commota*, vbi ebullitio & orgasmus sanguinis concurrit.

## III. SIGNA.

1. Constitutio corporis plerumque florida & sana.
2. Vñs rerum, non naturalium dictarum, satis tolerabilis.
3. Speciatim tolerantia optima ciborum & somnus bonus, profundus ac quietus.
4. Quando autem plethora commouetur, vel corpus calore exterioro molestius adficitur, iactatio inquieta somnum turbat.
5. Et tum insomnia anxia ac præfigurationes effusionum sanguinis, pluuiæ, transitus per profundas aquas, vulnerationis per bombardas & gladios accedunt.
6. Adspectus faciei rubicundus in *sanguineis*, spongiosis; in *cholericis* autem & *melancholicis* notabilis vasorum inflatio.
7. Artuum grauitas & stupida adfectio, vulgo obdormitio.

8. Vñs



8. Vnde segnities ad laborem, & repentina sub qualicumque motu inconfueto fatigatio, palpitatio cordis, atque respirationis difficultas oritur; præcipue quando scalas vel alia loca accliuia scandunt. Quando autem post motum ad requiem veniunt, sensum contusionis persentiscunt.
9. Capitis vertiginosa aut remulenta afflictio, quando versus terram incuruatur, & repente iterum tollitur.
10. Sub leui excalefactione, quam cito plethorici incurrunt, obtingit sensus in cute leuissimæ punctiōis, quasi seta compungeretur.
11. Facilis sensatio a frigore & æstu.
12. Oculi continuo humidi.
13. Sensatio illa in feminis hystericis, ac si frustum glaciei capiti impositum esset, de plethorâ etiam testatur.
14. De reliquo plethorici continenter fere pulsum habent magnum & plenum.

#### IV. SVBIECTA.

Plethoræ plerumque expositi sunt homines


1. Otiosi & de diætâ plenâ atque lautiorē gaudentes.
2. Aetas iuuenilis præ senili.
3. Sexus femininus præ virili.
4. Qui euacuationibus sanguinis, siue naturalibus siue artificialibus, largiter antea adsueti fuerunt, iam autem illas, siue suppressas, siue omissas, negligunt.
5. Qui vitæ genus laboriosum in otiosum & sedentarium mutant, ratione nutrimenti autem corpori nihil detraxerunt.


#### V. CAUSSAE.

1. Causa efficiens est ipsa prouida natura, quæ in iunioribus corporis incremento, in viris viribus ad labores perferendos, in feminis autem negotio generationis prospicere intendit; vbi omnino aliqua penus adesse debet. Hinc erroris non accusanda est natura, dum abundantem sanguinem generat. Quando autem hi fines non obtinentur, quid miri? si morbosa consuetudina introducuntur.
2. Causa materialis in subiectis iam indicata est, nempe
  - a) diætâ largior cum otio & vitâ sedentariâ coniuncta.
  - b) Suppressio hæmorrhagiarum consuetarum.

#### VI. PRO-









## VI. PROGNOSIS.

1. Plethora *morbis* quidem adpellari nequit, est autem multorum morborum *mater*. Impedit enim sanguinis circulum, & energiam motus multum negotii facessit. Hinc debitæ secretiones & excretiones impediuntur, & varia craseos vitia sensim introducuntur, donec tandem organa vitalia labem contrahant.
2. Plethora per exagitationem corporis vel animi *commota* v. g. per celerem motum, regimen sudoriferum, potum spirituosum, partum difficilem, iracundiam &c. ineffabile damnum adferre solet.
3. Præcipue facile oriuntur congestiones, oppletiones, infarctus, stases, inflammationes, febres acutæ, spasmi, efferæ hæmorrhagiæ.
4. Leuiiores morbi plethoricis obuientes contumaciores sunt, quam in aliis subiectis; multo magis autem grauiiores & periculosæ febres.
5. Quoniam plurimi plethoricorum motum corporis laboriosum, ceu remedium efficacissimum, renuunt, morbi etiam, præcipue chronici, a plethora dependentes, funditus in illis non possunt extirpari.
6. Plethora, quæ ab hæmorrhagiis siue naturalibus, siue artificialibus suppressis vel neglectis, oritur, facilius morbos producit, quam reliqua.
7. Incommoda, quæ a plethora dependent, certius & citius solvuntur per hæmorrhagias naturales, quam per artificiales.
8. Plethora cum *spissitudine* & *cacochymia* coniuncta, non solum plures morbos, quam *simplex* generat, sed & varias morborum anomalias inuoluit.
9. *Nimia obesitas* seu *corpulentia*, quæ præcipue sanguineis ex plethora interdum prouenit, actiones animales & vitales, interdum etiam naturales, offendit, atque multis incommodis & periculis sensim inferendis par est. Facile enim adfectus rheumatico-arthritici, catarrhales, angustia præcordiorum, palpitationes cordis, asthmata, suffocationes, apoplexiæ succedunt.
10. Ipse Hippocrates passim adnotauit, quod in hoc *athletico* corporis



poris habitu, tamquam summo sanitatis gradu, diu subsistere non possimus, & eiusmodi subiecta repente saepius moriantur.

II. *Feminas* plerumque facit *steriles*, & si omnino conceperint, abortum non raro experiuntur.

## VII. METHODVS MEDENDI ET REMEDIA.

1. Plethoram *simplicem* imminuunt duo remedia satis efficacia, nempe

a) *cibus* parcior, &

b) *motus corporis* sufficiens, placidus & continuus.

2. Hæc duo autem remedia efficacissima, imo fere vnica, quia a multis plethoricis repudiantur, Medicus *duo alia*, sed minus efficacia, substituere cogitur, nempe

a) *laxationes* & *sudationes* leniores, singulis fere mensibus, exceptis calidis & frigidis, repetendas. Noti sunt hoc nomine *nodula laxantes* cum *elleboro nigro* combinati.

Sed quam parum possint, experientia docet.

b) *Vena sectiones* æquinoctiales, luna decrescente, in pedibus alternatim instituendas. De plethora prægnantium, vena sectione subleuanda, videatur *tabula de affectibus grauidarum*.

3. Plethora *commota* exposcit

a) *Orgasmi* sanguinis temperantia; quo nomine egregie conducunt nitr. depurat. ocul. cancr. acido citri saturat. conch. præparat. &c.

b) *Hæmorrhagiarum* naturalium suppressarum, præcipue autem mensium & hæmorrhoidum ratio habeatur. His enim reuocatis artificiales sapissime possunt omitti.

4. Plethora cum *spissitudine* sanguinis & *cacoehymia* complicata, quomodo tractanda sit, sequentes duæ tabulæ docebunt.

5. De *obesitate nimia* tractenda sub cautelis pauca dicemus.

## VIII. CAUTELAE ET OBSERVATIONES PRACTICAE.

1. Quod plethora detur, atque corpori detrimento sit, ipse iam Hippocrates obseruauit; dicens libr. de sanitate tuenda: *sanguis quum abundat, valetudinem vitiat*. Et sane tam ratio









rationes solidæ a priori, quam experientia præctica a posteriore faciunt, ut flaccescant flosculi illi rhetorici, quos *Helmontius* & ipsius ætate de *thesauro* & *balsamo vite*, cuius non possit dari excessus, in medium proferunt.

2. *Venæsectiones & scarificationes*, quam salutariter plethoricis eueniunt, si legitimo tempore & iusta ratione instituuntur, tam notabilia damna iisdem succedunt, quando immature & peruerse administrantur. Hinc cauendum.

a) ab insufficiente sanguinis emissionem, quia facile adfectus spastico-arthritici, erysipelacei, febres acutæ & inflammatoriæ proueniunt.

b) ab immatura venæ sectionis institutione. Quando enim eo tempore suscipitur, quo variæ sanguinis commotiones a quibuscumque causis inductæ sunt, sæpissime morbi, in primis acuti, siue inducuntur, siue auferuntur. Præstat igitur ebullitionem sanguinis per nitr. & temperantia prius placare, vel decursum præsentis morbi expectare. Sic etiam minus conducit venæ sectio circa solstitia.

3. *Venæsectio* omnibus generatim hominibus, utriusque sexui, & cuius ætati conuenit, exceptis fere admodum iunioribus.

*Plura videantur tabula chirurgica de Venæ sectione.*

4. *Scarificatio* minoris est efficaciam, & non nisi in subiectis spongiosis, in adfectibus intercutaneis, item per paroxysmos repullulantibus laudatur, sub hac autem cautela, ut frequentius, ad minimum singulis anni quadrantibus, repetatur.

*Conferatur tabula chirurgica de scarificatione.*

5. Quando incommoda plethoræ per euacuationes sanguinis artificiales sublata sunt, & æger ad plenam restitutionem peruenit, caueat sibi, ne temere easdem prætermittat, quia certius inde damnum subsequitur.

6. *Plethora commota* quia grauia damna producere potest, uti sub *prognosi* indicauimus, quam maxime caueat sibi ægro-  
tans ab omnibus remediis calidis & orgasmum sanguinis inducentibus; cuius census sunt alexipharmaca calida, cum primis sub regimine coacto propinata, olea destillata, purgationes vehementes, emeses, diætæ spirituosæ & aromatica,



balnea & pediluua nimium feruida, & motus corporis repentinus ac violentus.

7. Plethoræ euacuatio per interna medicamenta directe & immediate fieri non potest, sed vel agitando & mobilem redigendo sanguinem, vel naturam ad excretionem stimulantem, efficaciam suam edunt; vnde *Paracelsus* adsertum de *helleboris* & *chamaedri*, quod scilicet *tantum* sanguinis e corpore expurgent, *quanto pondere* propinata fuerint, cum grano salis accipiendum est.

8. Non imminuta prius sanguinis *quantitate*, nemo in animum inducat, *qualitatem* cacochymicam corrigere.

9. Incommoda plethoræ, quando infimas corporis partes infestant, venæ sectio in brachio instituatur, si vero superiores partes obsident, in pede administranda est, non urgentibus autem incommodis, ad ætatem respicitur. Hæc observatio hodie prorsus fere exoleuit. *Vid. tabul. chirurgica de venæ sectione.*

10. *Nimia obesitas* vti totam vitam satis molestam reddit, ita & in Medicis multas deliberationes excitauit, qua fieri posset ratione, vt eiusmodi subiecta ab hoc onere liberarentur,

11. Sed si dicendum quod res est & experientia docet, irrita & manca sunt consilia plurimorum. Secundum enim *veteres* *hepar calidum* temperare, vel secundum *recentiores* illud *fermentum* aut *sal* subigere & corrigere, quod lympham pinguem coagulat, id vanis speculationibus superstructum est.

12. Immo ne illa quidem methodus, quæ sanis rationibus innititur, hic sufficit. Licet enim blandæ laxationes & venæ sectiones æquinoctiales instituantur, excretiones naturales promoucantur, & diæta tenuissima imponatur, hæc tamen omnia obesitati nihil detrahunt. Hinc curiosa quidem, sed ad hunc finem inepta est *Sanctorii medicina statica*, licet celeberr. *Boerhaave* de hoc libello iudicet, quod nullus in re medica liber ad eam perfectionem scriptus sit.

13. Multo minus operæ faciunt pretium illa remedia, quæ *specifica* passim celebrantur, e. gr. piper, sal absinthii, succus citri, acërum squilliticum, decoctum ligni sancti, masticatio foliorum tabaci, & quæ alia auxilia vulgo laudantur.


14. Per
















14. Per *saluationem*, fortissima *purgantia*, frequentes *sudationes* & alia impetuosam remedia corpulentiam nimiam remouere, temerarium & periculosum est tentamen.
15. Exiguum etiam emolumentum adferunt *chirurgica presidia*, videlicet vesicatoria, fonticuli, punctura cum acubus, ut pinguedo effluere debeat.
16. Moderatus vsus *thermarum* & *acidularum* salutaris quidem subinde obseruatur, ita ut corpulentia quid detrahat & speciatim sterilitatem in obesitas feminis auferat; breui tamen post pristinum pondus refarcitur.
17. Sic & *febres acutae* atque *intermittentes* auferunt quidem saepius obesitatem ad summam vsque corporis extenuationem, non raro autem id, quod consumtum est, mox recuperatur.
18. Hinc nisi vita otiosa & sedentaria in laboriosam eamque *sufficientem* per prudentes successus & gradus mutetur, reliqua omnia erunt manca & inepta. In laboriosis enim, quamquam habitus corporis pinguis nonnumquam reperiatur, ad excedentem tamen corpulentiam non pertingit.

## TABULA III.

DE

## SPISSITVDINE SANGVINIS.

## I. DEFINITIO.

*Spissitudo* sanguinis est *consistentia* humorum iusto crassior, a plethora & motuum defectu originem ducens, variisque morbis occasionem praebens.

## II. DIFFERENTIA.

## 1. Spissitudo est

1) vel *simplex*, quae a dyscrasia humorum adhuc libera est.

2) vel *complicata*, quae variis specialibus inquinamentis & spissitudinibus humorum coniuncta, & ut vulgo



dicunt, qualificata est. Eiusmodi specificæ spissitudines occurrunt v. g. in scorbuto, lue venerea, item in febribus quibusdam malignis.

1. Hoc loco de *simplice* tantum spissitudine, aliis autem in locis de *complicata* dicemus.

2. Ceterum distinguunt etiam inter spissitudinem *generalem*, vniuersam sanguinis massam occupantem, & *specialem*, in certa corporis regione, vel in certis visceribus obseruandam.

### III. SIGNA.

1. Lassitudo & grauitas totius corporis, præcipue autem artuum.

2. Animus torpidus & anxius. *Schweres Blut, schwerer Muth.*

3. Frequentes pulsus & motus tonici mutationes.

4. Vnde caloris & coloris vicissitudines dependent, & habitus corporis modo strictior, modo laxior adparet.

5. Respirationis difficultas cum angustia præcordiorum, & cordis palpitatione.

6. Excretionum naturalium omnium qualiscumque retardatio.

7. Somnus inquietus & anxius cum insomniis terrificis.

8. Sanguis per venæ sectionem, vel alio modo emissus, est nigricans, & nexu suo firmiter cohæret, ita vt serosa portio cito & facile non secedat.

### IV. SVBIECTA.

Spissitudini sanguinis præcipue obnoxii sunt

1. Melancholici, vel sanguineo-melancholici.

2. Populi septentrionales præ meridionalibus.

3. Seniores præ iunioribus.

4. Feminae præ viris.

5. Præcipue sedentarii, otiosi, litterati.

### V. CAVSÆ.

1. Origo spissitudinis humorum a *motus circulatorii segnitie* dependet: sanguis enim floridus & optimus segni quiete spissescit, & longa mora concresecit.

2. Motus autem circulatorii segnitie quam maxime & primario dependet









- 1) a *plethora*, quæ mole sua proportionem & vim motuum superat, & vasa nimium replet.
- 2) a *motus voluntarii neglectu*, præcipue quando natura simul per profundas meditationes & speculationes ab actionibus vitalibus auocatur.
3. Hæ causæ primariæ quando adsunt, reliquæ, quas iam indicabimus, iniuriam facile vteriolem inferre possunt. Absentibus autem illis, parum iuris habent.
- 1) Refrigerationes immodestæ.
- 2) Diætâ crassa, acida, potus parcior.
- 3) Animi mœrores.
4. *Venena & philtrea* repentino & violento quâsimodo sanguinem inspissant, eoque ipso periculosos immo lethales adfectus produciunt.

## VI. PROGNOSIS.

1. Spissitudo sanguinis non tantum fonticos morbos producit, sed & alios, aliis ex causis natos, pertinaciter sustentat.
2. Sæpius morbos chronicos parturit, rarius acutos, rarissime repente funestos, nisi quidem ex veneno, philtreis & aliis repentinis causis inducta sit.
3. *Venam portæ* spissitudo præ aliis adficit, & vniuersum apparatus mali hypochondriaco-hysterici cumulat. Quo maiora itaque incrementa sumit spissitudo, eo grauiora quoque per eandem pathemata produciuntur.
4. Et quoniam talis inueterata spissitudo tam internas, quam externas corporis regiones occupat, paucis diebus non potest auferri; id quod contra tumultuariam & impetuosam methodum in adfectibus melancholicis & aliis probe obseruandum est.
5. Spissitudo vti a motus segnitie primum dependet, ita liberum circulum reciproce magis magisque impedit. Vnde op-  
pletiones, inflationes, distensiones, stagnationes inducuntur, ita vt spissitudo *simplex* in *complicatam*, id est, *cacochymiam* tandem deoluatur.
6. Et quem ad modum plethora rarius per se, sed per spissitudinem deum in morbidum statum transmigrat, ita vicissim spissitudo in serosos humores eminentius & quasi seorsim  
se



se extendit, & sine plethora peculiares morbos generat.

7. Et hæc sunt communissima pathemata, quæ a spissitudine tamquam causa materiali producuntur. Præter autem ea est simul causa impulsiva, propter quam varii motus vitales *extraordinarii spastici* a natura suscipiuntur, ut vltiores noxæ, nempe stases & corruptiones, præseindantur.

8. Ab his spasticis motibus resistantibus dependet, quod veræ *obstructiones*, quæ ex causis physicis in vasis exilissimis frequentes esse deberent, multo rariores sint, quam vulgo venditantur.

## VII. METHODVS MEDENDI ET REMEDIA.

1. *Alvus* per moderatissima laxantia, diluentia, salina, aperiatur, & aperta seruetur.

2. *Plethora* per venæ sectiones, vel etiam in succulentis per scarificationes imminuatur. Quantitatis enim remotione non præmissa, frustra erunt omnia resoluentia & attenuantia.

3. *Euacuationes sanguinis* naturales suppressæ reuocentur, & speciatim hæmorrhoides in viris per iustam hirudinum applicationem respiciantur.

4. Præmissis euacuantibus *corrigentia*, nempe diluentia & resoluentia temperata ex radicibus & herbis forma infusi vel decocti subiungantur.

5. *Dietâ* humectans, parum edendo & multum bibendo, coniungatur: calida aromata & spirituosâ excludantur, vinum, modice sumtum, in vsum trahatur ab iis, quorum circumstantiæ sumtus tales tolerant.

6. Præcipue autem *motus corporis* placidus & sufficiens eligatur. Hoc enim neglecto, reliqua omnia vel nihil vel parum efficiunt.

## VIII. CAUTELAE ET OBSERVATIONES PRACTICAE.

1. Est quidem *motus corporis* præstantissimum & tantum non vnicum spissitudinis corrigendæ remedium, notandum autem quam maxime, quod subiecta, hoc adfectu laborantia, quia labori non adsueta sunt, plus sub initium incommodi, quam leua-









leuaminis ex hoc remedio percipiant, atque eam ob causam illud mature omittant. Hinc quouis modo cauendum, ne motus corporis impetuose, fortiter & nimis diu primis temporibus suscipiatur, & damna illa, quæ a plethora commota proueniunt, producantur: Moderate potius & constanter omnia sunt peragenda.

2. Sic & omnia remedia pharmaceutica, quæ *impetuose* agunt, plus damni, quam emolumenti adferunt, e. g. emetica, purgantia fortiora, diaphoretica calida cum regimine coacto, volatilia, spirituosæ, oleosæ & reliquæ, quæ sanguinem exagitant.
3. Euitetur error ille crassissimus & vulgatissimus, qui spasmos illos, quibus natura stases crassorum humorum impedire adlaborat, per *anodyna opiata* tractare solet.
4. Non minus euitentur *martialia*. Vis enim aperiens & resoluens, quæ vulgo illis tribuitur, multa discretione accipienda est.
5. *Thermarum & acidularum* circumspæctus vsus hic non reiicitur, si modo reliqua paria sint, & præcipue sufficiens corporis motus coniungatur.
6. Minoris efficaciam sunt *balnea*, tepide adhibita, quibus humores copiosius ad peripheriam inuitantur, & fluiditatem quamcumque ibidem nanciscuntur.
7. *Chirurgia infusoria*, quæ aliquando sanguini spisso cacochymico emittendo, & nobiliori infundendo destinabatur, hodie exoleuit. Neque etiam facile locum inuenit, quia talia subiecta plerumque sunt tenerrimo sensu prædita. *Conf. tabul. Chirurgica de transfusione sanguinis.*



## TABVLA IV.

DE

## CACOCHYMIA.

## I. DEFINITIO.

*Cacochymia* est deprauatio *craseos* in massa sanguinea, varias humorum iniquationes inuoluens, atque a suppressione debitarum se- & excretionum frequentissime originem ducens. Deriuatur a κακός, malus, & χυμός, succus.

## II. DIFFERENTIA.

1. Cacochymia strictiore quidem significatione *mixturam humorum* innoluit, videlicet quando impuritates salinæ, biliosæ, acidæ, faculentæ, mucosæ maiore quantitate cum humoribus mixtæ sunt.
2. Latiore autem sensu prauitatem etiam *consistentiæ* comprehendit, quando scilicet humores vel nimis spissi, vt in scorbuto incipiente, vel nimis tenues, vel nimis oleaginei existunt.
3. Et quoniam partes *solide* pedetentim simul infestantur, adparet inde arctum vinculum, quod *cacochymiam* & *cachexiam* connectit.
4. Distinguunt vulgo *cacochymiam*
  - 1) in *benignam*, quæ iterum diuiditur
    - a) In *biliosam*, quæ e. g. in ictero occurrit.
    - b) *Salsam*, quam v. g. in scabie observamus.
    - c) *Mucosam*, quæ in plurimis sic dictis catarrhis apud phlegmaticos observatur.
    - d) *Aquosam*, quam hydropici adfectus sistunt.
  - 2) In *malignam*, quæ in lepra, lue venerea observatur, & de qua suo loco dicemus.
5. Porro etiam distinguunt *cacochymiam*
  - 1) in *simplicem*, quæ nullo alio morbo iuncta est, raro autem occurrit.
  - 2) *Compositam*, quæ cum aliis morbis e. gr. plethora spasmis









- smis, adfectibus hypochondriaco-hysteriis complicata est.
6. Ceterum *impuritas* sanguinis, quam cacochymici præsto est, differt a vera illius *corruptione*, *ei causa ab effectu*. Eius modi enim deprauatio humorum sæpe excurrit in effectus ulcerosos; id quod in scorbuto, lue venerea &c. obseruamus; quorum morborum effectus corruptius ipsam malum pertinaciter postea sustentat.

## III. SIGNA.

1. Quando *crasis* & *consistentia* humorum deprauata est, *organa colatoria* sensim læduntur.
2. Hinc impuritates debite neque fecernuntur, neque excernuntur.
3. Speciatim excretiones *alui* & *sudoris* languescunt.
4. *Appetitus* est deprauatus.
5. *Somnus* turbatus.
6. *Habitus corporis* plerumque est pallidus & tumidus, subinde etiam flauescens aut liuescens.
7. Quando *sanguis* quocumque modo emittitur, vitiosa illius *crasis* ipsis adeo oculis exhibetur.
8. *Vrina* est pallida & interdum turbida.
9. *Animus* etiam est torpidus & commotionibus facile expositus.

## IV. SVBIECTA.

1. Hic eadem primum subiecta accusanda sunt, quæ *precedente tabula* nominauimus.
2. Post hæc speciatim cacochymia corripuntur, quæ cum scabiosis, leprosis, lue venerea correptis &c. intimius commercium habent.

## V. CAUSSAE.

1. Cacochymiam deriuant vulgo ex intricata illa theoria de *generatione salium* in corpore nostro, & quem ad modum multas salium species supponunt, ita etiam ex quauis specie speciales morbos fingunt.
2. Ne vero in diffusum illud & confusum chaos dilabamur, in quod vulgaris pathologia tantum non omnes morbos, tamquam in suam originem, resorbet, & *cacochymiam* suam *scorbuticam* vbique ebuccinat, bene hic repetenda & digne con-



fideranda sunt, quæ sub *caussis præcedentis tabulæ* diximus.

3. Certissimum enim est, quod plurimi *qualitatum* morbi a *quantitate*, & hæc a *vita otiosa* dependeant. Atque hæc notanda sunt præcipue contra *Helmontium*, qui, negans *cacochymiam*, dicit: *si datur cacochymia, exoptat purgationem, non venæsectionem.*
4. Confirmatur hæc res toto die. Notum enim est, quod laboriosi homines, licet diæta utantur cruda, fælina, fæculenta &c. meliorem tamen sanguinem habeant iis, qui sunt otiosi; licet cibos molles, euchylos optime nutrientes sumant, & omnia in diæta ac usu medicamentorum impendant, ut sanguinem purum accipiant.
5. Itaque dicimus, quod *lesæ proportio motus ad humores, & humorum vice alterna ad motus* palmarium fundamentum sit *cacochymia*. Sic enim impuritates sufficienter non possunt sequestrari & excerni. Speciatim serum retentum inspissat lympham, atque humores salinos & biliosos in consortium suum trahit, unde reliquam sanguinis massam, intrando hanc, conspurcat.

#### VI. PROGNOSIS.

1. *Cacochymia* tam frequenter quidem non occurrit, quam vulgo accusatur; ubi autem revera adest, malum fonticum deprehenditur. Quem ad modum enim lentis successibus introducit, ita altas agit radices, humoribus laudabilibus intime inhæret, & ipsas partes organicas solidas perdetentim lædit.
2. Subitanea hinc & tumultuaria curatio plus nocet, quam prodest. Hac enim ratione heterogeneitates salino-mucido-biliosæ ex vinculo massæ sanguineæ non eliminantur, quia massæ laudabili, ut dictum, tenaciter adhærent.
3. *Complicata* deterioris est conditionis, & multo longiorem expositur curationem.
4. Cæterum si *Ettmullerus* dicit: *Cacochymia proles est cachexia*, explicatur id per ea, quæ num. I. de partibus solidis dicta sunt.


#### VII. ME-















## VII. METHODVS MEDENDI ET REMEDIA.

Quid ars in abstruso hoc negotio valeat, sequentia docent.

1) Impuritates sunt *corrigendæ*, & quidem

1) *Mucida* per diluentia, attenuantia, incidentia & resoluentia, ut eo melius per loca excretoria euacuari possint. Faciunt hoc

a) *Radices* temperatæ sulphureo-resinosæ, e. g. ari, vince-tox. pimpin. alb. zingib. drac. esculent. squill.

b) *Herbæ* eiusdem commatis.

c) *Gummata* temperata: e. g. amm. galb. sagapen.

d) *Salia* media: tartarus vitriolatus, nitrum antimoniatum, arcan. duplicatum.

e) *Tinctura* alcalinæ: e. g. antimonii, falis tartari.

2) *Salino-acres* & *biliosæ* per absorbentia cum nitro miscenda, it. mucilaginosæ & gelatinosæ.

2. Facta correctione & præparatione *euacuatio* mox subiungenda: hac enim non subiuncta, frustra est correctio. Nam *nullæ impuritates ita possunt corrigi, ut pro humoribus laudabilibus possint reputari.* Hinc

1) *Blandæ laxationes* corrigentibus subinde interponantur, vel *laxationes per epicrasin*, quæ utrique scopo satisfaciunt, instituantur.

2) *Diaphoreses* & *diureses* promoucantur per superius indicatas radices, herbas &c. Efficacissime autem per placidum & sufficientem *corporis motum*.

3) *Hæmorrhagiæ* naturales suppressæ reuocentur e. g. menses, hæmorrhoides.

3. Denique *tonus* roboretur

1) per neruina temperata e. g. per mixturam tonico - neruinam *Stahlii*.

2) - *Martialia* e. g. tincturam martis *Ludouici*.

3) - *Diætam* moderate aromaticam & vinosam.

## VIII. CAUTELÆ ET OBSERVATIONES PRACTICÆ.

1. Communissimum & vulgatissimum desiderium est ægrotorum, ut Medicus *sanguinem purum* medicamentis suis reddere debeat. Sed hoc opus, hic labor, quoniam causa



- principalis, nempe vita otiosa, in quam plurimis ægris non potest remoueri. *Conf. num. 5. & 6.*
2. *Veteres* per cacochymiam subaudiebant *genericam sanguinis deprauationem*, in varias speciales inquinaciones propendentem, atque hæc cacochymia tolerabili effectuum numero ab illis circumscribebatur; *recentiores* autem *cacochymiam* suam *scorbuticam* in *figuras* ac *potentias innumeras* extendunt, & *modos materie* ita multiplicant, vt in qualibet speciali parte certam *materialem figuram* quærant, cuius *acumina* obtundi debeant.
  3. *Conceptus Hippocratis de mille saporibus* huic conceptui ansam dedisse dicitur, sed *senex* ille magis, quam *rimatores* illius excusandi sunt: monet enim prudentissime, nihil omnium horum *saporum* alterare corpus, nisi in suo genere plane *excellat* & *energia sua excedat*.
  4. Caterum negari non potest, quod natura satis compos sit innumeras nouas mixtiones, quas nos ne mente quidem adsequi valemus, formare.
  5. Quoniam optimus & floridus sanguis sub motu suo circulatorio in dies & horas ita resoluitur, vt bonus esse desinat, corpori noxius euadat, & hinc impuritatem humorum augeat, necesse quoque est, vt singulis diebus & horis tale remedium ad manus sit, cuius ope hæc inquinaciones remoueantur.
  6. Quis autem hic non videt, decantatas sanguinis depurationes, quas vulgo circa æquinoctia præscribimus, hic non sufficere. Sic etiam transfusio boni sanguinis, quam olim in hunc finem laudabant, & ex vno corpore in aliud derivabant, huic rei non satisfacit. Si enim omnino per subiectorum quorundam minorem teneritudinem fieri posset operatio, sæpissime tamen repetenda esset, ob dictam inquinacionem, in massa sanguinea quotidie exorientem.
  7. *Euacuatio* impuritatum plus valet, quam *correctio*, cuiusque etiam speculationi superstructa, Hæc enim, nisi evacuationem habeat subiunctam, magis auget, quam tollit cacochymiam, quia per remedia talia, quæ corrigentia  
audi-









audiunt, multæ terrestres, salinæ & sulphuræ partes in corpus ingeruntur.

8. *Thermarum & acidularum* vsus, qua circumspeditione indigeat, *precedente tabula* indicauimus.

9. Cæterum valent hic eadem cautiones, quæ *precedente tabula* indicatæ sunt.

## TABVLA V.

DE

# HÆMORRHAGIIS GENERATIM.

## I. DEFINITIO.

Hæmorrhagia naturalis est vitale negotium naturæ, seu principii agentis in corpore humano, quo sincerus sanguis, quantitate plurimum excedens, euacuatur, ad motum sanguinis progressuum facilitandum, & incommoda grauiæ, quæ plethora inducere valet, præcauenda. Deriuatur ab *αἷμα*, sanguis, & *ρήγνμι* rumpo.

## II. DIFFERENTIA.

Hæmorrhagiæ sunt vel

1. *Naturales*, quæ ab interna causâ, directione, & tacita quasi commotione, nempe ab ipsa natura, dum per motum tonicum sanguinem ad specialem locum congerit, excitantur. Hic excluduntur quidem causæ violentæ, non autem aliæ occasionales externæ. Species sunt

1) Hæmorrhagia narium.

2) Hæmoptysis.

3) Hæmorrhoides.

4) Fluxus mensium.

5) Fluxus lochiorum.

6) Vomitus cruentus.

7) Mictus cruentus.



2. *Præternaturales*, quæ a causis externis & violentis originem sumunt, e. g. a lapsu, adlisione, vulneratione, corrosiuis. Huc etiam pertinent hæmorrhagiæ artificiales, per venæ sectionem, scarificationem, &c. inductæ.
3. Hæmorrhagiæ naturales possunt etiam dici *actiue*, & præternaturales *passiue*.
4. Naturales dicuntur, non quod de natura & essentia hominis sint, nam multi sexus masculini per totam vitam ab hæmorrhagiis immunes viuunt, sed quod *natura* hoc remedio vtatur, quando per corruptos hominum mores plethora inducta est.
5. Sunt adhuc aliæ sanguineæ excretiones, quæ extraordinariam & pertinacem agentis intentionem indicant, nempe
  - 1) Quando e. g. in *brachio* vel *pede* sanguis sponte erumpit, de qua re notabile exemplum reperitur in *dissert. Stahlî de motu tonico vitali*.
  - 2) Et notæ sunt abunde *varicum* in cruribus fluxiones.
  - 3) De mirabili quadam hæmorrhagia per *umbilicum* legi meretur *Hildanus cent. 3. obs. 37*.
  - 4) De *sudore sanguineo*, modo vniuersali, modo particulari, multa exempla passim leguntur, quæ singulæ ad *naturales* fluxus omni iure referendæ sunt.
6. Hæmorrhagiæ differunt ratione *ætatis* e. g.
  - a) Hæmorrhagia narium familiaris est iunioribus:
  - b) Hæmoptylis mediæ ætati,
  - c) Hæmorrhoides & mictus cruentus ætati prouectæ.

Ab his per ætatem differentibus hæmorrhagiis dependent *morbi ætatum*. Vid. *Stahlî diff. de morbis ætatum*.
7. Differunt etiam ratione *indolis*, aliæ enim sunt *modicæ* & bonæ, aliæ *nimiæ* & malæ.
8. Differunt denique ratione *temporis*.
  - a) Aliæ certa tempora obseruant, & hinc *periodicæ* dicuntur; ad quas etiam referri potest hæmorrhagia *critica*, in febribus continentibus contingens.
  - b) Aliæ statas periodos non obseruant, & hinc *vagæ* dicuntur.









## III. SIGNA.

1. Hæmorrhagiæ *simplices*, a causis *mere internis* prouenientes, *tacite* quasi, & sine vilo notabili sensu, impetu & incommodo plerumque oriuntur.
2. Quando autem omnino sensus aliquis præcedit aut concurrir, est ille plerumque tantum tendens, grauans & premens.
3. Quo *insignior* autem plethora adest, eo difficilius cedit negotium, & eo facilius dolores pungentes & lancinantes circa illam regionem sese exserunt, in qua excretio sanguinis intenditur.
4. Cessant autem hi dolores & reliqua incommoda, quam primum hæmorrhagiæ legitime succedunt.
5. Cæterum *moderate* hæmorrhagiæ sponte sua post sufficientem euacuationem subsistunt; quæ vero *turbantur*, multas anomalias & eruptione & progressionem & cessationem inuoluunt.

## IV. SVBIECTA.

1. Hæmorrhagiæ omnibus fere ætatibus solemnes sunt, cuius tamen ætati per peculiaria loca, vtisub *differentia* indicatum est. *Conf. Hippocrates III. Sect. 27. & 29. aphor.*
2. In primis tamen hæmorrhagiis obnoxii sunt iuniores, qui sanam & floridam habent constitutionem.
3. Plethorici, indolis *agilis & sensibilis*, id est, temperamenti sanguineo-cholericis, sanguineo-melancholicis, vel cholericis sanguineis & melancholicis sanguineis.
4. Magis illi, qui sanguinem fluxilem, sanum & floridum habent, quam alii, qui eiusdem dyscrasia laborant.
5. Qui de aromatica & vinosa diætâ gaudent.
6. Maxime omnium, qui vehementibus animi commotionibus, præcipue autem iracundiæ expofiti sunt. Hinc
7. In brutis hæmorrhagiæ satis raro obseruantur.

## V. CAUSSAE.

1. Hæmorrhagarum causa *materialis* est plethora, consentientibus plerisque antiquis.
2. *Simplex* autem plethora non exhaurit vniuersum negotium

D

nam



nam multi plethorici ab hæmorrhagiis & aliis *symbolicis* adfectibus prorsus immunes viuunt.

3. Sed *commotio* plethoræ plurimum valet ad hæmorrhagias concitandas.

4. Commouent autem plethoram, & sic ad hæmorrhagias suscipiendas naturam excitant

a) Calida, aromatica, spiritiuosa, fermentatiua, sanguinem rarefacientia.

b) Exagitatio *corporis* vehemens, & connisus fortior ad pondera tollenda.

c) Constitutio aëris calida.

d) Repentina refrigeratio, corpore calente.

e) Commotiones *animi* insignes.

5. Causa efficiens omnium hæmorrhagiarum naturalium est *principium agens*, quod per tales excretiones plethoram imminuere, & sic multa incommoda auertere intendit. Adsuescit etiam facile hisce excretionibus, & easdem, licet plethora absit, continuat. Huc pertinent hæmorrhagiæ ex *hereditate* pullulantes.

6. Exsulent itaq; causæ stasium passiuarum, fermentationum, acrimoniæ, vasa arrodentis, item etiam spissitudinis, a cuius intercepto transitu venæ obstruantur & distendantur, ut dehiscere necesse habeant; quæ omnia simplicibus hæmorrhagiarum phænomenis & circumstantiis repugnant.

## VI. PROGNOSIS.

1. Hæmorrhagiæ naturales secundum *intentiones agentis* consideratæ, omnes quidem salutarem finem respiciunt, ob varias autem circumstantias, præcipue ob loca periculosa, per quæ sanguis excernitur, optatum effectum non semper attingunt.

2. Hinc hæmoptysis, vomitus & mictus cruentus periculose sæpius exeunt. Interea tamen non considerandæ sunt hæmorrhagiæ, ut accidens præternaturale, quod thesaurum vitæ perdat. Licet enim non nullæ hæmorrhagiæ excedant, ob hos tamen errores vniuersum negotium non possumus damnare.

3. Re-









3. Reliquae autem haemorrhagiae, legitime & moderate succedentes, eximiam adferunt utilitatem. Praecipue
  - 1) Multos morbos, qui plethoram sequuntur, praecavent.
  - 2) Soluunt illos, qui ex eodem fonte originem sumserunt.
  - 3) Multa mala chronica, eaque pertinacia, auferunt, e. g. haemorrhoides tollunt pathemata hypochondriaca & plures alios abdominis adfectus.
  - 4) Non solum non debilitant, sed trahunt etiam post sese manifestam corporis alacritatem.
4. Immo, licet haemorrhagiae copiose & impetuose succedant, non facile tamen insignis debilitatio sentitur, multo minus tam frequenter phthysici & hydropici effectus sequuntur, uti vulgo traditur.
5. Quando autem haemorrhagiae, ut moris est, per varia incongrua artificia, praecipue adstringentia, cohibentur, succedunt stagnationes, stases, inflammationes, febres pessimi moris, & alia fontica mala.
6. Haemorrhagiae, quo magis statas periodos formant, coartius etiam moderate sese gerunt.
7. Omnes haemorrhagiae, quae laborioso *natura* conamine & insigni *nisu* exprimuntur, plerumque ad *excessum* inclinant, principium enim vitale non facile a tali excretionem desistit, quæ multo labore fuit obtinenda.

## VII. METHODVS MEDENDI ET REMEDIA.

1. Haemorrhagiae moderate, legitime & per loca conuenientia fluentes, nulla indigent medicatione.
2. Quando autem contrario modo se habent, prudenti ratione illis occurrendum est.
3. Ante omnia intentioni naturae, quae plethoram imminuere intendit, satis fiat
  - a) Per *vena sectiones extra paroxysmum*, circa aequinoctia, conueniente loco instituendas.
  - b) Per *scarificationes* vel *hirudines*, pro diuersa circumstantiarum ratione admouendas.
  - c) Per *metum corporis* laboriosum, modestum, perennantem.



4. *Quantitate sanguinis imminuta eiusdem qualitas corrigatur, & quidem iterum extra paroxysmum.*

a) Ad crasin sanguinis *sulphureo-acrem* corrigendam adhibeantur *nitrosa & absorbentia*; item etiam *emulsiva & lenia acida* e.g. nitr. depurat. lap. prunellae, ocul. cancr. conchae praeparat. mater perlar. succus citri, berberum, ribium,

b) Ad crasin sanguinis *spissam* attenuandam conducunt *resoluentia, incidentia, attenuantia*; e.g. salia media digestiva, antiscorbutica temperata, & radices alexipharmaco - diureticae. Ex his & lenioribus laxantibus vinum medicatum parari, & per octo circiter dies vsurpari potest.

c) Commendetur potus satis dilutus & parcior victus.

d) Iniungantur simul cautelae de causis occasionalibus & procataceticis evitandis, praecipue animi commotionibus.

5. *In paroxysmo exhibeantur*

a) Pulveres *orgasmi* sanguinis contemperantes e nitrosis, absorbentibus & cinnabarinis parati v. g.

Recip. Nitr. depurat.

Ocul. cancr. acido citri saturat. ana drachm. ij.

Cinnabar. opt. praeparat. gran. XXX.

M. & duarum horarum interuallo exhibeatur scrupul. i.

b) His pulveribus interponatur subinde mixtura tonico-neruina *Stahlii*, quae simul effectum habet diuretico-discutientem.

Recip. Spirit. C. C.

Tinct. antimon. tartarif. vna vnc. semis.

M. dos. gtt. XXX.

c) Si his non cedit haemorrhagia, tum vel cortex cascarillae, vel cinnabaris larga dosi cum pulveribus temperantibus propinetur, vel *moderate sistentia*, & *sedativo-anodyna* in usum trahantur, dictisque pulveribus immisceantur e.g.

Recip.















Recip. Pulueris iam descripti drachm. I.

Specier. de hyacinth. gr. XVI.

MP. de cynogloss. gr. IV.

M. D. in 4. partes, & versus noctem vna vel altera propinetur, non neglectis per diem pulueribus *simpliciter* temperantibus.

d) *Adstringentia* autem *fortiora* non exhibeantur, nisi summa urgente necessitate, de quibus sub *speciebus* hæmorrhagiarum plura dicentur.

e) Post paroxysmum, si ingens sanguinis quantitas euacuata est, analeptici, emulsiui & gelatinosis, non autem spirituosus, æger reficiatur.

#### VIII. CAUTELAE ET OBSERVATIONES PRACTICAE.

1. Facilius est *hecticam* per *adstringentia* prouocare, quam hæmorrhagias per eadem sistere; nam in *parua* dosi exhibita fluxum non sistunt, sed potius augent, quando autem *copiose* ingeruntur, succedunt viscerum obstructions & harum coniectaria, nempe stases, suppurationes &c.

2. Vt itaque error, pluribus communis, euitetur, sequentes regulæ, quæ errare non permittunt, de usu *adstringentium* obseruentur.

a) Non exhibeantur, nisi omnia prius adplicata sint, quæ superius commendauimus.

b) Quando autem casus necessitatis eorum usum efflagitare videtur, tum potissimum *externe*, raro autem, nec affatim *interne* exhibeantur.

3. Nam absurdum & rationi contrarium est, per talia remedia hæmorrhagiis occurrere velle, quæ sanguini, vasa & vias prement, *exitum* solum, sed non *aditum* prohibent.

4. *Adstringentia*, utpote paucis sæpius granis exhibita, non perueniunt ad locum *diffitum* e. g. pulmones, vterum, sed ipsi naturæ, sensu tali adstrictorio cum ventriculo communicato, motum similem imprimunt, quæ deinde eundem non solum in locis periclitantibus, sed facile etiam in aliis visceribus administrat.

5. Ex *amuleticis puluis sympathicus Dygbai* satis probatus est, & in *extremis* sacra ancora: Scrupulosa autem vitrioli ad eum-



- eundem parandum electio, nullum habet vsum: sufficit vitriolum bonum, leuiter contritum, diebus *canicularibus* sub solis radiis ad albedinem calcinare. Soluitur huius pulueris drachm. I. vel II. paucioribus aquæ cochlearibus, cui solutioni sanguis deinde instillatur, seu inspuitur, & sub exiguo calore spatula lignea agitur.
6. Radix *pseudo-acori*, seu *irid. vulgaris, palustr.* in taleolos confecta, & frustulum sub lingua detentum, admodum notabilem adstrictionem efficit, & experientia satis probata est. Modo obseruetur, quod amuletica non *sub impetu* fluxus, sed statim *sub initium*, vel in *declinatione* adhibenda sint.
  7. Radix autem *nigella*, quam *Simon Pauli* admodum deprædicat, manu vel ore detinendam, est quidem *subadstringens*, sed sine successu ab aliis exhibita.
  8. *Bufo*nis *exsiccati* adplicatio, quæ *Helmontii* temporibus admodum inclaruit, bene se commendat; inprimis in hæmorrhagia *uteri*, quadantenus *narium*, non æque adeo in *hæmoptysi*. Inuoluitur linteo, & ne aperiatur, sigillo munitur, atque sub axillis gestatur. Iuuat aliquando, vbi adstringentia sine effectu adhibita fuerunt.
  9. *Borellus* quam maxime commendat vsum *iaspidis rubre* amuleticum, sub axillis detinendo, de collo suspendendo, seu fronti adplicando.
  10. *Vulgus* loco *iaspidis* laudat concretum illud minerale, *hæmatitem*, nec irritum semper.
  11. *Sanguis ægri tostus*, contritus, & instar pulueris sternutatorii, adplicatus, bonum etiam effectum edere dicitur.
  12. Hæmorrhagia, quæ per adstringentia, specifica, amuletica, sympathetica, suppressa est, mox exposcit vsum *diluentium* & *temperantium*, ne stricturæ contumaciter continuent, atque alia damna producant.
  13. Circa *ligaturas* partium sequentia sunt obseruanda.
    - a) Fieri illæ debent in partibus *extremis*, pedum scilicet & manuum.
    - b) Pars ligata non penitus opprimatur, sed maneat aliqualis sanguinis concursus.

c) Ne-









- c) Neque nimis *cito* ligatura est soluenda, neque etiam nimis *diu* in illo gradu detinenda ne sphacelus producat.
14. Ex *euporisticis* topicis, sed ingratis; *stercus suillum* seu *equinum* commendatur.
  15. Mixturam tonico nervinam, de sale volatili participantem, in hæmorrhagiis commendare, in quibus sanguis iam notabiliter fluxilis & exagitatus est, videtur rationi planissimæ repugnare; sed volatilia *sola* non commendantur, verum cum *alcalicis fixis* combinata, utpote optimo effectu sæpissime confirmata.
  16. *Salia* autem *volatilia*, quando *sola* & insuper largis dosibus adhibentur, in hæmorrhagiis æque ac in febribus tumores oedematosos facile relinquunt.
  17. Multo segnior est efficacia remediorum in *paroxysmo*, si *extra eundem* venæ sectio non fuit administrata, & tamen manifesta plethora concurrit.
  18. Hæmorrhagiis nimis quando vires exhaustæ sunt, caueat sibi æger a multis *lectionibus*, quia oculi quam maxime per eandem tum debilitantur.
  19. Contingit, rarius tamen, ut hæmorrhagia ex *arteriola* cuiusdam extremitate proveniat, ac tum quidem ad excessum facilius inclinet. Et quem ad modum talis fluxus plerumque a causis paululum vehementibus excitatur, ita & celerior quodam modo curationem exposcit.
  20. *Hæmorrhagiæ* ab hæreditatis causa dependentes eadem quidem methodo tractantur, maiorem autem exposcunt patientiam, & regimen animi temperatissimum. Præterearecursus paroxysmi per temperantia & sedativa mox præscindendus est, ut natura hunc euacuationis actum tandem obliuioni tradat.
  21. Falsus est conceptus vulgaris, quod sanguis vel optimus vel pessimus per hæmorrhagias excernatur. Licet enim consistencia spissa & color nigricans interdum obseruetur, hæc tamen a diuturna illius mora in locis excretoriis dependent.
  22. Hæmorrhagiæ *passivæ* quo modo tractandæ sint, *tabula chirurgica* LIX. docet.



## HÆMORRHAGIA NARIVM.

## I. DEFINITIO.

Hæmorrhagia narium est euacuatio sanguinis, modo per hoc, modo per alterum narium foramen, a natura ipsa, motu tonico speciali, & eum quidem in finem suscitata, ut per illam plethora imminuatur & motus sanguinis progressivus facilitetur. Derivatur ab αἷμα, sanguis, & ῥήγνμι, rumpo.

## II. DIFFERENTIA.

1. Differt hæmorrhagia narium ratione *indolis*,

a) Est enim vel *boni moris*, quæ placide, & proportionate accedit, succedit, & sponte sua salutariter iterum cessat.

b) Vel est *mali moris*, quæ laborioso molimine & impetu effero erumpit, quantitatem sanguinis vero nimiam emittit, & varia incommoda producit.

2. Hæmorrhagia narium, quando in morbis *acutis* contingit,

1) vel est *critica*, quæ post commotiones sanguinis insignes in febribus *continentibus* exquisito temporis ambitu circa dies criticos, inimo statas horas erumpit, & hoc quasi proprium habet, ut *copiose* profluat, unde antiquum Medicorum dicterium enatum: *nullum criticum est paucum*.

2) vel est *symptomata*, quæ extra dies criticos morbis accedit, sed euentu non semper salutari e. gr. febribus petechiantibus, variolis &c.

3. Quando autem hæmorrhagia hominibus *extra morbos* constitutis euenit, dicitur illa *chronica*, quæ vel statas periodos seruat, vel incerto tempore erumpit.

4. *Phlegmatorrhagia* narium, a *Salmutho* commemorata, ipso quidem nomine sub primo auditu se distinguit ab hæmorrhagia









*gia narium*, ratione tamen caussarum nulla insignis intercedit *differentia* ; sicut etiam ipsa *coryza* , si modum *fiendi* & *succedendi* consideremus, iisdem cum hæmorrhagia narium rationibus innititur, *Conf. tabula de coryza*.

## III. SIGNA.

1. *Mitior* hæmorrhagia narium *sponte* & quasi *tacite* plerumque erumpit, & sine vlllo incommodo succedit ; idque frequentius æstiuo quam hyemali tempore.
2. *Minus* autem *talis* laboriosis plurimum moliminibus ante eruptionem conspicua est , nempe
  - 1) accedunt *congestion*es sanguinis modo versus vnum, modo alterum, modo vtrumque capitis latus, admodum *molestæ*.
  2. *rubor* genarum.
  - 3) faciei &
  - 4) vasorum colli temporumque inflatio.
  - 5) *tinnitus* & sonitus aurium.
  - 6) *Oculorum dolor* grauatiuus cum prominentia , siccitate & scintillulis.
  - 7) *Capitis* vertiginosa afflictio, cum pruritu narium & sensu grauatiuo, præcipue circa nasi radicem.
  - 8) *Insomnia* de sanguine, incendiis &c. in nonnullis præcedunt.

In partibus autem *oppositis* & *remotis* a motu tonico nimis aucto proueniunt

- 1) adstrictio *alui*.
- 2) *urinae* non tantum imminutio, sed etiam tenuitas.
- 3) *tensiones* in hypochondrio, præcipue dextro.
- 4) *sudoris* suppressio.
- 5) *frigus* partium inferiorum.

## IV. SUBIECTA.

1. Hæmorrhagia narium competit plerumque *iunioribus*, intra secundum & tertium septenarium adhuc constitutis.
2. Sexui magis *virili*, quam feminino.
3. Plurimum manifesto *plethoricis*.
4. Vbi autem ab hæreditate dispositio adest, vel *adsuetudo*, aut externæ insolentes *commotiones*, ibi etiam extra plethoræ



insignem præsentiam euenire solet.

5. Quibus autem *post annum XXX.* & quidem sæpius contingit, illi etiam simul solent vexari *rheumaticis, arthriticis aut spasticis* aliis congestionibus.
6. Nonnumquam per *palindromen* ætate iam adultiore accidit illis subiectis, quæ iuniore ætate eidem hæmorrhagiæ obnoxia fuerunt, deinde alias vicarias euacuationes experta, ab his autem iam libera sunt.
7. Subiecta hæmorrhagiæ narium *critica* per se nota sunt.
8. Quod *scorbutici* hæmorrhagia narium subinde corripiantur, non est mirum, nam scorbutus natales suos plurimum debet plethoræ.

#### V. CAUSSAE.

1. Causa *antecedens remota* est *etās puerilis*, huic sanguinis eruptioni præ aliis fauens.
2. Causa *proxima* est plethora & quidem commota.
3. Causæ *occasionales* sunt
  - 1) *corporis & animi* commotiones vehementes, præsertim exercitium memoriæ in pueris, it. eiulatus, lacrymae, & sub hoc plorandi actu copiosa in nares derivata humiditas, unde, stricto collo & pectore, facies rubore perfunditur & venæ capitis inflantur.
  - 2) *assuetudo*.
  - 3) dispositio & causa hæreditatis.
  - 4) *violenta* ad lisiones, contusiones, ictus narium & corrosiua.
  - 5) *abusus vini* & aliorum spirituosorum ad inebriationem usque, vel aromaticorum.
  - 6) *ingens feruor solis* aut conclauium calefactorum.
  - 7) immo subinde leuissimæ causæ hic sufficiunt e. g. sternutatio, refrigeratio, capitis ad terram inclinatio, agitatio narium inter lauandum earumque levis pruritus, scalptio & fortior emunctio.

#### VI. PROGNOSIS.

1. Per vulgus notum est, quod hæmorrhagia narium moderate & proportionate succedens, alacritatem adferat, & ab artuum gravitate, ante eruptionem in plethoricis sæpius præsentem, liberet.
2. Quan-









2. Quando autem hæmorrhagia narium *adsuefacta*, sub constitutione plethorica, iterum cessat, vel adstringentibus peruerse tractatur, succedunt gravitas corporis, congestiones circa caput, inflationes vasorum, oculorum rubores & dolores, ophthalmiæ, capitis tendentes, pulsantes & æstuentes dolores, lucis liberioris impatientia, *conf. tabul. de hæmorrhagia narium suppressa.*
3. Metus ille vulgaris subsecuturæ phthiseos, post largiorem in puerili ætate hæmorrhagiam narium, sæpius quidem frustra, interdum tamen non plane de nihilo censendus est. Si enim accedente ætate hæc congestiones a capite in pectus defultant, nec tempestivis sanguinis euacuationibus natura ab hoc loco auocatur, molimina hæmoptyica & tandem phthisis succedere possunt.
4. Hæmorrhagia narium *critica*, largiter profluens, febrem salutariter soluit cum vniuersali euphoria; *minore* autem quantitate succedens, criseos nomen non promeretur, & peius cedit totum negotium. Quando autem per adstringentia supprimitur, phrenitidem & vitæ periculum efficit. *conf. tabul. de febre synocha.*
5. Hæmorrhagia narium *symptomática*, in febribus petechizantibus, variolis & aliis malignis, optimæ non est prognoseos; in variolis tamen & morbillis, præcipue sub initium, non æque ac in reliquis periculosa.
6. Ita adsuescunt facile hæmorrhagiæ, ut non solum a naribus per ætatum gradus ad quaelibet alia sanguinis emunctoria tendant, sed etiam tanto promtius iterum ad nares recurrant, quando successus illarum in aliis viis impeditur.
7. *Habitualis* autem illa narium hæmorrhagia, quæ ætate minus congrua contingit, labem cuiusdam visceris abdominalis sæpe coniunctam habet. Vnde
8. Hypochondriacis tandem, cachecticis & hydropicis hæmorrhagia narium nihil boni præsagit, inprimis si e latere opposito stillat sanguis.
9. In *senibus* narium hæmorrhagiæ altioris sunt considerationis, quam quidem in iunioribus; præcipue quando



haemorrhoides suppressas excipiunt. Dum enim congestiones ad caput contingunt, fluxus autem secundum mores illius aetatis non legitime succedit, vertigini & apoplexiae porta aperitur.

10. *Nimia* haemorrhagiae narium vires admodum prosterunt, & cachexiam, hydropem, tabem, rarius autem mortem praesentaneam inferunt.

## VII. METHODVS MEDENDI ET REMEDIA.

1. Quoniam voluntaria haec sanguinis eruptio sponte plerumque iterum cessare solet, absit in paroxysmo omnis medicatio, si fluxus legitime succedit, nempe

- a) Quando *moderate* fluit.
- b) sanguinem *floridum* sub satis conspicua plethora exhibet.
- c) aetati *congruae* respondet.
- d) praecipue si iam in consuetudinem abiit, & alacritatem potius, quam virium iacturam inferre solet.

2. In *effera* autem narium haemorrhagia, quae nimis *copiose* profluit, ob leuissimas, non euitandas occasionales causas, *sepius recurrit*, aetatem minus congruam occupat, & vires prosternt, sequente methodo incedendum est.

### A. in paroxysmo.

1. Ad orgasmum sanguinis sulphureo agilioris contemperandum exhibeantur

- 1) Pulueres nitroso-absorbentes cinnabarati e. g. nitrum depurat. lap. prunell. mater perlar. ocul. cancr. conch. praeparat.


- 2) Item acidula, emulsiva & gelatinosa v. g. tinct. flor. bellid. mixtura simplex, tinct. papau. erratic. decoct. C.C. decoct. rasur. ebor. serum lact.


- 3) Quod si vero in casu quodam *rebelli* temperantia non sufficerent, lenia anodyna iisdem immisceantur: vbi M. P. de cynogloss. ad gr. j. ij. pro dosi reliquis praefertur, & versus somnum cum pulvere temperante propinatur.

3. Aequalis *motus tonici* distributio promoveatur, inprimis sub declinatione paroxysmi.

- 1) *interne* conducunt: mixtur. tonico-neruina *Stahlii* e fale















fale volatili & alcali fixo parata. It. infusa ex herbis millefol. fanicul. plantag. pyrol. virg. aur. angust. fol. it. lenia laxantia.

2) *externe*: frictiones, signaturæ veterum, sinapismi, ligaturæ extremorum, adsplicatio spir. vini camphorati, pediluvia tepida, quæ reuellendi scopo bene se commendant.

4. *Dietæ* conueniens iniungatur, nempe

1) abstinencia a cibis aromaticis & potu spirituofo.

2) euitatio æstus nimii solaris & hypocauftorum.

3) moderamen animi pathematum.

5. De *specificis* & *adstringentibus* in desperatis casibus, externe adhibendis, *vid. cautel. sub hæmorrhag. generatim*. Præ aliis autem in hac fluxus specie laudantur: iaspis rubra, bufo exsiccatus, puluis sympathet. dens hyppopot. rad. irid. vulgar. palustr. *vid. etiam subsequentes obseruat. practica.*

#### B. *Extra paroxysmum.*

intentioni naturæ satisfaciendum

1. in *adultioribus* per vicarias *venæ sectiones* in pede, verno & autumnali tempore instituendas, vel pro re nata, per *hirudines* ad hæmorrhoidalia loca adplicandas.

2. in *iunioribus* vero loco venæ sectionis, ad sanguinem a capite deriuandum, singulis mensibus exhibeantur *laxantia* blandiora ex rhabarb, senna, manna, tamarind. parata; circa æquinoctia vero potest etiam infusum laxans per aliquot dies præscribi, vbi antiscorbutica temperatiora præcipue addenda sunt, quia in effera hac hæmorrhagia, de qua loquimur, plerumque dyscrasia sanguinis concurrit.

3. Conducunt etiam *pediluvia* alternis hebdomadis adhibenda.

4. Ad *æqualem distributionem* sanguinis conseruandam mixtura tonica & essent. alexipharmaca *Stahlii* subinde in vsum trahantur, & motus corporis placidus, ceu *optimum tonicum*, non negligatur.

#### VIII. CAUTELAE ET OBSERVATIONES PRACTICAE.

1. Quæ sub cautelis hæmorrhagiarum *generatim*, ratione adstringentium, specificorum, amuletorum, ligaturæ partium, monuimus, illa quam maxime hic in animum reuocanda & adplicanda sunt. Hinc



2. *Adstringentium internus vsus* tanto magis absit, quia in nulla hæmorrhagiarum specie minoris, quam in hac, est efficaciæ.
3. *Externus* etiam vsus prius locum non habeat, quam post in- efficacem præscriptæ methodi adplicationem. In tali desperato casu turunda ex alumine, vel solutio illius commendatur, subiunctis tamen discutientibus seu diaphoreticis temperatis. *Vitriolica* autem & *eruginosa* nimis acria sunt, & ozænam producere solent.
4. Ligatura partium extremarum in casu tali necessitatis eadem circumspectione suscipiatur, quæ dicto loco commendata est.
5. *Specialis* in hac hæmorrhagiarum specie commendatur *succus millefol.* inprimis a *Borello* *succus urtica minor.* fronti adplicandus; quem tamen alii in hæmoptysi magis laudant.
6. *Lapis carpiorum* triangularis, sub lingua detentus, num efficaciam aliquam exhibeat, ulterius observandum est.
7. *Lintea madida*, regioni *hepatis* suavis veterum imponenda, magis obsunt, quam prosunt.
8. Idem etiam sentiendum est de *ventosis* cum magna flamma eidem regioni adplicandis.
9. Ab *opiatis* ubique abstinendum, præcipue vbi vires iam multum exhaustæ sunt, quo in casu potius analepticis temperatis succurrendum est.
10. Post *enormes* narium hæmorrhagias caput ab *astu* & *frigore* nimio defendere, oculisque parcere quam maxime commendatur.
11. De hæmorrhagiis narium *criticis tabula de febre synocha* plurā dicemus.
12. Quando *arteriola* in summitate narium rupta & magna sanguinis quantitas iam effusa est, efficacia remedia, ob periculum, quod in mora est, mox sunt adhibenda. Conveniunt hic pulveres temperantes largiter cinnabarati & cum speciebus de hyacintho atque massa pilularum de cynoglossa mixti.









# TABULA VII.

DE

## SVPPRESSIONE HAEMORRHAGIAE NARIVM.

### I. DIFFERENTIA.

1. Suppressio hæmorrhagiæ narium est vel *critica*, vel *non critica*.
2. *Non-critica* suppressio tripliei modo consideranda est:
  1. vel enim narium hæmorrhagia numquam adfuit, & tamen *motus* adfunt molesti, qui eandem respiciunt, & exprimere conantur;
  - 2) vel hæc excretio antea familiaris fuit, per datas autem occasionales causas suppressa est, & varia pathemata infra alleganda, produxit;
  - 3) vel cessavit hic fluxus per *ætatis* rationem.
3. Hæ distinctiones vsum practicum in tractatione therapeutica exhibebunt.

### II. SIGNA.

Hæc desumuntur a symptomatibus, quæ hanc suppressam hæmorrhagiam excipiunt. Sunt hæc

1. congestiones & restrictiones sanguinis versus caput, vnde proueniunt
  - 1) Varii adfectus cephalalgici.
  - 2) Ophthalmia, immo cataracta.
  - 3) Otalgia & tinnitus aurium.
  - 4) Odontalgia.
  - 5) Erysipelas faciei.
  - 6) Tumores paroridum.
  - 7) Adfectus faucium inflammatorii.
  - 8) Tumores vülæ & tonsillarum.
2. Translationes huius sanguinis ad *pectus*: hinc sequuntur
  - 1) Palpitatio cordis.
  - 2) Asthma



- 2) Asthmata, præcipue sicca.
- 3) Catarrhi suffocatiui.
- 4) Hæmoptylis.
- 5) Phthisis.
- 6) Pleuritis & peripneumonia.
- 7) vel aliæ febres acutæ aut hecticæ.
- 8) Diffunduntur etiam nonnumquam congestiones in *artus*, vnde adfectus rheumatico - arthritici exoriuntur, præcipue in illis, in quibus dispositio ab hæreditate subest.
- 9) vel mali hypochondriaci adparatus inuitatur.

### III. SVBIECTA.

1. Hanc suppressionem facile incurrunt, quorum temperamentum ante sanguineum vel cholericum, iam in phlegmaticum aut melancholicum degenerauit.
2. Personæ, quæ diætā *vinosam* in *cereuisariam* vel *plane aquosam* mutarunt. Dantur enim exempla, vbi hæmorrhagia narium, per aliquot annos suppressa, reuersa est, quam primum pristina diætā *vinosa* iterum electa fuit.
3. Item quæ vitæ genus laboriosum in sedentarium permutarunt.
4. Quæ ad ætatem consistentem accedunt, vbi partes, antea huic excretioni dicatæ, magis iam densatæ sunt, vnde natura motus hosce aliorsum dirigit.
5. Speciatim quæ sequentibus causis obnoxie fiunt.


### IV. CAUSÆ.

1. Causa *interna* est
  - 1) vel *spissitudo* & *mucositas* sanguinis.
  - 2) vel non raro *orgasmus* seu expansio illius.
2. Causæ *occasionales*, quæ sanguinem reddunt *spissum* & *mucosum*, sunt
  1. *Tristitia* continua, quæ etiam simul naturam facit abiectam.
  - 2) *Adstringentia* & *styptica*, præmature sub ipso fluxu adhibita.
  - 3) item etiam *refrigerantia* externa, *opiata* &c.
  - 4) *domicilia* humida.

3. Caus-









3) Causæ autem, quæ *orgasum* sanguinis producere, & hinc hæmorrhagiam impedire solent, sunt

1) Excandescencia animi.

2) vehementes corporis motiones. Huc etiam pertinent.

3) motus sanguinis progressivus *auctior* in febribus, &

4) abusus spirituosorum.

## V. PROGNOSIS.

1. Suppressio hæmorrhagiæ narium *critica* facile parit delirium & funestos plerumque euentus, *conf. tab. de febr. synocha.*

2. Suppressio autem hæmorrhagiæ narium *non critica* nisi alius salutatis fluxus substituitur, *turmam* pathematum, sub *signis* iam allegatam, in conspectum producit.

## VI. METHODVS MEDENDI ET REMEDIA.

1. Quæcumque subiecta hæmorrhagias narium numquam habuerunt, congestiones autem & dolores circa caput experiuntur, in illis *crasis* sanguinis respicienda est:

1) Quando sanguis nimis *serosus* est, blandæ *laxationes* vti possunt, e. gr. pilulæ *Becheri*, per 6. circiter dies continuatæ, quibus coniungi potest essent. alexiph. *Stahlii* bis per diem ad gtt. XX. XXX. propinanda.

2) Vbi autem sanguis iusto *spissior* est, ibi conducunt attenuantia, incidentia & resoluentia, cum laxantibus combinata e. g. infusum laxatiuum sequens

Recip. rad. ari.

vincetox.

pimpinell. alb. ana vnc. semis.

Herb. cent. minor.

card. benedict.

verben. ana manip. semis.

Fol. fenn. elect. vnc. semis.

Rhabarb. drachm. III.

Rad. helleb. nigr. drachm. II.

Tart. vitriolat. vnc. semis.

F

Incis.




Incis. contus. f. species, adfundantur aqua & vinum, sumatur mane, quantum sufficit ad lenem laxationem.

- 3) Si vero *orgasmus* sanguinis peccat, post lenes laxationes subiungi possunt pulveres nitroso-præcipitantes, & denique mixtura tonico-meruina *Stahl*i.
2. Quibus autem subiectis hæmorrhagiæ narium antea familiares fuerunt, in illis
  - 1) non tantum crasis sanguinis respicienda, & methodo iam indicata corrigenda est,
  - 2) sed conuenit etiam vitæ genus antecedens cum præsentē conferre, & commissos forsan in mutatione quadam errores emendare.
  - 3) Si vero fluxus hac medicatione reuocari nequit, conducit venæ sectionem substituere.
3. Vbi demum hæmorrhagia narium per *ætatis* rationes cessat, ibi venæ sectio adhuc magis necessaria est, ne sanguinis restrictio versus *pectus* contingat, & periculosas eruptiones moliatur.
4. *Alui obstructio*, ad quam talia subiecta inclinant, numquam toleretur, minime omnium, quando symptomata vrgent. Huic scopo dicta laxantia & dilutiones sufficientes inseruiunt.

## VII. CAUTELÆ ET OBSERVATIONES PRACTICÆ.

1. Altum apud plerosque pathologos est silentium de *incommodis*, e suppressione hæmorrhagiæ narium pullulantibus: hinc tanto magis in hoc negotium inquirendum est, vbi symptomata sub *signis* enarrata in *iuniore ætate* occurrunt.
2. *Medicamenta*, quæ sanguinem euacuare vulgo commendantur, agunt vel eundem exagitando, & mobilem reddendo, vel naturam ad excretionem stimulando, quæ vero in hæmorrhagia narium suppressa minime locum habent.
3. Annus vicesimus circiter quartus quando decessit, sollicite vigilandum est, quorsum natura motus, quos antea versus caput instituit, iam dirigere intendat, vt per tempestiuam venæ sectionem in pede periculosa congestio ad *pectus* possit præcaueri.









## TABVLA VIII.

DE

## HAEMOPTYSI.

## I. DEFINITIO.

Hæmoptysis est euacuatio seu excretio sanguinis per vasa pulmonaria profundiora, a natura ipsa ope motus tonici ad plethoram imminuendam, & reliquorum humorum liberiores circulationem promouendam, suscitata. Deriuatur ab *ἄμα*, sanguis, & *πύω*, spuo.

## II. DIFFERENTIA.

Hæmoptysis differt

1. a *sputo cruento*, nam in hæmoptysi *sanguis floridus* & purus e pulmonibus eiicitur, placido magis, quam violento conamine; in sputo autem cruento reiicitur *salina* cruore tincta, aut *mucus sanguineis* striis commixtus, cum multo laborioso scretu. Sputum insuper cruentum etiam aliunde ortum suum ducere potest, nempe ex infundibulo, e recessu narium ad vuulam terminante, e gingiuis, aut ad summum, e summis faucibus, absque tamen vitio pectoris complicato. Est enim sputum cruentum plerumque confectarium imperfecti moliminis, hæmorrhagiam narium respicientis.
2. a *sputo cruento peripneumonicorum* & phthisicorum, vbi sanguis crassus, vel pus sanguine tinctum cum tussi sensim eiicitur.
3. a *vomitu cruento*. Per hæmoptysin enim eiicitur sanguis *arteriosus*, rubicundus, & quidem, vti modo dictum est, conamine magis placido, quam laborioso; per vomitum vero cruentum excernitur sanguis *venosus*, plerumque crassus, nigricans, coagulatus, sub anxio vomendi conamine & sine vlla tussi.
4. Diuidi de reliquo hæmoptysis potest
  - 1) in *periodicam* & *vagam*.
  2. in *voluntariam* & *violentam*.



## III. SIGNA.

Hæmoptysis vti est motus naturæ *actiuus*, ita generalia duo signa, quæ hic attendi possunt, sunt *motus* & ipse *actus*.

1. Procedunt plerumque tonicæ extremitatum corporis stricture & occlusiones, quibus sanguis ad interiora copiosius restringitur. Hinc
2. Notabilis congestio & oppletio pectoris cum angustia exoritur, coniuncto sensu spastico in thorace, scapulis, immo & hypochondriis.
3. Præcurrit quoque interdum temulenta & grauatiua capitis oppletio, primarum viarum distensio, & horripilationes in extremitatibus & pectoris confiniis.
4. *Tussis* in aliis antecedit non aspera, sed *clangosa* & sonora, *parua* magis, quam impetuosa, maxime omnium *secca*. In aliis autem *citra* vllam *tussim* sanguis erumpit.
5. Sanguis dum erumpere minatur, sensus profundioris renifus in *pectore* plerumque sentitur.
6. In aliis vero, maxime qui hæmorrhagiis narium antea addicti fuerunt, *tacite* magis & tranquille cum sensu tantum alicuius titillationis pruriginosæ per longitudinem arteriæ asperæ erumpit, quasi calidum quid e pectore in fauces scaturiret.
7. Sanguis, qui excernitur, *floridus* est & *spumosus*, cum *copia* aliqua *notabili* conspicuus.
8. Ipsa autem *excretio* tam placide plerumque procedit, vt illi, qui ante eruptionem vehementi tussi correpti fuerunt, sub ipsa sanguinis excussione ne exiguam quidem molestiam ab illa persentiscant.
9. In *sputo cruento* exserit sese in *capite* sensus tendens, opprimens, grauans, æstuanus cum insolita siccitate, aut sentitur *molesta pressio in fronte & narium radice*, idque præcipue horis matutinis, quo tempore cum secreatu aliquoties sanguinem, plerumque in grumis, eiciunt, quod tamen breui iterum cessat.

## IV. SUBIECTA.

1. Hæmoptysis satis raro contingit, & quæ subiecta occupat, sunt



✓ hoc nadi. f.











sunt plerumque *inuenilis ætatis*, ab anno XVIII. ad XXV. rarius ad annum XXX. rarissime vsq; ad annum XXXV. *confer. Hippocrat. aphorism. XXIX. sect. III.*

2. Obtingit maxime plethoricis, pleno victu, vino & liquoribus spirituosius vtentibus.
3. Qui sunt *temperamenti* cholericæ-sanguinei, magis adhuc cholericæ-melancholici, aut sanguineo-melancholici, habitus corporis gracilioris, & qui plus sanguinis in *venis* habent, quam in *poris*.
4. Sexus *femininus* num hæmoptysi magis quam virilis obnoxius sit, ambiguum est. Plura de hac re videantur *tabula de phthisi*.
5. Illi quoque, qui sub aëre denso ac crasso nati sunt & educati, postea autem in aëre subtili degunt, ac plethoram motu insolito commouent, hæmoptysi exponuntur.
6. Quam sæpe etiam iis euenit, qui clamando aut cantando pectus percellunt, vel perpetuo arctius compresso abdomine sedent, quo ipso restagnatio sanguinis ad pectus contingit.
7. Porro qui ex agili vitæ genere in sedentarium & otiosum transierunt, hæmoptysi corripuntur.
8. Maxime omnium, quibus aliæ adsuætæ hæmorrhagiæ cessarunt, in primis narium, tum mensium, rarius hæmorrhoidum: quo etiam pertinet venæsectionis & scarificationis consuetæ neglectus, & ipsa denique dispositio hæreditaria.
9. Ad *sputum cruentum* quod attinet, occurrit illud tam iunioribus, quam paulo adultioribus subiectis, præsertim quæ moliminibus & adfectibus narium hæmorrhagicis obnoxia fuerunt.

#### V. CAUSSAE.

1. Causa *antecedens remota* est ætas iuuenilis & temperamentum, sanguinis excretionibus præ reliquis expositum. *vid. subiecta.*
2. Causa *propior* est plethora; nam nemo alius (exceptis causis violentis) hæmoptysi corripitur, quam qui sanguine, in primis non sufficienter diluto, ad sensum abundat.



3. *Caussa proxima* est vasculi alicuius sanguiferi disruptio, modo in aspera arteria, & præcipue superiore eius parte, modo profundius intra bronchia contingens.
4. *Caussa efficiens* est principium vitale, sanguinem motu tonico copiosius ad pulmones dirigens, & moliminibus qualibuscumque spasticis ibidem exprimens.
5. Huc etiam *consuetudo* referri potest; nam natura huic eruptioni semel adsueta, hasce congestiones & expressiones repetere solet, licet caussa materialis subtracta sit.
6. *Caussæ externe, occasionales & procatacæ* sunt
  - a) *Nisus enormis* in tollendis & gestandis oneribus, præcipue in iis, qui talibus non adsueta sunt, it. plagae, casus ab alto &c.
  - b) Respirationes vehementes in tubis, cornubus, item clamores, cantationes, cachinnus.
  - c) *Spiritus nimis contentus* & tum repentino impetu elusus.
  - d) Commotiones *animi* vehementes, in primis iracundæ.
  - e) *Corporis* exagitationes æstuosæ, currendo, saltando &c. contingentes, computationes quoque, inebriationes & vomitiones, præcipue in minus adsueta.
  - f) Admissio quoque *aure* inquinatæ & corrosivis fumis depravatæ.
  - g) Vehemens *tussis* hæmoptysin quidem etiam efficere potest, sed non tam frequenter, uti vulgo creditur, & ubi omnino coniuncta adpareret, est potissimum hæmoptyseos effectus.
  - h) Quibus tandem nonnulli adnumerant piscem illum venenatum, *leporem marinum*.
7. *Caussæ sputi cruenti* sunt
  - a) vel sanguinis *spissitudo*, vel *motuum desuetudo*, vel *erronea motuum exercitatio & applicatio*. Huc enim faciunt
  - b) Variæ *animi* perturbationes, & errores, progressas narium hæmorrhagias excipientes. Maxime vero
  - c) *Sanguinis commotiones* qualescumque, præsertim ex cerevisia saturata, potu spirituofo, vinoso.









## VI. PROGNOSIS.

1. Hæmoptysis est adfectus maximæ considerationis, & ratione periculi, ob teneram pulmonum texturam, quæ sanguini copiosum adfluxum concedit, inter reliquas hæmorrhagias principatum tenet.
2. Hæmoptysis repente subsistens, adfectus pectoris suffocantes aut inflammantes & febriles post se trahit, *impetuosius* vero & e profundo pectoris erumpens, aut sæpius recurrens, phthisin producit funestam. Et
3. Licet sanguis non semper tanta quantitate profundatur, ut *presentanea mors* succedat, a remanente tamen cruore extravasato facile *putrefactio*, pulmonum exulceratio, & phthisis oritur. Præcipue
4. Quando fortiora *adstringentia* aut *premature repellentia* in paroxysmo adhibentur, tam *phthisis*, quam *hectica* abdominalis producitur; phthisis quidem, a portione sanguinis per talem adstrictionem conclusa corrupta, & in ulcerationem deducta, hectica autem abdominalis ob effectum, quem adstringentia prius in *venam portæ*, quam in pulmones exserunt. Vel
5. Hæmoptysis iterum repullulat, eo ipso autem periculum non minuit.
6. Hæmoptysis *periodica*, quando tussim aut dyspnœam suspectam non relinquit, est quidem periculi minoris, eiusdem tamen, quod ad curationem attinet, difficultatis.
7. A causis tandem *externis*, aut *vaporibus* corrosivis orta hæmoptysis, omnium periculosissima. Item
8. Morbis *chronicis* superueniens, plerumque funesta.
9. *Sputum cruentum* hac pectoris hæmorrhagia longe benignius est, & tantum periculum non inuoluit.

## VII. METHODVS MEDENDI ET REMEDIA.

## A. Methodus curandi.

1. Quando eruptio sanguinis non cum magno impetu & quantitate, verum moderate succedit, sufficiunt plerumque medicamina *orgasum* sanguinis temperantia; ex quibus *nitrum* cum *absorbente simplici*, interdum etiam *citrato* & *cinnabari* combinatum, omnibus palmam præripit.

2. Quan-



2. Quando maiora paullulum quantitate hæmoptysis erumpit: lene *anodynum* hisce temperantibus addatur; vbi *M. P. de cynoglossa* reliquis præfertur, dos. gr. j. vel ij. Electuarium semin. hyposc. alb. corall. rubr. & cascarilla etiam bono cum effectu dictis temperantibus miscentur.
3. In *effera* autem sanguinis *profusione*, & vbi temperantia non sufficiunt, *adstringentia*, urgente ita summa necessitate, in auxilium vocanda sunt, quibus tamen semper lene *anodynum* commixtum esse debet. Hic *crocus* ex minera martis solari paratus, tinctura corall. & de catechu, liquor mineræ martis, tinctura vitriol. martis, it. *crocus martis antimoniat* *adstringens*, qui e crassioribus scoriarum partibus paratur, adhiberi possunt e. g.

Recip. Croc. martis antimoniat. adstringent. scrup. j.

M. P. de cynogloss. gr. V. M. diuid. in 5. part.

Item *pulvis sympatheticus Dygbai* præ aliis hæmorrhagiis, in hæmoptysi momentariam efficaciam habet. *Conf. caut. tabul. de hæmorrhagiis generatim.*

Item *species de hyacintho* a gr. VI. ad VIII. cum anodyno conueniente & cinnabar. iunctæ placidissimam sæpe sedationem operantur.

Tandem e numero *specificorum* passim laudantur ol. lini, vrtica, centinodium, & bufo exsiccatus.

4. *Reuulsio* & æqualis distributio sanguinis per totum corporis habitum respiciatur.
- a) Efficiunt hoc *diapnoica* temperata e. gr. *potiuncula diapnoica*, vel, si nihil febrilis concurrit, dosis *essent. alexipharmaca*.
  - b) *Mixtura tonico-neruina* e salibus volat. & tinctur. alcalin. parata, effectum nonnumquam præsentaneum, cum primis paroxysmo repullulante, exhibet; quæ proinde in casu non adeo urgente cum temperantibus pulueribus combinata sufficere solet.
  - c) *Reuellentia* etiam *externa* hic locum & vsum habent e. g. *ligaturæ, frictiones, sinapismi* extremorum, *fotus calidi* manibus & in primis plantis pedum adplicandi.
  - d) *Venesectio* in brachio aut pede optimum quidem reuellendi















lendi effectum haberet, si confectaria abessent, quæ sub cautelis indicabuntur.

5. *Aluus* semper succedat, quod per præparata e tamarind. passul. minor. senna, rhabarb. cum cremore tartar. vel per clysteres lenientes obtinetur.

6. In *declinatione* adfectus, præcipue quando tussis vel dyspnœa remanet, propinentur *pectoralia abstergentia*, ad restitantes forte grumosas in parte adfecta portiones resolvendas, & motum tonicum restaurandum.

a) Laudantur in hunc finem *flor. bellid. pratens. heder. terrestr. veronic. urtica min. scordium, salvia, chærefol. santicul. menth. saracen. &c.* in forma decocti vsurpanda.

b) Item *sanguis hirci* exsiccatus, temperantibus pulueribus admiscendus.

c) item *lixivium* ex vineia oculorum sancræ & libra vini paratum.

d) Pro scopo balsamico & consolidante vsus *myrrhæ, succini & turis* in forma electuar. non quidem rejicimus, differentiam autem subiectorum & moderationem summam commendamus. *vid. cautel. 10.*

7. Ad vires tandem refocillandas conducunt emulsiones, aut portiones ex aquis analepticis paratæ, maritatæ cum speciebus aut confectio de hyacintho, præsertim ex cinnamomo : coniuncto corporis & animi regimine tranquillo.

8. In *spu cruento* eadem curatio locum habet, quæ *tabula de suppressione hæmorrhagiæ narium* indicata est.

#### B. Methodus præservandi.

1. Suppressio *fluxus menstrui* vel hæmorrhoidalis, si ansam huic malo dedit, reuocetur per prudentem methodum, suo loco commendatam.

2. Speciaticim applicatio *hirudinum* ad hæmorrhoidalia loca quam maxime commendetur iis, qui huius fluxus *molimina* vel ipsas *excretiones* umquam habuerunt : hæmorrhoides enim legitime fluentes, hæmoptysin optime præoccupant.



3. Præcipue autem *vena sectio in pede* circa æquinoctia non prætermittatur, nec in adfuetis *scarificatio*.
4. Ad æqualem distributionem sanguinis conseruandam *efficax* quidem est *mixtura tonica polychresta Stahlî*, subinde propinata, efficacior autem *motus corporis placidus & perennans*.
5. *Laxationes* quoque moderatæ & repetitæ nonnumquam instituantur, præcipue quamprimum congestiones *versus pectus* obseruantur.

#### VIII. CAUTELAE ET OBSERVATIONES PRACTICAE.

1. Quoniam natura in *haemoptysi* ita pertinaciter plerumque se gerit, ut e leuissimis causis occasionalibus hæc sanguinis excretionem repetat, tanto magis methodum præseruantem Medicus sibi habeat commendatam.
2. In tempore venire & fluxum repente suppressere, primum esse in haemoptysi, testantur quidem omnes auctores, remedia autem, quae e penu sua in hunc finem profert, maiorem saepius noxam, quam haemoptysis ipsa, inferunt.
3. Alii enim repentinam fluxus suppressionem per *adstringentia* commendant, sed quam graua damna per illa producant, sub *prognosi* iam indicauimus.
4. Alii *opiata* & vulgata *narcotica* promiscue adhibent, quo infelici autem effectu, experientia testatur.
5. Alii *vena sectionem* in ipso paroxysmo, nec sine ratione, commendant, inuoluit autem hoc consilium aliquas non minimi ponderis considerationes.
  - a) In *vigore* paroxysmi, praesertim in iunioribus succulentis, sine effectu instituitur, nisi sanguis copiose educatur, quod tamen, ob multam illius iam perperam iacturam, difficultate minime caret.
  - b) Adfectus facile repullulat; nam natura venae sectionem, ceu remedium ipsi exoptatum, denuo efflagitat, & *anecedentem* actum haemoptyseos cum *subsequente* venae sectionis saepius connectit, id est, haemoptysin suscitatur, sub spe secuturae venae sectionis.
6. Docent haec manifestissime, quod magis sit necessarium

*motus*









*motus natura* praeoccupare, quam ad *pondus & mensuram materia* corrosivae, quae vulgo supponitur, animum advertere.

7. *Nitrum* in temperanda & coërcenda haemoptysi incredibilem saepissime efficaciam praestat, coniunctis *absorbentibus & cinnabarinis*; quoniam autem effectum non prius edit, quam post unius vel alterius horae spatium, in *effera* haemoptysi, ubi periculum est in mora, satisfacere non potest: quare in tali casu statim *subadstringentia* cum *anodynis* e. g. *Species de hyacintho & M. P. de cynaglossa*, vel fortiora *adstringentia* in subsidium simul vocanda, & cum pulveribus nitroso-temperantibus coniungenda sunt.
8. Quando haemoptysis *tussim* vel *dyspnoeam* relinquit, iusta suspicio subest, quod portiones congrumatae remanserint. Hinc tanto magis necessarium erit, remedia illa *pectoralia abstergentia* adhibere, quae sub *methodo in declinatione mali* commendata sunt.
9. Admodum notabile est, quod antiqui, quando haemoptyses mentionem faciunt, simul quoque *prognosin* phthiseos subsecuturae adiiciant; id quod *methodo* illorum *adstringenti* apprime quadrat.
10. Caueatur, ne sub praetextu balsamicorum, vulnus consolidantium, *myrrha* vel alia *calida & concentrata*, quae sanguinem in maiorem orgasmum concitare possent, in haemoptyses paroxysmo adhibeantur.
11. Immo ne ipsae quidem *pilula Stahlianæ*, licet lenissimae, in usum trahendae sunt, nisi plethora per VSnem imminuta fuerit.
12. Absint tandem remedia valde *incrassantia*, consueta *refrigerantia*, & tussiculosas commotiones excitantia.
13. In *dieta* absint cibi aromatici, eligantur autem molliores & analeptici, multa digestionem non indigentes. Potus quoque sit dilutus, vitanda spirituosae.
14. Ante omnia *venus* exsulet, parum aegroti loquantur, & corporis atque animi tranquillitatem conferuent.
15. Conferantur *cautelæ*, quae *tabul. de haemorrhagiis generatim* traditae sunt.



## TABVLA IX.

DE

## VOMITV CRVENTO.

## I. DEFINITIO.

*Vomitus cruentus* est euacuatio sanguinis strictè dicti, plurimum grumosi, e vasis breuibus in ventriculū prius effusi, & deinde vomitu per motum ventriculi tonicū reiecti; qua via, licet incongrua, principium vitale portionem sanguinis, circa venam portae molesti, excernere, & reliquum illius cursum facilitare intendit.

## II. DIFFERENTIA.

1. *Vomitus cruentus* quomodo ab *hemoptysi* discernendus sit, *tabula* precedente iam indicatum est.
2. Differt vomitus cruentus *ratione caussarum*:
  - a) alius enim a caussis *internis* sponte prouenit, & hic *stata tempora*, inprimis vero *menstrua* plerumque seruat, unde *periodicus* vocatur.
  - b) alius autem a caussis *externis* & *violentis* producitur e. gr. *vomitoriis*, *purgantibus* fortibus, *corrosiuis*.

## III. SIGNA.

1. Præcedunt *angustia* & *anxietates* præcordiorum, cum *tensionibus*, & valde grauatiuis, *suspiriosis* pressionibus.
2. Præcipue *spastica* pathemata in *hypochondrio sinistro* per interualla insultant, quæ interdum cum vertigine, *lipothymia* & *deliriis* coniuncta sunt.
3. Succedit *nausea* & *mox conatus vomendi*, isque maior, quam qui simplicem vomitum respicit.
4. Tandem excutitur *verus sanguis*, plurimum copiosus atque congrumatus, quem nonnumquam vomibunda reiectio ciborum antecedit.
5. Tempore intercedentis quietis *sensim* in stomachum colligi sentitur sanguis, qui deinde nouis succedentibus conatibus euacuatur.

6. Quo















6. Quò citius sanguis, in ventriculum collectus, excernitur, eo clariore existit; quo diutius autem ibi moratur, eo spissior magisque nigricans, & cum frustis coagulatis elicitor: præcipue quando multæ aciditates in ventriculo contentæ sunt, & sanguinem effusum per moram coagulant.

## IV. SUBIECTA.

1. *Vomitus cruentus* omnium hæmorrhagiarum species est rarissima.
2. Familiarior est *sexui feminine*, quam *virili*, præcipue feminis plethoricis, quæ sunt animi agilis, temperamenti *sanguineo-cholericæ*.
3. *Puellis* iunioribus *rarius* euenit, quam illis *adultis*, quæ intra fluxus menstrui periodum adhuc constitutæ sunt.
4. Plurimum illis euenit, quæ fluxus mensium ataxia, aut completa suppressione laborant; item quibus menses *mature* cessarunt: Præcipue
5. Quando feminae plethoricæ post præmaturam mensium cessationem magnas *turbas* & impetus in *abdomine* experiuntur, tum vomitus cruentus non raro erumpere solet.
6. Cessantibus autem *iusto tempore* mensibus, vomitu cruento non facile mulieres corripiantur.
7. *Viri*, quando vomitu cruento corripiantur, sunt plerumque *hypochondriaci*, præcipue tales, quibus *hæmorrhoides* emanferunt, vel suppressi fuerunt, & postea *congestionem* spasticosque adfectus, imprimis autem *dolores* prementes & pungentes in sinistro hypochondrio experti sunt.
8. Qui *vena sectionem* in pede adueram intermiserunt, sæpe etiam vomitu cruento infestantur.
9. Quin & ipsæ *pregnantes* ex mensibus retentis interdum affliguntur tali vomitu, idque fere sine periculo. conf. *Etmüller*.
10. *Scorbutici* etiam vomitum cruentum nonnumquam incurrere observantur, post multas catarrhales adfectiones iam cessantes.
11. Sic etiam, qui *febre quarrana* diu laborarunt, vomitum cruentum subinde experiuntur.



12. Quibus *ulcera antiqua consolidata* fuerunt; vid. *Etmüll.*  
 13. Omnibus denique subiectis & cuius ætati, vomitus cruentus a causis violentis externis obtrigere potest.

## V. CAUSSAE.

1. Causa *materialis remota* est spiritudo sanguinis circa venam portæ, siue ab impeditis mensibus, siue hæmorrhoidibus, siue aliunde originem sumserit. Hinc vomitus cruentus a nonnullis fluxus menstruus aut hæmorrhoidalis e ventriculo adpellatur.
2. Causa *propior* est sanguis hypochondriacus venæ portæ, speciali congestione e ramo mesenterico in ramum splenicum restrictus.
3. Causa *proxima* est disruptio aliqua in *vasis breuibus*.
4. Causa *efficiens* est principium vitale, a quibuscumque causis turbatum, & in hos erroneos motus concitatum; & hic quidem iracundia, item abusus potuum spirituosorum multum contribuere solet. *conf. Forest. Libr. XVI. obser. 24. 25.* vbi notatu digna exempla occurrunt.
5. Quod causæ simpliciter *mechanica* non sufficiant ad hoc negotium explicandum, elucescit præcipue ex illa vomitus cruenti specie, quæ certis periodis recurrit.
6. Causæ *externæ* violentæ, procacitæ, e. gr. vomitus *vehemens* arte excitatus &c. possunt quidem vomitui cruento ansam dare, præcipue in plethoricis, sed longe minorem in illum habent potentiam, quam *internæ*.
7. Cæterum quando angustiae præcordiorum, vomitum cruentum comitantes, iam adsunt, facile per *motum, potum, & animi pathemata* adfectus exacerbat.

## VI. PROGNOISIS.

1. Vomitus cruentus periculo non vacat: licet enim sanguis tam copiose rarius eiciatur, ut mors statim succedat, ab ita tamen facile in *consuetudinem*, & tunc plerumque *tabem* in *viris*, *cachexiam* autem in *feminis* producit.
2. Celerius autem vitæ periculum minatur, si *ævo καὶ καὶ τῷ* simul sanguis, & quidem floridus, reëicitur, *vid. Forest. loc. cit.*
3. *Reuellentia* etiam *externa* in usum trahi possunt, licet mi-









3. Si per vomitum non omnis in v entriculum effusus sanguis  
 eiaculatur, tum ibi stagnans facile abit in *putrefactionem*.  
 Vnde talia symptomata proueniunt, quæ vix a *veneno ad-*  
*sumto* expectanda essent.
4. In iunioribus puellis, via semel trita, facilius repullulat,  
 quam in annosioribus, in quibus minor est intentio *san-*  
*guinea* excretionis.
5. In sexu feminino licet *brevius*, quam in virili, duret vom-  
 itus cruentus; feminas tamen maiore plerumque impetu,  
 quam viros, inuadit.
6. Apud feminas plerumque sponte iterum cessat, non idem a-  
 pud viros; & in his circa *tempora æquinoctii* facile recru-  
 descit.
7. Feminis, in primis iunioribus, minus periculosus est,  
 quam viris. *Vbiq*ue tamen, quando insolescit, deterio-  
 ris est consecutionis; præcipue si a causis violentis pri-  
 mam originem duxerit, & per malam medicationem aug-  
 menta ceperit.
8. Sic enim vomitus cruentus *copiosissima eruptione* conspicuus,  
 vel *adstringentium abusu* incongrue tractatus, oedemata,  
 hydropem, hecticam, pathemata hypochondriaco-hy-  
 sterica, immo spastico-conuulsiva producit.
9. Vomitus cruentus in *feminis* facilius *periodis* adsuescit, quam  
 in *viris*.
10. *Periodicus* autem non ita grauiter quidem est pericu-  
 losus, præcipue *mensium vicarius*, quam qui *vagus* est;  
 vid. *Forest. l. c, libr. XVI. obs. 25.* si tamen opprimi-  
 tur, non vero simul iterum discutitur, sanguis in *lie-*  
*ne* restagnat.
11. Hanc stagnationem sequitur *stasis*, quam excipit *inflamma-*  
*tiolientis*, corruptio denique illius sanguinis & tandem  
*vomit*us niger, instar *rob sambuci*.
12. Sic in tali vomitu nigro euentus certissime est funestus, si  
*initium* fuerit *acutum*, *lentiore progressu*, hydrops: *medio*  
*modo* graues spasticorum moliminum exacerbationes sub-  
 sequun-



sequuntur. *conf. D. D. Stahl's theor. med. de vomitu cruento.*

13. Quantum denique animi commotio iracunda ad reuocandum vomitum cruentum valeat, experientia docet.

## VII. METHODVS MEDENDI ET REMEDIA.

Methodus in vomitu cruento eadem fere est, quam quæ in hæmoptysi, nempe

*In A. In paroxysmo*

Sanguis congestus & circa hypochondria stagnans, discutendus, motusque tonicus ad æqualem tenorem reducendus est.

Faciunt hoc

1. in malo leuiore

1) pulueres nitrosi, absorbentes, cinnabarini, singulis circiter horis repetendi. Commendantur in hunc finem nitrum depuratum, conchæ præparatae, mater perlarum, ocul. cancr. præparat. cinnabaris antimoni, quibus sal digestuum addi potest, v. gr. tart. vitriolat. nitrum antimoniatum.

2) His pulueribus accedat vsus *essent. millefol.* sed prouidus. *vid. cautel.*

3) Vel *essent. adianth. albi*, quæ herba eundem specificum effectum in pathematibus venæ portæ edere dicitur, ac millefolium.

4) Adhibeatur etiam, vel cum dictis essentiis, misceatur tinct. tonico-neruina *Stahl.* e. g.

R. Spirit. C. C. rectificat.

Tinct. tart. ana drachm. I.

Essent. millefol. drachm. II. M. dos. gutt. XXX. bis per diem.

2. Quando autem necessitas vrget, & excretio sanguinis pertinaciter continuat, prædictis medicamentis sociari debent *subadstringentia* & *lenia anodyna* e. g. spec. de *hyacinth.*

tinct. corall. immo corallia ipsa & margaritæ præparatae,

tinct. *terra catechu*, tinct. martis aperit. *Ludovic. M. P.*

de *cynoglossa*. item puluis cort. cascarill. eiusque tinctura,

pul. croc. mart. antimon. *Stahl's* lap. nianari & dens Hippopotam, puluerisat.

3. Re-









minoris hic sunt efficaciae, e. g. ligaturae, frictiones, sinapisimi extremorum, cucurbitularum adplicationes cum multa flamma ad furas, focus calidi, plantis pedum & manibus adplicandi. Item ventosarum adplicatio, pediluua.

4. *Alui adstrictio* impediatur per *clysteres* lenientes, salino stimulo imbutos, aut alia leniora laxantia e. g. pilul. *Stahlii*, aut pilul. contr. obstructiones.
5. *Tonus ventriculi* est roborandus, e. g. per tinct. vitriol. mart. aperit. *Ludouici*, aut tinct. martis cydoniat. vel pomat. per succum cydoniorum, aliaque acidula.
6. Cæterum in paroxysmo quiescentia mentis & corporis continentia maxime prodest.

#### B. Extra Paroxysmum.

1. Ante omnia lene aliquod *laxans rhabarbarinum* cessante paroxysmo statim adhibeatur, quo satis mature euacuetur, si quid sanguinis congrumati in ventriculo restiter, e. g.  
Recip. rhabarb. subtiliss. pulueris. drachm. j.

Ocul. canceri præparat. drachm. ij.

M. dosi drachma semis, post aliquot dies repetenda.

Si mauis, ordinentur vina laxantia ex rhabarbar. rad. helen. gent. rubr. rubiae tinct. herb. absinth. centaur. m. card. ben. flor. bellid. &c. parata.

2. Ad recursum paroxysmi præoccupandum, *venesectio in pede* circa æquinoctia instituatur, nec non, ad plethoram imminuendam, *scarificationes* in subiectis iisdem adfuetis spongiosis administrantur.
3. Mensium suppressio, si in causa fuerit, congrua methodo tollatur, nam mulieri, sanguinem vomenti, menstruis erumpentibus, mali fit solutio, dicit *Hippocrates*.
4. Vel si ab hæmorrhoidum obstructione malum originem sumserit, *hirudines* ad hæmorrhoidalia loca adplicentur: illæ enim, quando reuocantur, morbum solunt. conf. *Ettmüller*.
5. Maxime autem attendatur, ne in reuocatione mensium aut



hæmorrhoidum *fortiora pellentia* adhibeantur, quia tum facile cruentus ille vomitus recrudescit.

6. Denique pro differentia subiectorum & crasseos humorum vitiatæ sanguinem & lympham corrigentia adhibeantur: Prodest hic egregie *tinct. antimon. tartarizat.* item *essent. alexipharmaca Stahl.* præmissis & subiunctis convenientibus laxantibus e. g. pilul. *Stahlî* aut *Becheri* correct.

### VIII. CAUTELAE ET OBSERVATIONES PRACTICAE.

1. *Millefolium* siue in essentia siue in infuso vsurpatum, vti in aliis adfectibus, cum vena portæ connexionem habentibus, sic etiam in vomitu cruento specificam plane efficaciam exhibet. Est enim lenissimum adstringens. Cautus autem sit illius vsus, præcipue in viris, quia hic & a libi facile fit *nimum*.
2. Neque etiam vsus *millefolii* & *adanthi albi* locum habet, quando vomitus cruentus consueta fluxus *menstrui periodo* contingit, aut a suppressione *hæmorrhoidum* dependet.
3. *Adpositivæ* adstringentia extra *necessitatis* casum non progrediendum, præsertim quando frusta sanguinis coagulata adhuc notabiliter reiciuntur. Nam sanguis in ventriculum restringitur, vt in putrefactionem abeat; reliquus autem adfluens circa lienem abit in stasim, & vtrinque gravissima symptomata producant *conf. prognosis*.
4. Sunt quidem, qui e periculis, vsui adstringentium succedentibus, eluctantur, sed vix alii, quam *robusti*; quorum vegeta natura aduersus incongruum medicamen impetum facit; *sensibiles* autem spongiosi hydropem &c. macilenti heticam incurrunt. *conf. prognosis* num. 7.
5. *Todica* externa, quæ vomitum sistendo grumorum euacuationem impediunt, & sanguinis putredinem, immo vehementes cardialgias, aliaque incommoda producant, sunt fugienda.
6. *Martialia*, exceptis leniter tonicis, prorsus abesse debent; item etiam *opiata*.
7. Abstinentum quoque est a remediis sanguinem commoventibus, acribus, vicissim etiam a refrigerantibus & crassius obuiscantibus.

8. An-









8. Ante omnia cauendum a peruersa illa methodo, quæ hypochondriacis & hystericis, de cardialgiis & aliis spasticis circa ventriculum incommodis conquerentibus, *emetica* præscribit. Hac enim ratione vomitus cruentus non raro prouocatur.
9. Sic etiam in primo huius adfectus insultu, ad aluum expediendam *laxantia*, licet etiam sint lenissima, interne, & quidem in subiectis tenerioribus, non habent locum, ob sensibilitatem enim ventriculi, vel mox reuomuntur, vel sinistras commotiones efficiunt, propterea *clysteres* potius vsu veniant.
10. Qui semel vomitu cruento correpti fuerunt, caueant sibi per totam vitam a vomitoriis & purgantibus drasticeis, præcipue *aloëticis*, quæ in omnibus sanguinis eruptionibus suspecta sunt.
11. Hæc cautio speciatim obseruanda est, quando post paroxysmum menses vel hæmorrhoides reuocari debent, alias vomitus cruentus facile recrudescit: hinc placidissima tantum & lenissima sunt eligenda.
12. Quæ tabula de *hæmoptysi* sub cautelis ratione diætæ dicta sunt, etiam in vomitu cruento notari debent.
13. Sic etiam cautelæ & obseruationes, tabula de *hæmorrhagiis* generatim traditæ, hic adplicari debent.

## TABVLA X.

DE

## MICTU CRVENTO.

## I. DEFINITIO.

Mictus cruentus est euacuatio sanguinis sinceræ per vias urinarias, a congestionem illius ad vasa emulgentia in renibus facta, originem sumens, &, ad plethoram imminuendam,

H 2

mo-



motumque sanguinis progressuum facilitandum, ab ipsa natura, licet erronee, instituta.

## II. DIFFERENTIA.


Mictus cruentus est vel


1. *simplex*, seu *spontaneus* ex renum *vasis emulgentibus* proueniens, de quo valet definitio; vel est
2. *calculosus*, seu *violentus*, qui a *calculo renum* asperiore excitatur. Sed longe rarius hic est, quam vulgo creditur: innumeri enim fuerunt *nephritici*, qui calculos grandiores & asperos eliminarunt, sine vlllo tamen vestigio mictus cruenti. Et si omnino ille contingit, iusta semper subest suspicio, quod lithontripticorum vsus talem effectum produxerit.
3. Cæterum aliæ adhuc mictus cruenti *species* in *histor. morbor. Vratislaviens. tom. I. pag. 283.* indicantur quidem, e. g. ex *hæmorrhoidibus vesicae*, ex ipsa *vesica*, ex *varicibus*; sed hæ specialissimæ circumstantiæ specialissimum vsum practicum non suppeditant.

## III. SIGNA.

1. Mictus cruentus, quo magis spontaneus est, eo certius sine omnibus ferme incommodis, *tacite* quasi erumpere solet. Hinc signa *imminentis* huius hæmorrhagiæ non adeo certa sunt.
2. Quando autem omnino aliqua incōmoda præcedunt, sunt illa sensationes *spastica* tantum *exigua*, quæ partim in lumbis, partim circa illa & inguina, interdum circa pectinis regionem perferuntur.
3. Concurrit *torpor* totius corporis.
4. *Alui* strictura.
5. Quo magis autem vel a *calculo* aspero, renes lædente, vel a *sanguine coagulato*, in ductu obliquo *vreterum* iuxta *vesicæ* introitum distendente, vel ab aliis *violentis* causis mictus cruentus excitatur, eo certius dolores sensibilissimi illum comitantur.
6. *Præsens* mictus cruentus dignoscitur, quando *sanguis floridus* cum *vrina* excernitur, & per temporis moram ad fun-















fundum secedit, ipsa autem vrina breui post elara iterum supernatat.

7. Quando autem sanguis aliquamdiu iam iam versus hæc loca congestus fuit, tum in vreteribus, ob eiusmodi temporis moram, ita coagulatus est, vt cum vrina sub forma quasi *vermiculari* excernatur.
8. Vbi autem insignis *vrinae salsedo* vel plane *exulceratio* siue in renibus, siue in vesica, siue in ipsa vrethra præsto est, ibi loco sinceræ sanguinæ admixtionis, turbulenta, ichorosa, suberuenta materia in vrina conspicitur, atque hic sanguis magis coagulatus sub *lumbricorum*, forma & calami scriptorii crassitie adparet, concurrente anxio & ardente dolore.
9. Sanguis ex *hæmorrhoidibus* nonnumquam proueniens suspicatur, si
  - a) *lapilli* autem non fuerunt excreti.
  - b) nec *vlla* vasorum *lesio* adparet.
  - c) æger vero de hæmorrhoidum *suppressione* tempore præsenti conqueritur.
  - d. insuper mictus cruentus *certas* etiam *periodos* seruat.

#### IV. SVBIECTA.

1. Mictus cruentus *simplex* seu *spontaneus* est adfectus raro eueniens, & in primis familiaris est *senibus*, adhuc vegetis & plethoricis, specialissime iis, qui iuuenili ætate multis *naurium hæmorrhagiis* laborare consueti fuerunt.
2. Quod si vero in *iuuenili* aut *virili* ætate adfectus hic obseruatur, in causis *violentis* fundamentum atque origo querenda est.
3. Quamquam vtrique sexui sine peculiari prærogatiua communis esse videatur, *virilem* tamen magis, quam *femininum* sexum occupare, experientia docet.

#### V. CAUSÆ.

1. Causa *antecedens* est plethora.
2. Causa *propior* est sanguinis hæmorrhoidalis translatio, per errorem naturæ ad renes facta. Quamprimum enim hæmorrhoides supprimuntur, sanguis ex *ischiaidicis venis* ad *emulgentes*, vix duorum pollicum spatio ab illis distantes,



redundat. Sola hæc oppletio congestoria circa renes, vrinæ secretionem intercipient, sufficiens causa miætus cruenti euadere potest.

3. Causa *proxima* est disruptio vasculi sanguinei in *renibus*, raro & non nisi a violentis causis in *vesica*.
4. Causa *efficiens* est principium vitale, quibuscumque incitamenti & præfigurationibus ad hosce erroneos motus inductum.
5. Causæ *externæ, violentæ & procatacæ* sunt
  - 1) Abusus *diureticorum* calidorum e. g. balsam. sulphuris, olei succini, præcipue autem cantharidum.
  - 2) *Motus corporis succussatorius* & violentus e. g. equitatio diuturna & vehemens; lapsus vel ictus in regionem lumbarem.
  - 3) Non postremæ efficaciam est *abusus veneris* apud senes: nam conspiratio renum cum vasis spermaticis est efficacissima.
  - 4) *Excandescencia animi* &
  - 5) *Dieta spirituosæ*, quæ sanguinem nimis agilem reddunt.
  - 6) *Exulceratio & calculus* renum.
  - 7) Consuetarum sanguinis *euacuationum* siue naturalium, siue artificialium omissio.

#### V. PROGNOSIS.

1. Effectus huius euacuationis nullus est utilis, quin præponderent incommoda, immo potius *pericula*.
2. Hoc enim malum, nisi maxime tempestive iterum mitescat, & intentioni naturæ per ventilationem sanguinis satisfiat; admodum contumax est, & ad irregulares excessus inclinat; ad quam contumaciam senilis ætatis indoles, tenaciter actionibus suis insistens, multum contribuit, immo facile in consuetudinem abit.
3. Qui in miætum cruentum deuoluuntur *senes*, vix diu post ea viuunt, nisi admodum commode & libere hic fluxus ipsis succedat. Sin secus, intra paucos annos ad vitæ suæ exitum perueniunt.
4. Interdum etiam hic fluxus ingens vitæ periculum minatur, si ex *anthematicis* morbis accedere solet.

5. In-









5. In primis mictus cruentus iam iam *adsuetus*, repente tamen & *incongrue* plane cohibitus, *grauissima* producit sympto-  
mata: sequuntur enim varii adfectus *spastici*, *tabidi*, *tumo-  
res œdematosi*, *hydropici*, *febres acute* inflammatoriæ visce-  
rum,
6. Immo sicut *hæmoptysis*, immediate per adstringentia sup-  
pressa, ulcerationes in *pulmonibus* relinquit: ita a *mictu  
cruento*, repente cohibito, facile tales exulcerationes in  
*renibus* exoriuntur.
7. Et tum loco sincere sanguinis turbulenta & subcruenta ma-  
teria per urinam excernitur, quæ per temporis moram  
consistentia admodum tenaci ad fundum secedit.
8. Quando autem & hæc excretio *supprimitur*, præsto sunt  
graviora, anxia, periculosa, lethalia pathernata.
9. Mictus cruentus, qui primum *violentus* fuit, tempore pro-  
grediente fieri potest *spontaneus*.
10. *Violentus*, a calculosa læsione dependens, in iunioribus  
longe securius, quam in annosis cohibetur.
11. *Hæmorrhoides vesicæ* tantum non inuoluunt periculi, quan-  
tum ab ipso mictu cruento, ex renibus aut vesica originem  
trahente, expectandum est.
12. Denique in hac hæmorrhagiæ specie maior sanguinis ia-  
ctura citra vitæ periculum potest perferri, quam in aliis  
locis, in quibus vasa magis directe ad circulationem san-  
guinis contribuunt.

## VII. METHODVS MEDENDI ET REMEDIA.

## A. In paroxysmo.

1. Ad *orgasum* sanguinis & nimiam illius agitationem con-  
temperandam propinentur *nitrosa*, *absorbentia*, *cinnabari-  
na*. Huc pertinet nitrum depur. mater perlar. ocul.  
cancr. conch. præparat. cinnabar. nativa vel antimonii.
2. Hæc si non sufficiunt, *blanda adstringentia* vel interponan-  
tur, vel commisceantur pulueribus temperantibus, mo-  
do indicatis.
- 1) Hic omnibus aliis palmam præripit dulce illud adstrin-  
gens nempe *vitriolum*, quod ex *minera* martis *Haßiaca*  
extractione cum aqua pluuiali & crySTALLIFICATIONE para-  
tur,



zur. Soluitur in aqua, & in hac forma liquida circiter drachm. II. pro dosi propinantur.

2) Huc etiam pertinent alia mitiora adstringentia e.g. corallia, spec. de hyacintho, crocus martis aperitiuus *Zuvælfseri*, croc. martis antimoniatuſ aperitiuus *Stahlii*.

3) Paullulum fortius ſubadſtingunt tinct. martis aperitiv. *Ludovici*, tinct. martis ſolaris, tinct. terræ catechu, trochiſc. de carabe, vt & tinct. opii *Longelotti*.

4) *Specifice* laudari ſolent *succus urticae*, item decoctum *equiseti*, inprimis autem *radix asparagi* in forma thée uſurpanda.

3. *Aluus* ſemper aperta ſeruetur; cui ſcopo clyſteres ſatisfaciunt, vel ſerum tamarindinatum, vel etiam laxans quoddam rhabarbarinum, immo etiam pilulæ *Stahlianæ*.

4. *Æſtus* cum dolore ardente continuans expoſcit *emulſiones* amygdalatas temperantes, vel oleum amygdalarum dulceium, cum ſpermate ceti remixtum.

5. *Decoctum nephriticum* *Foresti*, ſi a calculis malum dependet, locum quidem, ſed effectum non adeo inſignem habebit.

6. Remedia illa, quæ alias *exulcerationi pulmonum* deſtinata ſunt, e. g. herb. heder. terreſtr. alchimill. pentaphyll. fanicul, vincæperuinæ, hyperici, præ ceteris autem virgæ aurea *Gesneri*, item gummi maſtich. iunip. & medicamenta mucilaginofa ex lacte & cremore hordei parata, uſurpari poſſunt, ſi malum a cauſſa quadam *Violenta*. e. g. a cantharidibus, originem ſuam traxit. *Conf. cant. 9.*

7. *Aequalis* tandem ſanguinis diſtributio promouetur per interpoſitionem mixturæ tonico-neruinæ *Stahlii*

B. *Extra paroxyſmum.*

1. Poſt paroxyſmum continuentur *pulveres* temperantes, & *mixtura tonica*, ne malum recrudeſcat.

2. Et quam primum opportunum tempus accedit, *vena ſectio* præſeruatorio-reuulſoria paullo largior in ſuperioribus









ribus partibus, manu scilicet vel brachio, interdum etiam, quando alia non urget necessitas, in pede instituatur, atque hæc in futurum sub prætextu senii non facile prætermittatur.

3. Præter ea, quando hæmorrhoidum vel mensium obstructio huic malo ansam dedit, horum fluxuum ratio habeatur per methodum, suo loco commendatam; qua occasione applicatio *hirudinum* ad hæmorrhoidalia loca in *viris* quam maxime commendatur.

#### VIII. CAUTELAE ET OBSERVATIONES PRACTICAE.

1. Si hæmorrhoides, secundum *Hippocratis* observationem, *nephriticis* sunt salutare, salutare etiam esse debent iis, qui *mictu cruento* laborant.
2. Tanta est conspiratio mictus cruenti & mali podagræ cum hæmorrhoidibus, præcipue *externis*, ut mictus cruentus hæmorrhoides suppressas in nonnullis mox excipere soleat; quæ observatio, ad effectus hosce legitime tractandos, eximiam habet utilitatem.
3. *Anodyna* in adfectibus *renum* & *lumborum* incommodum prorsus edunt effectum; nam *effluxum* supprimunt, *adfluxum* autem non intercipiunt. Vnde ægri in grauia pathemata abdominis coniciuntur, quæ prius non cessant, quam mictus cruentus cum nouo impetu erumpit.
4. In casu tamen *effero*, si omnino anodynum aliquod necessarium iudicatur, M. P. de cynoglossa reliquis præferenda, & cum pulueribus temperantibus commiscenda est.
5. In mictu cruento *pertinaci* herba *equiseti* aliquem effectum præstat, in casu autem *mitiore*, quia adstringens est, ab illa abstinendum est.
6. *Hedera* autem *terrestris* in lentiore tantum paroxysmo locum habet, & quidem vsu successiuo.
7. *Chærefolium*, in copia adsumtum, aliquid præstat, alias iners. Pariter tamen *urgente* paroxysmo non exhibeatur, sed tantum *leniore*.
8. *Schenckius* commendat *millefolium flore albo*.
9. Porro commendantur quidem specificè *succus urticae minoris recens*, *virga aurea Gesneri*, *pentaphyll.* sed hæc omnia



- ad summam rei nihil faciunt, nisi intentioni naturæ satisfiat per sanguinis ventilationem.
10. Circumspectione opus est, ne hæmorrhagia hæc per *adstringentia* repente supprimatur, alias *phthisis renalis* cum spasticis pathematibus producitur, vti sub *pregnosi* iam diximus.
  11. *Ettmüllerus* & alii mictum cruentum *criticum*, eumque salutarem, obseruarunt, quo quidem in casu ipsa ratio dicitur, quod talis hæmorrhagia minime omnium immediate sistenda sit.
  12. *Causæ occasionales*, finita curatione admodum sollicitè euitentur, quia *leuissima* etiam hunc adfectum reuocare possunt, præcipue caveatur ab iracundia, vsu vini & venieris.
  13. Præstat *clysteribus* aluum expeditam seruare, quam naturam vel leuissimis stimulis laxantibus turbare. Hinc ipsis adeo pilulis polychrestis possumus supersedere,
  14. *Topica*, quæ ordinarie commendantur e. g. *unguent. Comitissa, infrig. Galeni* &c. formam magis, quam effectum exhibent.
  15. *Balsama acriora*, e. g. *Augustanum* & alia, quæ vulgo ad consolidandum vulnus præscribuntur, plane reiicienda sunt, quia orgasmum sanguinis iam præsentem augment, & malum exasperant.
  16. *Dieta* sit moderata, non aromatica, nec spirituosæ; *motus* autem corporis modestus.

## TABVLA XI.

DE

HAEMORRHOIDIBVS INTERNIS  
ORDINATIS ET NIMIIS.

## I. DEFINITIO.

*Hæmorrhoides* sunt euacuationes sanguinis e vasis hæmorrhoidalibus, siue *internis*, circa profunditatem intestini recti,  
siue









siue *externis*, versus orificium illius, a natura ipsa, per motum tonico-spasticum, cum in finem instituta, ut plethora imminuatur, impeditus sanguinis circa venam portæ progressus promoueatur, & reliqua graua incommoda, quæ circa illam ab huiusmodi contentione resultatura essent, præoccupentur. Deriuatur ab αἷμα, sanguis, & ῥέω, fluo.

## II. DIFFERENTIA.

Quamquam mutua sit *conspiratio* externarum hæmorrhoidum cum ipsis internis, merito tamen a se inuicem distinguuntur: in ipso enim fluxu euidentis veritas huius conspirationis non æque se exferit. Hinc hæmorrhoides sunt vel

1. *Internæ*; ubi sanguis e ramis *hæmorrhoidalibus* venæ portæ profundius in intestinum rectum effunditur, & deinde cum fecibus aluinis eliminatur. Has iterum distinguimus in

1) *Ordinatas* seu legitime & moderate succedentes, corporis constitutioni & reliquis circumstantiis proportionatis respondentes, & sine insignibus molestiis fluentes, & in

2) *Nimias*, quæ vel nimis frequenter recurrunt, vel nimis copiose prodeunt, vel per plures hebdomadas & menses, immo nonnumquam annos continuant. Vel

2. *Externæ*, quæ e ramis *iliacis* venæ cauæ originem sumunt, & circa orificium intestini recti cum expressione scybolorum induratorum sese manifestant.

3. De internis, quæ *fluentes* etiam dicuntur, hoc loco, de externis autem *tabula sequente* agetur.

4. Distinguuntur porro hæmorrhoides in

1) *Periodicas*, quæ statuta tempora, siue menstrua, siue æquinoctialia, siue anniuersaria &c. obseruant. Sic notus est vir, qui per plures annos die cuiusvis mensis decimo octauo præcise hæmorrhoides experitur, licet menses numero dierum impares sint. Et in

2) *Vagas*, quæ sine ordine vel rarius vel sæpius recurrunt.

5. Hæmorrhoides etiam distinguendæ sunt a copiosis illis evacuationibus sanguinis, quas Germani Blut-Stürzun-



gen vocant, & quæ post longos adfectus hypochondriacos sine præuia scybalorum excretionem cum impetu erumpunt, atque sine dubio e superioribus intestinis oriuntur.

## II. SIGNA.

### A. Imminentium.

1. Antecedunt in plurimis subiectis motus congestorii & dolores tensiui, vibratiui, magis vel minus spastici; circa loca venæ portæ connexa, nempe circa ventriculum, mesenterium, lienem, hepar & intestina, item circa hypochondria, os sacrum & lumbos.
2. Hi motus acerbiores observantur, quando hæmorrhoides difficiliter erumpunt, & tunc agroti percipiunt sensum aliquem circa exitum intestini recti, ac si nucleus durus, vel pinea aut cornus ibi hæreat; & quo magis *introrsum* hic sensus percipitur, eo difficiliter hæmorrhoides perueniunt ad eruptionem.
3. Interdum etiam admodum leniter & tacite procedunt, & cum moderato *tenesmo* exeunt. Sed talia exempla, quibus hæmorrhoides sine ullo sensu molesto aut cum mediocri tantum percurrunt, sunt pauciora.

### B. Prasentium & moderate fluentium.

1. Excretio sanguinis non obtingit spontaneo & perpetuo successu, sed expectat semper pressionem sub exoneratione alui contingentem; ubi primum *scybala*, plerumque *duriora*, eliminantur, quibus deinde *sanguis* ipse, durantibus adhuc vacuis illis conatibus egerendi, sine ullo sensu molesto succedit.
2. In nonnullis subiectis excrementa *striis sanguineis* mixta deprehenduntur.
3. Sanguis, qui excernitur, est plurimum *floridus* & rubicundus, in illis nempe, quibus hæmorrhoides libere & frequenter fluunt.
4. *Spissus* autem & nigricans est sanguis, quando fluxus raro reuertitur, & impeditur succedit.
5. Atque in his circumstantiis *facies* e flauo viridescens conspicua est, secundum *Foresti* observationem. Et

6. Cum















6. Cum *urina* crassa sedimentum rosei coloris, nonnumquam etiam tartaream concretionem exhibens, excernitur.

C. *Nimiarum,*

1. Quando *tempore* peccant, & solito *maturius* in ætate minime conueniente se offerunt, intemperantis indolis deprehenduntur.
2. Quando *promte* reuertuntur, ita vt singulis fere hebdomadis ægros inuadant.
3. Quando *nimis diu* continuant, ita vt per aliquot hebdomadas hic fluxus pertinaciter duret.
4. Quando *quantitatem* & *mensuram* tolerabilem egrediuntur, & singulis deiectionibus tam largiter prodeunt, vt ægri vires notabiliter exhauriantur.

IV. *SUBIECTA.*

1. Hæmorrhoides eueniunt quidem *sexui utrique*, cum euidente tamen masculini præ feminino prærogatiua, quam paucis hic adlegare licet.
  - 1) Tanta multitudo feminarum, quam virorum, non obseruatur, quibus hæc excretio obtingit.
  - 2) Neque adeo exquisitam temporis mensuram & statos atque ordinatos successus in feminis seruat, vt in viris.
  - 3) Neque æque sæpe aut copiose in iis emicat.
  - 4) Neque pari leuamine & certa *προφύλαξι*; dum in feminis promptior indoles est ad translationes & vaga molimina.
2. Omnibus fere sine discrimine *temperamentis*, præcipue autem sanguineo-cholerico, aut sanguineo-melancholico.
3. *Ætati* plerumque *consistenti*, virili nempe & senili, immo & summæ senectuti proximæ.
4. Feminis, quæ præmaturam mensium cessationem aut partum difficilem experiuntur.
5. Viri, qui ætate adolescentili narium hæmorrhagias, postea vero congestiones in pectore & adfectus hypochondriacos habuerunt, accedente virili ætate, si temperamentum simul conspiret, accipiunt hæmorrhoides fluentes.
6. Quando autem *iunioribus* hæmorrhoides fluunt, subest potissi-



tillimum hæreditaria dispositio, quæ plerumque ad excedentem fluxum in his subiectis ansam præbet.

7. Hæmorrhoidum fluxum facile etiam experiuntur homines valde *plethorici*, qui per externas violentas causas plethoram commouerunt, vt sequentibus temporibus, aperta semel ad exitum porta, non solum intentior inclinatio ad hoc genus euacuationis, sed etiam continuatio & repetitio eiusdem sequatur.

## V. CAUSSAE.

### A. Interna.

1. Causa *efficiens* est naturæ ad exonerandum intentio.
2. Causa *materialis* est *plethora*, & quidem insigniter commota, præcipue in temperamentis modo indicatis.
3. *Hæreditaria* dispositio, quæ non modo *certam*, sed etiam *acutam*, *præmaturam* & *abundantem* commotionem & excretionem adfert.
4. *Spissitudo* sanguinis sæpissime, rarius autem nimia *tenuitas*, contra communem sententiam, quæ tenuitatem & acrimoniam semper adculat.
5. Causæ absolutæ non suppetunt, cur excretio sanguinis per hæc specialia loca excernatur, nisi forsane connexionem *genitali* aliquid eliciendum sit.

### B. Externa, occasionale: & procata: & c.

1. Violentæ abdominis concussiones, e. g. equitatio diuturna præter consuetudinem, celerior cursitatio vsque ad sensum inflationis illius dolorificæ in sinistro hypochondrio, quæ a splene dependet.
2. Nisus fortior in partu, & incubitus vteri prægnantis in intestinum rectum.
3. Vita sedentaria, otiosa, vbi compresso sæpius abdomine motus sanguinis circa venam portæ impeditur.
4. Euacuationum sanguinis naturalium & artificialium consuetarum prætermissio.
5. Incondita remedia, per quæ ordinatus hæmorrhoidum fluxus impeditur & offenditur, vt nimis exinde oriatur.









6. Tempestas calida.
7. Abusus potuum spirituosorum, aromatum, aloëticorum, helleborinorum & aliorum calidorum : vnde hæmorrhoides in Saxonia inferiore admodum familiares, ob vsum elixir. propriet. vti in Hungaria ob allii abusum.
8. Pertinaces alui obstructiones a grauioribus torminibus colicis exortæ.
9. Refrigerationes diurnæ & frequentes.
10. Animi insignes commotiones, in primis autem suppressa iracundia & terror.
11. Adfuetudo etiam in ætate his excretionibus conueniente, aut apræcedentibus ætatibus continuata, hic maioris est efficacix, quam in aliis hæmorrhagiis.
12. Infectio venerea magis ad hæmorrhoidum cœcarum causas referenda est.

## VI. PROGNOSIS.

1. Hæmorrhoides in idoneis, peculiariter ad illas prædispositis, subiectis facile ordinate & moderate fluentes, sunt beneficium naturæ, in comparatione damnorum, exinde metuendorum, si talis excretio non procedat, & *tamen interim dispositio ad eandem maneat.*
2. Præcipue autem vniuersam scenam mali hypochondriaci claudunt.
3. *Hippocrates* iam obseruauit, quod hæmorrhoides insipientibus superuenientes, delirium soluant. *Aphor. 21. Sect. VI.*
4. Soluunt etiam non raro adfectus pertinaces arthriticos, nempe malum ischiadicum, gonagram, podagram.
5. *Excedentes* autem omnem illam salubritatem destruunt, quæ iusto successu speranda esset.
6. Non facile enim illam excedendi in quantitate, prompta reuersione, & pertinaci continuatione ἀναξίαν amittunt, hinc interdum tam refractariæ sunt, vt omnem fere medicationem eludant.
7. Inter ea fluxus hæmorrhoidalis non facile tanta copia e-

rum.



- rumpit, ut præceptis vitæ iactura inde metuenda sit. Conferantur exempla notatu dignissima a D. D. *Stahlio theoria medica* pag. 754. *seqq.* commemorata.
8. Hic ipse fluxus tamen, si nimis diu continuat & nimis frequenter recurrit, vires prostermit & successu temporis cachexiam producere valet.
  9. Quando autem hæmorrhoides, siue legitime siue ad excessum fluentes, supprimuntur, longe grauiora pathemata immo vitæ pericula succedunt.
  10. Nempe viscerum infarctus, scirrhi, inflammationes, colica, melancholia, mania, vomitus cruentus, catarrhi suffocatiui, apoplexia, hydrops, icterus flauus & niger, versus mali hypochondriaci adparatus, asthmatica pectoris afflictio, tussis humida, & plura alia mala.
  11. Transeunt etiam facile hæmorrhoides *interne* suppressæ in motus hæmorrhoidum *externarum*.
  12. Et quando etiam tales turbantur, succedit malum ischiadicum, gonagra, podagra, mictus cruentus, calculus, dysuria, tumor scroti. Vid. *tab. sequens*.
  13. Motus hæmorrhoidales *transfugi* & *titubantes* non solum incommodi sunt, sed etiam successu temporis periculum minantur: nam nihil *constantis* per illos agitur, sed ab uno tentamine ad alterum fit transitus, inter ea vires consumuntur, & motus hosce colicos tandem *paralyses* excipiunt.
  14. Quibus valde iunioribus hæmorrhoides eueniunt, iugiter etiam continuant, & ut plerumque fit, minus moderate succedunt: illi raro insigne senium attingere solent. Apud tales enim constantiam non facile seruant, sed cessant iterum, & tum trahunt post se coniuncta pathemata grauiora.
  15. Contra vero, quibus iam annosioribus hæmorrhoides perueniunt, moderatis etiam & ordinatis successibus progrediuntur: his familiariter longam vitam pollicentur.
  16. Hæmorrhoides quando *re vera nimie* sunt, & continuo  
fere









fere fluunt, labes visceris alicuius in abdomine, siue scirrhusa, siue vlcerosa sit, est metuenda.

## VII. METHODVS MEDENDI ET REMEDIA.

### A. In motibus tantum hæmorrhoidalibus.

1. Quando hæmorrhoides numquam fluxerunt, & tamen molimina ad easdem vrgent, promotio illarum promissue non commendatur: nam dubius semper est successus, & quando omnino fluxus obtinetur, in paucioribus tamen ad votum succedit, & cum vniuersa fontica confectaria inuoluit.
2. Vbi itaque ratione habitus corporis & temperamenti de felici hæmorrhoidum successu dubitandum est, ibi adfluxus reuellatur per venæ sectionem in brachio, & pressio circa has partes relaxetur per *tonico-discutientia*, & per infusum *millefolii* vel *adianthi albi*.
3. Vt autem intentioni naturæ omnino satis fiat, venæ sectio circa æquinotia repetatur, vel assiduus & continuus labor ægro imponatur.
4. Si verò hæmorrhoides aliquoties iam fluxerunt, molimina earum conueniente ratione promouenda sunt. Fit hoc commodissime
  - 1) *Interne*: per pilulas *Becheri* polychrest. per pilulas balsamicas *Stahlii*, per modestum vsum elixir. propriet. per essent. hellebor. nigr. e resinoso extracto cum spiritu vini paratam.
  - 2) *Externe*: per *hirudinum* adplicationem, per tempestivam sectionem venæ *popilitis* aut *malleorum*, qua sane rebellibus & dolorificis istis pathematibus feliciter sæpe occurritur.

### B. In ipso hæmorrhoidum fluxu.

1. Hæmorrhoides *legitime* fluentes non indigent medicatione, sed conueniente tantum regimine & diæta; abstrahendo a cibis flatulentis & obstruentibus; item a potu spirituoso. Alius bene succedat, exulent animi commotiones.
2. Si vero *impedite* fluunt, promoueantur eadem methodo, quæ *tab. de suppressione hæmorrhoidum* indicata est.



3. Vbi autem hæmorrhoides *re vera nimie* adsunt, & ægrotantis vires per illas notabiliter exhauriuntur, sequente methodo illis commodissime succurritur:

a) *Sub ipso fluxu.*

- 1) Temperantia nitrosa & cinnabarina exhibentur.
- 2) Quæ si non sufficere videntur, coniungitur mixtura tonico-neruina *Stahl*i ad gutt. XXX. ter per diem propinanda.
- 3) Vrgente autem necessitate lenia *anodyna* pulueribus temperantibus immiscentur, e. g. gr. l. M. P. de cynoglossa.
- 4) Clysteres salutariter adhibentur.
- 5) Pilulæ *Stahl*ianæ & *Becheri* genuinæ fluxum nimium, nondum adeo inueteratum, egregie moderantur.
- 6) Denique etiam hoc præstant *specificæ*, circumspecto vsu propinata, quorum facile princeps est *millefolium*, vel *adanthum album*, in decocti vel essentiæ forma adhibendum. *Vid. cautet.*

b) *Extra paroxysmum.*

- 1) Tempestiuæ venæ sectiones circa æquinoctia quam maxime commendantur: nam ab onere si natura leuata est, minore postea labore opus habet ad fluxum reuocandum; hinc etiam eo citius ab hac excretionē desistit.
- 2) Exhibeantur nonnumquam *lenissima laxantia*, in primis rhabarbarina, quæ biliosam acrimoniam abstergunt, quæque etiam, modeste adhibita, in ipso paroxysmo vsu habere possunt, tenesmum enim & nisum expressorium mitigant.

#### VIII. CAUTELÆ ET OBSERVATIONES PRACTICÆ.

1. Frequens est *fluxus* hæmorrhoidalis, frequentior *nisus* sine plenario successu, frequentissimus autem *motus longinquus*, seu molimina in partibus remotis, nempe splenico-colico-hypochondriaca pathemata.
2. Hinc summæ considerationis negotium est, *motus* hæmorrhoidales in iis promouere, qui ad fluxum talem ob habitum corporis minus dispositi sunt.

3. San-










3. Sanguis hæmorrhoidalis aequè bonus, ac reliquis venarum, nisi quod mora quadam in vena portæ spissescat. Leges etiam circulationis talem sanguinis boni a malo selectum non concedunt, ut plerumque speculationibus hoc negotium figuratur.
4. *Specifica* quando in nimio hæmorrhoidum fluxu adhibentur, cauendum est, ne quid fiat *nimis*.
5. Traditiones enim illae, quasi temperare solum modo, non verò penitus suppressere fluxum liceret, cum grano salis accipiendæ sunt: nam longe facilius completa & pertinax suppressio, quam moderamen eiusdem obtinetur.
6. Notum enim satis est, quid *millefolium* in sistendis hæmorrhoidibus possit; sic etiam reliqua *specificæ*, e.g. dens hippopot. lap. manat. priapus ceti, citius sæpe fluxum cohibent, quam expedit.
7. Huc etiam pertinet *mus marinus*, & *Helmontii amuleticum* remedium, nempe *bufo* exsiccatus, eadem cautione adhibendus.
8. *Adstringentia* hic multo magis excludenda sunt: nam pauca quantitate propinata, fluxum potius augent; si vero tanta copia ingeruntur, ut cohibitionem producant, sequuntur omnia illa pathemata, quæ sub *prognosi* indicata sunt. Conf. etiam *tabula de suppressione hæmorrhoidum*.
9. *Martialium* decantatus vsus solidam utilitatem non præstat: pleraque enim agunt *adstringendo*. Præmissis autem præmittendis, *tinct. martis Ludonici*, placide continuata, vsui esse potest.
10. Optandum sane, ut hæmorrhoides *suppressæ*, præsertim si iam *asciticæ* aut *hecticæ* quid successit, tam certo & cito reuocari, quam *fluentes* per talia *specificæ* & *adstringentia* suppressi possent.
11. *Acidularum* vsus numquam suadendus est, nisi spongiosis sanguineis. Insuper hoc habet incommodi, ut leuamen, si aliquod forte adferat, vix ad annum perduret, & si non repetatur, grauiora adhuc symptomata producat.
12. *Mixtura tonico-neruina*, e sale volatili & tinctura alcalina parata, fluxum *nimum* intra paucissimum profecto tem-




- poris spatium *imminuere*, immo *sedare* solet, si quotidie ter vel quater ad gutt. XXX-XL. exhibetur.
13. In hæmorrhoidibus longo interuallo reuertentibus, in primis si exitus sit impeditior, apud robustos & sanos *urina* crassum sedimentum rosei coloris exhibet, apud sensibiles autem, qui dolores grauatiuos & tensiuos circa lumbos & os sacrum habent, in *urinae* emissionem crassa in fundo deponuntur granula, sabuli instar, saturato tamen rufo colore conspicua, & quoniam in arthriticis adfectibus eadem granula in *urina* excernuntur, hæc obseruatio ad distinctionem non solum horum adfectuum inferuire, verum etiam illorum cognationem indicare potest.
14. Quoniam intestinum *rectum* sub motibus hæmorrhoidalibus notabiliter adficitur, & intestinum *colon* de hisce motibus per consensum participat: oritur inde *colica hæmorrhoidalis*, Hippocrati *ileon hæmatides* dicta. Quod adeo verum est, ut vix vnumquam tormina durabilia colica (præter causas externas) vlli homini eueniant, nisi quæ ad motus hæmorrhoidales tendant.
15. Idem sentiendum est de connexionem *rami splenici*. Vnde in motibus hæmorrhoidalibus non solum *splen* adnexum, verum etiam per & propter vasa breuia, ipse ventriculus simul adficitur.
16. Motibus hæmorrhoidalibus iungunt se plerumque *nephritici adfectus*. Vnde multi hæmorrhoidarii obseruantur simul calculosi. Et vice versa, qui nephriticis adfectibus, immo ipso calculo *renum* torquentur, ad hæmorrhoides præcliuēs sunt.
17. Quibus hæmorrhoides *raro*, præcipue *extra* vernum & autumnale tempus accidunt, illis plerumque tumultuose & minus ordinate succedunt.
18. *Motus* hæmorrhoidales, quo magis se exerunt in regione *hepatis, splenis, ventriculi* & superiorum intestinorum, eo pertinacius quidem durant, finem autem excretionis sanguinis difficiliter attingunt.
















19. Si vero circa *me/enterium* & inferiora intestina motus obtingunt, doloribus nempe grauatiuis per longitudinem ossis sacri &c. tum maior spes est de sanguinis eruptione.
20. Motus hæmorrhoidales *interni* per calida diaphoretica & regimina facile in motus externos transeunt. Hinc affectus *podagrici*, & in feminis *epileptici*, non raro succedunt.
21. Pari ratione motus *externi* in *internos* transmigrant, e. g. per incongrua topica. Vnde palindromæ deducendæ sunt, quæ *podagricis* obtingunt, vt, stupefactis scilicet externis doloribus, præsentissime internas angustias, cardialgias, vomitus, phlogoses & inflammationes, ventriculi incurrant.

## TABULA XII.

DE

HÆMORRHOIDIBVS EXTERNIS  
ET CAECIS.

## I. DEFINITIO.

Hæmorrhoides externæ sunt motus ad fluxum hæmorrhoidalem quidem tendentes, & sanguinis abundantis depletionem respicientes, loco autem legitimæ eruptionis, quæ rarior est, cæcis solum conaminibus infarctus vasorum hæmorrhoidalium externorum circa orificium intestini recti generantes, & modo turgidam inflationem, modo tumorem inflammatorium inuoluentes. Deriuatur ab αἷμα, sanguis & ῥέω, fluo.

## II. DIFFRENTIA.

I. Hæmorrhoides externæ non tam pro *noua*, quam potius *anomala* specie hæmorrhoidum agnoscendæ sunt, eoque ipso ab *internis* differunt.

1) Ratione *vasorum*, ex quibus originem sumunt. Nam in-



- terna e vena *porta*, externa autem e vena *caua* proueniunt. *Vid. tab. de haemorrhoid. internis.*
- 2) Ratione *mensurae & modi* excretionis. *Internae* enim, praecipue statae, plerumque moderata sanguinis quantitate fluunt, & si turbantur, ad multam quoque profusionem excedunt; *externae* vero, ob vasa minutiora, quantitate vix aestimanda conspicuae sunt, & saepissime per vesicalem tantum extuberationem vel tumorem inflammatorium, rarissime autem per genuinum sanguinis stillicidium sese manifestant.
- 3) Ratione *temporis & periodorum*. *Internae* statas magis periodos, & non raro menstruum cursum obseruant; *externae* rariores habent periodos, & circa vernum vel autumnale tempus potissimum proueniunt. Repullulant vero promptius & plus sanguinis emittunt, quando vesicula aliquoties enata est.
2. Quamquam autem minime negari possit, haemorrhoides caecas interdum a motibus *internarum impeditarum* oriri: saepissime tamen *externae* ob difficile eruptionem in caecas transeunt.
3. Sunt haemorrhoides *caecae* aliae *turgentes*, aliae *tumentes*: hae *dolentes*; illae *indolentes* vocantur.
- 1) *Turgentes* referunt circa extremum ambitum orificii ani vesiculam mollem, translucidam, atro-rubente sanguine plenam, sine notabili dolore aut vilo insigni sensu stipatam: nisi quod sub alui excretionem sensus quidam premens, quasi faba aut pruni nucleus ibi haereat, percipiatur, & ardor quidam alternatim occurrat.
- 2) *Tumentes* paullo *profundius* intra limbum delitescent. Hinc quando sermo est de haemorrhoidibus *caecis*, hae *tumentes* plerumque putantur, & κατ' ἐξοχήν *caecae* vel *clausae*, *occlusae* vocantur. Exhibent tumorem durum inflammatorium, atque hinc nihil aliud sunt, quam verus *furunculus*, & propter sensibilitatem tunicae nervae & musculosae intestini recti exquisitissimos dolores









lores ardentes, lancinantes, vellicantes & pulsui respondentibus producunt.

4. Huc etiam a nonnullis referuntur reliqua fungosa tubera, & ulcerantes excrescentiae, quae circa anum contingere solent. Vulgo dicuntur haemorrhoides *nothae* seu *spuriae*, quae plerumque quidem a contagio venereo oriuntur, interdum autem sine hoc proueniunt, nempe in corporibus vel vicerosa serositate adfectis, vel a *turgentibus* diutius & pertinaciter continuantibus, atque in verrucosam consistentiam sicciscentibus. Varie nominantur, nempe thymus, sicus ani, marisci, rhagades, condylomata, formicae, verrucae, clauiani, sycofis, germ. *Seig. Warzen, Mastförner, Zacken, Belg. Zacken.*
5. Possunt tamen *venereae* exulcerationes in hoc loco facile distingui ab ulcerationibus *haemorrhoidalibus*: illae enim exhibent *crustam*, haec autem *foramina*.
6. Referri etiam huc potest *serpigo haemorrhoidalis*, quae generatim *pruritus ani* dicitur. Et hac serpiginosa ulceratione exprimitur per interualla humiditas tenuis, limpida, mucilaginosa & flauescens, quae fudor haemorrhoidalis solet adpellari. *Vid. prognosis & tabula chirurgica de ulceribus serpiginosis.*
7. Variant extuberationes haemorrhoidales secundum *magnitudinem*: quaedam enim ad nucis auellanae, quaedam ad iuglandis, quaedam ad minoris oui molem accedunt.
8. Distinguuntur etiam ratione *figurae*, quam sub varia extuberandi forma exhibent;
  - 1) In *morales*, quando fructus mori similitudinem *representant*.
  - 2) *Vuales*, si velut acini vuae liuidae *supereminent*.
  - 3) *Vesicales*, quando venulae, ambitum orificii ani coronantes, inflatae & insigniter *dilatatae sunt*.
  - 4) *Verrucosas*, quando tubercula vesiculosa exsiccant, & in duriora rugosa schemata transeunt.

### III. SIGNA.

Haec ex illis, quae sub *differentia* dicta sunt, desumuntur, nempe

1. Ex-



1. *Externæ simplices* quando omnino proueniunt, *stillicidio* magis, quam *fluxu* sese manifestant, & quidem continuo fere, extra tempus aluinæ excretionis, quam hæmorrhoides *internæ* semper expectant.
2. *Cacæ turgentes* circa orificium ani *vesiculam* exhibent mollem, quæ per cuticulam tenuem colore sanguinis nigro-purpureo translucet & dolorem vix sensibilem infert.
3. Hæc vesicula vel sponte natura, vel scalpendo, propter pruritum ei familiarem, vel sectione aperitur, & tum non solum sanguinem, quem continet, fundit, sed etiam plus eius suppeditare continuat, & quidem sub alui depositione, dum voluntaria pressio & connisus hanc manationem promouet.
4. *Tenesmodes* enim irritatio sæpissime cum hæmorrhoidibus externis concurrit.
5. *Cacæ tumentes*, quæ etiam *clausæ* seu *occlusæ* vocantur, altius introrsum haerent, nec facile exitum obtinent; sed referunt tumorem *inflammatorium*, doloribus acutissimis, stringentibus, tendentibus, lancinantibus, ardentibus, gangraenodeis constipatum, ita vt aegri non facile decumbere, sedere aut incedere queant, sed quocumque se vertant, maximos cruciatus experiantur.
6. Molimina harum hæmorrhoidum *longinqua* obsident dorsum, coxendices, femora, crura, pedes, immo suas palindromas facile sumunt ad organa cum vena portæ cohaerentia, atque hic ad paratum motuum hypochondriaco-hæmorrhoidalium multis doloribus torminosis, splenicis, hepaticis per mesenterium, & interdum per totum abdomen faeuientibus, ostendunt.
7. *Aluus* sub his doloribus plerumque est *clausa*; quæ si liberatur & exprimitur, præsentēs dolores ita exasperat, vt aegri interdum in lipothymiam incidunt.
8. Neque *urina* excretio satis libera & prompta est, sed vel paululum imminuitur, vel impedita ad modum fluit.
9. Animus sub his acutis doloribus valde angitur, vires imminuuntur.









minuuntur, adpetitus somnusque deficiunt, & nonnumquam commotio febrilis vaga accedit.

#### IV. SVBIECTA.

1. Hæmorrhoides *ceca* vix aliud temperamentum, quam vel phlegmaticum, pituitosum, mucidum, vel de hoc multum participans, infestant.
2. Generatim quidem virili sexui familiariores sunt; licet feminæ ab iis non prorsus immunes sint, sed *turgentes* non raro sub ultimo gestationis tempore, præcipue si multum sedeant, experiantur. Idem contingere solet sub partus doloribus, ubi foetus in peluim grauius recumbit, aut paullo grandior est, & intestinum rectum comprimit. Vnde in puerperiis sensum ardoris circa orificium ani perferunt.
3. Obtingunt imprimis personis ætatis consistentis, nisi causa quædam hæreditatis efficiat, vt iuniores ab eisdem corripiantur.
4. Sæpius quoque infestant illa subiecta, quæ hæmorrhoidalem fluxum primum parturiunt, quam quæ iam diu eidem adfuota fuerunt.

#### V. CAUSÆ.

1. Causa *antecedens remota* est plethora cum spissitudine sanguinis mucoso-pituitosi coniuncta.
2. Causa *propior* est restrictio sanguinis versus hæc loca, plethora imminutionem respiciens.
3. Causa *proxima* est infarctus & stasis sanguinis in vase aliquo hæmorrhoidali: vnde vel vesicula sanguine repleta, vel tumor inflammatorius producitur.
4. Causæ *occasionales, procatactica & aduentitia* sunt
  - 1) Immodicæ harum partium attritiones, siue ab equitatione insueta & diu continuata, siue a pruritu, siue a nisu exprimendi fæces aluinas, siue a partu difficili proueniunt.
  - 2) Infectio ab infectione super fella quadam adhuc calida, cui insedit, qui hæmorrhoides habuit vlcerosas.
  - 3) Illi quoque, qui venereis impuritatibus adfecti sunt, peculiare interdum vlcerationes circa orificium intestini recti experiuntur, id quod præcipue dependet a *vena-*



*rum connexione.* Ex vena enim *iliaco-hypogastrica* ramos accipiunt & partes genitales & intestinum rectum.

4) Abusus spirituosorum, aromatum, aloëticorum, helleborinorum & aliorum calidorum.

5) Neglectio confuetæ venæ sectionis & scarificationis in partibus corporis inferioribus.

#### V. PROGNOSIS.

1. Hæmorrhoides *externæ* æque ac *cacæ* ad finem quidem salutarem, nempe plethoræ imminutionem, respiciunt; sed ob vias minus commodas & vasa exilia vix vnumquam eundem impetrare valent.

2. Hinc quia nulla ex iis speranda est utilitas, longeque maiores molestiæ eas comitantur quam fluentes, aurea illa qualitas (*die guldene Uder*) de illis non potest prædicari.

3. Præsertim *cacæ*, quia in nudo furore, impetu & strepitu consistunt, & eam ob causam *furentes* dicuntur, multos eosque periculosos effectus producunt.

4. Siquidem eis superueniunt pathemata hypochondriaca, nephritis simplex & calculosa, dolores coxendicum & podagra, nonnumquam molimina ad mictum cruentum & pathemata iliaca, præsertim si incongrue tractantur.

5. *Turgentium* vesicula, vel sponte vel manu chirurgica aperta, copioso humorum versus hæc loca adfluxui, & non raro ipsis hæmorrhoidibus *internis*, legitime fluentibus, anam præbet.

6. Quando *vesicales* hæc congestiones cum insigni cuticulæ dilatatione factæ sunt, immo actu denique etiam perumpunt, facile, quamquam sine insigni dolore, ulcerare solent.

7. Vesicula quando aperta est, tum sæpius flaccida atque rugosa restat, & papulas quasi format, quæ, neglecta consolidatione, interdum sub facum aluinarum fortiore expressione sanguinem de nouo fundunt. Cuius rei exempla prostant, quorum sanguis per plures annos sensim & perpetuo effluxerit.

8. Vel hæ papulæ in vlcuscula prurigine molesta degenerant; quæ afflictio *serpigo hæmorrhoidalis* seu *pruritus ani serpiginosus* dici meretur.

9. Serp-









9. Serpigo hæc hæmorrhoidalis non raro occurrit; licet rara sit illius apud auctores mentio. Late non serpit, sed sæpe per plures menses in vno loco subsistit, & si ex illo loco propellitur, in vicinia iterum erumpit; neglecta autem adfectus arthritico-dolorificos & decubitus acres producit.
10. *Tumentes* æque ac *turgentes*, licet satis molestæ sint, vitæ tamen periculum non inferunt, nisi *diu adsueta* incongrue supprimantur.
11. *Tumentes*, nisi mature resoluantur & discutiantur, ad *suppurationem* perueniunt; quæ satis familiariter in *ulcerationem fistulosam*, a *turgentibus* non timendam, transit; præcipue si vel ante *maturationis* tempus profundius & latius inciduntur, vel iam suppuratæ nimis diu sine apertione hærent, vel mundificatio negligitur aut protrahitur.
12. Hæc corruptio quando in tubulo vasculoso-fistuloso inualescit, & in texturam intestini recti adiacentiumque partium musculosarum serpit, *hectica* tandem ægrotantes succumbunt.
13. Cæterum *ulcerosi* adfectus hæmorrhoidales maxime sunt contagiosi.

## VII. METHODVS MEDENDI ET REMEDIA.

## A. Methodus curandi.

1. *Turgentium*

- 1) Hæ multum difficultatis in curatione non inuoluunt: rupta enim vesicula maturam tantum exposcit mundificationem & consolidationem per externa illa balsamica, quæ sub *tumentium* tractatione indicantur.
- 2) Quando autem *siccescunt*, & verrucosam faciem exhibent, vel madent & ardent, atque salsa acrimonia his partibus molestiam adferunt, tum maiore circumspectione tractandæ sunt, nempe secundum methodum, qua alia vlcuscula tractantur. Ac tum quidem manus chirurgica in talibus fungoso-verrucosis excrescentiis & ulcerosis atque pruriginosis pustulis requiritur.
- 3) Ante omnia autem *alvus* tempestiue promoueatur, siue



per decocta prunorum, *lenientia*, mucilaginoso, pinguis, siue per vsum *rhabarbari*, siue per *clysteres* lenientes.

4) Pro scopo *reuellendi*, seu vt dicunt, *diuertendi*, conducunt, *pedilunia*, pedum *frictiones*, & cucurbitularum caecarum ad furas & femora adplicationes.

5) Ad dolores spasticos, qui statui vlceroso, de quo loquimur, accedunt, mitigandos exhibeantur pulueres nitroso digestiuo-cinnabarini.

## 2. *Tumentium.*

1) Discussio per tres vel quatuor priores dies tentetur; licet, ob loci praecipue incommodum situm, difficulter succedat. In hunc finem laudantur

a) Venae sectio in pede; quando insignis plethora concurrat.

b) Radices & herbae *resoluentes* & *moderate reprimentes*, e. g. rad. apii, vincetox. caryophyll. ireos Flor. bryon. figill. Salom. bistort. lilior. alb. herb. hyssop. verben. chærefol. beton. agrimon. matricar. scord. salu. menth. flor. chamomill. melilot. anth. sambuc. verbasco. sem. foenugraec. foenicul. caru. bacc. laur. quæ lacte prius coquuntur, & addita pauca portione camphoræ sacculis includuntur.

c) *Specificè* infusum *millefolii* saturatum, nempe pugill. III. ad dimidiam mensuram aquæ.

d) *Suffimigia* ex ture, mastiche, benzoë & speciebus superius nominatis parata.

e) *Specificæ externa* laudantur

α) Unguentum de *linaria* flor. lut. vel decoctum illius pro inessu adhibendum.

β) Appensio rad. *scrophularia* & *fabaria* secundum *Wedelium* in A. N. C. Quot tubercula in ano sunt, tot bulborum radicem eligendam & de dorso adpendendam iubent.

γ) *Suffimigium* ex *muribus marinis* & exuiis *anguilla*.

δ) Rad. *plantag. aquat.* manu detenta, donec incalcescat. Vide *Prænotium* in medicina pauperum.















rum. Eodem modo radicem acori adulterini  
vsurpandam commendant.

ε) De his & aliis plura sub *cautelis* dicentur.

2) Quando autem discussio non magis speranda est, *maturatio* promoueatur; id quod faciunt cataplasmata suppuratoria, cepæ affatæ, oleum lini, medull. crur. vitulini; item decocta, siue cum linteolis, siue cum spongia adhibenda, & ex rad. alth. lilior. alb. ireos Flor. sigill. Salom. gent. rubr. aristol. rot. apii, herb. scord. absinth. card. ben. cent. min. agrimon. sanic. chærefol. flor. chamom. rosar. rubr. sem. caru. bacc. laur. præparata; addendo aliquid mellis & myrrhæ.

3) Et quoniam *dolores* ante ruptionem valde vrgent, *interne* nitrosa, emulsiva, & in casu necessitatis anodyna, propinanda sunt; *externe* autem oleum verbasci, oleum calendulæ; præ omnibus etiam oleum ouorum conueniet.

4) Quam primum maturatio diiudicata est, *apertio* sufficiens, ope lanceolæ, instituatur.

5) Denique *mundificatio* & *consolidatio* omni studio promoueantur,

a) *interne* per laxantia & sanguinem ac lympham depurantia, e. g. mannata, fennata, item mixturam e tinct. antimon. tartarifat. essent. succini, essent. alexipharm. *Stahl*i; interpositis orgasmum sanguinis contemperantibus.

b) *externe* per balsamica e. g.

R. Essent. myrrh.

Succin. ana drachm. II.

Balsam. Peruu. scrup. I.

ol. philosoph. scrup. II. M.

item per vnguentum ex melle, vitello oui, liquamine myrrhæ, ture, mastiche, teberinthina; aut per linimentum ex oleo ouor. liquam. myrrh. & exiguo olei hyperici paratum: non minus conuenit miscela ex melle despumato, vitello oui, ali-



quot guttulis balsami de copaiua & olei hyperici,  
nec non olei mastichini & laurini.

- 6) Quando *fistula* subnata est, opportuna & dextra incisio-  
ne fons & radix mali tempestiue detegatur, quæ bre-  
uissima via est, præoccupandi vltiorem fistulæ *cuni-  
culari* progressionem.

B. *Præseruandi.*

Præseruationi fauent

1. Venæ sectiones æquinoctiales.
2. Scarificationum adfuetarum repetitio.
3. Adplicatio hirudinum ad hæmorrhoidalia loca. *vid. cau-  
tel.*
4. Promotio excretionis aluinæ.
5. Mobile vitæ genus, diæta congrua, animus tranquillus.
6. Moderatus vsus inessuum & pediluuiorum.

VIII. *CAVTELA ET OBSERVATIONES PRACTICAE.*

1. Hæmorrhoides *externæ*, quamquam raro ita occurrant, ut  
vena aperta sanguinem simpliciter effundat, notus tamen  
est casus singularissimus, quo stillicidium per quinque  
dies fuit continuum. Quum vero die sexto sanguis sub-  
sisteret, eo momento mirificis phænomenis versus caput  
dirigebatur. Videlicet sentiebatur adscendere quasi de  
puncto ad punctum per vniuersum truncum sensu non  
quidem ardoris, attamen notabilis caloris. Quum ad tho-  
racem perueniret, angustabat, in collo stringebat, in o-  
culis visum prorsus impediabat, fonte keinen Stich sehen. At-  
que hæc omnia intra quartam fere horæ partem obtin-  
gebant, donec tandem in vertice subsisteret, & dolores  
prementes paullulum durantes generaret.
2. Quoniam hæmorrhoides caecæ quam plurima incommo-  
da adferunt, & tamen intentio naturæ vix vmquam per  
illas obtinetur, tanto magis prudentiæ Medici commen-  
dantur, quæ tab. de hæmorrhoidibus internis sub method.  
*num. 2.* dicta sunt; nempe quod tales motus prudente ra-  
tione ad alias vias reuellerent magis conueniat, quam illòs  
tolerare.

3. Fre-









3. Frequenter venae sectiones, &, quod praestantius est, laboriosum vitae genus hoc in casu quam maxime commendari merentur.
4. Interea de *cæcis* etiam observandum est, quod *tabula de internis* haemorrhoidibus, ratione imprudentis cohibitionis per adstringentia & alia incongrua remedia, dictum est.
5. Absint itaque positiue *purgantia*, *stimulantia*, *calescientia*, *aloëtica* & *helleborina*, quae hosce infarctus haemorrhoidales augment, sanguinem exagitant & veras inflammationes producant.
6. Absint quoque *martialia*, tam adstringentia, quam sic dicta aperitiua.
7. Externe euitentur *repellentia*, *exsiccantia*, *refrigerantia*, *corrosiva*, *rubefacientia*, *septica*, e. g. terrae bolares, lithargyrium cum aceto.
8. Vfus quoque sulphuris & mercurialium sedulo euitetur.
9. *Vnguinea* rancida malum euentum efficiunt.
10. *Hirudines* in paroxysmo ad *turgentes* quidem cum cucurbitula adplicari possunt, ad *tumescentes* autem illas adhibere, neque satis securum est, neque officio suo satis faciunt. Non enim sugunt in adfectibus inflammatis & ubi aliquid ulcerosae aut suppurascantis corruptelae subest. Ad recursum autem *cæcarum* impediendum, quater vel sexies per annum bono cum effectu possunt adhiberi.
11. *Millefolii* vsus in sedandis doloribus *cæcarum* omnibus aliis specificis palmam praeripit, quando in forma thee adhibetur.
12. *Riuerius* & *Villanovanus* illius usum per integrum mensem continuandum suadent, & haemorrhoides numquam reuersuras promittunt, sed quaestio est, num etiam bono cum successu in futurum? Cauendum potius a tali periculoso conamine, nisi venae sectiones perite & feliciter simul in subsidium veniant.
13. Herba & vnguentum *linaria* specifico quidem effectu hic commendantur, minime autem operae pretium faciunt;  
nisi



nisi haemorrhoidibus iam actu exulceratis, vel ad vlcerationem maxime pronis; & tum vnguentum cum oleo ouorum aut vitello oui temperari debet; addendo pauxillum mercurii currentis aut praecipitati albi. In *tumens* parum aut nihil efficiunt.

14. *Chelidonium minus*, ob signaturam radicis grumosae, ad haemorrhoides caecas valere dicunt; sed neque in his neque in scorbuto, licet Scharbeck's Kraut κατ' ἐξοχήν vocetur, efficax est.
15. Radices *scrophularia*, *fabaria* & *chondrilla* in doloribus caecarum sedandis faciunt, quod possunt, raro autem, quod de illis praedicatur: nam haec & alia amuletica vix ullam spem in hoc adfectu, praecipue vigente paroxysmo & praesente inflammatione, adferunt. Notum tamen est exemplum, in quo efficaciam aliquoties praestitit *fabaria* amuletice gestata.
16. Contra *mures marini*, sub forma fumi ad sedem adhibiti, egregium saepe effectum mitigantem praestant. Hoc concrementum, quod a pisceraia per inferiora excernitur, haemorrhoides caecas signatura sua quodam modo repraesentat. Circumspectius autem, nempe sub initium, in furentibus adhibendum est; alias effectus illius reprimens stasin sanguinis non discutit, sed obfirmat.
17. De *specificis* generatim adhuc notandum; quod effectus illorum variet
  - 1) Ratione *subiectorum*: quod enim remedium in hoc homine dolores mitigat, in altero saepe sine effectum adhibetur.
  - 2) Ratione *temporum*: nam vnum idemque medicamentum hoc tempore bonum effectum, altero plane nullum praestat.
18. Interea *Weisbachius* asseuerat, quod in dolentibus haemorrhoidibus numquam sine effectum adhibuerit *folia recentia sambuci* conquassata. Dicit enim, quod, si quater circiter repetantur, inflammationem discutiant & dolores sedent. Adhibuimus etiam ipsi haec folia bono sem-









semper cum effectu. Hyeme *sedum vermiculare minus* substituendum serio dictus auctor commendat.

19. *Annulus Helmontii*, e filo ferreo candente, per vngulam pedis posterioris *equæ* pro mare, *equi* pro femina, traiecto, paratus, a nonnullis, qui ad experientiam prouocant, laudatur.
20. *Essentia succini* in hisce & aliis adfectibus serosis, partim discutiendo partim euacuando, commodissime se gerit, adeo, ut in adfectibus arthriticis efficaciam edat non contemnendam.
21. *Oleum ouorum* præcipue valet ad adfectus ardentes & rodentes demulcendos, aliosque cutaneos casus subleuandos; in vnguentum autem redigendum est cum liquore florum verbasci, sed sine multa frixatione, daß es nicht verbrate.
22. *Cauterisationes* & stimulant *iniectiones* in fistula hæmorrhoidali nequaquam admittendæ sunt.
23. Complicatur interdum declinante æstate *dysenteria* cum hæmorrhoidibus *cæcis*; quo in casu necesse est, ut Medicus circumspecte agat, & talia adhibeat medicamina, quæ vtrique adfectui salutaria sunt. Laudantur in hunc finem præcipue *millefolium* & *cascarilla*.

## TABVLA XIII.

DE

# HAEMORRHOIDIBVS SVPPRES- SIS, DECOLORATIS, ALBIS, MVCIDIS ET FLVXV HEPATICO.

## I. DIFFERENTIA.

Quemadmodum *precedente tabula* speciem alicuius suppressio-  
M
nis



nis in hæmorrhoidibus cæcis exhibuimus; ita *hæc tabula* reliqua vitia, quæ in negotio hæmorrhoidali obueniunt, exhibebit.

1. *Suppressio* hæmorrhoidum quadruplici respectu est consideranda.

- 1) Vel enim hæmorrhoides *numquam* fluxerunt, & tamen tam conspicua ad illarum perruptionem *molimina* a natura instituuntur, vt omni iure fluxus expectari debeat. Hæ ab aliis hæmorrhoides *molientes* vocantur
- 2) Vel hæmorrhoides iam quidem *adsuctæ* fuerunt, successus autem illarum admodum fuit impeditus, insufficiens, turbulentus, inordinatus, molestus: quod in hæmorrhoidibus *externis* seu *cæcis* frequenter contingit.
- 3) Vel hæmorrhoides placide, moderate, ordinate & statis temporibus antea fluxerunt, iam vero citra euidentem & manifestam causam iterum deficiunt; id quod in hæmorrhoidibus *internis* sæpius obseruatur. Has alii *emanentes* adpellant.
- 4) Vel denique hæmorrhoides, antea legitime fluentes, siue a causa interna siue externa præcipue per incongruam medicationem & regimen improuidum interceptæ & repressæ sunt. Quas hæmorrhoides *suppressas* sensu *strictiore* nuncupare licet.

2. *Hæmorrhoides decoloratæ, albæ & mucidæ.*

Loco sanguinis sinceri in hæmorrhoidibus internis sæpius excernitur materia *albicans*, gelatinosa, instar *tragacanthæ* solutæ; Galli adpellant hæmorrhoides *albas*, alii *decoloratas*, *mucidas*. Hæc materia interdum fluxum hæmorrhoidalem antecedit; interdum eundem sequitur. Discrepat autem

- 1) ab *excrementis* ordinariis ratione consistentiæ & coloris. Hæc enim flauo colore fere semper conspicua sunt, illa autem materia est pallida, albumen oui aut sperma ranarum referens.
- 2) a *diarrhæa* variis speciebus, respectu quantitatis materiæ,









riæ, quæ in his magna plerumque copia euacuatur, in hæmorrhoidibus autem albis tam moderata quantitate effunditur, ut qualibet depositione dimidii cochlearis, & vix semper tanta quantitas excernatur.

3) a *dysenteria*, uti vocatur, *alba*, respectu ingentium torminum & tenesmi; quæ symptomata, licet in nostro affectu etiam reperiantur, tam immania tamen non sunt, uti in *dysenteria alba*.

4) ab *apostemate* intestinorum & purulento alui fluxu.

5) ab *ulcere* & *fistula ani*.

3. *Fluxus hepaticus* est species diarrhœæ siue alui fluxus, in quo excrementa liquida & instar loturæ carnis rubentia excernuntur. Distingui vero etiam debet

1) a *dysenteria*. Nam

a) in *dysenteria* excrementa magis tincta sunt *sanguine* vel *muco albo*; in fluxu autem hepatico humor loturæ carnis instar excernitur.

b) *Dysenteria* motibus febrilibus, modo lenioribus, modo acutis coniuncta est; fluxus autem hepaticus numquam.

c) *Dysenteria* mense augusto & septembri; hepaticus autem fluxus promiscue occurrit.

2) A *diarrhœa* stricte dicta, in qua excrementa fluida quidem, colore tamen rubicundo minime tincta sunt, uti in fluxu hepatico.

3) Ab *hæmorrhoidibus albis*, in quibus materia non est tam diluta & aquosa, uti in hoc fluxu deprehenditur.

4) A *lienteria* & *diarrhœa cæliaca*; quam differentiam signa inter se collata dabunt.

5) *Fluxus hepaticus*, iuxta veteres est vel

a) *verus*, quando serum tinctum solummodo excernitur. Vel

b) *Spurius*, quando partes acres biliosæ, aut aliae faeculentæ corruptæ excrementis admiscuntur, adeo ut excretio propter mordacitatem eorum cum molestia & dolore contingat.

4. Reliquæ *anomalie* hæmorrhoidales consistunt in motibus



ad fluxum hæmorrhoidalem quidem tendentibus, sed a vero tramite & ordine deflectentibus, & ad *insolitas vias* sæpe excurrentibus. Sunt autem hæc anomalie vel

- 1) *Passive*, quando sanguis spissior difficulter erumpit, & post eruptionem aegrius fluit; aut quando viae nimis strictae & densae sunt. Vel
- 2) *Active*, quando natura motus hæmorrhoidales siue in defectu siue in excessu administrat; aut quando modo huc, modo illuc, modo sursum, modo deorsum, modo ad latera, aut ad insolitas vias euagatur. De qua re plura sub *prognosi* dicemus.

## II. SIGNA.

### A. *Hæmorrhoidum suppressarum.*

Hæc sumuntur a *symptomatibus*, quæ hæmorrhoidum suppressionem comitantur.

1. Suppressionem hæmorrhoidum *internarum* pressio pedē insequitur vniuersus *mali hypochondriaci* apparatus. *Conf. tab. de malo hypochondriaco.*
2. Quæ pathemata primo quidem quasi *leuia* adparent, & præcipue circa *sinistrum* hypochondrium regionemque lumbarem sese manifestant, nempe tensionibus & pressionibus.
3. Progrediente autem tempore *grauiores* turbæ succedunt, præcipue in illis, quibus fluxus antea *impeditus* & cum maiore nisu procedere consuevit. Sequuntur videlicet dolores spastici, colici grauiissimi, lienis inflationes, vomitorii conatus, alui adstrictio pertinax, durities abdominis flatulenta & torminosa, viscerum infarctus, scirrhi, inflammationes, conuulsiones, melancholia, mania, vomitus cruentus, cachexia, hydrops, œdemata, hectica & phthisis, apoplexia, hemiplexia, paralyfes &c.
4. Suppressionem autem hæmorrhoidum *externarum* sequuntur magis adfectus arthritici, podagrici, ischiadici, nephritici, calculosi, mictus cruentus, varices, contracturæ, ariduræ, paralyfes sphincteris ani & vesicæ &c.
5. Symptoma autem maxime consuetum, quod suppressionem hæmorrhoidum quarumcumque sequitur, est respi-















spirationis difficultas seu asthmatica afflictio, plurimum *hypochondriaca*, nonnumquam etiam *pectoralis*, cum tussi humida coniuncta.

B. *Hæmorrhoidum albarum.*

1. Antecedunt motus tendentes, stringentes, in abdomine & hypochondriis.
2. Intercurrunt borborygmi, flatus & ructus.
3. Superueniunt pressiones in lumbis & circa os sacrum; tenesmus quoque iam cum punctione ani, iam cum scindente & ardente sensu.
4. Sub his afflictionibus excernitur cum aliquali sibilo materia instar albuginis, paullulum flauescens, interdum cum colore aliquali subruffo & quasi roseo, aliquando etiam cum striis cruentis.
5. Ob insolitam humectationem sæpius in partibus ani externis pruritus & excoriatio obseruantur.
6. Habitus corporis constrictus, & facies pallida est.
7. Vrina parciore & saturatiores effluit.

C. *Fluxus hepatici.*

1. Excernitur sub frequentibus deiectionibus humor per aluum, loturæ carniū similis.
2. Concurrunt dolores tendentes, murmurantes in abdomine, & spastici motus circa lumbos.
3. Qui motus spastici nonnumquam in latus dextrum versus hepar se extendunt.
4. Interdum titillationes & lenes morsus in intestino recto percipiuntur; interdum vero ægri vix vllum huius rei sensum habent, neque vllis doloribus adficiuntur.
5. In nonnullis tenesmus accedit.

III. *SVBIECTA.*

1. Subiecta, quæ ad excretionem hæmorrhoidalem generatim disposita sunt, *tabula de hæmorrhoidibus internis* indicauimus.
2. Speciatim *suppressioni* hæmorrhoidum facile obnoxia sunt temperamenta sanguineo-melancholica, aut melancholico-cholerica.



3. Homines *immorigeri*, & qui *commotionibus animi* terrificis continuoque moestis corripuntur.
4. Ad hæmorrhoides *albas* & *fluxum hepaticum* dispositi sunt homines phlegmatici, melancholici, & quidem mediæ ætatis, iuvenes scilicet & viri.
5. Feminae mensium imminutione aut suppressione adstrictæ, interdum etiam ab his molestiis corripuntur.
6. Præcipue autem omnibus hisce anomaliis obnoxii sunt, qui vitæ genus laboriosum in *sedentarium* mutarunt.

## IV. CAUSSAE.

A. *Hæmorrhoidum suppressarum.*

Varia quidem sunt causæ, quæ ad suppressionem hæmorrhoidum contribuunt, nulla autem necessitas vrget, ut inimicam sanguinis dyscrasiam, iam acidam, iam atrabiliariam, iam acrem, stimulantem & genus nervosum vellicantem, aut alias materiales qualitates accusamus. Præcipue ad eam contribuunt

1) *Interne*

- 1) Animi pathemata, maxime terror, timor & tristitia.
- 2) Spissitudo sanguinis abundantis, non minus autem
- 3) Orgastica illius commotio.

2. *Causæ externæ & occasionales sunt*

- 1) Mala artificia seu medicamina, e. g. *vomitória*, *refrigerantia* interna & externa, abusus *adstringentium*, si nempe fluxus hæmorrhoidum legitimus, aut alii morbi, in primis febres intermittentes, per, talia incongrua remedia temere tractantur.
- 2) Potus frigidus corpore exæstuante. Accusare etiam solent decocta théæ & coffée valde saturata; sed ego non peruideo rationes.
- 3) Diæta crassa, fermentescens.
- 4) Largior potus spirituosorum, in primis ardentium.
- 5) Alui indurationes.
- 6) Aër frigidus-humidus.
- 7) Refrigeratio abdominis & partium inferiorum immodesta.

B. *Hæmorrhoidum albarum.*

Quod









Quod hæmorrhoides tam confuse tamque perturbate ac præpostere se gerant, in culpa esse observantur

1. Ipsa *natura*, quæ motibus suis congestorio-spasticis a vera methodo & scopo aberrat, & loco sanguinis sinceri lymphatico-seroso-ichorosam portionem eiicit.
2. Viæ & partes paullulum strictiores, ut sanguis non recte transprimi queat.
3. Humorū spissior consistentia.
4. Plethora cum impetu commota.
5. Sudores matutini autocratici neglecti, & vrina nimis diu retenta.
6. Venæ sectiones & scarificationes consuetæ neglectæ.

C. *Fluxus hepatici.*


1. Antiqui accusabant debilitatem hepatis, sanguinem neque bene attrahentis, neque recte retinentis, unde lapsus eiusmodi sanguinis ad intestina oriatur.
2. Magnam autem conspirationem hic fluxus habet cum hæmorrhoidibus; & sicut in vitio mensium talis sanguinis decolorationes sæpius contingunt, sic etiam in vitio hæmorrhoidum idem fieri vero simillimum est.
3. Ad talem anomalam contribuit
  - 1) Plethora.
  - 2) Qualiscumque organica sanguinis commotio, quæ impedit, quo minus sanguis ad eruptionem directe pervenire queat.
  - 3) Impeditus & retardatus eiusdem progressus per venam portæ. Unde contingit, ut in vasis hæmorrhoidalibus restagnet & in mucidam talem secessionem abeat.
4. Aliquando etiam ad talem fluxum disponit scirrhus aut infarctus hepatis, qui sanguinem, per venam portæ fluentem, intra hepar sese effundere non permittit; unde regressus & exundationes fiunt ad regiones hæmorrhoidales, ut sanguis deinde turbulenter ex iisdem erumpat, & mixtam talem ac impeditam excretionem offerat.
5. Nonnumquam etiam adest excoariatio intestinorum in hominibus dysenteria male curatis, quæ ad hunc fluxum ansam præbet.



## A. PROGNOSIS.

1. Quam graua symptomata suppressionem hæmorrhoidum excipiant, sub *signis* iam indicatum est.
2. Est adfectus satis quidem rebellis, facilius autem medicationi auscultat, quando a causis internis, nempe a spisso sanguine originem sumsit, quam si per incongruum adstringentium vsum productus est.
3. *Molimina* hæmorrhoidalia licet numquam erumpant, minoris tamen sunt periculi, quam si ipse fluxus antea adfuit.
4. In feminis hæmorrhoides suppressæ minus periculum adferunt, quam in viris; nisi periodum, qua menses fluere adhuc possunt, transgressæ sint.
5. Quo diutius hæmorrhoidum suppressio durauit, eo certius sanguinis producit translationes, partim ad viscera hypochondriaca, partim ad alia loca, excretioni sanguinis accommodata.
6. Priore casu vniuersa mali hypochondriaci scena introducit; conf. *signa*; posteriore vero asthma conuulsium, catarrhus suffocatiuus, vertigo, apoplexia, hæctica in siccoribus, hydrops in succulentis.
7. Inter acerba pathemata, quæ suppressionem consequuntur, eminet *colica hæmorrhoidalis*, de qua vid. *tab. de hæmorrhoid. internis* & *tab. de colica*.
8. Sic etiam hæmorrhoidum cohibitiones variis *ulcerationibus* ansam præbent; inferunt præter ea tumores pedum œdematosos, asciticos, tympaniticos, & alias humorum deprauationes.
9. Et quoniam *lien* in suppressis hæmorrhoidibus plerumque in consensum trahitur, multi morbi splenici inde deriuantur.
10. Neque minus attendendus est *decubitus* ille humorum, qui ex hæmorrhoidibus suppressis *pectus* occupat, vnde asthmaticæ angustiae, palpitatio cordis, molimina hæmoptica verae hæmoptyses, inflammationes pectoris, phthisis &c. oriuntur.
11. Fiunt quoque translationes sanguinis ad *caput*, ex quibus verti-









vertigines, aurium tinnitus, auditus grauitas, hæmorrhagiæ narium, oculorum & dentium dolores, angina multæque aliæ afflictiones ingruunt.

12. Ad insolitas quoque vias, ad quas hæmorrhoides euagari solent, pertinent etiam hæmorrhoides, quæ in feminis mensium cessationem interdum excipere solent.

B. *Hæmorrhoidum albarum.*

1. Quem ad modum in negotio menstruo *fluor albus* vices sinceræ hæmorrhagiæ supplet; ita in negotio hæmorrhoidali *albicans* hæc *excretio* vices fluxus hæmorrhoidalis tenet.
2. In quibusdam subiectis hæc excretio alba in talem consuetudinem abit, vt, quoties hæmorrhoides recurrunt, toties easdem comitentur.
3. Et quando hic albus fluxus cum sincero hæmorrhoidum successu alternat, completa fluxus hæmorrhoidalis suppressio extimescenda est.
4. Licet tamen hæc euacuatio ad anomalias hæmorrhoidales pertineat, natura tamen eam ita adprehendit, ac si verus & sincerus sanguis exoneratus esset.
5. Nam materia hæc excreta præcedentes immoderatiores motus spastici placantur & pathemata infimi ventris tolluntur. Vnde hoc respectu hæc excretio salutaris dici potest.
6. Quando autem hæmorrhoides in iustum ordinem restituta sunt, tunc hæ albæ excretiones iterum euanescent, nec in posterum, rebus sic stantibus, facile comparent.
7. Si vero hæmorrhoides albæ per mala artificia repente opprimuntur, eadem graua pathemata & morbidæ consecutiones eueniunt, quæ turbatas hæmorrhoides excipere solent.
8. Quo diutius hæmorrhoides albæ durant, eo magis perturbant alui nas euacuationes, & futurae primarum regionum labi periculum minantur.
9. Immo sæpe in colicam hæmorrhoidalem, & vehementes spasmodicas afflictiones circa venam portae faeuientes, transformantur.




C. *Fluxus hepatici.*

1. Fluxus hic multopere chronicum est malum, & curationem difficulter admittit.
2. Si malum est recens & subiecta adhuc sunt iuniora atque vegeta, curatur interdum; in senibus vero ac morbo iam inueterato nulla curationis spes est, praesertim si tabes, quae ordinarie adesse solet, in viscere quodam infimi ventris haeret.
3. Compluries, si nimis diu durat & vires admodum proster- nit, in cachexiam & hydropem, nonnumquam vero in ta- bem siue hecticam degenerat.

VI. *METHODVS MEDENDI ET REMEDIA.*A. *Haemorrhoidum suppressarum.*

1. Fluxus haemorrhoidalis si numquam adfuit, motus tamen ad eundem excitandum vrgent, admodum circumspe- cte agendum est: non enim promiscue molimina talia, praecipue *remota*, promouenda sunt. *Conf. tab. de ha- morrhoid. internis.*
2. Vbi itaque temperamentum & reliquae aegrotantis cir- cumstantiae legitimum & sufficientem fluxum non pol- licentur, ibi praestat motus tales *desuescere*
  - 1) Vel per vicarias venae sectiones,
  - 2) Vel, quod melius & efficacius est, per sufficientem & la- boriosam corporis motionem.
3. Suppressio autem *adsuetarum* haemorrhoidum sequente methodo tractatur.
  - 1) *Quantitas* sanguinis est imminuenda, vt intentioni natu- rae aliquo modo satis fiat & symptomata mitigentur.
    - a) Venae sectio itaque in *pedibus* instituatur. *Conf. cautel.*
    - b) Alius autem, si non legitime succedit, prius aperiatur per clysterem emollientem & carminatiuum, e. g. per decoct. chamomill. cum lacte.
  - 2) *Qualitas* sanguinis post venae sectionem est corrigenda.
    - a) Si *orgasmus* peccat, placandus ille per nitrosa, praeci- pitantia & acidula.
    - b) Quando autem *spissitudo* humorum adest, resoluentia & atte-









attenuantia illa adhibeantur, quæ *tabula de suppressione mensium sub methodo* indicantur.

3) Facta correctione *motus* ad locum excretionis blande invitandus & leniter stimulandus est.

a) *Interne* per helleborata, myrrhata, aloëtica, elixir. proprietat. crocum, boracem, pilulas *Stahlianas*, *Becherianas*, laxantia per epicrasin.

b) *Externe* per adplicationem *hirudinum* ad hæmorrhoidalia loca, clysteres stimulantes, suppositoria acriora, frictiones.

4) Tandem *tonicaroboratio* suscipiatur per mixturam tonico-neruinam *Stahlii* & per vsum martialium, optime preparatorum; quo tempore tamen alius semper aperta seruetur, siue per clysteres, siue per laxantia interna subinde adplicanda.

## B. Hæmorrhoidum albarum.

### I. *Præservandi.*

1) Ante omnia videndum est, ne natura per spissitudinem sanguinis molestam & serum mucidum ad hosce erroneos motus suscipiendos inuitetur. Hinc necesse est

a) Vt sanguis depleatur per *vena sectiones* æquinoctiales, per *hirudinum* adplicationem & per *scarificationes*.

b) Vt serum copiosum imminuatur, & eius vberior ad hæmorrhoidales venas adfluxus intercipiatur per moderata *laxantia*, *diuretica* & *diaphoretica*. Faciunt hoc

α) Rhabarbarum, folia sennæ, fibrae hellebori nigri, aut vinum medicatum ex resolventibus & abstergentibus paratum, cui exiguum de fibris hellebori nigri commisceri potest, vel, quod securius, polypodium.

β) Salia incidentia: sal tartar. genist. ononid. tartar. vitriolat. arcan. duplic. &c.

γ) Absorbentia: conch. præparat. antimon. diaphoret. bezoardic. mineral.



- δ) Essentiæ resoluentes : essent. alexiph. tinctur. an-  
timon. tinctur. tartar. mixtur. simpl.
- c) Ut humores in iusta fluiditate conferuentur, & viæ in  
debitum flexibilem statum redigantur per motum  
corporis sufficientem, per diluentia, humectantia  
diætetica.
- d) Ut intestina & primæ viæ abstergantur, ne transitus  
sanguinis vlllo modo offendatur & impediatur. In  
hunc finem laudantur
- α) Salina digerentia & colliquantia, siue enixa, siue  
tartarisata.
- β) Clysteres lenientes & roborantes.

## 2. Curandi.

- 1) Ad motus hæmorrhoidales in ordinem redigendos præ  
aliis remediis conducunt pilulæ *Stahlianæ*, quæ maioris  
sunt efficaciam, quam reliqua laxantia.
- 2) Irregulares commotiones mitigant antispasmodica cin-  
nabarina cum absorbentibus & diaphoreticis fixis  
combinata.
- 3) Profunt etiam resoluentia & æqualitatem motus sangui-  
nis promouentia; additis temperatis dosibus roboran-  
tium, e. g. essent. vincerox. helen. pimpin. alb. gent.  
rubr. mixtur. tonico-neruina *Stahlii*.
- 4) Alius semper aperta seruetur.
- 5) Et cum venæ hæmorrhoidales propter frequentem muci  
effluxum admodum laxæ reddantur, adeoque talis  
fluxus facilius recurrat, ad roborandas hæc partes de-  
tur tinctur. mart. *Ludou.* mixtur. tonico-neruina  
*Stahlii*.
- 6) In feminis purgationis menstruæ ratio habeatur, vt in  
iustum ordinem redigatur.

## C. Fluxus hepatici.

1. Quoniam fluxus hepaticus pro adfectu hæmorrhoidali di-  
iudicatur, eadem etiam methodo, quæ sub impedito hæ-  
morrhoidum negotio commendata est, omni iure tra-  
ctatur,















stat, nempe remediis mediocriter temperantibus & abstergentibus, cum lenibus laxantibus.

2. Per aliquot itaque dies rhabarbarum a scrupul. I. ad drachm. semis, vel pilulæ *Stablii* propinari possunt.
3. Deinde temperantia & abstergentia salina adhibeantur, e. g. nitrum, tartar. vitriolat. arcan. duplic. nitrum antimoni-  
at. sal centaur. min. card. bened. absinth. mater perlar. conch. præparat. ocul. cancri.
4. Denique mixtura tonico-neruina *Stablii*, vel sola, vel cum essentia pimp. alb. aut adianth. alb. mixta propinetur.

## VII. CAUTELÆ ET OBSERVATIONES PRACTICÆ.

1. Multi opinantur, quod hæmorrhoides sint præternaturale i. e. noxium accidens; unde necesse esse iudicant, quo hæmorrhoides coercerentur. Omnibus itaque cogitationibus in id feruntur, ut per adstringentia, narcotica, vomitoria, purgantia hosce motus inordinatos temperent, & acrimoniam scorbuticam, ut volunt, corrigant. Cum tamen, si ministri naturæ esse vellent, id vnice agere deberent, ut ei omni modo succurrerent, & dexteritate atque peritia sua medica eandem subleuarent. Facilius enim est hæmorrhagias quascumque suppressere, quam referare.
2. Ex hoc errore etiam fluît, quando multi Medici hæmorrhoides suppressas relinquendas censent. Aureus enim hic fluxus aureas suas qualitates non exserit, nisi legitime succedat.
3. Abstinentum itaque est a vomitoriis, quæ facile motus hæmorrhoidales tam ad ventriculum quam superiorem corporis regionem ducunt, & ad vomitum cruentum disponunt, aut in hepate & liene periculosos effectus provocant.
4. Si vero certo exploratum sit, quod ab hæmorrhoidibus suppressis aliquid sanguinis in ventriculum secesserit, quod ad vomitum cruentum disponere posset, tunc liene vomitorium, e. gr. per radicem ipecacoanhæ, locum habere potest.
5. Purgationes fortiores & clysteres acres, item suppositoria sti-



- mulantia, & reliqua impellentia, calefacientia, motus & humores magis exagitant, neque tamen suppressas hæmorrhoides referare solent.
6. Aloëtica, helleborina, colocynthiaca stimuli quidem loco adhiberi, ad præcauendam autem ebullitionem sanguinis nitrosa & absorbentia interponi possunt; alias facile graues exacerbationes, nempe colica, splenetica, anxia pathemata oriuntur.
  7. Absint *narcotica* opiata, quæ præsentis motus vno impetu obruunt, & ad futuros infarctus ac stases, immo ad infestus tympaniticos, oedematosos, hæcticos & hydropicos disponunt.
  8. Nocent adstringentia, incrassantia, præcipitantia, quæ in viis suspectam stricturam & in humoribus maiorem spissitudinem producant.
  9. Nil iuuant antiscorbutica acriora, edulcorantia.
  10. *Vena sectio*, licet in grauioribus spasticis moliminibus a natura non facile attendatur, cum primis, quia venæ, quæ secari possunt, immediatum cum vena portæ commercium non habent; præstat tamen eandem medicationi præmittere, quam prorsus prætermittere.
  11. Præmissis generalioribus applicatio *hirudinum* quam maxime commendatur, tamquam remedium omnium tutissimum & efficacissimum. Licet enim hirudines venam hæmorrhoidalem *internam* immediate non attingant, per conspirationem tamen venarum *externarum* non raro *internæ* hæmorrhoides prouocantur.
  12. Ad roborationem viscerum hypochondriacorum *tonica* præcipue *martialia* non præmature, sed in progressu medicationis, & obtento semel fluxu, adhibeantur, ne infarctus & obstructio augeatur.
  13. Molimina hæmorrhoidalia si sponte natura cessant, caueat sibi Medicus cum *impetu* illa resuscitare.
  14. Immo licet motus tales *incongrua arte* suppressi essent, e. g. opiatis, lapis manat. dent. hippopot. vnicorn. ver. priap. cet. medicatio tamen impetuosa minime locum haberet.
  15. *Acidularum* vsus, ad quem ægri post varias & sæpe peruersas medi-









medicationes ordinarie relegantur, cachexiam, tumores œdematosos & denique hýdropem producit.

16. *Salia volatilia* caute hic vsurpanda sunt, non, vt moris est, ad *humores* præparandos, sed ad *viscera* roboranda.
17. Adfectus œdematosi si hæmorrhoidum suppressionem sequuntur, res fere conclamata est: fluxus enim difficulter reuocatur, & si omnino reuocetur, œdemata tamen pertinaciter sæpius solent durare. Occurrendum in tali casu per methodum *tabula de œdemate* indicatam.
18. Diæta crassior euitetur : abusus vini & aliorum spirituosorum valde nocet. Curru, non adeo commodo, sed concussionem modicam excitante, vehi, aut aquitare, vel alio modo abdomen placide concutere, quam maxime conducit.
19. *Fluxus hepaticus* rarius quidem in frigidis regionibus obseruatur, veteribus tamen non ignotus fuit, qui sibi religioni ducebant, per adstringentia eum tractare; & hoc quidem omni iure: nam a directa illius cohibitione eadem damna expectanda sunt, quae ab aliis fluxionibus, per adstringentia & alia incongrua artificia suppressis producuntur.
20. Humores serosi & corrupti per amara optime corriguntur, perque laxantia mucoso-aquosae partes eliminantur. Hinc rhabarbaro, supra commendato, herbae amaræ & radices resoluentes addi possunt, e. g. herb. fumar. centaur, min. rad. ari, ostrutii, leuistici &c.



TABVLA XIV.  
DE  
FLVXV MENSIVM ORDINATO,  
NIMIO ET HAEMORRHAGIA  
VTERINA.

I. **D**EFINITIO.


*Fluxus mensium* est euacuatio sanguinis striete dicti, feminino sexui propria, qua singulis ordinarie mensibus notabilis illius portio, foetui nutriendo specialiter destinata, per genitalia excernitur, omnibus illis annis, quibus ad gestandum idoneae quidem existunt, actu autem ipso a negotio generationis immunes reperiuntur.


II. **D**IFFERENTIA.

1. Fluxus mensium est vel *suppressus*, vel *ordinatus*, vel *nimius*.
2. De fluxu *suppresso* tabula de suppressione mensium agetur: de *orninato* autem & *nimio* hac tabula dicemus.
3. *Nimius* fluxus non debet confundi cum ordinato *largiore*, quo quidem copiosa sanguinis excretio contingit, & incommoda quaedam grauatiua atque tensiua, praecipue ante eruptionem, sentiuntur; quae tamen sub ipso adhuc fluxu notabiliter mitescunt, & aegra deinde ad spectu sano ac constitutione satis bona fruitur. In *nimio* autem fluxu grauiora phaenomena occurrunt, vti ex *signis* illucescet.
4. Contingit non raro, vt cessante menstrui fluxus periodo sanguis plerumque grumofus & viscidus, modo vehemente impetu, modo successibus placidis, sed fere continuus, per vias vterinas extrudatur; quae quidem euacuatio non amplius mensium fluxus nomine venit, sed *haemorrhagia vterina* Medicis audit.
5. *Haemorrhagia abortiua* tabula de *lochiis* explicabitur.

III. *SI-*









## III. SIGNA.

A. *Fluxus ordinati.*

1. Exferit sese hic fluxus cum pubertate feminina, anno circiter decimo quarto.
2. In *otiosis* & de diætâ plena atque calida gaudentibus paullo prius, in *laboriosis* autem notabiliter *serius* exoritur.
3. Præ omnibus aliis hæmorrhagiis hic fluxus statâ servat tempora : recurrit enim ordinarie singulis mensibus, computando a die illo, quo erupit, vsque ad diem novæ eruptionis.
4. Quando fluxus *legitime* succedit, excernitur sanguis *strictè dictus*, & quidem ita tranquille & moderate, ut vix aliqua incommoda adferat.
5. Exceptis illis, quæ a restrictione sanguinis ad inferiora dependent. Ob hanc enim causam angustias & difficilem aliquo modo respirationem persentiscunt, præcipue quando corpus fortius commouent, vel scalas aut colles adscendunt.
6. Præter ea in peripheria corporis adparet subsidentia paritum & exinanitio vasorum cum adpectu pallido & constricto.
7. Quo magis vero in subiectis, quæ sanguine spisso & viis artibus prædita sunt, menses *impedite* fluunt, eo maiora incommoda ægræ præcipue ante eruptionem persentiscunt; nempe pressiones & tensiones spasticas, torminosas, colicas, cardialgicas, distensorias &c. in abdomine, præcipue circa vteri atque sinus regionem; quibus fastidium animi plerumque accedit.
8. Durat hic fluxus, pro differentia subiectorum & reliquarum circumstantiarum, per tres, sex, immo nouem dies, quo tempore sanguis prioribus diebus paullo *largiter* e genitalibus excernitur, posterioribus autem notabiliter remittit, donec sensim penitus subsistat.
9. Extendit sese hic fluxus ordinarie ad quinquagesimum vsque annum; quo tempore intentio naturæ ad concipiendum & gestandum cessare obseruatur.



10. In multis, præcipue laboriosis, prius cessat; in paucioribus vero quinquagesimum annum transcendit.

B. *Fluxus nimii.*

1. Antecedunt fluxum *nimum*

- 1) Insignes circa præcordia anxietates.
  - 2) vagæ horripilationes & phlogoses.
  - 3) efferuescentia sanguinis.
  - 4) siccitas oris.
  - 5) respiratio difficilis.
  - 6) grauitas artuum & lassitudo totius corporis.
  - 7) Speciatim autem variæ pressiones & torsiones in abdōmine, præcipue circa os sacrum.
2. Hæc incommoda excipit fluxus ipse, isque *impetuosus*, seu ad minimum *copiosus*, interdum etiam cum frustorum coagulorum excussione coniunctus.
3. Durans iusto diutius, ad duas vel tres hebdomadas.
4. Vel nimis cito, & plurimum inordinate recurrens, e. gr. post duas aut tres hebdomadas.
5. Reliquens veram debilitatem, cum malo colore, magis magisque increbescente, coniunctam.

C. *Hæmorrhagia uterina.*


1. Præcedunt & comitantur eadem symptomata, quæ sub mensium fluxu *nimio* indicata sunt, sed longe maiori vehementia ægras excruciant, ita vt syncopiticis deliquiis non raro adfligantur.
2. Excernitur sanguis ordinarie spissus, viscidus & valde grumosus, immo frusta sanguinis coagulata nigricantia & aliæ id genus impuritates cum atrocissimis nonnumquam doloribus atque anxietatibus expelluntur.


IV. *SUBIECTA.*

1. Quod fluxus mensium omnibus feminis competat, quæ intra annos supra notatos viuunt, & extra tempus gestationis aut lactationis sunt constitutæ, adeo certe verum est, vt pauciores illæ, quæ eodem destitutæ sunt, tantum non omnes graua incommoda & damna certissime incurrant.
2. Fluxus autem *nimius* in pauciora subiecta cadit, nempe in feminas plethoricas, in primis

1) Cho-









- 1) Cholerico-melancholicas, & quæ insignibus animi commotionibus obnoxia sunt, aut speculationibus venereis indulgent.
  - 2) Quæ ad tempus mensium cessationis accedunt, quo notabilis plerumque excessus observatur.
  - 3) Quibus post abortus vel molæ exclusionem insignis erosio vasorum vteri inducta est.
  - 4) Quibus fortiora *emmenagoga*, vel ad suppressi mensium fluxus reuocationem, vel ad nefarie pellendum foetum adhibita sunt.
3. *Hæmorrhagia uterina*, quæ post cessationem menstrui fluxus contingit, eadem subiecta agnoscit, nempe feminas plethora & spissitudine sanguinis laborantes : præcipue autem eiusmodi impetuosa & copiosa sanguinis excretio illis accidere solet, quæ peculiari quadam vteri vel impuritate vel læsione vera adfectæ sunt.

## V. CAUSSAE.

A. *Fluxus mensium ordinarii.*

1. Causa *antecedens* est intentio specialis ad foetum nutriendum.
2. Quando autem hic finis ob varia impedimenta & circumstantiarum rationes obtineri non potest, natura hanc sanguinis abundantiam per eadem loca excernit, quibus illa destinata erat.
3. Quod autem *præcise* singulis ordinariæ mensibus hæc excretio contingat, videtur rationem *criticæ periodi* fouere. Conf. *programma D. D. Stahlî de fluxu menstrui, quatenus menstrui, causa.*
4. Grumofitas itaque sanguinis, vias obstruens, & sic fluxum mere passuum constituens, illis relinquitur, qui tali speculatione satis sibi facere, & vniuersum huius fluxus negotium hisce causis exhaurire putant.

B. *Fluxus mensium nimii, &*C. *Hæmorrhagia uterina.*

1. Causa *antecedens* est plethora, præcipue in temperamentis cholerico-melancholicis, cum vasis capacioribus & habitu corporis constricto præditis.
2. Causa *proxima* est *orgasms* sanguinis, quacumque ratione inductus.




3. His internis caussis adnumerari possunt, *hereditaria dispositio & consuetudo.*
4. *Causse externa & aduentitia.*
  - 1) Euacuationum artificialium adfuetarum neglectio.
  - 2) Frequens *exclusio abortus.*
  - 3) *Specialissime* concrementa e reliquiis *secundinarum* repululantia.
  - 4) Vel, quod tamen rarius, *mola* aliunde subnata.
  - 5) *Erosio* insignis vasorum vteri.
  - 6) *Animi* vehementes commotiones, vbi iracundia facile princeps est.
  - 7) Item impetuosæ corporis æstuationes, quando nimirum saltationibus, aut aliis grauioribus motibus plethoram commouent.
  - 8) *Diaeta* aromatica & spirituosæ.
5. Quod *hemorrhagia uterina*, quæ in nonnullis post mensium periodum contingere solet, impuritatem vteri aut læsionem pro causa specialissima habeat, in *subiectis* iam indicauimus.

## VI. PROGNOSIS.


1. Mensium fluxus, quo magis cum *phasibus lune* notabilioribus conspirat; eo melius, tranquillius & impeditius succedit: propterea etiam hic fluxus a nonnullis *purgatio lunatica* vocatur.
2. Quando menses, qui *largiter* & copiose fluunt, statim pro fluxu *nimio* reputantur & variis artificiis cohibentur, plurima inde mala proueniunt. Conf. tab. de *suppressione mensium.*
3. Immo ipse *nimius* fluxus quando per adstringentia &c. incongrue supprimitur, longe maiora damna producit, quam si sibi soli relinquitur.
4. Succedunt enim immediate quasi suffocationes hysterico-epilepticae & vniuersus apparatus, qui mensium ambit suppressionem.
5. Incommoda a fluxu nimio manifestant sese potissimum circa negotium generationis: siue enim maiores molestias tempore gestationis & partus hæc feminae persentiscunt;















siue facile abortiunt, siue plane steriles reperiuntur. Si autem vitium illud vteri, quod nimium mensium fluxum excitauit, & feminas abortui, vel sterilitati obnoxias reddit, remouetur, tunc ad conceptionem interdum denno aptae euadunt. *vid. Stahl. patholog. pag. 525. & seqq.*

6. Quod si vero immodicum illud vteri profluvium, quod facile abit in consuetudinem, diu perennat; disponit tandem corpora ad cachexiam, febrem lentam, oedemata pedum, hydropem, tabem, magnamque animo & corpori adfert debilitatem.

7. Sic etiam feminae *hamorrhagia uterina* laborantes tandem hectica consumuntur; nisi natura congestionibus suis absterforio-elisoriiis, labem vteri discutiat, resoluat, abluat, atque eliminet. Curatio autem huius adfectus est longe difficillima.

## VII. METHODVS MEDENDI ET REMEDIA.

1. Quod *ordinatus & moderatus* mensium fluxus nulla medicatione indigeat, sed quouis potius modo fouendus sit, per vulgus satis notum est.

2. Ipse etiam *largior* fluxus consultius toleratur, quam inhibetur. Praestat tamen nitrosa & temperantia cum pilulis *Stahl*i vel *Becheri* ante & sub ipsum fluxum in subsidium vocare.

3. Fluxus autem *nimius* sequente modo tractatur.  
*In paroxysmo.*

1) Paucis diebus ante eruptionem, & sub ipso fluxu, ter per diem propinentur pulueres, orgasmum sanguinis contemperantes. Hæc pertinent nitrosa, absorbentia, acido citri aut tartari saturata, & cinnabarina.

2) Eodem tempore versus somnum quotidie exhibentur *Pilulae Becheri* genuinae, vel, quæ meliores sunt, *Stahl*ianæ. Hæc enim specifica quadam energia nimium fluxum placide moderantur.

3) Hæc methodus aliquoties repetatur, ita vt dicti pulueres & pilulae singulis mensibus, per sex circiter dies, tempore videlicet instantis & præsentis fluxus propi-



nentur: quibus decenter obseruatis adfectus hic, alias pertinax, plerumque ad iustum moderamen redu-  
citur.

- 4) Quodsi vero casus quidam rebellis occurreret, cui hæc methodus sine effectu opposita fuisset: tum subad-  
stringentia, seu potius *tonica*, cum lenibus *anodynis* addi  
possent. Huc pertinent species de hyacinth. corall.  
præparat. tinct. corallior. tinct. martis *Ludou.* essent.  
millefol. & adianth. alb. crocus mart. antimoniat. a-  
peritiu. *Stahlii*, M. P. de cynoglossa, semen hyosc. alb.  
item vitellus oui, ex gallina mactata exfecti, cum nuce  
moschata a *Rosino Lentilio* commendatus in *miscell.*  
*pract.* pag. 440. Sequens formula laudari quoque me-  
retur.

Rc. nitri depurati

conch. præparat. & acidò tart. saturat. ana  
drachm. II.

specier. de hyacinth. scrup. i.

corall. præparat. gr. XXV.

cinnabar. opt. drachm. semis

M. P. de cynogloss, gr. XV.

M. f. puluis, ad scrup. I. exhibendus & post tres  
horas repetendus.

- 5) *Reuulsiones externa* quando omninò necessariae videntur,  
*ligatura extremorum* reliquis præferenda est.

*Extra paroxysmum*

- 1) Venæ sectio plurimum hic prodest, siue in brachio, si-  
ue, sine omni trepidatione, in pede instituta, modo  
tempus intermedium obseruetur, vt nempe 14 circi-  
ter dies ante nouum insultum suscipiatur.

- 2) Octo dies ante, quam menses de nouo erumpunt, mix-  
tura tonico-neruina *Stahlii* ter per diem salutariter ex-  
hibetur.

4. *Hæmorrhagia uterina* eadem fere methodo tractatur. Ex-  
hibentur nempe

- 1) temperantia, ex nitrosis, absorbentibus & cinnabarinis  
para-









parata. Si autem hæc malum non soluunt, ordinantur

- 2) subadstringentia, tonica & anodyna superius recensita.
- 3) Interponuntur, ad vterum mundificandum, pilulæ quædam balsamicæ e. g. *Stabliana*.
- 4) Ad præservandum denique venæ sectio instituitur.

# VIII. CAUTELAE ET OBSERVATIONES PRACTICAE:

1. Quod luna absolutum imperium in hunc fluxum non habeat, experientia toto die testatur: multæ enim extra lûnæ *phases* eundem experiuntur.
2. Exspirant propemodum *antiqua nenia* de venenosa sanguinis menstrui qualitate: quæ enim de corruptione *musti*, *ceruissæ*, marcore *plantarum*, obfuscatione *speculorum*, a tactu, vel solo obtutu *menstruata*, vulgo circumferuntur, multa experientia satis refutantur.
3. Licet etiam hic sanguis, per vterum & partes spermaticas oberrans, *orgastica* aliqua inquinamenta concipere possit, tanti tamen hæc non sunt momenti, vt effectus tam notabiles præstare queant.
4. Et quando leges *Mosaica* hunc sanguinem impuritatis accusant, innititur hoc non crassis physicis sed sublimioribus fundamentis.
5. Excernitur hic sanguis non tantum per vasa, quæ in ipsa vteri cavitate quæque minus capacia sunt, sed potissimum etiam per *hemorrhoidalia*, quæ ad ceruicem & collum vteri porriguntur; vnde tam præsens est consensus hypochondriorum cum vtero, vt varia pathemata circa venam portæ excitentur, quam primum fluxus hic non recte procedit. Hinc
6. Feminae quædam lactantes & gravidae experiuntur aliquando singulis mensibus emanationem veri sanguinis e genitalibus, quæ per aliquot dies *placide* continuat & loco fluxus menstrui fluit.
7. Quam maxime etiam notandus est *consensus primarum viarum* cum vtero, nam exinde dilucescit ratio, cur cibus *dyspeptus* tempore mensium commestus, e. g. panis calidus,




du, varia frixata &c. præsentaneam fluxus inhibitionem adferant.

8. De fluxu mensium *nimio* idem verissimum est, quod *tab. de hæmorrhoidibus nimis* sub cautelis diximus; nempe longe facilius suppressionem in vniuersum, quam iustum illius moderamen obtineri, si *adstringentibus*, immo etiam *specificis promiscue* tractetur.
9. *Vena sectio* sub methodo præseruatiue commendata, tanto magis necessaria est illis, quarum menses antea *largiter* vel *nimum* fluxerunt, iam vero per ætatis rationem ad finem properant: alias *finis* mensium fit *initium* multorum malorum. *conf: dissertat. D. D. Stablii de fine mensum, initio malorum.*
10. *Vena sectio* quando in *brachio* instituitur, non debet esse larga, ne nimia ad partes superiores fiat reuulsio, & fluxus suppressio omnimode sequatur.
11. Quæ *tabula de hæmorrhoidibus* ratione *specificorum* monuimus, hic etiam obseruanda sunt. Licet enim tam positue non adstringant, sed *specificè* magis effectum suum præstent, non promiscue tamen, nec nimis confestim exhibenda sunt.
12. *Hippocrates Sect. V. aphor. 50.* Mulieri, inquit, si *menstrua* velis cohibere, cucurbitam quam maximam ad mammas adpone. Sed hoc consilium cautius, & non nisi præmissa venæ sectione, adsumendum est.
13. Quæ damna *opium*, in hæmorrhagiis friuole vsurpatum, inferat, præcedentibus tabulis iam indicatum est.
14. Sic etiam *purgantia* & *aloëtica* malum exasperant.
15. In *hæmorrhagia uterina* adstringentia non nisi urgente maxima necessitate exhibeantur, ne huius fluxus suppressio, sanguinis stasis, febris acuta inflammatoria, putrida, &c. sequantur.
16. Quando feminæ, *nondum maritata*, de nimio mensium fluxu, eoque cum impetu ac violentia insigni frustisque coagulatis coniuncto, conqueruntur, res plerumque est suspecta. Excipimus autem illos casus, quando ad resc-

randos









randos menses *fortia pellentia* diu vsurpata sunt, vel specialissima animi sensibilitas cum vita sedentaria concurrat.

17. Quem ad modum mensium fluxus ordinarie circa finem septenarii secundi incipit, & sub finem septimi iterum cessat, sic dantur exempla, licet rariora, in quibus sub finem primi septenarii menses iam erumpunt, & satis mature cessant; quæ festinatio autem seu potius præcipitatio naturæ, raro summam senectutem pollicetur.

18. Tempore menstruo, præcipue quando fluxus *nimius* est, caueant sibi ægrotae ab omni refrigeratione, in primis pedum, a terrore, ab iracundia, a violentis corporis motionibus, a diæta crassa, aromatica & spirituosâ.

## TABVLA XV.

DE

## SUPPRESSIONE MENSIVM.

### I. DEFINITIO.

Suppressio mensium est symptoma excretionis debitam euacuationem, feminino sexui propriam, siue penitus interuerrens, siue plurimam partem suspendens, cum effectibus variis expectandis.

### II. DIFFERENTIA.

Suppressio mensium triplici ratione consideranda est.

1. *Emanatio* dicitur, quando menses in iunioribus debito tempore non proueniunt, sed ad annum vsque 16-18-20 vel per totum vitæ curriculum emanent. Talis emanatio est vel

1) *Tolerabilis*: sunt enim laboriosæ, quæ sub illa satis commode viuunt, nec vllum indicium congesti ad vterum sanguinis obseruant; vel

2) *Minus tolerabilis*, vbi ordinaria symptomata huius suppressionis



pressionis vrgent. *conf. Progn.* Hæc etiam referri possunt rariora illa exempla, quando feminæ quædam per totam vitam menses non experiuntur, quarum aliæ, docente experientia, nulla inde incommoda per-sentiscunt; aliæ autem satis misere viuunt.

2. *Retentio* seu *obstructio* vocatur, quando menses, qui antea fluxerunt, ex quacumque causa, siue prorsus suppressi sunt, siue tamen *non satis* succedunt, insuper etiam ante consuetam periodum subsistunt. Hæc autem suppressio vel *languide* & sensim, vel *simul* & *semel* contingit.

Ad hanc retentionem referri etiam potest *decoloratio mensium*, ubi vix sanguinis vestigia adparent, sed humor tantum pallidus, flauescens, suberuentus excernitur, cum variis spasticis incommodis coniunctus.

3. *Cessatio* nominatur, quando menses præmature & ante annum 49 cessant, eosque varia pathemata excipiunt.

### III. SIGNA.

1. Varii motus spastici & congestiones : primum circa loca *confinia*, nempe mesenterium, hepar, lienem, ventriculum & intestina; successu autem temporis in locis etiam *remotis*, circa pectus & caput.
2. Grauitas artuum, angustia pectoris, difficultas respirationis, sub motibus corporis, præcipue adscensionis.
3. Appetitus prostratus, vagus, aut maior frigidorum & acidorum, quam calidorum, adpetentia.
4. Excretiones male procedentes, sudores vel nulli vel multi; alius modo præter naturam sicca, modo lubrica.
5. Vrina in aliis pallida, turbida, crassa; in aliis flammea excernitur.
6. Somnus vel multus, sed in somniis terrificis sæpius interruptus, vel nullus obseruatur.
7. Tristitia insignis, amor solitudinis, ad lacrimarum profusionem, ob leuiorem etiam causam, propensio.
8. Facies pallida, labia liuida, habitus vniuersi corporis respectu coloris & inflationis diuersus, pallidus scilicet in aliis









liis & turgidus, in aliis constrictus, cum maiore vel minore vasorum sufflatione.

9. Adspectus oculorum tristis, absentia fulgoris eorundem, circulus interdum liuidus eos ambiens, turgida palpebrarum constitutio.
10. *Signorum* loco etiam esse possunt omnia reliqua pathemata, quæ ab hac suppressione proueniunt, & sub *prognosi* indicabuntur.

#### IV. SVBIECTA

1. *Emissionis* sunt *puellæ*, temperamenti plerumque phlegmatici & melancholici, vitæ sedentariæ deditæ, morosæ; vbi sanguis non tantum in quantitate, sed etiam in qualitate peccat.
2. *Retentionis* seu obstructionis sunt familiaris plethoricæ, otiosæ, moeroribus & aliis anxiiis mentis afflictionibus expositæ. Vnde *sanguis* spissescit & *serum* mucido-viscosum contrahit lentorem. Item etiam illæ, quarum antea fluxus qualiscumque cum phasibus lunæ minus conspirauit.
3. *Cessationis* sunt feminae intra annos circiter 35 - & 45. constitutæ, quibus menses ob modo dictas vel corporis vel animi adfectiones præmature cessant.

#### V. CAUSSAE.

1. Causa *interna* quærenda est vel in
  - 1) *Quantitate* sanguinis *simplice*; nam præsentem insigni plethora natura non facile suscipit hæmorrhagias, ex timore, ne nimium fiat; vel in
  - 2) *Qualitate* seu spissitudine humorum, a qua etiam vitium viarum prouenit; vel in
  - 3) *motu*, qui vel *segnior* est, ut in valetudinariis, extenuatis, phlegmaticis; vel *erroneus*, vbi humores in alia loca, e. g. versus caput, pectus, ventriculum, diriguntur.
2. Causæ *externæ* & *occasionales* sunt
  - 1) *Mentis alterationes* e. g. subitus & ingens *terror*, vel vehemens *iracundia*, eaque suppressa, præsentem mensium fluxu contingens.



- 2) *Diata* cruda & crassa, aut alia incongrua e. g.
  - a) *Panis* ficcus vel adhuc calidus, modo ex clibano extractus.
  - b) *Massa frixa*, minus fermentata.
  - c) *Placenta* pinguiore.
  - d) *Oua* dura nimium ingesta.
  - e) *Potus* frigidus, corpore calente immoderate haustus; aut potus ordinarii neglectio.
  - f) *Quævis acida & austera*; quæ omnia ob conspirationem primarum viarum cum vtero menses obstruere vel impedire possunt.
- 3) *Habitatio* in locis humido-frigidis.
- 4) *Otiosum* & sedentarium vitæ genus.
- 5) *Refrigeratio* immodesta, præcipue quando pedes & partes inferiores aquæ frigidæ immerguntur, & quidem tempore, quo menses fluunt; lotricum exemplis.
- 6) *Sudores* nimii, qui multum liquaminis subtrahendo sanguinem spissiore reddunt.
- 7) *Abusus adstringentium & opiatorum* non tantum sub nimio fluxu, sed etiam in aliis morbis adhibitorum.
- 8) *Friuolæ vena sectiones*, eæque largiores in partibus superioribus eo tempore institutæ, quo fluxus proxime instat, aut iam iam erupit.
- 9) *Emetica fortiora drastica*.

## VI. PROGNOSIS.

1. Innumera fere sunt mala, quæ mensium suppressionem sequuntur; plurimi enim huius sexus morbi ab hac dependent.
2. In *abdomine* succedunt
  - 1) *Pathemata hypochondriaco-hysterica*.
  - 2) *Grauitas circa regionem vteri*.
  - 3) *Tormina abdominis*.
  - 4) *Punctiones circa umbilicum*.
  - 5) *Grauiissimæ intestinorum stricturæ*, a quibus aliquod leuamen accipiunt, si abdomine introrsum complicato sedent.


6) Nau-











6. Quandocumq; Sanguis<sup>is</sup> ~~is~~ consuetum exitum per  
ordinarias<sup>3</sup> vias, vel ob ~~spasmos~~, vel ob nimiam  
crassorum humorum infarctum non habet, stagnat,  
Vitiatur, corrumpitur, et ad Vasa regurgilat  
majora et Visiora; quorum bonum, ac fune-  
-tionem Vitiando varia et gravia pathemata  
sapientis docet Haffnerus, de Cachexia,



- 6) Nausea & conatus vomendi, immo vomitus cruentus.
- 7) Dolores lumbares, tendentes & adgrauantes.
- 8) Nephritis.
- 9) Suffocationes cardialgicae, als wenn man ihnen mit zwey Händen etwas zusammen drückte, daß ihnen der Othem ausbleiben mögte.
3. In *thorace* exoriuntur
  - 1) Angustiae praecordiorum & respiratio difficilis.
  - 2) Palpitatio cordis.
  - 3) Pleuritis spuria.
  - 4) Haemoptysis, aut aliae sanguinis consueti mensium tempore per loca insolita excretiones.
  - 5) Pulsus inordinatus, modo aequalis modo inaequalis, celer, tardus &c.
  - 6) Asthmata sicca & convulsiva.
4. Circa *caput* manifestant sese
  - 1) Capitis dolores, in aliis grauantibus & tendentes, in aliis vero lancinantes, spastici aut rheumatici.
  - 2) Vertigines.
  - 3) Cephalalgiae pertinaces.
  - 4) Hemicrania.
  - 5) Anginae.
  - 6) Haemorrhagiae narium effrenae.
5. In *artibus* eueniunt
  - 1) Lassitudo post motus etiam leniores increbescens.
  - 2) Spasmi & dolores varii artuum rheumatici.
  - 3) Inflationes pedum oedematosae.
6. Per *uniuersum corpus* proueniunt:
  - 1) Crebriores motus tonici in corpore mutationes, siue caloris & frigoris alternationes.
  - 2) Cachexia.
  - 3) Hydrops.
  - 4) Scabies, eaque modo sicca modo humida, vtrique vero curatu difficillima.
  - 5) Apostemata & vlcera mali moris.



- 6) Adfectus conuulsiui, imprimis circa nouilunium aut consuetum menstrui fluxus terminum adfligentes.
- 7) Paralyse spuria &c.
7. Mensium defectus longe frequentior est, præsentiora quoque & grauiora damna infert, quam eorum excessus.
8. Mensium suppressio licet frequentius occurrat, facilius tamen congrua methodo fluxus reuocari potest, quam in aliis hæmorrhagiarum speciebus.
9. Quando autem in paullo annosioribus *martialia* ad menses reuocandos frequenter adhibita sunt, vix vñquam deinde fluxus restituitur; licet genuina methodus & optima quoque remedia adhibeantur.
10. Suppressio aut cessatio mensium male tractata fluori albo benigno facile ansam præbent: vel tabida in aliis corporis consumptio cum variis hæcticis symptomatibus tandem succedit.
11. Quibus fluxus mensium admodum præcox emicat, in illis quoque maturius cessat, & in vicem versam; quibus tardius erumpit, in his longius durat. Excipiendæ autem sunt plerumque laboriosæ.
12. Quæ fluxum menstruum plane non experiuntur, illæ plerumque sunt steriles aut valetudinariæ; interim tamen prostant exempla, vbitales, & nonnullæ quidem frequentius, pepererunt.
13. Mensium emanatio aut suppressio, lente succedens, tanto periculo non exponit mulieres, quam præcepti mensium fluentium obstructio.
14. Fluxus menstruus in annosioribus per aliquot hebdomadas immo menses suppressus, larga sæpissime compensatur euacuatione per 14, immo quandoque 21 dies durante; licet non absque incommodis eius modi personarum.

## VII. METHODVS MEDENDI ET REMEDIA.


Methodus secundum tres primarias causas, supra allegatas, tria etiam inuoluit momenta.

1. *Quantitas* sanguinis, si notabiliter vrget, ante omnia imminuenda est; alias reliqua medicatio minus commode & ad vota succedit.

Huic









Huic scopo inferuit venæ sectio, de qua tamen probe notentur, quæ infra sub *cautelis* allegata sunt.

2. *Qualitas sanguinis corrigenda est.*

- 1) *Ad spissitudinem* sanguinis & mucidam feri conditionem corrigendam commendantur resoluentia, incidentia & digestiuo-aperitiua, e. g.
  1. *Radices* ari, pimpinell. alb. rub. tinctor. imperator. vincetox. helen. angelic. petasitid. leuistic. cichor. tarax. curcum. gramin.
  2. *Herbæ* abrotan. absinth. cent. min. fumar. capill. ven. marub. alb. cuscute. chamædr. rorismar. mar. ver. serpill.
  3. *Semina* anisi, foeniculi.
  4. *Gummata* ammoniac. sagapen. galban.
  5. *Salia digestiua* tartar. vitriolat. nitrum antimoniat. arcan. duplicat. sal absinth. centaur. min. card. ben.
  6. *Composita*: pilulæ *Stahlianæ*, *Becheri*, tinct. antimon. essent. succin. essent. alexipharm. *Stahlii*.
  7. Item *infusum* ex herb. veronic. chærefol. heder. terrestr. bellid. hyssop. rubiæ tinctor. & laxantibus paratum.
- 2) *Orgasmus* sanguinis, qui interdum cōcurrit, & fluxus successum turbat, contemperatur per nitrosa, præcipitantia & cinnabarina.
3. *Motus* denique, facta sufficiente correctione, ad locum excretorium blande inuitandus & leniter stimulandus est. Faciunt hoc
  - 1) Venæ sectiones in pede *conf. cautel.*
  - 2) Pediluua & infessus. Item frictiones pedum.
  - 3) Adplicatio cucurbitularum cæcarum ad femora & coxendicum regiones: item clysteres lenientes & modeste simul stimulantes ac roborantes.
  - 4) Laxationes per epicrasin; ubi radices & herbæ modo commendatæ, cum fol. sennæ fibr. hellebor. nigr. & rhabarb. in forma *infusi* possunt adhiberi.

4) Em-



- 5) Emmenagoga, quæ specifica virtute prædita esse dicuntur. Eminent inter hæc
1. *Radix bryoniæ.*
  2. *Herba: meliss. fabin. puleg.*
  3. *Flores: calendul. cheiri.*
  4. *Composita: myrrhata, succinata, crocata.*
- 6) *Externe* laudatur, sed raro adhibetur, *sal volatile*, per instrumentum *Glauberianum* immediate adplicatum.
4. Ne in motibus instruendis & stimulandis error committatur, ipsius *agentis interni* motus probe observandi & imitandi sunt. Vbi itaque variæ spasticæ commotiones in abdomine & circa vterum sentiuntur, ibi convenit illos motus imitari.
5. Laboriosa conamina si excedere videntur, *essentia millefol.* stimulantibus ad sociari potest. e.g.
- Recip. Essent. myrrh. drachm. III.  
succin. drachm. II.  
pimpin. alb.  
millefol. ana drach. I.  
M. f. Mixtura.

dos. XXX. gutt. legitimo tempore propinanda.

### VIII. CAUTELAE ET OBSERVATIONES PRACTICAE.

1. Circa venæ sectionem sequentia sunt notanda.
  - 1) In iunioribus, infra annum vicesimum adhuc constitutis, non tam facile ad venæ sectionem festinandum est. Licet enim satis efficax sit, natura tamen facile ei adflescere & in posterum idem remedium pertinaciter extorquere, alia autem, ut optima, auxilia & medicamenta respuere solet.
  - 2) Quando itaque vena non secatur, methodus debet esse *temperatissima*, primum *attenuando*, deinde *inuitando* & denique *leniter stimulando*.
  - 3) Quando autem præsentiora incommoda vrgent, & quæ iam dicta sunt, non sufficiunt, tum sine trepidatione etiam in iunioribus venæ sectio instituatur, modo in posterum non temere repetatur, nisi natura vehementer eandem efflagitet.

4) Si



Si Menses Suppressi Convulsivos Motus Sustulerit,  
probe cavendum, ne Emmenagogis, alijsq; calidioribus  
medicinis, et quae Vulgo adhiberi Solent, eorum revo-  
cationem tentemus. Hoc in casu praestat Balneorum  
Naturalium, et aquarum Thermalium Usus; Unde de-  
horum prudenti Administratione; pediluvio Spi-  
ritibus, pituitis Balsamicis, infusis calidis  
ex floribus Melissa, atq; Liliae, pulveribusq; temperan-  
tibus humorum aequalium circulum restituo: tum  
motus partium Solidarum irregulares antispasmo-  
dici, ac anodynus, veluti et Liquor mous Anody-  
cum spontia Castorei Maritatus, q<sup>o</sup> prestantissima  
omnium est medicamentum, cordis, ac huiusmodi  
pedalis imbecillas partes corroborare. Hoffman.  
de Motibus Convulsivis

VIII. S. Si cachexia ob consuetam Sanguinis excretionem  
suppressam corpus occupavit, operam dare medicum  
oportet, ut ipsa commodis remediis revocetur. Duo fine,  
nisi Vires ex longiori mali persisterentia observata se  
prohibent, Unam Scire, Sanguinem in parciore  
quantitate, sed iteratis Vicibus, s. q. per triiduum  
destruere juvabit. Sic potissimum Saluti est, hoc  
auxilij genus, quibus Solonis per utrumq; purgatis  
deficit. Sic contra inimicissima est et St<sup>o</sup> quibus  
tuoque Vitiis humorum turgidi parum Sanguinis  
infra Venas fovant.

Sanguine in Mensibus Suppressis decenter detracto  
Uterumq; Obstructionibus per aquas minores,  
vel medicamina Martialis remota, fluscu nonnunquam

Sponte sequitur. Si minus, melle est, et  
aqua per horam circiter spatium immittantur  
balneo tepidiori, & ea herba Matricaria, Melissa,  
Artemisia, pulegij, Sabina, Flor. Chamom.  
Roman. Salvia, Bacis Lauri &c apparatus  
ad Stagnantes humores dissolvendos, mucidamq  
et longam seri materiam per Uteri Ostiola  
expurgandam sepius deprehendi. Utilissimum,  
Hoffmannus de Cachexia.



- 4) Si vero venæ sectio necessaria videatur, non adeo absolute opus est, vt cum illa curationis *initium* fiat, sed nonnumquam reliquæ methodo interseri, & sic post principia locari potest. Obseruandum autem est, quod extra phases nouilunii & plenilunii instituenda sit. *Conf. tabul. chirurg. de vena sectione.*
  - 5) In tali casu medicatio æque *blanda* esse debet, ac in isto, in quo vena plane non secatur.
  - 6) Quando autem cum venæ sectione medicationis fit *initium*, tum leniter stimulantia statim cum generalioribus combinari possunt. Hæc methodus est efficacior & breuioris temporis; molestior autem ob venæ sectionis repetitionem.
2. Facta venæ sectione solæ *pilule Stahlianæ* vel *Becherianæ* sufficere possunt: nam *qualitatem* sanguinis corrigunt, motus ad locum excretionis dirigunt & leniter stimulant. Modo hac methodo propinentur, vt versus tempus, superius indicatum, per sex circiter dies singulis mensibus exhibeantur, donec menses erumpant.
3. Eadem methodo exhibentur etiam hæc pilulæ in fluxu *imminuto*, vbi paucis diebus ante sanguinis eruptionem propinantur, & *sub ipso fluxu* continuantur: Nullo habito respectu ad vulgatam illam opinionem, quasi tum temporis medicamenta non conueniant. De incongruis hoc quidem verum est, de placidis autem & genuinis falsissimum. Nam hæc tali tempore longe efficacius operantur: hinc etiam *imminutio* mensium ob hanc temporis commoditatem multo citius, quam obstructio, in ordinem potest reuocari.
4. *Cessatio* mensium eamdem exposcit medicationem. Quo diutius autem cessarunt, eo magis venæ sectio necessaria erit: nam refractarius est adfectus.
5. *Decoloratio* mensium, loturæ carnis instar, nihil aliud est, quam fluxus imminutus, & hinc eiusdem tractationis.
6. Quando autem menses per ætatis rationem cessant, præcipue, qui antea largiter fluxerunt: tum quam maxime opus
- Q



- pus est, verno & autumnali tempore venæ sectionem in pede substituere, & ad senium vsque eandem continuare, motusque per nitrosa & temperantia mitigare.
7. De *otiosis* loquimur: nam quæ feminæ vitæ genere laborioso fruuntur, illæ his omnibus facile supersedere possunt.
8. Modestus *corporis motus* ante omnia medicationi substituitur: illo enim absente sanguis non facile attenuatur, licet diluentia ad nauseam quasi propinentur. Si vero *diluens* cum *diluendo* bene subagitur, salutâris ordinarie sequitur effectus.
9. *Stimulantia* & *pellentia* si improuide adhibentur, e. g. in statu insigniter plethorico, & quando primæ viæ nondum expurgatæ sunt, nec sanguis attenuatus est: plerumque inducunt
- 1) Maiores obstructions.
  - 2) Summas angustias præcordiorum.
  - 3) Non raro heteroclitas per aliena loca sanguinis eruptiones.
  - 4) Febres lentas, hæcticas, phthificas.
  - 5) Adfectus cephalalgicos, spasticos, immo conuulsiuos.
  - 6) In spongiosis cachexiam & tandem oedemata.
10. Idem quoque iudicandum est de *salibus volatilibus*, quæ pariter tum non quadrant, si quantitas sanguinis nondum imminuta, nec qualitas correctæ est.
11. Prostant quidem obseruationes, quod *martialia* fluxum menstruum produxerint; plura autem habemus exempla, in quibus ab illorum vsu suppressio huius fluxus subsecuta est. Vnde haud dubie practicorum obseruatio pullulauit, quod *martialia* modo *obstruant*, modo *aperiant*.
12. Sed *tempera* sunt distinguenda. Quando enim exhibentur, dum sanguis circa vterum congestus est, blandam venæ portæ vasorumque vicinorum efficiunt stricturam, & sic *stringendo aperiunt*, seu expressionem sanguinis per vterum promouent.
13. Extra has peculiâres circumstantias *martialia* tam certo  
hic









- hic nocent, quam ipsa *adstringentia* ; & licet *laxantia* illis *interponantur*, illa tamen vix sufficiunt, strictionem semel inductam relaxare.
14. Symptomata grauiora e. g. anxietates, dolores & phlogoses intercurrentes, quæ omnibus fere hoc adfectu laborantibus communes sunt, optime per nitrosa cum cinna-  
*barinis* fociata mitigantur.
  15. Aliquando menses, per aliquot periodos suppressi, solo  
*nitro regenerato* reserati sunt.
  16. Tempore *intermedio* ab *emmenagogis* abstinendum est, & di-  
luentia tantum cum aperientibus vsque ad nouam perio-  
dum exhibere conuenit.
  17. Inter remedia, *sanguinem* successiue attenuantia, & seri-  
mucorem resoluentia, optime se gerit *succinum* & eius  
essentia.
  18. Non minus etiam *essentia* alexipharmaco-diuretica *Strab-*  
*lii*.
  19. In ferosioribus in primis conducunt *radices ari*, *petasitid.*  
*lenistic.*
  20. *Specifici* aliquid habet *sabina*, indeque parata *essentia*; *o-*  
*leum* autem destillatum nimium efficax ad stimulandos  
conatus, & proinde cautius adhibendum est. *Vid.*  
*num. 24.*
  21. *Artemisia* longe effectior est, nec, nisi in magna copia, ali-  
quid præstat.
  22. *Herba persicaria*, sub calcaneis gestata, alicuius efficaciam  
deprehenditur.
  23. *Myrrha* ad diluendum & attenuandum non cominendatur :  
sanguinem enim non solum resoluit & attenuat, sed et-  
iam in fundendo illo valde efficax est, & maiore præcipue  
dosi adhibita, eundem insigniter commouet. Ca-  
uendum ergo, ne sanguis prius, quam dilutus est com-  
moueat.
  24. *Olea destillata* sanguinem vehementissime commouent :  
absit igitur illorum vsus, vbi sanguis adhuc spissus est, &  
viæ nondum satis præparatæ sunt ; immo vix vnquam  
necessarium est, vehementia talia in vsum trahere : nam



methodus *lenior*, supra commendata, plerumque sufficit; nisi insignis cachecticus status aut diætæ vitium concurrat.

25. Fluxui *mensium*, præ omnibus aliis hæmorrhagiis, proprium quasi est, consueta loca relinquere, & alia eligere: hinc præsentē illo ab omnibus *reuellentibus*, siue internis, siue externis abstinendum est, e. g. a venæ sectione in brachio. Ex hisce considerationibus reiicitur etiam *cucurbitula* mammis adponenda, quam *Hippocrates* sect. V. aphor. 50. menstruis cohibendis destinat.
26. Fluxus quando semel reuocatus est, sollicitè nōua illius suppressio præcaueatur, multo enim pertinacius in ordinem postea redigitur.
27. *Diætā* sit *euchyla*; abstinendo a cibis crassis & acidis: potus sit sufficiens, corpus bene moueatur, & alius semper succedat.

## TABVLA XVI.

DE

## FLVXV LOCHIORVM ORDINATO ET NIMIO.


## I. DEFINITIO.

*Fluxus lochiorum* est euacuatio solis puerperis propria, qua post exclusionem foetus siue *legitimi*, siue abortiui, siue *mole*, sincerus sanguis prioribus diebus, in tertiam subinde hebdomadem peculiari motu tonito per genitalia excernitur. Deriuatur a *λοχεύω*, parturio.

## II. DIFFERENTIA.

1. Fluxus lochiorum differt ab illa *speciali hæmorrhagia uteri*, quæ feminis quibusdam plethoricis, vel in matrimonio vel















vel extra illud constitutis, post mensium cessationem obtingit. *Conf. tab. de mensum fluxu.*

2. Fluxus lochialis est vel

1) *legitimus*, qui post partum, legitime exclusum, contingit, & siue *ordinate & moderate*, siue *nimum* succedit; vel

2) *abortiuus*, qui abortum non tam sequitur, quam potius illum antecedit, aut sub actu exclusionis enormiter perripit.

3. Suppressionem lochiorum tabula sequens exhibebit.

### III. SIGNA.

#### A. Legitimi.

1. Excretio *sanguinis* e genitalibus per 8-10-12-14. immo plures dies, statim post foetus & secundinarum exclusionem initium sumens.

2. Prioribus quidem diebus sanguis stricte dictus, grumosus, coagulatus, aut ad minimum humor cruentus, larga prorsus quantitate excernitur.

3. Post quartum vel quintum diem hæc excretio cum odore graui, nonnumquam plane foetido, coniuncta est.

4. Posterioribus autem diebus humor loturam carniū refert, & magis magisque flauescit, tandem prorsus pallescit, & vltima excretio lymphatica existit, quæ neque *coloribus* insolitis, neque *odoribus* foetidis inquinata deprehenditur.

5. Hæc omnia *ordinarie* successibus *moderatis & proportionatis* succedunt, vt fluxus sub initium *largiter*, successiue autem sensim *moderatus* sequatur, donec tandem prorsus subsistat.

6. Quando autem *secundinae* diutius retinentur, aut portio illarum auulsa in vtero restitat, vel aliæ accidentales causæ accedunt, e. g. quando puerpera diu quæta cubat, & effusus in vterum sanguis in frustra coagulatur, tum fluxus lochiorum facile *excedit*, & varia spastica incommoda in abdomine, & in primis circa vterum oriuntur.



B. *Abortivi.*

1. Conspicua *graviditatis* indicia, quæ antecedunt, videantur *tabul. de affectibus gravidarum.*
2. Ante, quam *abortus* excluditur, sanguis ordinarieleniter & modeste profluit, deinde autem contumaci motu & enormi copia effunditur.
3. Vel *statim* sub initium eum tali violentia erumpit, præcipue quando feminae sunt vel plethoricæ & largis menstruis purgationibus adsuetae, vel corporis & animi insignes commotiones præcesserunt.
4. Hanc sanguinis profusionem largam sequitur ipsius abortus excretio, siue prorsus immaturi, siue maturioris, siue alius concrementi seu mola. Coniunctis plurimum anxietatibus, lipothymiis & syncopiticis deliquiis, nec non spasticis in abdomine doloribus.
5. Vbi autem abortum aliquoties perpeffa sunt, ibi negotium minore difficultate & paucioribus incommodis succedit.

IV. *SVBIECTA.*

1. Fluxui lochiõrum *ordinato* obnoxia sunt omnes puerperæ, quæ partum legitimum excluserunt.
2. *Nimum* autem fluxum facile incurrunt
  - 1) plethoricæ.
  - 2) temperamenti præcipue cholericæ melancholici.
  - 3) quæ insignibus animi pathematibus, inprimis iræ, obnoxia sunt.
  - 4) Porro quæ de vinosa & aromatica diæta gaudent.
  - 5) Quæ fluxum mensium antea *nimum*, vel tamen notabiliter *largum* habuerunt.
  - 6) Nec venam secandam tempore gestationis decente modo curarunt.
  - 7) Quæ a laboribus liberae viuunt.
3. *Abortivo* fluxui obnoxia sunt, quæ aliquoties abortum iam excluserunt, aut in puerperio, proxime prægresso, minus recte expurgatae sunt.









## V. CAVSÆ.

A. *Fluxus legitimi & moderati.*

1. Huius causa est omnino *plethora*, quam provida natura opportuna hac occasione imminuere intendit.
2. Licet enim *abruptio secundinarum* a tenerrimis ramulis capillaribus uterinis causa occasionalis utique habenda sit, docent tamen uniuersæ circumstantiæ, quod hic fluxus magis *actiue*, quam *passiue* considerari debeat. Nam
  - 1) Fluxus sanguinis minorum vasorum *passiuus* in vulnere tantum *crudo* & nihil *alterato* contingit; nemo autem hanc vulnerationis uteri speciem tam diu crudam & nihil usquam mutatam sibi persuadebit. Immo
  - 2) reliqua *uteri* substantia, ne per superficiem quidem totam, nedum profundius hac vulneratione adfecta est, sed solum in subtilissimorum vasorum extremitatibus. Hinc
  - 3) horum vasorum subtilium libertas, facta foetus exclusione, uterique subsidentia, & strictura satis promte accedente, potius opprimitur; prout hoc in aliis vulnerebus profundioribus tenuiorum ramificationum evenit
  - 4) In primis autem *actiuam* huius fluxus indolem illustrat proportionata illa & moderata, per plures dies continuans, sensim sensimque deficiens *excretio*, quale quid in nulla hæmorrhagia passiva, a solutione continui orta, observatur. Tandem
  - 5) hic ipse fluxus facile per diætam, terrorem, refrigerationem tam internam, quam externam, imminui potest aut supprimi. Quæ sane cuncta satis confirmant, causam non simpliciter a passivo sanguinis lapsu, sed potius ab actiua excussione dependere; id quod clarius & magis confirmat fluxus *abortiuus*.

B. *Legitimi nimii.*

1. Causam generalem cum ordinario fluxu eandem agnoscit.
2. Causæ occasionales præcedente membro in *subiectis* plurimum indicatæ sunt.

3. His



## 3. His adhuc adiciamus

1) *secundinarum* deficientem excretionem.2) Vsum *pellentium* & sanguinem fortiter commouentium, sub partus difficili exclusione.C. *Abortiui.*

1. Sanguis superfluus valdeque molestus, siue per animi pathemata siue per alias occasiones vehementer commotus, ad abortum disponit.

2. Si vero aliquoties abortus iam contigit, caussa magis in *moralibus*, quam phisicis rebus quærenda est.VI. *PROGNOSIS.*1. Fluxus lochiorum, *legitime* succedens, insignis est *utilitatis*; deficiente autem illo, plura incommoda ac graua pericula inferuntur. *Vid. tabul. sequens de suppressione lochiorum.*2. Præ omnibus aliis hæmorrhagiis hic fluxus *excessui* expositus est: præcipue quando secundinæ aut portiones tantum illarum remanserunt. In hoc enim casu non prius, quam excreta sunt retenta, obtineri potest mitigatio.3. Lochia quando *mediocriter* tantum excedunt, minus quidem periculum minantur; quando autem *prodigiose* & cum impetu sanguis effunditur, ægrotantis vires intra paucas horas insigniter exhauriuntur, immo penitus consumuntur. Denique4. *Ingentes* huiusmodi profusiones lochiales, qui sibi relinquuntur, longe minora incommoda post se trahunt, quam illæ, quæ incongrua arte cito supprimuntur.

5. Quo immaturior abortus a tertio mense existit, eo grauior hæmorrhagia exclusionem illius ordinarie comitatur. Et hoc phænomenon clarius docet, caussam non simpliciter a passiuo sanguinis lapsu sed ab actiua excusione dependere.

6. Licet sanguis multo impetu non procedat, non exigua tamen est considerationis, quando diu continuat aut per breuia interualla recurrit. Nam vterus non satis expurgatur; vnde postmodum grauis mensium perturbatio, &amp; no-









& nouus facile abortus, vel sterilitas, aut certe infeliciores gestatio succedit; ante omnia vero febres acutas, inflammatorias, tum etiam torminosos, spasticos uteri & mesenterii adfectus producit.

7. Vbi sanguis *copiose* iam profluxit, ibi abortus nulla ratione impediri potest; licet optima *cohibentia* & *roborantia* adhibeantur.

## VII. METHODVS MEDENDI ET REMEDIA.

1. Fluxus lochiorum *moderatus* nulla quidem indiget medicatione, ad præcauendos tamen siue excessus, siue defectus, aliaque symptomata præoccupanda, pilulæ *Stahlianæ*, per nouem priores dies quotidie ad gr. XV. propinari possunt. Quando autem vſitatissimo more *crocum* vel in ciſbis vel in *essentia* adhibere placet, necesse est, vt moderatissimis dosibus & paucis guttulis vtamur.
2. Fluxus autem *nimius* eadem fere methodo, quâ nimius fluxus *menſium*, tractatur, nempe
  - 1) exhibentur ter per diem remedia, quæ *orgasum* sanguinis temperant, videlicet *absorbentia* & *nitrosa* cum pauca *cinnabari* combinata.
  - 2) Versus noctem autem dosis pilularum *Stahlîi* porrigitur, & hac ratione quotidie continuatur.
  - 3) His non sufficientibus ab aliis remediis operæ pretium vix exspectandum erit; probari tamen adhuc possunt *mitiora cohibentia* & *lenia anodyna*, e. g. spec. de hyacinth. coralliata, erocus mart. antimoniat. tenerior, tinctur. vitriol. mart. *Ludouici*, item M. P. de cynoglossa, trochisc. de carabe, *millesfol.* siue in forma infusi siue extracti ad gr. I-II. pro dosi. Porro *cascarilla*, gestatio *busonis* exsiccati. Quod ad diætam attinet, potus bene defœcatus, cum tantillo citri vel nuc. moschatæ mixtus utilis est.
  - 4) Quando constat, quod *secundina* vel in totum vel ex parte restitent, vsus pilul. *Stahlîi* tanto magis commendatur. Potest etiam illarum exclusio promoueri per *hepar anguilla*, ad scrup. I. cum portione *analeptica* propinatum.



3. *Fluxus abortiuus* eandem exposcit medicationem, quam *nimius*: vbi enim profusio sanguinis præsentissimum lethalem exitum minatur, & lipothymici adfectus superueniunt, ibi spectatorem otiosum agere non conuenis, sed exclusio foetus vel molæ quantocyus promouenda est per dosin pilularum *Stahlii*, quæ prius solui & post 12. horas, si necessarium erit, repeti potest. Quando autem pilulæ hæ ad manus non sunt, *hepar anguille* vsurpari debet.
  4. *Abortu cum secundinis* rite excluso mitigatio fluxus tentetur per remedia *temperantia*, orgasmum sanguinis sistentia, & lenia adstringentia: coniuncto vsu pilularum *Stahlii*.
  5. *Hæmorrhagia* tandem sedata propinentur discutientia interna, v. g. *mixtura tonico-nervina Stahlii*, vel *essent. alexipharmaca* cum *essent. millefol.*
  6. Ad fluxum lochiorum *nimium* præoccupandum commendantur
    - 1) *Vena sectio* in brachio aut pede circa medium gestationis tempus administranda, immo si reliquæ circumstantiæ exigere videntur, etiam circa *instantem* partum repetenda.
    - 2) *Ligatura* abdominis post legitimam foetus & secundinarum exclusionem.
    - 3) *Quieta & tranquilla animi ac corporis continentia*, in primis abstinencia ab adfectata illa orthostadia & multis fermocinationibus.
  7. Ad novum abortum præcauendum commendatur
    - 1) *Vteri expurgatio* ope pilularum *Stahlii*, statim post illius exclusionem per plures dies propinandum.
    - 2) *Vena sectio* congrua circa illud tempus, quo antea abortus exclusus est.
- VIII. CAUTELAE ET OBSERVATIONES PRACTICAE.
1. Puerperæ tamquam *vulnerate* merito considerantur, quibus ex *lenissimis* causis febres inflammatoriæ accedere possunt. Hinc remediis, sanguinem fortiter commo-









*uentibus*, quouis modo abstinendum, & quidem in ipsis adeo phlegmaticis, nedum sanguineo-plethoricis.

2. *Adstringentia*, quæ motus salutare, exclusionem respicientes, opprimunt, quantum vniquam fieri potest, evitentur. Quando autem urgente casu necessaria iudicantur, parcies adhibenda sunt: interpositis temperantibus & diapnoicis, ne febres inflammatoriæ accedant, vel hydrops aut hæctica subsequatur.
3. In omnibus hæmorrhagiis, in quibus *nimum* factum esse viderur, *alexipharmaca* moderata locum habent.
4. *Aluum* prouocare per communia laxantia non decet. Quando itaque *pilula Stahlianæ* defunt, *chysteres* emollientes commodissime adhibentur.
5. Sæpe observatum est, quod *pilula Stahlianæ*, per nouem dies exhibitæ, prioribus ne vnicam quidem sedem produxerint, puerperæ autem fluxum lochiorum ad vota & cum optima euphoria habuerint. Quod sane negotium, recte pensatum, satis demonstrat, pilulas hæc nullam naturæ vim inferre, sed illius *intentioni* apprime respondere.
6. Idem etiam observare licet, quando pilulæ *Becheri* genuinæ puerperis, modo non adeo sensibilibus, offeruntur.
7. Pro restaurandis viribus *analeptica* locum habent: pro quo scopo in adfueris *potus vinosus* non reformidandus est. Conducit etiam *usus vini medicus*, nempe cochlear vnum vel alterum vini Canariensis, Maluatici, Hispanici, subinde exhibendum, vt & lacticia, emulsiva, pultacea, amygdalata.
8. *Species de hyacintho* in omni nimio fluxu merentur laudari; nam præter virtutem tonicam, quam habent, & subadstringentem, *analepticum* quid simul fouent.
9. Exsulent remedia valde *incrassantia*, *narcotica* vulgaria & *acria externa repellentia*.
10. Iactura sanguinis quando contigit insignis, caveant sibi *agræ* non tantum ab *animi* & *corporis*, verum etiam *se-*  

*sum*



*sum commotionibus e. g. a limpida & splendida luce, oculis nocente.*

- ¶ 1. *Potus magna circumspectione puerperis porrigendus est: calidus enim, multo magis autem frigidus, facile tormina & flatus potest excitare. Hinc tepidus tantum offeratur, refracta, sed sufficiente, portione.*
- ¶ 2. *Magis profunt decocta hordei decorticati, avena decorticata, iuscula tenuia, cum sufficiente conditura aromatica; addito non nisi momento macis seu nuc. moschat. iuscula vinosa, postquam partes spirituosæ in vase aperto per lenem coctionem quodam modo auolarunt; addendo dimid. part. aquæ fontanæ, modicum sacchari, vitellum oui, paucum boni butyri, & tantum croci, quantum iusculum moderate tingendum requirit. Et hæc quidem omnia in statu lechiorum ordinato & moderato.*
- ¶ 3. *Potus cerevisia fermentescentis puerperis non conducit.*
- ¶ 4. *Abortus quando contigit, soli naturæ negotium non relinquendum est, quia non semper sufficit vtero recte expurgando. Vnde non raro postea novus abortus exoritur; ad quem præcauendum tanto magis sollicitè ea obseruentur, quæ sub methodo commendata sunt; in primis motus corporis moderatus ad æqualem sanguinis distributionem multum confert; contra onerum gestationes grauiores nocent.*
- ¶ 5. *Ceterum, dum non leges tantum diuinæ, sed & multæ considerationes physicæ thori vsum præmaturum puerperis interdiciunt, optandum esset, vt, qui Christiani audiunt, intra illos ad minimum limites, quos modesti ethnici transcendere erubuerunt, se continerent.*
- ¶ 6. *Conferatur tabula de adfectibus puerperarum.*















TABVLA XVII.  
DE  
SVPPRESSIONE LOCHIORVM.

I. **D**IFFERENTIA.

Suppressio lochiorum est vel

1. *Completa*, quando nullus sanguis excernitur; vel
2. *Incompleta seu imminuta*, vbi fluxus in aliis quidem periodo suam per 8. 10. 12. dies seruare solet, sed tam impedita tamque *parca* quantitate sanguis prouenit, vt pro tali fluxu vix possit reputari; in aliis autem subito ante terminum consuetum plane supprimitur.

II. **S**IGNA.

1. *Completa* suppressio per se constat.
2. *Imminuta* autem illa habenda est excretio, quæ a norma, quam *tabula de fluxu lochiorum* sub signis indicauimus, deflectit.
3. In diiudicanda autem *imminuta* excretionem distinguenda sunt temperamenta & reliquæ puerperarum constitutiones, secundum quas fluxus lochiorum variare solet, e. g.
  - 1) Quæcumque feminæ *largiorem* fluxum *mensium* extra *impregnationis* tempus habuerunt, illæ etiam *lochiorum* largiora experiri solent.
  - 2) Quibus autem *mensis* *parcius* fluxerunt, in illis etiam fluxus *lochiorum* non ita copiosus est expectandus.
  - 3) Respicienda etiam sunt *lochiorum* *progressa*, nam ad horum indolem succedentia plerumque accedunt.
4. Manifesta tandem huius fluxus imminuti aut subito suppressi signa sunt
  - 1) *abdomen* *tensum*, durum & tumidum cum variis spasmodicis, torminibus & anxietatibus.
  - 2) *Sensus* doloris grauantis, tendentis & lancinantis, infimum



mum ventrem, lumbos & inguina occupantis; coniuncto ardore ac pulsatione.

### III. SVBIECTA.

Suppressioni lochiorum siue completa siue imminuta præ aliis obnoxia sunt

1. *plethorica.*
2. Quæ sunt temperamenti sanguinei, laxo corporis habitu, exiguisque venis instructæ.
3. Quæ mærori, timori & terrori valde obnoxia.
4. Item quæ turbatam aut plane suppressam purgationem menstruam antea expertæ sunt.
5. Denique quibus causæ aduentitiæ subsequentes succedunt.

### IV. CAUSSAE.

#### A. Interna.

1. *Motus tonicus* alteratus; quo vel ipsa vteri textura, vel exitus eiusdem rigide ocluditur.
2. *Orgasmus* abundantis sanguinis, qui ad suppressionem multum contribuit; neque obstat, quod & nimii fluxus causa interdum esse soleat.
3. Licet enim *plethora simplex*, nedum cum *spissitudine* quadam coniuncta, hæmorrhagias quaslibet impedire possit, minor tamen illius est efficacia, quam si *plethora commata* concurrat, & vasa turgida conspiciuntur.

#### B. Externa & aduentitia.

1. *Refrigeratio* corporis & potus frigidus.
2. *Remedia pellentia*, quæ ad partum excludendum adhibita fuerunt.
3. *Abusus calidiorum remediorum*: quando enim talia pro lochiis imminutis adhibentur, completa facillime suppressio producit. Huc pertinent *myrrhata*, *crocata*, *salia volatilia*.
4. *Animi pathemata*, præcipue *terror* & *iracundia*, per quam sanguis ad orgasmum insigniter concitatur.
5. *Immedici & prematuri puerperarum labores ad partum*, a quibus expansio sanguinis etiam notabiliter producit.

### V. PROGNOSIS.

1. Nulla datur hæmorrhagia, cuius defectus tam præsentia, & tam









tam presso pede *succedentia* pericula ac damna certo adfert, quam suppressio fluxus lochiorum; maxime vero quando subito & repente facta est.

2. Illa quidem suppressio seu imminutio, quæ ex *abundantia* sanguinis, cum *spissitudine* qualicumque coniuncta, originem sumit, *mitiores* consecutiones habet, nempe

- 1) angustias præcordiorum.
- 2) inquietas corporis agitationes,
- 3) capitis dolores.
- 4) adpetitus prostrationem.

3. Quando autem suppressio lochiorum ab *orgastica* seu turgida sanguinis commotione dependet, tum *graviora* pathemata produciuntur, nempe

- 1) *febres* acutæ, inflammatoriæ, præcipue exoritur in quibusdam regionibus *purpura miliaris* cum manifesta sæpius malignitate.
- 2) *Congestiones & stases* circa caput, unde deliria, anginae, aphthæ, it.
- 3) *Adflictiones suffocativa, synoptica, summe cardialgica*, vomibundæ aut hæmato-emeticae sequuntur, quæ vel præcipitem sortiuntur exitum, vel chronicum morbum constituunt e.g. hæticam, cachexiam, colicam, convulsuam, tympanitem, ascitem.

4. Sed hæc pathemata, quæ *præsente* tempore produciuntur, non sufficiunt: sæpe enim contingit, ante omnia post *abortum*, ut lochia, cito suppressa, in *futurum* etiam damna sua extendant, nempe

- 1) in *utero* facile coagula, concrementa, ulcerationes relinquuntur.
- 2) quæ *novam* in posterum *conceptionem* vel impediunt, vel
- 3) factam conceptionem non parum turbant, dum foetui nutrimentum subripiunt, & nouo facile abortui ansam præbent.
- 4) His incommodis plerumque accedunt *mensium ataxia, stabiles inflationes abdominis, & varij spastici hypochondriaco-hysterici affectus.*

5) Qui



- 5) Qui tandem transeunt in conuulsiones epileptico-hystericas, vel motuum syncopicas omissiones,

# VI. METHODVS MEDENDI ET REMEDIA.

1. Vbilochiorum tantum *imminutio* praesto est, ibi

- 1) *interne*, leniter *stimulantia*, moderatissimis tamen dosibus, adhiberi possunt. e. g.

Recip. essent. myrrh.

succin.

scord. ana drachm. I.

eroc. scrup. I. M. dosis 20-25. gutt. bis

per diem exhibenda.

Coniungi hic possunt diluentia, infusa, iuscula vinosa parcius crocata: in *robustis* quoque *elixir. proprietat.* item essent. alexipharm. cum pauca portione essent. melissæ, cinnamomi, pulegii remixta.

- 2) *Externe* cataplasmata aut *sacculi* ex temperatis vegetabilibus resoluentsibus, neruinis & roborantibus adhiberi possunt; additis oleis lenientibus & paullulum camphoræ, croci orientalis, castorei.

Item *pediluua* & *fomenta* moderate vaporosa ex herbis neruinis temperatis.

2. Quando autem lochia prorsus suppressa sunt, circumspectio experimentis probata vix vnumquam concedit, fluxum *directe* & per *stimulantia* reuocare, *vid. cautel.* minime omnium, si suppressio iam per aliquot dies durauit.

3. Conuenit potius ad causas huius suppressionis, præcipue vero ad *orgasum* sanguinis respicere, & aestuationes *febriles* præoccupare. Huic scopo inseruiunt *pulueres febriles* nitroso-temperantes, & *portiones* diapnoicæ ex aquis destillat. e. g. plantag. card. benedict. flor. sambuc. scabios. vlmar. paratæ. it. iuscula pingua, decocta gelatinosa & emulsiua.

4. *Aluus* semper sit libera, & *urgens* quando adest plethora, moderata *vene sectio* statim in pede instituat.

5. *Febris* ipsa si accedit, iidem pulueres & eadem portiones diapnoicæ conduunt, neglecta illa, circa *nitri* vsum, for-









formidine vulgari. *Confer. cautel. & tabul. de affectibus puerperarum.*

6. Post puerperium menses in illis, quæ vel lactare non possunt, vel peruerse nolunt, promouendi sunt, per remedia suo loco indicata.

## VII. CAUTELÆ ET OBSERVATIONES PRACTICÆ.


1. *Pilulas Stahlianæ*, vel etiam *Becheri* genuinas, qui dextre poterit adhibere, omnibus aliis stimulantibus & pellentibus, utpote minus fidis ac tutis, commode supersedebit.
2. Quando lochia *plane* supprimuntur, numquam Medicus in animum inducat, per *pellentia* & alia *calida* remedia fluxum reuocare, quia negotium hoc non solum difficillime succedit, sed & variis periculis expositum est.
3. Quæ cautela tanto magis est obseruanda, quanto frequentius contra eandem insignes committuntur errores, dum febrilia calida, aloëtica, myrrhata, & sic dicta vterina promiscue exhibentur.
4. Damna, quæ inde redundant, communia sunt illis, quæ *tabula de suppressione mensium*, per eadem pellentia tractata, indicauimus: nempe obstructio vel augetur cum grauioribus abdominis pathematibus; vel, si omnino fluxus iterum erumpit, facile tamen febres inflammatoriæ vterinæ succedunt.
5. *Opiata*, quæ ad sedanda tormina colica, & spasmos abdominis compescendos, quibusdam in usu sunt, lochia prorsus supprimunt, & afflictionem adaugent.
6. Per *venæ sectionem* lochia reuocare velle, secundum consilium per vulgus notum, nullo modo potest commendari.
7. Licet enim in quibusdam indiuiduis plethoricis, quæ tempore medio gestationis venæ sectionem non admiserunt, excretio talis artificialis nonnumquam vtiliter possit adhiberi, hoc tamen consilium circumspectioni Medici est relinquendum; qui vero, quo magis sanguis *qualitate* peccat, eo minus per eandem optatum successum obtinebit.



8. Metus ille vulgaris, quod *nitrum* ob expectandas diarrhoeas, puerperis periculosas, tuto non possit adhiberi, sufficiente in contrarium experientia, satis iam est sublatus. In *modico* hic consistit virtus: ad *sex* enim circiter *grana* nitrum exhibitum tantum abest, ut diarrhoeas prouocet, ut potius illas praecoccupare & sedare soleat.
9. *Essentia succini non alcalisata, sed alcoholisata*, seu per solum spiritum vini rectificatissimum sine salibus parata, & cum paucissima portione *essentiae croci* combinata, parcius & repetitis dosibus adhibita, extra commotiones febriles, usu suo non caret.
10. In *orgastico* sanguinis statu absorbentia egregie se gerunt. Temperant autem nimiam hanc sanguinis exagitationem non tam *absorbendo*, quam potius *interponendo*: quilibet enim motus intestinus sanguinem reddit subtiliorem; quando autem crassiuscula absorbentium corpora interponuntur, effectus ille resoluens & turgidus impeditur.
11. *Dietam*, puerperis conuenientem, *tabul. de fluxu lochiorum* iam indicauimus, *conf. etiam tabul. de adfectibus puerperarum*.
12. Speciatim adhuc notandum, quod in fluxu lochiorum *tantum imminuto* parcissimus *croci* usus, ad leuem iusculorum tincturam adhibitus, extra commotiones febriles utiliter adhiberi possit; uti sub *methodo* paucis iam dictum est.
13. Sic etiam modicus *generosi vini* usus, praecipue in adfuetis siue iusculis, siue potionibus sumtus, non solum a periculo hic alienus est, verum etiam aliquem adhuc effectum ad fluxus impediti promotionem praestare solet.
14. Regimen tandem non sit anxium & aestuosum, omnesque irritationes ad euacuationem aluinam hic euitentur.









## TABVLA XVIII.

DE

CONGESTIONIBVS COMPLETIS  
GENERATIM.

## I. DEFINITIO.

*Congestio* est specialis directio sanguinis, a natura ope motus tonici versus loca peculiaria copiosius & hunc quidem in finem ordinarie collecti, vt per hæmorrhagiam ibidem euacuari, & illius abundantia hac ratione imminui debeat.

## II. DIFFERENTIA.

1. Indoles horum adfectuum optime exprimitur per vocem *congestionum*; hac enim aliquid actiui designatur. Contra vocabula *regurgitationum*, *stagnationum*, *stasium*, *obstructionum*, quæ his in morbis vulgò adhibentur, & passiuam significationem habent, neruum rei non attingunt.

2. Congestiones enim *actiuam* sanguinis compulsionem ad certa loca hæmorrhagica designant. Hinc differunt

1) *A stagnationibus*, in quibus progressio sanguinis in partibus siue porosis siue vasculosis ita impeditur, vt licet simpliciter nondum subsistat, tam copiose tamen refluere non possit, quam quidem adfluit.

2) *A stasibus & obstructionibus*. Nam in his non tantum motus progressiuus, sed & qualitas humorum insigniter alteratur; in congestionibus autem, qua talibus, horum neutrum contingit.

3. Congestiones sunt

1) *Vel simplices, complete & directe hæmorrhagica*, in quibus sanguis versus talia loca restringitur, quæ ad illius perruptionem & effluxum apta sunt, e. gr. versus nares, pulmones, ventriculum, vterum, intestinum rectum.



- 2) *Vel incompletæ, latius se extendentes & diuagantes, quæ rheumatismi nomine veniunt, & in quibus sanguis versus easdem quidem regiones & in eundem finem hæmorrhagicum congeritur; quoniam autem eminus tantum & in loca, quæ a viis hæmorrhagicis longinque distant, congeritur, perruptio illius non potest expectari. Contingunt autem incompletæ tales congestiones in rheumatismis stricte dictis, in adfectibus arthriticis & in omnibus sic dictis frigidis catarrhis.*
4. Congestiones differunt porro ratione loci.
- 1) *In iunioribus enim caput,*
  - 2) *Media ætate pectus,*
  - 3) *Consistente autem ætate abdomen, videlicet renes, ventriculus & hæmorrhoidalia loca, ordinarie ab iisdem infestantur.*
5. Tandem congestiones differunt ratione effectus & euentus,
- 1) *Vel enim veri sanguinis euacuatio succedit.*
  - 2) *Vel si ob materiæ qualitatem aut colatoriorum constrictionem toti massæ sanguineæ altior aditus non conceditur, tenuiores tantum illius portiones euacuantur. Vnde effectus seroso-mucidos, catarrhalis dictus, vel seroso-salsus & corruptioni ulcerosæ propinquius emergit. Germani vocant: scharffe salzige Glüsse. Huc pertinent coryza, tussis humida, asthma humidum. Has congestionum species bechicas vocare solemus.*
  - 3) *Quando autem plane nulla euacuatio succedit, humores congesti vel sensim iterum discutuntur, vel in stagnationem & stasin deducuntur. Vnde varii effectus inflammatorii & suppuratorii, vel pro materiæ & locorum diuersitate œdematosi, glandulosi & scirrhusi sequuntur.*

### III. SIGNA.

Hæc desumuntur ab effectibus congestionum.

1. In partibus enim adfectis observantur

- 1) *Infarctus, inflationes & distensiones vasorum, ita quidem, ut & exilissima vascula, quæ visum alias effugiunt, turgida sæpius adpareant.*


2) *Do-*















- 2) *Dolores* opplentes, tendentes, grauantes.
- 3) Quando autem altius & acrius sese exserunt congestiones, accedit *rubor* & *calor* præter naturam, & dolores obseruantur acuti, lancinantes, fremebundi, pungentes, pulsui respondentes.
- 4) Quam primum autem euacuatio sanguinis sequitur, plurima hæc incommoda cito sæpius euanescent; id quod nonnulli ægrotantes ipsi præsagiunt dicendo: Wenn nur das Blut entkäme, so sollte der Kopf bald leichter werden.
- 5) *Hæmorrhagia* autem non succedente complicantur facile tumores, acuti dolores, inflammationes, immo ulcerationes manantes.

2. In partibus *remotis* occurrit

- 1) *constrictio* spastica, ita, vt vasa penitus detumescant.
- 2) *Sensus* frigoris, immo interdum veræ refrigerationis.
- 3) Reliqua signa e *congestionibus* specialibus, quæ *tabulis* subsequentibus exhibentur, elucescent.

#### IV. *SUBIECTA.*

Congestiones, quamquam frequenter occurrere videantur, non omnibus tamen hominibus eadem facilitate eueniunt, sed illis præcipue,

1. Qui insigniter *plethorici* existunt.
2. Qui vitæ otiosæ, sedentariæ & diætæ lautæ dediti sunt.
3. Qui euacuationibus sanguinis, siue naturalibus, siue artificialibus adfuerint, & iam immunes ab illis viuunt.
4. Huc etiam pertinent, qui euacuationes *serosas*, quas habuerunt, neglexerunt, e. g. *fonticulos*, *setacea*, *vesicatoria*.
5. Ceterum non quælibet ætas ad quamlibet, sed ad illam tantum congestionem habet procliuitatem, quæ cum hæmorrhagia, cuius ætati competente, habet connexionem.

#### V. *CAUSSAE.*

1. *Fictiones Veterum* de *electiua missione*, quasi anima vel spiritus certas quiesquilias ad idonea loca exportent & proiciant, negotio congestionis sufficientem lucem non accendunt.



2. Interea tamen plus rationis habent, quam *Recentiorum causa passiva* fermentationis spumescantis, stasium & obstructionum. Vera enim obstructio est accidens satis periculofum, quod tam frequenter in corpore humano contingere, vti quidem congestiones, numquam vero similem est.
3. Quamquam etiam negari non possit, quod congestiones dentur, quæ hæmorrhagiam non respiciunt, quodque Recentiorum materia acris, nervos vellicans, modo biliosa, modo salina, in certa quadam regione hærens, stimulo suo congestiones interdum prouocare soleat, tanto magis, quando iam verae stases & corruptiones adsunt: hæc tamen congestiones non passivæ sed activæ censendæ sunt. Natura enim per adfusionem humorum acrimoniæ temperare, abstergere vel quamcumque aliam molestiam auertere intendit.
4. Præter ea acris illa materia non per se in tali loco passivè colligitur, sed per prægressam qualemcumque aliam congestionem ordinariè eo ducitur; id quod in rheumatismis præcipue est familiare. Et sic sinister euentus *primæ* congestionis prouocat *secundam*, quæ primam exacerbat.
5. Interea tales congestiones, quæ vel materiæ acris temperationem vel alia molesta auertenda respiciunt, longe rariores sunt, quam congestiones simpliciter *hæmorrhagica*.
6. Et sic pro primaria causa *materiali* congestionum accusamus *plethoram*, præcipue insigniter *commotam*.
7. Pro causa *specialiore* habemus difficultatem successus hæmorrhagiæ. Quando enim vel ob humorum spissitudinem vel ob viarum stricturam sanguis stricte dictus non potest euacuari, tum vel portio tenuis serosa tantum excernitur, vel plane nulla euacuatio contingit.
8. Causa *efficiens* est intentio naturæ ad sanguinem abundantem exonerandum.
9. Causæ *occasionales externæ* sunt
  - 1) Exagitatio impetuosa.
  - 2) Infolitus vini potus.
  - 3) Aër humido-frigidus, non raro etiam humido-calidus.
  - 4) Spe-









- 4) Speciatim quando solis aestus capiti, parum tecto, diu admittitur.
- 5) Item hypocausta humilia, cum primis proxime terram sita, ubi pedes & crura frigore, caput autem calore adificitur.
10. Restat, vt de *caussis dolorum* nonnulla adiiciamus, qui vel ab *actibus* vel ab *effectibus* congestionum dependent, seu vel ab ipsa congestione, vel *per* & *propter* illam excitantur.
- 1) Ab ipsa congestione oriuntur
- a) Vel *materialiter*: Quando enim materia congesta *stagnans* est, sub mora sua format *calores*, *ardores*, *pruritus*; & quando in *stasin* deducta, eoque ipso corruptionibus obnoxia est, tum *rosiones* & intolerabiles *ardores* ad ulcerationem vsque efficit.
- b) Vel *formaliter*, nempe ab ipso actu congestionis. Ab hoc dependent sensus *infarctuum*, *tensionis*, *grauitatis*, immo *frigoris* & *stuporis* cum subsequente sensu illo fremebundo *dormitionis*.
- 2) *Per* & *propter* congestiones veniunt dolores, dum peculiaris renisus seu actus reciprocus expulforius, disculforius & repulforius a natura per actiuam stricturam in parte adfecta distensa suscipitur, vt vel effectus congestionis promoueri, vel metuenda stasis praecipuari & molesta partium solidarum distensio auerti debeat. Otiuntur hinc motus *spastici contentiosi*, praecipue per fibras singulares, & ab his dependent *punctiones*, *lancinationes*, *vellicationes*, *tractiones*, *torsiones*, immo *vibrantes*, *palpitantes* & fremebundae commotiones.
- 3) Paucis: omnes dolores dependent vel ab acuta actiua *tensione*, vel a *calore* insigniter aucto, vel a vera & sine tropo dicta *acredine salina rodente*. Acerrima autem dolorum species est illa, quae a tensione originem ducit: cuius rei verum documentum est *tortura*, quae secundum *Hildanum* pedagricos dolore superat & profligat.



## VI. PROGNOSIS.

1. Apparatus congestionum non raro maior est, quam destinatus illarum finis requirit. Hinc varii sinistri effectus *stagnationum, stasium* inflammatoriarum & *corruptionum* oriuntur; de quibus sub *signis* iam diximus & tabulis sequentibus per species fusius dicetur.
2. Interdum etiam *stupores & paralytodeæ* debilitates partem adfectam occupant; quæ tamen mitioris sunt prognosticos, quam veræ paralyfes.
3. Quo minus euacuatio *hemorrhagica*, quam natura respicit, obtinetur; eo pertinacior est congestio, & eo maiora incommoda spastica & dolorum inde sunt expectanda. Hinc congestio *incompleta rheumatica*, difficilius curatur, quam *completa*.
4. Congestiones, quæ in *pectore* fiunt, grauioribus & acutioribus morbis portam pandunt, quam quæ in capite & abdomine oriuntur. Sanguinis enim euacuatio, quam natura intendit, felicem in pectore exitum obtinere non potest.
5. Quæ congestiones in *consuetudinem* iam abierunt, illæ, licet causa materialis subtracta sit, non facile cedunt medicationi, sed leuissimis potius occasionibus nouam scenam ludunt.
6. Congestiones, quæ *incongrua ætate* contingunt, periculo non carent.
7. Peruersæ congestionum tractationes, præcipue quæ fiunt per *narcotica* incongrua, per remedia *calida* & regimen *sudoriferum coactum*, efficiunt vel crebriores paroxysmorum recursus, vel morbos maxime irregulares; de qua re sub tabulis specialibus plura dicemus.

## VII. METHODVS MEDENDI ET REMEDIA.

## A. In paroxysmo.

1. *Aluus*, quæ in congestionibus ordinarie stricta est, soluatür & soluta seruetur

1) Vel









- 1) Vel per blandum *laxans* e. g. rhabarbarinum, pilul. *Becheri* cum extracto ellebori nigri combinatas, magnesiā albam &c.
- 2) Vel per *chystem* emollientem & demulcentem. Hac ratione *reuulsio* quoque humorum a superioribus partibus obtinetur.
2. Nimia *sanguinis expansio* & *spastica fibrarum* stricturne, quæ sub motibus congestoriis, iisque immoderatis, oriuntur, demulceantur per absorbentia, nitrosa, cinnabarina, cum diaphoreticis fixis combinata, e. gr. conch. præp. ocul. præparat. nitr. depurat. antimon. diaphoret. cinnab. antimon. vel nativ. Hi pulueres sæpius per diem repetantur.
3. Quando autem *dolorum atrocitas* nimis vrget, tum ad agentis acerbitem placandam lene *anodynum* dictis pulueribus addatur & ante somnum exhibeatur. Laudamus in hunc finem M. P. de cynoglossa cum cortice cascarillæ.
4. Hisce pulueribus interponantur & subiungantur illa remedia, quæ *equalem sanguinis distributionem* promouent. In hunc scopum commendantur
  - 1) *Alexipharmaca temperata*, moderatis dosibus & opportuna horarum discretionē propinanda. e. g. essent. alexiph. *Stæblii*.
  - 2) *Diaphoretica blanda*, diluentia largiter & calide hausta e. g. infusa thée, coffée, veronic, teucris folio, salv. flor. lauendul. &c.
5. Ad sanguinis congesti & restagnantis discussionem adhibeantur simul *topica*; sed cum cautelis inferius notatis v. g. spiritus vini camphoratus, liquamen lumbricorum terrestrium cum spiritu vini camphorato mixtum; item epithema illud, quod per vulgus notum est, & ex semine carui, baccis iuniperi, sale communi & mica panis fermentati paratur. Subordinentur eodem tempore *lenia repellentia* ex nitro, saccharo saturni & aceto rosaceo præparata.
6. Denique tonus partium adfectarum *roboretur*



- 1) *interne* e. g. per tinct. tonico-neruinam *Stahlii*, essentiam succin. cum essent. lign. & sarsaparillæ combinatam.
- 2) *externe* per sacculos neruinos cum spiritu vini camphorato & crocato madefactos.

**B. Extraparoxysmum.**

1. *Ventilationes sanguinis præseruatoria* circa æquinoctia instituantur & constanter repetantur.
2. His sanguinis euacuationibus præmittantur & subiungantur *laxationes per epicrasin*, quæ spissitudinem sanguinis & cacochymiam corrigunt. *Conferantur tabule de spissitudine & cacochymia.*
3. Rerum non-naturalium conueniens vsus obseruetur; in primis quod ad motum corporis placidum & perennantem attinet. Hunc enim qui negligit, illum optima quoque remedia a congestionibus non defendent.

**VIII. CAUTELAE ET OBSERVATIONES PRACTICAE.**

1. Ex causis allatis manifesto concludere licet, quod in congestionibus legitime tractandis *quantitatem* imminuendam magis quam *qualitatem* corrigendam respicere debeamus.
2. Et quoniam in ipsis etiam *bechicis congestionibus* e. g. coryza, tussi humida, tumore oedematoso & reliquis, imminutio sanguinis a natura intenditur, hoc autem *indicatum* a paucissimis obseruatur: necessarium est, ut Medicus communem viam hic deferat, & negotium sanguinis abundantis in his adfectibus primario consideret.
3. Quem ad modum egregium momentum prudentiæ practicae est, quamlibet congestionem cum relatione & respectu ad hæmorrhagiam illam specialem, cui respondet, tractare: ita non minoris dexteritatis nota est, noxios congestionum motus cum noxiis hæmorrhagiarum speciebus conciliare & eadem ratione æstimare. Qui hac cautela incedit, ille e. g. in congestionibus *pectoris*, non facile *expectorantia*, sed potius *reuellentia* & *discutientia* adhibebit.
4. In omnibus congestionibus abstinendum est ab *immodestis euacuantibus*.

5. Non









5. Non minus ab alexipharmaco-diaphoreticis calidis & regimine coacto. Temperata autem ante, quam adhibentur, alui legitimum successum exposcunt.
6. In incremento & statu congestionum a discutientibus & repellentibus topicis prorsus abstinendum est. Alias adfectus non mitigatur sed acerbatur.
7. Anodyna eadem cautela exhibentur. Quando enim sub doloribus, vti plerumque fieri solet, & ante debitam euacuationem adhibentur, graua & pertinacia mala inde expectanda sunt.
8. Quæ de venesectionibus, in paroxysmis institutis, sub hæmorrhagiis passim indicauimus, quod scilicet in *presens* tantum, non autem in *futurum*, auxilium adferant, & præter ea inconuenientes consecutiones producant: illa in congestionibus omnibus probe etiam sunt obseruanda.
9. Quid de pediluniis, vesicatoriis & fonticulis obseruandum sit, & in quibus congestionum speciebus locum habeant, sequentibus tabulis indicabitur.
10. In pertinacibus illis congestionibus hypochondriaco-ischiadico-podagrigo-hæmorrhoidalibus talis efficaciæ sunt *hirudines*, orificio intestini recti adplicatæ, qualis a nulla alia medicatione expectanda est.
11. *Essentia succini* in omnibus congestionibus, dolores post se trahentibus, officium suum optime facit, quando cum essentia alexipharmaca *Stahl*i iungitur & repetito propinatur.
12. In congestione, quæ *copiose*, & præcipue in corpore *spongioso* exoritur, abstinendum est sub *initium*, & in ipso *statu a* salibus volatilibus vrinosis, in primis largius propinatis; in notabili vero *declinatione* bene se gerunt. Notandum autem, quod a paruis dosibus sit incipiendum.
13. Quæ vero congestio *pauca* materia contingit, e. g. hemicrania minus plethoricorum, illa in ipso etiam *statu* admittit *salia volatilia*, sed remixta cum *tinctura salis tartari* vel *antimonii*. Nam alcalica hæc fixa per acrimoniam suam promouent diureticam euacuationem, serosam etiam tenacitatem potenter incidunt, & sic ad æqualem humo-



rum distributionem atque congestionum discussionem multum contribuunt.

14. *Liquamen lumbricorum terrestrium* per spiritum vini præcipue camphoratum & pauca nitri portione a corruptione præseruatum, est antispasmodicum non contemnendum.
15. *Analeptica*, quæ in forma emulsionis gratae & quodam modo dilutæ exhibentur, pertinaciam rigidae & spasticae constrictionis egregie demulcent.
16. *Embrocha* seu stillicidia balnearia, præsertim paullo fortius allabentia, sæpissime effectus sunt non poenitendi, & illis quidem in casibus, quorum congestionibus dolores fixi, in partibus præcipue carnosissimis, accedunt.
17. *Blandus calor* tum in ipsa parte adfecta, tum in reliquo corporis habitu, tam efficaciter prodest, quam refrigeratio nocet. Notandum autem est contra communem morem, quod calor in parte adfecta blandior esse debeat, quam in aliis partibus, ad quas humores deriuandi & revellendi sunt.
18. *Ligatura partium* oppositarum suam habent utilitatem, præcipue quando circa initia, quo tempore humores in motu adhuc constituti sunt, suscipiuntur.
19. Quando autem humores quiete quasi iam restagnant, plus possunt *frictiones*. Hæ enim sensum fremebundum latius diffundunt & eo ipso spasticum toni rigorem demulcent.
20. *Amuletica* & *specificæ* interdum satis efficacia sunt, in subiectis præcipue sensibilibus. In usum autem non trahenda sunt prius, quam vel plane sub initium, vel uniuersalibus præmissis.
21. Ex amuleticis *bufo exsiccatus* in plerisque congestionibus efficaciter solet adhiberi; cuius rei in congestionibus *anginose* experimentum habemus, quod per ipsum vulgus satis notum est.
22. Cautelæ, quæ de usu rerum non-naturalium, præcipue autem de scrupuloso victus & aëris selectu, passim inculcantur, illarum fontem, ex quo congestiones primario oriuntur,















untur, non attingunt. Notum enim est, quod illi homines a congestionibus satis liberi sint, qui omnes aëris iniurias perferre & victum dyspeptum adsumere tenentur.

23. *Animi autem commotiones* turbulentæ sollicitè euitentur: multum enim conferunt, ut congestiones repullulent.

## TABVLA XIX.

DE

## CONGESTIONIBVS INCOMPLETIS

SEV

## RHEVMATISMO.

## I. DEFINITIO.

Rheumatismus est contentiosum & diffusum molimen hæmorrhagicum, quo principium vitale humores per congestionem incompletam ad varia corporis loca & præcipue in *viciniam* illorum, quæ sanguini euacuationem concedunt, copiose quidem adpellit, quoniam autem hisce motuum adparatibus ad ipsum exitum directe non tendit, sed *latiore* ambitu partem obsider & tergiuersando *eminus* tantum hæmorrhagiam respicit; loco sanguinis euacuationis stagnatio illius & varia incommoda tensionis, gravitatis, pressionis atque aeris ardoris, & tandem vltiores noxii effectus & euentus introducuntur. Deriuatur a *ῥέω*, fluo.

## II. DIFFERENTIA.

1. Rheumatismus vi vocis rem maxime generalem denotat, & potius ut *caussa* variorum adfectuum instrumentalis quam *morbis* considerandus est. Motus enim suos tam



simpliciter non seruat, neque tam *uniformes* conatus diu prosequitur, uti quidem *hæmorrhagia*, sed in varia schemata ad modum pronus, & vltioribus novorum morborum genesibus generalem, ut dicunt, influxum supeditat.

2. Hæc generalis rheumatismi acceptio *Hippocratis* iam temporibus nota fuit. Quando enim *libro de prisca medicina* prolixam mentionem facit non tantum *rheumatum* generatim, sed *acrium* humorum, qui *fluxu* in partes deferantur, speciatim; tum rheumata non ut ipsum morbum sed ut causam aliquot morborum, ibidem nominatorum, arguit.

3. Differunt autem rheumatici decubitus

1) Ratione *loci*. Modo enim

a) *exteriora*, modo

b) *interiora* corporis loca occupant.

2) Ratione *extensionis*. Modo enim

a) *arctioris* & *particularis* sunt ambitus; modo

b) *latius* sese extendunt, & non tantum *circa* illum locum, qui exitui sanguinis patet, adfligunt, sed integram aliquam corporis regionem occupant; modo

c) *latissime* & per uniuersum corporis ambitum eiusmodi contentiosæ diffusiones exoriuntur. Et hic uniuersalis quasi rheumatismus egregiam habet conuenientiam cum molesto illo *fatigationis* & *contusionis* sensu, quem plethorici post insolitam & vehementem corporis agitationem a simplice sanguinea tensione, in partes porosas insolentius retundante, sequente die experiuntur.

3) Ratione *causæ*.

a) Qui enim rheumatismi *latioris* sunt ambitus, illi a simplice sanguineo-ferosa materia & a sinceris sanguineo-hæmorrhagicis moliminibus dependent, atque de his *simplicibus* & *sinceris* præcipue valet definitio.

b) Qui



3. Dividitur 1. in Sanguineum, ubi Sanguis tantum copia  
peccat — 2. in Cachecticum, quo adest Sori impura  
follurici, 3. Scorbaticum, fixum et Vagum, ratione  
Morionis et Sedis mali — 4. Vindictum &c. Hofm.





- b) Qui vero *arctioris & particularis* sunt ambitus, illi, præcipue in membris *interioribus*, sumunt quidem etiam aliquando occasionem a negotio sanguinis impedito, in *exterioribus* autem locis plerumque a causis, quæ sunt præter naturam, producuntur.
4. Rheumatismus differt ratione *ætat*. In iunioribus enim præcipue caput, in *adultioribus* pectus, diaphragma & præcordia, in *senibus* autem modo hypochondria; unde *lumbago rheumatica*; modo totam venam portæ cum visceribus adnexis; modo inferiores corporis partes infestat.
5. Differt etiam ratione *indolis*; quo respectu alius est
- 1) *Mitior*, nempe ille, qui latioris est ambitus, & exteriora loca occupat; nisi quidem in adfectum phlegmonodeum degeneret.
  - 2) *vehementior*, qui angustioris est tractus & interiora loca occupat. Hic enim acrioris est sensus & ardoris.
  - 3) *Pertinacissima indolis*, qui ex adsueto humorum decubitu vel discrasia sanguinis individuali contumaciter sustentatur. Præcipue autem maxime importunus, & stasibus mali moris formandis idoneus est rheumatismus, quando tenuiores sanguinis particule ferro viscoso intertextæ intra penitissimas porosarum partium angustias coarctantur.
6. Rheumatismus seu congestio *incompleta* quo modo a congestione *simplice & completa* differat, præcedente tabula indicatum est.
7. Discernendus etiam est *rheumatismus* ab *inflammatione*. In hac enim vera humorum *stasis & feruidus æstus*, in illo autem, quam diu adhuc genuinus est, simplex tantum *stagnatio* cum *acri ardore* occurrit. Quando autem insultus rheumatici sunt fortiores, ipsa inflammatio accedit, quæ *interne* fit phlegmonodes, *externe* ordinarie erysipelato-des, numquam autem apostematodes.
8. Porro differt rheumatismus ab *arthritide*. Licet enim hi duo adfectus non sint res maxime diuersæ, sed subordinatæ & sæpius complicatæ, leuior etiam arthritidis rheumatis



ris nomine non raro larvatus occultatur ; differunt tamen sequentibus circumstantiis.

- 1) Rheumatismus veram *humorum restagnationem* format, arthritis autem *spasticam contentionem* per partes solidas exercet.
- 2) Rheumatismus sedem habet in partibus *musculosis*, arthritis vero *iuncturas* partium potissimum occupat.
- 3) Rheumatismus arthritidem ordine antecedit,
4. Differt denique *rheumatismus* a *catarrho*. Hunc enim constituit materia *pituitosa* & sic dicta *frigida*, illum autem materia *acris*; & quoniam hæc partem illam, quam infestat, præter reliquos dolores, etiam *ardore* adficit, *calida* solet vocari. Vnde Germanorum differentia, *kalte und hitzige Glüsse*, nata est. Et sic rheumatismus catarrhum *sensibilitate* longe superat.

### III. SIGNA.

1. Restrigitur sanguis in certam corporis regionem, qui ibidem *restagnans* varias molestias producit.
2. Videlicet sensum *tensionis*, pressionis, gravitatis, fatigationis.
3. Conspicitur *inflatio* & levis *distensio* partis adfectæ.
4. Coniuncta est *ineptitudo* illius membri ad *motum*, præcipue propter sensum, quem infert acutum & contrasorium, quam primum sensui huic *pressorio* qualiscumque *represio* seu *renisus* siue per contactum, siue per motum voluntarium aut situs mutationem accedit.
5. *Calor*, qui in suffarctu hoc adhuc mobili sentitur, & a *materiali distensione* multum dependet, & magis *acris* & *inquietans*, quam *fervidus* & *astuans*. Atque hæc signa sunt rheumatismi *simplicioris*.
6. In illis autem rheumatismi speciebus, quæ *accidentali* constitutione fiunt *indolis deterioris*, omnia symptomata observantur *acerbiora*. Fortior est impetus, impetuosior adfluxus, maior humorum restagnatio & partis distensio, exquisitior etiam est sensus tendens & vibrans, ardor autem ad dolorem inflammatorium fere accedit.
7. Præter ea comitatur interdum *fortiores* hosce insultus rheu-



8. Rheumatici dolores qui medios Artus et musculos  
Cervicis, Brachij, Thoracis, humeros, Scapulas, fo-  
-mora, manus obsident, Rheumaticos Vocant.  
Arthriticos autem dicunt eos, qui in Articulis,  
et juncturis Osseis resident. Hoffm.  
Arthritis sepius occurrit, longiori tempore insistit,  
difficilioris Sanationis est — quam Rheumatismus.  
In hoc Dolor est mitior, sine conspicuo tumore  
et Rubore quae in illa percipitur. Hoffm.

### III. Signa.

1. Sanguis à Vena Missus differt ratione coloris  
et consistentiæ —. Interdum enim Serum mox  
instar glutinis concredescit, non sicut ac in propriis  
= moria graviter affectis —; alio tempore Serum valde  
tenues est, et sanguis coeundi coloris — Aliquando  
in principio Sanguis est bonae consistentiæ, progressu  
vero Morbi admodum Serosus, et pellicula tenaci mibu-  
-lus.

Progressus Morbi — Praecedit Spontanea lassitudo,  
gravitas Artuum, Cachexiarum refrigeratio, et rigor —  
Subsequitur Oedus circa praecordia, pulsus concita-  
-tus, inquietudo, sitis &c. Dolor postea gravis vel acu-  
-tus has vel illas partes occupat, qui noctu exacer-  
-batur. &c. Hoffm.

IV. Aetate florentes, juniores, Sanguinea complexionis,  
ab improvido admisso frigore; Pthorici, omnia  
consueti U. Sectionis &c. Haemorrhagiis Narum &c.  
in juventute apusti; Tamina praesertim San-  
guinea complexionis, cessante Mensuum fluxu, vel  
temporibus U. sectionibus occurratur. Vitam tho-  
sam agentes, Vinis, et Vitis <sup>pregnatis</sup> additi.

V. Causa est humor siccus superius siccus in tempore  
proccans, intra Vasa minora nervosa con-  
gestus, qui ea distendit, vellicat &c. Affm.



rheumaticos sensibilis *motuum tonicorum alternatio*, & quæ nexu haud separabili cohæret, *frigoris & caloris volatica variatio*; quæ vero, licet generali sensu pro actu febrili haberi possit, cum specialibus tamen febris circumstantiis non conuenit; nisi omnia maxime sint acerbata.

3. Atque hæc incommoda semper sunt *mitiora* in rheumatismis *externis*, adhuc *sinceris*; *acriora* in *sinceris* quidem, fortioribus tamen *internis*; non minus in *externis phlegmonodeis*; *acerrima* in *phlegmonodeis internis*.

#### IV. SVBIECTA.

1. Rheumatismus occupat plerumque homines *vegetæ ætatis* & quidem vtriusque sexus.
2. In quantum cum negotio hæmorrhagico simpliciter conspirat, in tantum proprius & familiaris est *plethoricis otiosis*, præcipue quando præter consuetudinem fortio rem corporis motum interdum admittunt.
3. Quod ad *temperamentum* attinet, primum locum occupat *sanguineum*, quod laxo & spongioso corporis habitu iunctum est.
4. Præterea infestat *teneros & animi pathematibus obnoxios*.
5. Quando autem *robusti & laboriosi* a rheumatismo corripuntur, non plethoricæ sed externæ causæ subesse deprehenduntur. *Vide causas externas.*

#### V. CAUSSAE.

1. Causa *materialis* rheumatismi *simplicis* est *plethora*, præcipue *commota*. Non opus autem est ut rheumatismus *crasi determinata* circumscribatur, quia ex sincera tota massa decubitus fieri solet; quamquam negandum non est, quod acris & tenuis humorum dyscrasia alius penetrare & acrius adfligere possit.
2. Pro causa *formali* motus quidem hæmorrhagicos agnoscimus, quos principium vitale, tamquam causa *efficiens*, instituit: quoniam autem incompleta sunt molimina, quæ non directe sed *eminus* tantum hunc finem respiciunt, non possunt non a scopo suo aberrare. Cur vero *eminus* solum exitum tentet natura, id vel in abiecta spe liberalis



hæmorrhagiæ successus, vel in aliis impotentis atque difficultatibus quærendum videtur.

3. *Causa instrumentalis* est motus tonicus alteratus & auctus, quo humores in partes musculosas deferuntur & propelluntur. Quoniam autem crassiores sanguinis particule altius penetrare non possunt, solæ tenuiores salino-sulphureæ & organico-serosæ ad partes sensibiles membranaceo-neruoso-tendinosas secedunt, molestum illis sensum imprimunt, & hinc ulteriorem humorum adfluxum facile accelerant.
4. Hæc valent de rheumatismo, qui *latioris* est ambitus, & a *sanguineo-serosa* materia atque a moliminibus sinceris hæmorrhagicis initia sua sumit. Qui vero *exigui* seu *artioris* ambitus est rheumatismus, ille quidem, præcipue quando in partibus *interioribus* exoritur, etiam ab hæmorrhagicis moliminibus interdum dependet, frequentius autem in *exterioribus* corporis regionibus a causis, quæ *præter naturam* sunt, originem suam ducit. *Vid. n. 5. & signa.*
5. Causas *externas, violentas & præcatarticas* sequente ordine collocamus.
  - 1) Tempestatum mutationes, aut aliæ frigoris & caloris repentina commutationes & vicissitudines.
  - 2) Venæ sectionis & scarificationis consuetæ ommissio.
  - 3) Vesicatoriorum & fonticulorum, diu gestatorum, neglectio.
  - 4) Hæmorrhoidum adfuetarum impeditus successus.
  - 5) Mensium qualiscumque suppressio.
  - 6) Læsiones partium solidarum, vel diuturnæ illarum irritationes, e. g. contusiones, dislocationes, luxationes, fracturæ, vlcérations diu manantes, vulnera cum grauib. inflammationibus stipata, ambustiones, perniones. Hisce enim indiuiduis mutationes tempestatum, commotiones animi, vel aliæ irritantes causæ insultum rheumaticum, & quidem in loco vniquam læso, facillime prouocant.
  - 7) His accidentalibus causis merito subiungimus *febres*, quæ interdum symptomaticæ eius modi rheumatismos



3. causa proxima est Extravasatio Lactis — Annis  
vero humor extravasatus fit Aeris, unde Dolores — Hofm.

# VI

1. *Omni Vacant pericule si rite tractentur —*

7. *Hic affectus copiosis Urinis, et Sudoribus spontis  
ruboris, nec non Hemorrhagicis excretionibus,  
et Efflorescentiis cutis, Pora vel Scabië ruboris  
solvantur — . Adfin.*



smos seu particulares decubitus & metastases humorum efformant, quando legitime non decurrunt.

- 3) Tandem *consuetudo* horum motuum & dispositio *hereditaria* rheumatismos pertinaciter sustentat.

## VI. PROGNOsis.

1. Rheumatismorum effectus numquam est utilis.
2. Quum enim *simplices & sincera* moliminibus hæmorrhagicis incompletis dependant, sanguinis autem euacuationem non adsequantur, neque etiam alio modo imminutioni humorum satis faciant: facile concludendum est, quod nihil aliud, quam congeriem incommodorum, sub *signis* nominatorum, introducant.
3. Euentus *benigniores*, qui rheumatismos *moderatos, & sincera* materia præditos, sequuntur, hi sunt, vt omnia incommoda post aliquot dies, vel sine vel cum quacumque euacuatione, sponte & successiue remittant, & hæc quidem cum lenibus successibus, extra *stata* tempora, quasi indifferente modo.
4. Euentus autem *peiores* sunt copiosæ stagnationes, quæ nonnumquam per plures hebdomadas perseuerant, & stases, non suppuratoriæ, sed erysipelaceæ & phlegmonodeæ, quarum hæc posteriores rariores quidem, sed & periculosiores sunt, præcipue in partibus internis.
5. Et quando remediis calidis atque calido regimine tractantur, hoc periculum augeatur.
6. Quando autem per repentinam & impetuosam horum adfectuum oppressionem velox *translatio ad interiora* contingit, periculosior adhuc est euentus. Hac enim ratione materiæ quantitas in angustiores locum cogitur.
7. *Expulsio* autem ab *interioribus* ad *exteriora* pari effectum minime succedit. Non enim vt erysipelas aut phlegmone, sed vt rheuma ad exteriora erumpere possunt, quia hic non sunt simplex & directus *adfectus* vel perpetuus *effectus*, sed potius rheumatismorum male cedentium solus *euentus*. Et quando discussio staseos obtenta est, tum nouam eius concentrationem seu collectionem in exterioribus partibus minime expectare debemus.



8. Multo minus rheumatismus, qui dieterum inflammationum fomes est, *translationem sinceram* ab vno loco in alterum admittit, sed contentus est vera *discussione*.
9. Non est familiare *simplici* rheumatismo, vt repentina; copiosa & stabili congestione in artum quemdam incumbat, & contumaciter illum obsideat; solemnius autem est illis rheumatismis seu *apostasibus*, quæ a *febris*, incommode cedentibus, proueniunt, & cras, in primis *alterum*, impetu quodam inflare solent.
10. Hic infarctus quando mature non dissoluitur, sed stabilis subsistit, *arx* & *sedes* fit, ad quam commotiones rheumaticæ, vndecumque oriantur, iuratum quasi *receptum* habent; promptius etiam ob leuiore causas paroxysmi recurrunt, & maiora incommoda adfectæ parti conciliant.
11. Videlicet augefcit ardor, rubor, vibratus & fremebundus dolor cum febrili languore, inquietatione, prostratione adpetitus, agrypnia, angustiis præcordiorum.
12. Hæc constitutio quouis modo periculofior est, quam *simplex* rheumatismus, quia facile *inflammatoria febris* accedunt, vel *relapsus ad interiora* periculofus contingit.
13. Ceterum recursus rheumatismorum sunt benigniores, præcipue in serofioribus, quando excretiones placidæ & successiuæ accedunt; id quod Medico lucem genuinæ tractationis accendere potest.

## VI. METHODVS MEDENDI ET REMEDIA.

### A. Curandi.

1. Resolutio & discussio humorum restagnantium respiciatur.
  - 1) *Interne* per antimon. diaphoret. arcan. duplic. bezoard. min. lumbric. terrestr. præparat. coniunctis temperatis alexipharmacis v. g. essent. alexipharmac. *Staklii*, mixtur. simpl. essent. scord. pimpin. alb. vincetox. & in mitiore adfectu, succini, absque regimine coacto sudorifero.
  - 2) *Externe* per spirit. vini rectificatiss. camphorat per sacculos ex speciebus resoluentibus & discutientibus paratos, v. g. ex herb. chamom. rorism. mentæ maioran. puleg.




VI. Curatur Mifione Sang.; Purgatrone Antiphlo-  
-gistica repetita, et semper Vesperi per Narco-  
-ticum Sedata, balneo Em, Lepido, fomentis  
antiphlogisticis loco affecto applicatis. Vesica-  
-toriis validioribus et cauteriis. Medicamentis  
summodum diluentibus atq. emollientibus simul.  
Vicu lenissime, Quies, Tempore lecti,  
Ad finemurationis fructus Secca, Calida, una  
cum Usu Antiscorbucorum -











puleg. matricar. hyssop. epithymi, betonic. thymi, flor. chamom. sambuc. melilot. stoechad. lauendul. cum camphora.

- 3) Quando autem pertinacius se gerit adfectus, spirit. vini camphorat. cum modica quantitate spiritus formicar. vel spiritus abstractit. serpilli maritatus conducit. Ipsæ denique embrocationes cum decoctis temperate neruinis & pediluuiis vsus haud sunt contemnendi.
2. Motus congestorio-spastici modeste cohibeantur, organis sanguinis temperetur, & partium stricturæ leniantur per nitrum cum absorbentibus, it. decocta gelatinosa & emulsiva cum modica quantitate papaueris, per ipsum denique serum lactis ac potum dilutum & sufficientem.
3. Quando autem necessitas vrget & adfectus pertinaciter continuat, dictis imperantibus misceatur cinnabaris, corall. rubr. præparat. M. P. de cynogloss. semen papauer. & syrup. eiusdem.
4. Ante omnia vero aluus semper aperta seruetur per lenia laxantia, aut mitiora euacuantia; cui scopo inferuiunt rhabbarina, sennata, tamarindinata, magnesia alba, extract. panchymag. *Crollii*, massa pilul. de succino *Cratonis*, & instar omnium pilulæ *Stahlianæ*.
5. Tandem in declinatione adfectus circa finem mixtura tonico neruina *Stahlî* obferatur.

#### B. Præseruandi.

1. Ratio maxime habeatur euacuationum sanguinearum tam naturalium, quam artificialium. Hinc circa æquinoctia venæ sectio in pede instituatur, & in adfuetis scarificatio interdum interponatur.
2. Præcipue autem hoc necessarium est, quando hæmorrhoides vel menses impeditæ fluunt; quo casu applicatio hirudinum ad loca hæmorrhoidalia subiungenda & turbatæ aut suppressæ hæmorrhagiæ modeste reuocandæ sunt.
3. His ob primarum viarum saburram & sanguinis abundantiam serosam subinde interponatur laxatio per epicrasin.




4. Thermarum usus, præsertim in spongiosis subiectis, hic non reijcitur.
5. Optimum autem & præstantissimum remedium, nempe *motus corporis* sufficiens & perennans, ubique coniungatur. *Vid. cautel.*
6. Tandem *causæ occasionales*, quæ paroxysmos rheumaticos reuocare solent, quouis modo euitentur.

#### VIII. CAUTELÆ ET OBSERVATIONES PRACTICÆ.

1. In rheumatismo exsulent remedia *agitantia* calidiora, aut *refrigerantia*, lympham & serum densantia: grauiora enim & vehementiora incommoda post se ducunt.
2. Non minus euitentur *humida*, quia tonum admodum relaxant & eneruant.
3. *Opiata* adfectum rheumaticum præsentem non tantum reddunt contumacem, sed & quacumque leui occasione eundem reuocant.
4. *Salia volatilia* partes subtiliores facile repellunt, & crassioribus relictis tumores ac stupores inducunt.
5. Maxime omnium sibi caueat Medicus ab *oleis destillatis*, item ab *unguinosis*, *emplasticis* tenacibus, & omnibus maturantibus atque abscessum facientibus. Non enim est indoles rheumatismorum, abscessionem stricte dictam formare.
6. Minus quoque & sibi & ægrotis consulit Medicus, quando fortiora *purgantia* & *emetica* aut calidiora diaphoretica cum regimine coacto propinat: facillime enim cum aliis grauissimis pathematibus *arthritis* inducitur.
7. Ipsa *venesectio* curandi scopo instituenda locum non habet; nisi summa vrgeat necessitas: nam & præsentia incommoda, si non reperatur, parum minuit, & futura reddit admodum fontica, nempe nulli, nisi huic medelæ, amplius eedit adfectus.
8. De *spiritu vini* notandum, quod sit rectificatissimus. Sin secus, plus detrimenti quam emolumenti adfert. Quando autem *calis* non est ad manus, topica in forma sicca tutius adhibentur.









9. *Essentia succini* hoc in adfectu præseruandi scopo, præmissis quæ sanguinis quantitatem immittunt, egregiæ est efficaciam. Immo in ipso paroxysmo, non adeo acerbaro, laudatur.
10. De *motu corporis* in paroxysmo negandum quidem non est, illum sub initium maiores dolores, immo eiulatus, excitare; adseueramus autem & multis testibus confirmamus, quod hoc remedio, placide primum adhibito & deinde moderato tenore per tres vel quatuor horas continuato contumacissimi rheumatismi, qui alias optimis remediis per plures hebdomadas resistunt, vno die felicissime profliguntur.

## TABVLA XX.

DE

## INFLAMMATIONE GENERATIM.

## I. DEFINITIO.

Inflammatiō est principii agentis negotium vitale, quo illud per motum humorum congestorium & adpulsorium, in aliqua corporis parte ultra gradum naturalem auctum, sanguinem in veram stasim deductum discutere, vel, si hoc non amplius obtineri possit, sulphureas, fermentescentes & summe agiles particulas, in hac stasi contentas, subtrahere, & reliquam languidam, minus noxiam, materiam in pus laudabile conuertere conatur; vt hac ratione corruptio putrida, seu sphacelosa, a stasi tali expectanda, præoccupetur, & præcepta fermentescens diffusio intercipiatur.

## II. DIFFERENTIA.

1. Inflammationis tres sunt species.

1) *Erysipelas* dicitur, quando inflammatio in superficie occur-



currit, & per membranaceas partes in *latitudinem* diffunditur, tumoremque æqualem, mediocriter ardentem, & dilute roseum format. Germanice vocatur die Rose, der Rothlauf.

- 2) *Phlegmone* adpellatur, quando inflammatio in *latum* & *profundum* æqualiter & satis amplo spatio extenditur. Differentias speciales mox subiungemus.
  - 3) *Apostematodes* inflammatio vocatur, quæ vel in superficie, vel subtus, arctiori spatio circumscripta est, & *profunditatem* illius partis, quam obsidet, magis penetrat. Huic inflammationum speciei partes carnosæ aut glandulosæ in primis sunt expositæ.
  - 4) *Gangrena* non est peculiaris species inflammationis, sed potius infelix istius, præcipue apostematicæ, euentus.
2. *Erysipelas* differt a *phlegmone* gradu:
- 1) nam in *latum* tantum est diffusum, & ita solum *cutis* inflammationem exhibet. *Phlegmone* autem tam in *latum* quam in *profundum* tendit.
  - 2) in *erysipelate* color magis ad flauedinem, in *phlegmone* autem ad ruborem excedit.
  - 3) *Erysipelas* mutat subinde sedem suam, & ex vno in alium locum cedit, augmenta etiam celeriter sumit; *phlegmone* autem in vno loco subsistit, & tardius augetur.
  - 4) *Erysipelas* maiorem quidem feruorem inducere obseruatur, *phlegmone* autem, uti non raro a *metastasi febrili* exoritur, ita plerumque motus febriles habet coniunctos. Nam motus inflammatorius *particularis* quando in vniuersam humorum massam diffunditur, *febris inflammatoria* adpellatur.
  - 5) *Erysipelas*, quando premitur, color disparer, & mox redit, *phlegmone* autem propter duritiem suam hanc coloris mutationem non subit.
  - 6) Inter ea hoc habent commune, ut ad *suppurationem* non inclinent. Quando autem incongrua arte maturatio promouetur, corruptio *seroso-salsa*, loco laudabilis suppurationis, facile producitur.

7) De









- 7) De *phlegmone* notare adhuc conuenit, quod ab auctori-  
bus non æque exacte describatur. Plerumque enim  
*generico* sensu ab illis sumitur. Est autem *species* in-  
flammationis, quæ stasin sanguinis intra poros & te-  
nuissima vascula in *latum & profundum* inuoluit.
3. Inflammationes differunt ratione *materia*, stasin forman-  
tis, & hinc dicuntur vel
- 1) *simplices*, quæ a stasi pure *sanguinea* in partibus carnosis &  
vasis sanguineis oriuntur, & ad corruptionem siue  
suppuratoriam, siue putredinosam proclives sunt, vel
  - 2) *compositæ*, quæ multum seroso-lymphaticæ substantiæ  
comprehendunt, & in falso-ulcerosas corruptelas  
abeunt.
4. Differunt etiam *ratione locorum* adfectorum, & secundum  
hanc diuisionem sunt vel
- 1) *externæ*.
    - a) Huc pertinent omnes erysipelacei adfectus faciei, ma-  
nuum, brachiorum, genuum, tibiæ, pedum.
    - b) Apostemata externa.
    - c) Furunculi in peripheria corporis provenientes.
    - d) Tumores inflammatorii v.g. parotidum, tonsillarum,  
vulvæ, mammarum, testium.
    - e) Ophthalmia, odontalgia, otalgia &c. vel
  - 2) *internæ*.  
Huc non solum pertinent phrenitis, angina, pleuritis, pe-  
ripneumonia, paraphrenitis, hepatitis, nephritis, sed  
etiam omnes febres inflammatoriæ, in quibus motus  
auctior, antea particularis, per vniuersam sanguinis  
massam diffusus est. De his speciales tabulas infra  
exhibebimus.
5. Ardor *inflammatorius* non confundendus est cum æstu san-  
guinis *congestorio*, ille enim semper veram stasin, hic au-  
tem stagnationem tantum sequitur.

## III. SIGNA.

A. Inflammationum *externarum*.

## I. Generalia.

- 1) Facta sanguinis stasi mox accedit *tumor*, qui non solum  
X par-



partem immediate adfectam, verum etiam viciniam occupat.

- 2) Huic tumori tempestive succedit *rubor & aestus*, seu potius *ardor*, ad tactum sensibilis, & ægro ita molestus, ut inquietationem, impatientiam, immo internum angorem sæpius incurrat.
- 3) *Dolor* concurrit lancinans, pungens, arteriarum pulsui respondens, sensibilior in partibus sanguineis, obtusior in exsanguibus & glandulosis.
- 4) Hæc symptomata, quando per aliquot horas durae-runt, contingit *interdum*, ut sensim mitescant, & tandem prorsus auferantur.
- 5) Et sic æger pristinae integritati restituitur in stasi quidem *profundiore* intra *quatuor* circiter dies; in *late* autem diffusa *septem* dierum spatio negotium demum absoluitur.
- 6) Quando vero *discussio* obtineri nequit, staseos succedit *corruptio*, eaque vel laudabilis; *purulenta*, substantia nempe alba, aut ad summum leuiter flauescens, inodora; vel *putredinosa*, de qua sub *prognosi* plura dicemus.
- 7) Omni illo tempore, quo stasis ad corruptionem purulentam properat, æstus & ardor potissimum in circuitu adfligunt, & rubor circulum quasi in peripheria partis adfectæ format, in centro autem tumoris hæc omnia mitiora, repidiora, & magis pallida adparent.
- 8) Quo grauior est inflammatio, eo magis reliquum corpus spasmodica constrictione adficitur & ad spectus est macilentus: sensu subhorrido concurrente.
- 9) Reliqua signa sub *differentia* iam indicata legantur.

## 2. *Specialia.*

### 1) *Erysipelatis.*

- a) Præcedit *rigor* quidam in parte illa adfecta.
- b) Hunc excipit *dolor* congestionis in eadem parte.
- c) Succedit *tumor aequalis*, qui intra exiguum tempus tale sumit argumentum, ut *cuticula* niteat.

d) Non-









- d) Nonnumquam *mador* quidam, *vesiculas* quasi formans, in hoc tumore observatur.
  - e) Continuat hic tumor per *dies* circiter *quatuor*, quo tempore sensim iterum decrescit.
  - f) *Colorem* exhibet non tam insigniter rubicundum, quam *flauescentem*. Quando autem magis pallidus est tumor, quod rarius observatur, a *Germanis* adpellatur: *Die weisse Rose*.
  - g) Aliquando de loco in locum migrat, immo per *universam* corporis *peripheriam* se diffundit.
- 2) *Phlegmones*.
- a) Tumor adest non solum in *latum*, verum etiam in *profundum* diffusus, durus, rubicundus, præter naturam calidus, in *altitudinem* non adeo eleuatus.
  - b) In *peripheria* accedunt *dolores* spastici, lancinantes.
  - c) *Duratione* hæc species inflammationis longe superat *erysipelaceam*.
  - d) Sponte sua uti ad suppurationem non est idonea, ita si peruersa arte eo deducitur, legitimum & bene coctum pus non exhibet, sed materiam *ulcerascentem*. Vnde & facile in *ulcus* manans, *serpiginosum*, vel *plane fistulosum* transmigrat.
  - e) *Commotiones febriles* plerumque præcedunt & coniunctæ sunt.
  - f) Quando a *metastasi febrili* exoritur, inuadit eum *horrore*, per *vnam* & alteram horam durante.
  - g) Huic succedit *æstus*, quem sensus *ardoris* excipit.
  - h) Contingunt eiusmodi stases phlegmonodes in *carnosis* ordinariæ & *spongiosis* locis.
  - i) Insuper, quod notatu dignum, in *extremis* sæpissime partibus, nempe in brachio, cubitu, crure, rarius femore. Confer. *causæ*.
  - k) Aliquando etiam in facie occurrunt, e. g. duræ illæ, rubræ & æstuosæ inflammationes, quæ interdum dentium dolores excipiunt, *phlegmones* indolem fiunt; præcipue si minus dextre tractentur.



3) *Apostematis.*

- a) Sanguis, qui extra vasa cessit, in vnum quasi nodum collectus, & hinc arctiore spatio circumscriptus est.
- b) In partibus præcipue carnosiss & glandulosis.
- c) Reliqua videantur *tabul. de abscessu.*

B. *Inflammationum internarum.*

Harum signa diagnostica *specialia* tabulis febrium inflammatoriarum specialius indicabuntur ; *generalia* sunt sequentia.

1. Quo sensibilius est viscus, eo magis acerbus & ardens est *dolor*. Hinc in pulmonibus, pleura, renibus & ventriculo est exquisitissimus, in hepate autem, liene & pancreate obtusior sentitur.
2. Ingens adest *æstus*, horror admodum notabilis, & inferiores corporis partes magis adfligens, *sitis* fere inexstinguibilis, ita vt magna faucium siccitas post potum mox redeat.
3. *Vrina* flammea, interdum post temporis cuiusdam spatium sedimentum rosei coloris, circa incrementum vero & statum inflammationis, multo tenerius, tempore vero declinationis tenacius & submucidum deponens.

IV. *SUBIECTA.*

1. Vix vnumquam alii homines, quam *plethorici* inflammationibus obnoxii sunt.
2. Præcipue sanguinei, qui habitus corporis succulenti, laxioris & porosioris existunt, in quem sanguis altius & copiosius penetrare potest. Hinc inflammationes præcipue in partibus carnosiss, deinde in sic dictis parenchymaticis, rarissime in exsanguibus occurrunt.
3. Maxime omnium illi, qui corpore quidem otiosi, animo autem multis commotionibus expositi sunt.

V. *CAVSSAE.*

1. Causa materialis *antecedens* est plethora. Inflammationes enim satis frequenter ab intra ortum suum habent, & per modum *decubitus*, vt vulgo loquuntur, siue expulsionis ad exteriora corporis, nempe ad artus materia

ex-















expellitur: præcipue in phlegmone post febres acutas rheumatico - inflammatorias.

2. Causa materialis *proxima* est stasis sanguinis in aliqua corporis parte.
3. Ad hanc stasim discutiendam & corruptionem putredinosam præoccupandam natura, tanquam causa *efficiens*, motus inflammatorios excitat.
4. Locum hinc omnino habet *adscriptio antiquorum*, quod eiusmodi expulsiões inflammatoriæ a natura soleant institui vtili quadam intentione, dum illa materias noxias a partibus nobilioribus vitalibus deponat ad partes ignobiliores.
5. Et sane dignam meretur considerationem, quòd tam *phlegmone*, quam *erysipelas* in *extremis artuum* plerumque proveniant e. g. in brachio, manu, cruribus, pedibus, non vero facile in reliquo corporis trunco, rarius etiam in femore, & ibi quidem non sine ingenti periculo & malo successu, in primis, si error in curatione committatur. Hoc etiam valet, quando in capite, in primis in facie se sistit; id quod frequentius feminis, quàm viris, ob inordinatos menses euenit.
6. Causæ *instrumentales* sunt
  - 1) directio & restrictio copiosioris sanguinis, bene adhuc fluidi, ad portionem illam, motu suo iam priuatam.
  - 2) Motus audior & fortior transpulsus huius fluidi & viuidi sanguinis per coagulatas & concretas illas portuncululas. Vnde non solum tumor, rubor & calor oriuntur, sed etiam corpusculorum concretorum aliqua abrasio, diuulsio & discussio obtinetur.
  - 3) Quando autem hæ coagulatae moleculæ tam crassæ & densæ sunt, vt illarum discussio non amplius obtineri queat, tum intimiorem mixtionis suæ dissolutionem subeunt.
  - 4) Quæ ratione tenuissimæ tantum, nempe sulphureæ particulæ *sensim* & hinc *innocue* in reliquam sanguinis massam resorbentur, & per diaphoresin euacuantur; reliquæ autem minus agiles particulæ in pus conuertuntur.



7. *Causæ occasionales & procataceticae*, quæ ita in sanguinis producere valent, sicut vel
- 1) *externæ*, e. g. violentæ relaxationes a contusionibus, vulnerationibus, item pruriginosæ scalptiones & punctiones, frictiones cum panno aspero: unde sanguis exardescit, porro in tenerioribus ardor solis, aut æstus ignis in foco culinario; tandem meatuum interceptiones & ligaturæ; vel
  - 2) *Internæ*, ubi rarissime simplex spissitudo sanguinis, sed potissimum præceps & impetuosa actiua congestio ad-eusanda. Hinc etiam omnis violenta sanguinis expansio eius modi causæ internæ occasionem suppeditat; quo spectans
    - a) vehementes corporis motiones, saltationes, iracundia, diæta vinosa, ponderum grauiorum tractatio.
    - b) Partus difficilis, lochiorum & fluxus mensium simulque omnium hæmorrhagiarum siue naturaliter, siue artificialiter ad-suetarum, imminutio, immatura emanatio & obstructio, immo etiam cessatio, earumque singularum incongrua prouocatio, vel imprudens nimiarum adstrictio.
    - c) Omnes refrigerationes, præ ceteris autem potus frigidus corpore calente intemperanter adsumtus.
    - d) Incongruæ febrium per adstringentia aut expellentia tractationes.
    - e) Porro omnes dolorum spastico - arthriticorum inflammationumque erysipelacearum imminuta profligatio & repulsio.
    - f) His tandem adnumerandæ qualescumque excretiones subcutaneæ, quæ non nullis plethoricis, venæ sectionibus æquinoctialibus ad-suetis, admodum frequentes sunt.
8. De causis *dolorum*, qui sub actu inflammatorio occurrunt, legi potest *tabula medica de congestionibus completis & tabul. chirurg. de abscessu*.









## VI. PROGNOSIS.

## A. Generalis.

1. Sanguis extra motum suum alicubi stagnans, vel *discuti*, vel *exsiccari*, vel *suppurari* debet: si nihil horum contingat, simpliciter *putrescit*.
2. Optima ex his est *discussio*, proxima est *suppuratio*: mala & sæpe periculosa est *exsiccatio*; nisi plane superficialis sit congestio. Pessima, immo funesta est *putredinosa* corruptio, ad minimum parti adfectæ, subinde etiam vicinis.
3. Stasis *inflammatoria* eademque externa, ultra quartum diem absque cessatione tumoris, duritiei, ardoris & doloris pungentis perennans, magisque indolens, felicem sui *discussionem* non solum respuit, sed certissime etiam transit in corruptionem siue *purulentam* laudabilem, siue *putredinosam* parti adfectæ *lethalem*.
4. Licet in scirrhum quoque interdum desiccetur, hic tamen semper ad alterutram harum corruptionum habet proclivitatem, magis autem ad putredinosam, quam suppuratoriam.
5. Quando dolores tendentes & prementes *late* circa partem adfectam sese extendunt, & ardor grauissimus ruborque intensissime rubicundus, fuscus, livescens & nigricantibus striis intertextus, fibræ vero flaccidæ, eneruatæ vel plane dilaceratæ & contusæ adparent: tum inflammatio male cedit. Hæc enim phænomena designant præsentem gangrænam, quæ summus gradus est inflammationis, mox in putredinem abituræ.
6. Quando tamen his præsentibus vniuersus dolor repente cessat, ardor & calor tepescit, immo refrigescit, tum paucis horis pars adfecta flaccescit; deinde mollities, tandem diffuentia in tabum cum foetore graeolento succedit; qui adfectus *sphaceli* nomine insignitur, & nihil aliud est, quam simplex sanguinis coagulati putredo.
7. Quo plus *sanguinis* sinceri in stasi aliqua concurrat, eo magis ad suppurationem procliuus est: hinc in erysipelaceis inflam-



inflammationibus nulla ordinarie suppuratio contingit.

8. Quo magis *lymphatico-salivialis & seroso-falsa materia* stasis quædam continet, eo peioris moris *ulcerosa, colliquativa & corrosiva* corruptio inde emergit ; quam *cancrum* nominare solemus.
9. Abscessus suppurati profundiores in *glandulosis* externis partibus, sine artis auxilio vix umquam consolidantur, & nisi perita prorsus medicatio adhibeatur, etiam artis conatus pertinaciter eludunt : nam manatio *ulcerosa* semper impedit consolidationem.
10. Quæ autem suppurationes in *carnosis* partibus obtingunt, illæ sponte sæpius natura, nedum accedente congruo artis subsidio, restituantur.
11. Inflammationes partium *internarum* omnes quidem sunt periculosa, gradu tamen perniciæ differunt, e. g. inflammatio *hepatis* omnium est periculosissima ; hanc excipit inflammatio *stomachi, intestinorum, pancreatis, uteri, lienis* ; quam sequitur *vesica, renum & ureterum* a calculo exorta,
12. Inflammatio partis alicuius internæ numquam sine anticipati euentu & vitæ periculo ad *suppurationem* pervenit : perpetuus enim humorum per partes internas motus harum laceratione sufflaminatur, & restauratio ob continuum sanguinis adfluxum impeditur.
13. Quæ inflammationes *internæ* mox non sunt perniciose, illæ lentas immo hecticodeas consumptiones & labe viscerum post se relinquere solent.
14. Pleuritica & peripneumoniaca inflammationes prouentiori ætati magis, iuniori autem minus periculosa evadunt. De singulis infra seorsim.
15. Quando inflammatio febri *acuta* vel ad sociatur, vel eidem succedit, tunc *repulsio* cum vitæ periculo contingit.

#### B. *Specialis.*

##### 1. *Erysipelatis.*

- 1) Erysipelas sibi relictum, præcipue in partibus ignobilioribus, non facile est periculosum. Quando autem, ut  
moris









moris est, ad interiora *repellitur*, frequentissime mortem adfert. Conf. *Hippocratis aphorism.* 25. *Sect. VI.*

- 2) In partibus nobilioribus maioris est momenti e. g. in capite, facie, faucibus, pectore, immo in femore.
- 3) Periculosum est, si incongrua arte ad *suppurationem* perducitur.
- 4) Non minus fonticum est malum, quando ulceribus, vulneribus, fracturis & luxationibus superuenit.
- 5) Quo magis febris complicata est, eo maioris est momenti.
- 6) In partibus *internis*, de quibus hoc quidem loco proprie non agimus, plerumque est perniciosum.
- 7) Soluitur hæc inflammationis species quando vel pruritus, vel formicarum sensus, vel squamulæ in parte adfecta observantur.
- 8) Quo magis in consuetudinem degeneravit, eo facilius eleuissima causa repullulat, ad morem aliarum translationum humorum, proprio naturæ motu contingentium.
- 9) Erysipelatis corruptio peior est, quam quæ in aliis inflammationibus contingit.
- 10) *Sphacelus ex erysipellate natus* per aliquot dies in cute delitescere solet.

## 2. *Phlegmones.*

- 1) In *phlegmonodeis* inflammationibus, late diffusis, & in notabilem tumorem non collectis, *discussio* maxime locum habet.
- 2) *Phlegmone* senibus & valetudinariis periculosior est, quam iunioribus, robustis & bene constitutis.
- 3) Citius succedit negotium discussionis in iis, qui sanguinem habent tenuem & floridum, quam in quibus spissitudo peccat glutinosa.
- 4) Quo magis *temperata* est *aura*, eo facilius superantur, in regionibus autem calidis & diebus canicularibus grauiore sunt inflammationes.



3. *Apostematis.*

- 1) Quando inflammatio in tuber veluti coaceruata, & tam in profundum, quam in latum collecta est, tunc *maturationis* requiritur.
- 2) Præcipue *copiosiores* stases inflammatoriæ, ab externis causis inductæ, & in nodum quasi collectæ, si non cito medicationi obferantur, ad discussionem rarissime perueniunt, sed vel ad *suppurationem*, vel ad *gangrenam* tendunt. Nonnumquam imprudente tractatione indurescunt, & tunc proxima occasione præcipites sunt ad *ulcerationem cancrösam subeundam*.
- 3) Stases autem illæ mollescentes & rubroliuidæ extuberationes (*grosse Beulen*) a lapsu, ictu, verberibus repente exortæ, si mox ipsis occurritur, commode discutiuntur.
- 4) Quando vero grandiores eius modi congestiones mollescentes iam per plures horas detentæ sunt, tum neque inflammatio æqualis, neque debita suppuratio, (ob transitum motus sanguinis inflammatorii minime sufficientem) contingit. Unde *gangrena* & *sphacelus* immedie succedunt.

VII. *METHODVS MEDENDI ET REMEDIA.*A *Methodus generalis.*1. *Inflammationum externarum.*

- 1) In his ante omnia prioribus diebus tentanda est *discussio per subtilia resoluentia*, quæ odore magis quam resinosa acrimonia agunt. Huc pertinent
  - a) *Radices*: irid. Florent. sigill. Salomonis, bryon. vinetox. bardanæ, pimpin. alb. rub. tinct. angelic. caryophyll. galang. quibus moderata quantitas radicis bistort. ad stricturam inferendam adiiciatur.
  - b) *Herbæ*: apii, chærefol. hyssop. abrotan. fabinæ, rutæ, faluiæ, meliss. menth. crisp. & Saracen. laudatur etiam cortex medius sambuci.
  - c) *Flores*: chamomill. melilot. sambuc. bellidis, fumit. origan, rosar. violar.

d) *Se-*









- d) *Semina*: anisi, foeniculi, carui, dauci, foenugraec.
- e) *Camphora*, quæ hic principatum tenet, præcipue spiritus illius recte præparatus & legitime adplicatus.  
*Conf. cautel.*
- f) Ex his possunt fieri species, quæ sacculis, vino calido imbutis, & satis iterum expressis, regioni adfectæ calide adplicentur. Nam ipsum *vinum* præstans est remedium ad inflammationem discutendam.
- g) *Emplastrum diaphoreticum Mynsichti*, item de *spermate ceti*.
- 2) Fiente adhuc inflammatione & urgente statu plethorico utilis est *vena sectio reuulsoria*, ne adfluxus sanguinis ad partem adfectam nimis copiose contingat; præmissis laxante & subiunctis remediis *internis*, nempe in cholericis pulueribus temperantibus nitrosis cum sale digestiuo, antimoniato fixo & momento cinnabaris mixtis; in aliis autem essentia alexipharm. *Stahlii* coniuncta.
- In *leuiore* inflammatione neque *vena sectio* neque *internæ* remedia necessaria sunt.
- 3) Quando autem *diffusio* non amplius potest obtineri; quod a stasi ultra quartum diem subsistente & dolore in horas augescente diiudicatur: tum *suppuratio* & *maturatio* promouenda est. Maturant autem, quæ poros aliquo modo obstruunt, & sic portionum humidarum exhalationem impediunt, simul tamen fibras partis subtili nervina acrimonia roborant. Laudantur ad has indicationes obtinendas
- a) *Radices*: lil. alb. althææ.
- b) *Herbæ*: parietar. malu. branc. vrsin.
- c) *Flores*: verbasci, linariæ.
- d) *Semina*: psyllii, lini, cydonii.
- e) *Pinguedines*: anseris, gallinæ.
- f) *Olea* per infusionem parata, e. g. chamomill. verbasco, lil. albor.
- g) *Gummi-resinæ*: ammoniac. galban.




















B. *Methodus specialis.*1. *Erysipelatis.*

1) In *leuiore* casu negotium discussionis vel soli naturæ relinquatur, vel topicis conuenientibus promoueat. Talia sunt

a) *Camphorata*, quæ vel in sicca forma, vel soluta, nempe spiritu vini rectificatissimo, adplicentur. *Vid. cautel.*

b) *Farinacea & furfuracea*, e. g. farina secalina, triticea, lupinorum, fabarum, hordei; quibus camphora commisceatur.

c) *Saturaina*, superius iam nominata, sed cum discutientibus maritata.

2) In *grauiore* erysipelacea inflammatione præstat remedia *interna*, quæ superius indicata sunt, cum *externis* coniungere.

3) Quæ *specificè* ab auctoribus laudantur, sub *cautelis* recensimus.

2. *Phlegmones.*

1) In hac inflammationis specie quadrat potissimum methodus generalis, superius tradita.

2) Discussientia vegetabilia superius adlegauimus.

3) Præcipue in maiori stasi hic non adquiescendum in solis topicis, sed interna debent coniungi.

4) Quo maior & profundior hæc stasis est, eo magis conueniunt *emplastra*, cum larga quantitate camphoræ remixta, e. g. præ aliis diaphoretic. *Mynsichti*, de spermate ceti eiusdem, de meliloto, diachylon cum gummatibus, de ammoniaco *Foresti*, saponat. *Barbette*, præcipue etiam de spermate ranarum, quod simul impetuosum ad inflammata partem adfluxum modeste cohibet; alia vero acriora & vnguinosa admiscere minus conuenit. Coniungantur autem ubique interna resoluentia & discutientia.

3. *Apostematodes.*

1) Hanc inflammationis speciem primis diebus discutientibus



tibus itidem tractamus; quando autem ad maturationem tendit, tractatur, ut abscessus. Conf. *tabul. chirurg. de abscessu.*

2) Stasibus repente congestis, nempe rubro-liuidis illis extuberationibus, a contusione, lapsu, verberibus inductis, mature occurratur:

a) Compressione cum frigido ferro.

b) Præcipue autem cum medicamentis, sanguinem mature resoluentibus, nempe rad. irid. Florentin. sigill. Salomonis, bryon. herb. hyssop. chærefol. bellid. min. femin. anisi, cuius oleum *Forestus* eximie laudat ad eiusmodi contusiones impuras.

c) Coniunctis leuiter repellentibus, inter quæ hoc loco ferre præcellit radix symphyti maioris,

d) Hæc puluerisata cum vino vel urina, quæ nonnullis arcanum hic est remedium, cocta, atque in forma cataplasmatidis adplicata discutunt satis potenter, es muß aber nicht zu naß seyn.

e) In ambitu spiritus vini camphoratus, vel his ipsis admisceri, vel camphora adspergi debet.

3) Quando autem grandior talis congestio per plures iam horas hæsit, ita ut neque discussio, neque etiam debita maturatio expectanda sit, præstat corruptionem putredinosam per sectionem auertere, & quidem ante, quam vel insignis inflammatio, vel plane corruptio accesserit. Apertio satis sit magna, ut ita sanguis grumofus, in corruptionem tendens, vno actu euacuetur. De hoc negotio legi meretur *Seuerinus de recondita abscessuum natura libr. VII. & de efficaci medicina §. 37.* Confer. etiam *tabula chirurg. de contusionibus.*

### VIII. CAUTELAE ET OBSERVATIONES PRACTICAE.

1. Solemnis est quæstio, num *vena sectiones*, quam veteres & multi recentiorum stasibus inflammatoriis dissoluendis dicarunt, tam necessariae sint, ut, secundum *Schelhammerum*, bona conscientia non possint prætermitti? de qua re sequentia sunt notanda.

2. Vti-









2. *Utilis* est venæ sectio *fiente* adhuc inflammatione, ne adfluxus sanguinis copiosior fiat ad partem adfectam.
3. *Utilis* etiam est, quando vulnere hæmorrhagiis, cito per adstringentia suppressis, grauior inflammatio superuenit, subiungendum autem est regimen diapnoicum. *Confer. num. 40.*
4. *Noxia* magis est, quam *utilis*, si non statim circa initia administretur.
5. Hinc in inflammationibus *internis*, ubi signa diagnostica, præter peripneumoniam, satis intricata sunt, consultius illa omittitur, quam temere aliquid tentatur.
6. *Ancipitis* autem in primis euentus est, quando febris talis inflammatoria *typum* qualemcumque exhibet.
7. Dantur tamen aliquando casus & circumstantiæ, ubi etiam in inflammationibus *internis* venæ sectio quodam modo necessaria videtur, e. g. in statu summe plethorico, in grauioribus sanguinis commotionibus, a qualibuscumque causis inductis &c. de quibus suo loco dicemus.
8. Medicus si vena incongrue secta aduocetur, *transpirationem* placidam tanto magis commendatam sibi habeat: sero autem vocatus, deterius iam se habente ægro, non dubitet prognosticon funesti euentus formare.
9. In omni inflammatione a *forti refrigerio* abstinendum est: sanguinem enim coagulat, malum grauissime auget, & opem in perniciem permutat; ad *praoccupandam* autem stasim inflammatoriam post contusionem & collectionem sanguinis adhuc fluidi compressio per ferrum *frigidum*, diu continuata, usum præstat.
10. Cauendum a nimia *humectatione* & *emollientibus*, quæ dum fibras relaxant, copiosiori humorum irruptioni locum præbent, stasimque notabiliter augent. Exsulent itaque aquæ illæ destillatæ e. g. flor. sambuc. chærefol. flor. omnium, vel calcis viuæ: quæ passim a chirurgis adhibentur. Idem sentiendum de *oleosis*, præcipue de famosis illis e terebinthina paratis; it. ol. templinum, iuniperi. Emplastra mucida etiam nocent.
11. *Pingua, unguinosa* quam maxime nocent, & per talia vulgi



remedia amicus amicum nonnumquam trucidat. e. gr. dum hanc tabulam conscribimus, vir quidam vxoris suæ inflammata faciem butyro inunxerat, quæ intra duos dies moriebatur.

12. Ab emollientibus hisce tanto magis in *erysipelate* & *phlegmone* abstinendum est, quoniam tales inflammationes ad maturationem per se non tendunt; & quando peruersa tractatione omnino impetratur, parsque inflammata in super intempestiue secatur, non est laudabilis maturatio, sed potius vlceratio cancrosa, ob concursum feri cum sanguine, vel plane sphacelosa corruptio. Proueniunt hinc talia vlcera, quæ olim Dehl. Schenckel vocata fuerunt, in quibus nulla consolidatio speranda; vel si omnino in loco quodam consolidatio facta sit, in altero loco duo, tria vel plura foramina eueniunt. Vnde quouis modo discussioni opera est nauanda.
13. Abstinendum ab intempestiua & nimia *adstrictione*, quæ sufficientem aditum & transitum sanguinis fluidi, stasin resoluturi, præcludit, & sic salutarem naturæ intentionem turbat.
14. Abstinendum a nimis *calefacientibus*, quia sensum ardoris molestum frustra augent, & exsiccando in scirrhosam constitutionem stasin promouent.
15. Abstinendum ab immatura eaque magna ac profunda *incisione*, quia, tensionem fibrarum relaxando, transpulso-rium & abstersium motum impedit, & suppurationem reddit difficiliorem.
16. Differentia ἀποσάσεως & ἀποστήματος, secundum Hippocratem, bene obseruanda est, ne confusio in praxi oriatur: apostases enim phlegmonodes & erysipelatodes, utpote ab omni maturatione & abscessione alienæ, quando medicationibus ad hunc effectum acrius pellentibus tractantur, in graua mala coniiciuntur ægrotantes. *Conf. tab. chirurg. de abscessu.*
17. In abscessu *grauiore*, multum puris continente, materia non prorsus & eodem tempore, sed successiue euacuanda









nimis flaccescunt, & lipothymici facile adfectus superueniunt.

18. *Dolores dentium* post se trahere solent tumores phlegmonodes, qui tamen, si modo non nimis negligenter habentur, sponte & mature iterum solent dissolui. Contra illi tumores, qui hoc in loco sine prægresso dolore dentium oriuntur, & æstum, ardorem, dolorem prurientem, pungentem & lancinantem secum ducunt, non carent periculo, in primis si improuide repelluntur.

19. De inflammationibus *erysipelaceis* turgidioribus illud notatu dignum est, quod *sanguinea* illarum portio non sola, sed *tota* stasis simul discutienda sit; alias euanesceit quidem omnis calor & dolor, tumor autem valde contumax & discussioni refractarius remanet.

20. Hinc in stasi *erysipelacea* copiosiore, ubi cutis notabiliter inflammata adparet, cauendum est, ne *sanguis seorsim* discutiatur, portio autem *lymphatico-serosa* relinquatur, & tumorem *œdematosum* constituat. Huic incommodo occurritur, si spiritus *modice* camphoratus, & ad notabilem flauedinem *crocatus* est. Crocus enim sub initium talis discussionis non modo serosam substantiam ad dissipationem aptiorem reddit, sed & fibras roborat, ut repressio eo melius procedat. Vel quando *camphora* in forma sicca adplicatur, remedia serum fundentia & tonum partis restituentia coniungenda sunt, v. g.

Recip. farin. fabar. vel fecalin.

Flor. sambuc. ana manip. I.

Rad. irid. Florent. drachm. II.

Ceruss. drachm. III.

Camphor. drachm. I. fiant species, facculo immittebdæ & adplicandæ.

21. *Camphora* scopo discussionis, tam in phlegmonodeis, quam *erysipelaceis* inflammationibus, satis facit, in primis si adhuc recens est malum.

22. *Spiritus camphoratus* hac cautela adhibeatur, ut per initia



*eminus* tantum, nempe ad peripheriam partis inflammatae adplicetur, & deinde, quoties spiritus in auras abiit, ad centrum propius admittatur. Modo sit *rectificatissimus* spiritus, alias damnum potius, quam auxilium adfert.

23. *Optima methodus* est, ut spiritus breui temporis spatio sub aura exhalet, & sola camphora linteis adhærescat. Quando autem linteum spiritu adhuc madidum adplicatur. diuturna illius mora ardorem infert, eumque in *erysipellate* vehementem; quo casu ad spiritum profligandum aura, sed non sensibiliter frigida, dolenti parti admoueatur, man bläst dem Patienten, am besten mit dem Munde, an den schmerzhaften Ort,
24. *Camphora* etiam maturantibus non inutiliter miscetur, ne adfluxus humorum nimis copiose contingat, & dolorem exasperet.
25. *Interno* autem usu exsulent hic camphorata; effectum enim resoluentem & discutientem, quem *externe* præstant, nullo modo *interne* producunt, sed potius sanguinem concitant, & calorem augent; quod etiam de aliis calidis & acrioribus sentiendum est, e. g. de gummi-resinis, galban. myrrh. &c.
26. Abstinentum quoque a *reuocantibus* medicamentis, qualia sunt *purgantia*, quæ in talibus casibus maxime nocent. *Laxantia* leniora tolerantur, sed in principio principii. Commendantur hoc nomine pilulæ *Becherianæ*, & in primis *Stahlianæ*. Multo minus conueniunt *emetica*, quæ multis ansam mortis præbent.
27. *Saturnina* ad inflammationes ipsas, præsertim insigniores, minus commendantur; quia illorum abusus viscera inducit maligna, quæ vulgo ersticte Schäden, Todten-Brüche, vocantur, vid. *Stahlii theoria* pag. 1286. *eminus* autem circa ambitum adplicata, pro *defensione* valent; sed camphorata semper addenda sunt.
28. *Erysipelas* quando per *saturnina* vel alia incongrua topica repellitur, *hydropem* inducit. Vid. *tabul. de ædemate* sub *prognosi*.









29. *Alexipharmaca temperata* post tertium vel quartum diem commode adhibentur. Securissime agitur, si leniora diaphnoica, absorbentia & nitrosa exhibentur, & his semel vel bis per diem lene alexipharmacum interponitur, quo nomine essentia alexipharmaca *Stahlii*, cum larga portione essentiae pimpinell. albæ combinata, egregie se gerit; hæc enim radix leniter resoluit & abs-tergit.
30. *Essentia petasitidis* commendationem tum meretur, si stasis diu iam durauit; non autem sub initium.
31. *Specifica* passim laudantur, sed optandum ut effectui semper responderent, e. g.
- 1) *Felcarpionum*, iners remedium.
  - 2) *Sanguis menstruus*, prima vice erumpens.
  - 3) item *sanguis leporis*, a canibus agitati. Hunc exsiccatum ad dimidiam drachmam in vino propinant, simul lintheo excipiunt, exsiccatum aqueo rore madefaciunt, erysipelati imponunt, atque intra 14 horas bonum effectum spondent.
32. *Lapis medicamentosus Crollii* quid præstet, experiendum est; modo prætermittenda non prætermittantur.
33. Sunt, qui ad inflammationes, præcipue internas, commendant *dentem apri* præparatum, *maxillas lucii piscis*, immo vniuersa capitis illius præparata; sed optandus potius est, quam exspectandus ab illis specialis effectus.
34. Semen autem *cardui Mariae* ad pectoris inflammationes specifica efficacia præditum esse, si non sola medullaris sed *integra* seu *tota* substantia exhibetur, experientia satis est confirmatum. Confer. *tabula de pleuritide & peripneumonia*.
35. In *sphacelo metuendo*, actu autem non præsentem, ad discussionem & roborationem partis immediate adfectæ, *oleum cinnamomi* a recentioribus peritis magni æstimatur.
36. Quando erysipelas in consuetudinem degenerauit, ita ut a quauis exigua causa repullulet: conducit circa æquinoctia *vena sectio*, & blanda per aluum *euacuatio*; respi-



- ciendo simul *crasin* sanguinis sulphureo-acrem, ad vias vrinarias inuitandam & per easdem eliminandam.
37. *Calore* leni pars adfecta, præcipue tempore suppurationis, semper fouenda est, vt particulae sulphureæ agiliores per transpirationem possint excerni & coagulata substantia in maiore laxitate conseruari: vnde & formulæ *tepide* applicari debent.
38. *Frigus* autem & siccum & humidum discussioni præiudicium adfert; & corruptioni tempus atque materiam supeditat.
39. Quando post contusionem aut aliam violentam causam, magna sanguinis collectio cum tumore tactu *mollis* contingit, tum absente adhuc inflammatione proximum est, vt incisio & sanguis collecti euacuatio instituatur, quia tales collectiones neque discussionem neque laudabilem suppurationem admittunt. *Conf. tab. chirurg. de contusionibus.*
40. Inflammationes partium *vulneratarum* plerumque exposcunt venæ sectionem prudenter instituendam, non reformidando prægressam hæmorrhagiam. *Conf. caut. 3.*
41. *Diureses* in omnibus prosunt inflammationibus, per absorbentia cum teneris acidis saturata obtinendæ, e.g. per ocul. cancri aceto vel vino imbutos, corallia præparata cum crystallis tartari remixta; quæ remedia acrimoniæ sanguinis irretiunt.
42. Quando inflammatio a causis *internis* producta est, externa remedia paululum differenda sunt, donec orgasmus sanguinis deferbuerit.
43. Post *repulsionem* inflammationis non vtile tantum, sed & necessarium est *internis* alexipharmacis temperatis, vt potè leniter expellentibus & discutientibus, cum regimine succurrere. *Extrinsècus* verò melius tunc est, nihil ad applicare, donec excretio illa ab intra extrorsum plurimum peracta sit; præcipue abstinendum, si spiritus vini camphoratus non sit *rectificatissimus*.















TABVLA XXI.

DE

CEPHALALGIA.

I. DEFINITIO.

*Cephalalgia* est species dolorum capitis ab humoribus, per motum tonicum copiosius ad caput congestis, nullum autem exitum ibidem inuenientibus, ordinarie originem ducens. Deriuatur a κεφαλή, caput, & ἄλγέω, doleo.

II. DIFFERENTIA.

*Cephalalgia* est vel

1. *Idiopathica*, quæ a plethora & hinc immediata sanguinis ad caput congestionem exoritur; vel

2. *Symptomatica*, quæ vel ex vitio primarum viarum, per consensum *paris vagi* neruorum, vel in aliis morbis, e. g. febribus acutis, a translatione humorum ad caput originem sumit.

3. Diuisio cephalalgiae in *sanguineam* & *serosam*, *catarrhalem*, *phlegmaticam*, *biliosam*, *melancholicam*, licet non *causarum*, sed subiectorum tantum & temperamentorum differentiam inuoluat: in praxi tamen non prorsus prætermittenda est. Ita enim cephalalgia *serosa* differt a *sanguinea* sequentibus circumstantiis.

1) Plerumque occupat phlegmaticos aut sanguineo-phlegmaticos.

2) Frequentius desinit in *coryzam*, *raucedinem* & reliquos affectus serosos.

3) Dolores minus sunt pulsatiles & æstuentes, magis vero grauatiui.

4. Differt etiam *sanguinea* ab ista cephalalgia, quæ præcurrit *apoplexiam*.

1) Hæc enim magis *occiput* quam *synciput* inuadit, & a *nucha* quasi incipiens pergit ad interiora cerebri, doloribus maxime *tendentibus*.



- 2) *Adultiores*, in primis summe plethoricos, post insignem sanguinis commotionem *improviso* quasi corripit.
- 3) *vertiginosi* fiunt, & sensuum vigorem *brevi* amittunt.
5. Cephalalgia differt a *cephalæa*
  - 1) *Gradu*: nam in cephalæa omnia sunt acerbiora & pertinaciora.
  - 2) *Tempore*: cephalalgia ordinarie breviores habet periodos; cephalæa autem chronicus & habitualis est adfectus.
  - 3) Dantur tamen etiam pertinaces & fere *continuae* cephalalgiae, a cephalæa parum differentes, quæ per frequentem causarum repetitionem & consuetudinem in habitum deductæ sunt; & hæ in feminis quidem præcipue observantur.
  - 4) Reliquas differentias cephalalgiae & cephalææ, *signorum* huius & sequentis tabulæ comparatio manifestabit.
6. Differt porro cephalalgia ab *hemicrania*, quæ arthritico-spasticæ indolis est: certa enim intercedit differentia inter dolores, qui a congestionem simplice dependent, & inter illos, qui vnice a contentionibus spasticis proveniunt. Specialiorem differentiam *signa* huius tabulæ, & illius, quæ *hemicraniem* exhibet, docebunt.
7. Differt denique cephalalgia ab *ulceroso-ichorosis congestionibus*, quæ vel a violentis externis causis, vel a qualicumque humorum corruptione; maxime omnium a *lue venerea*, originem ducunt; hi enim dolores a cephalalgicis sequentibus se distinguunt:
  - 1) Salso ardore rodunt, acriter morsicant & terebrant.
  - 2) Continuo durant, nec umquam in *solidum* desinunt.
  - 3) *Nocturno* tempore notabiliter acerbantur, cum primis incalescente per quietem corpore; unde Germani dicunt: Diese Schmerzen können keine Federn vertragen.
  - 4) Plura de his doloribus *tabula de lue venerea* exhibebit.

### III. SIGNA.

1. Exserit se hic dolor aliquando per *totum caput*;
2. Plurimum in *fronte* & per tempora sursum ad *bregmata*.

3. In









3. In primis circa *radicem nasi*; vnde ægri ibidem *ardorem*, & circa *os cribrosum* eximie pressioni sensum accusant.
4. Simul in intimis fere *oculorum bulbis* de grauitate premente & compungente dolore conqueruntur.
5. Infert etiam sensum vel *lancinantem*, *pungentem* pressorium, vel *pulsatilem*, cum pulsibus *synchronum*, qui tamen post aliquas horas *remittit*, & non ita raro *sub somno* in totum desinit.
6. Circa frontem etiam obseruatur calor *tactui* manifestus.
7. Dolor concurrit *odontalgicus*, fluctuans & reciprocus, ita vt, dolore dentium urgente, reliquus capitis dolor aliquo modo cesset, & in vicem versam.
8. Vnde *dentes* sæpe corrumpuntur, & corrupti eo facilius de nouo inuitant dolores.
9. Tinnitus *aurium* & susurrus sæpe etiam accedunt.
10. *Oculi* siue exquisite rubent, siue tamen vascula aliqua inflatione distenduntur; ad minimum *visui* non sufficiunt, nec lumen liberius possunt tolerare.
11. Color faciei plerumque satis rubet, nisi iam spasticum quid concurrat, in quo casu *pallor* potius, saltem rubor male *distributus* conspicitur.
12. Comitatur hunc ruborem *inflatio* faciei aut certe *vasorum temporum* & simul *fere iugularium*. Hinc vulgus cum filo capitis incrementum & decrementum solet percontari.
13. In *feminis* occupat hic dolor tempora *menstrua*, & prouenit modo *ante* mensium eruptionem, modo *sub* fluxu illorum *imminuto*, modo *post* eundem *præmature* subsistentem, & ita singulis mensibus scenam suam ludit.
14. Interdum, sed rarius, accedunt adfectus vertiginosi, qui de insigni congestionis gradu testantur.
15. In partibus remotis ob motum strictiorem tonicum sese manifestant
  - 1) adstrictio *alui*.
  - 2) pauca & tenuis *urina*.



## IV. SVBIECTA.

Cephalalgia præcipue corripuntur

1. *Sanguinei*, habitu corporis florido, & facie rubicunda præditi, item sanguineo-melancholici.
2. *Iuniores* præ senescentibus.
3. *Femina* præ viris.
4. Senes arthritide vexati.
5. Personæ, quæ de vita otiosa & sedentaria gaudent, cum diætâ lautiore, aromatica, spirituosâ.

## IV. CAUSSAE.

1. Causa *materialis interna* est plethora, quæ simul *qualitate*, præcipue apud hypochondriacos, solet peccare.
2. Hunc abundantem sanguinem principium vitale, tamquam causa *efficiens* congestionum, exonerare intendit, eumque in finem humores motu tonico copiosius versus caput restringere solet.
3. Ex hac restrictione oritur æstus capitis insignis, & quia libere non refluit sanguis, vasa inflantur, & membranae multum distenduntur.
4. Causæ *externæ & occasionales*, quæ talem congestionem possunt prouocare, multæ obseruantur, e.g.
  - 1) Euacuationes sanguinis naturales, in primis narium, suppressæ.
  - 2) Euacuationum sanguinis *artificialium* consuetarum neglectio.
  - 3) Consuetæ *aliæ* euacuationes neglectæ. e. g. purgationes, sudationes, certis temporibus celebrari solitæ: huc etiam pertinent sudores repulsi.
  - 4) Insignes corporis & animi commotiones, in primis iracundia.
  - 5) Porus spirituosus, præcipue ad ebrietatem sumtus.
  - 6) Somnus & vigiliæ quando extra consuetum tempus eliguntur.
  - 7) Deprauatio primarum viarum, tamquam causa *consensualis* considerata quidem est, quia neruorum *paris octauæ* consensum negare non possumus, certissimum tamen est, quod









quod *consuetudo*, humores versus caput dirigendi, plus efficaciae habeat, quam praedictus consensus. Conf. num. 13)

- 8) Vapores acres per nares attracti.
- 9) Pedum & crurum refrigeratio, praecipue humida.
- 10) Capitis *olim* concussio & vulneratio.
- 11) Translatio humorum versus caput in febribus acutis.
- 12) Dispositio haereditaria.
- 13) Consuetudo citra congestionis rationem.
- 14) *Sensibilitas*: unde odor grauis & suaueolentus, praecipue in feminis, satis frequenter cephalalgiam prouocat, e. g. odor moschi, zibethi, rosarum, fumantis ellichnii; ubi mechanicae rationes, quae vulgo allegantur, non sufficiunt: possunt enim alia foetida perferre, v. g. castoreum, asam foetidam.

## VI. PROGNOSIS.

1. Cephalalgia tantum *periculi* non inducit, quantum *incommodi* adfert.
2. Adfectus tamen vili non pendendus est: facile enim in prauam consuetudinem ita degenerat, ut deinde non solum frequentius reuertatur, verum etiam pertinaciter duret & *cephalae* indolem exhibeat.
3. Praesagit cephalalgia
  - 1) Laesiones *visus*: ophthalmiam, suffusionem oculorum, guttam serenam.
  - 2) Laesiones *auditus*.
  - 3) Adfectus arthriticos.
  - 4) Aetate prouectiore lethargum, apoplexiam & paralytin, praecipue, quando vertiginosi adfectus accedunt.
4. Caeterum haec congestio cum effectibus suis dolorificis duobus modis soluitur:
  - 1) vel enim contingunt *euacuationes*
    - a) Siue *sanguinis* per nares; & tum dolores praesentissime saepius soluantur;

A a

b) Siue



- b) Siue *seri*, e. g. enaribus per eruptionem coryzæ, item ex oculis, per illorum lippitudinem;
- c) Siue *puris* modo enaribus, modo ex auribus: in gravissimis nempe & fere inflammatoriis casibus;
- 2) vel congestio *successive discutitur*, & dolores *sensim* solvuntur; id quod contingit
  - a) *Promptius* in iunioribus;
  - b) *Tardius* in annosioribus, præcipue feminis;
  - c) *Tardissime* in *adsuetis*, in quibus insultus cum impetu erumpunt, per certum tempus durant & absoluta periodo demum decedunt.
- 3. Cephalalgia quando in *consuetudinem* iam degeneravit, & vitæ genus sedentarium non mutatur in laboriosum; optima methodus & remedia efficacissima constans auxilium non possunt adferre.

## VII. METHODVS MEDENDI ET REMEDIA.

### A. In Paroxysmo.

1. Motus humorum *specialis* a partibus superioribus ad inferiores reuocandus est: hinc ante omnia *alius*, quæ ordinarie adstricta, solvatur
  - 1) vel per *clysteres* emollientes, carminatiuos;
  - 2) vel, in casu minus urgente, per *lenia laxantia*, e. g. pilulas *Stahlii*, *Becheri*, extracto hellebori nigri paululum acuatas, rhabarbar. sale Anglicano.
2. Deinde exhibeantur remedia, quæ *orgasmodum* sanguinis temperant, & spasticam fibrarum stricturam demulcent.
  - 1) Faciunt hoc nitrosa, absorbentia, cinnabarina cum diaphoreticis fixis combinata, e. g. nitrum depurat. ocul. cancri, cinnabaris antimon. bezoardic. mineral. antimon. diaphoret.
  - 2) Quando crasis sanguinis *spissior* est, addatur sal digestivum e. g. arcan. duplicat. tartar. vitriolat. de quibus pulueribus ter vel quater per diem scrup. 1. potest propinari.
3. His subiungantur, quæ æqualem sanguinis distributionem promouent, & sic congestionem circa caput dissipant.

Faci-









Faciunt hoc alexipharmaca temperata, & blanda diaphoretica horis ante meridiem & quidem exiguis dosibus propinanda, e. g.

a) Ess. alexipharm. *Stahlii*.

b) Decoctum e radic. sarsaparil. cichor. chin. scorzoner.

c) Diluentia aquosa largiter & calide hausta, nempe infusa thée, coffée, veronicæ teucris folio, lauendulæ.

4. *Dolores* autem quando hisce cedere recusant, lenis & circumspecta *sedatio* locum habet: in quem finem gran. i - ij. M. P. de cynogloss. vel gr. ij - iij. theriac. coelest. pulueribus temperantibus versus somnum immisceri possunt; obseruando hoc præcipue tempore, vt excretiones alui legitime succedant.

5. *Externa remedia*, quæ subinde effectum aliquem præstant, cum internis coniungantur. Huc pertinent

1) *Spiritus vini camphoratus*, leniter crocatus: qui in sensibilibus dolores paucis momentis sæpius abigit.

2) *Vnguentum alabastrinum*.

3) *Radix rhodia*, quæ puluerisata, & epithematis forma fronti adligata, egregium præstat effectum.

3) *Remedium domeslicum*, e pane secalino, pauco sale, baccis iuniperi, semine carui mixtum & fronti adplicatum, etiam vsum suum suppeditat.

5) *Pedilunia, ligatura, frictiones*.

6. Denique in declinatione dolorum exhibeantur tonum partium roborantia MR. polychresta *Stahlii*, essent. succini.

7. In cephalalgia *symptomata* primarius morbus respiciendus est e. g.

a) Saburra primarum viarum euacuanda secundum methodum, suo loco commendatam.

b) Febres acutæ tractandæ, vti sub iisdem indicatum est. *vid. tab. de febre synocha.*

B. *Extra paroxysmum.*

1. *Quantitas* sanguinis imminuatur per venæ sectionem, circa æquinoctia institutam; cui ad meliorem deriuationem *pedilunia* præmittantur.




2. *Qualitas illius corrigatur*

- 1) *Spissior* per resoluentia, attenuantia & digestiua. e.g. fiat vinum medicatum e radicibus alexipharmacis, herbis antiscorbuticis, cum laxantibus sociatis.
- 2) *Tenuior* per temperantia, præcipitantia, acidula.
3. *Æqualis humorum distributio* promoueatur per mixturam tonico-neruinam *Stahlii*.
4. Præter ea hæmorrhagiarum suppressarum specialis ratio habeatur, e.g. mensium, hæmorrhoidum.
5. Diæta conueniens probe obseruetur, in primis circa motum corporis laboriosum & potum sufficientem.

## VIII. CAUTELÆ ET OBSERVATIONES PRACTICÆ.

1. Cautelæ & obseruationes, quæ tabula de congestionibus generalim traditæ sunt, ante omnia hic erunt notandæ & applicandæ.
2. *Bonum consilium, optimum remedium*: exerceatur corpus laboribus continuis & placidis, diæta autem largior paululum ei subtrahatur: sic totum negotium felicius succedet, quam si ingens medicamentorum farrago propinabitur.
3. Quando cephalalgia iam per plures dies inualuit, & dolores tam contumaces sunt, vt spiritui vini camphorato cedere recusent: *unguentum alabastrinum*, quod commendante *Foresto* insigniter lenit, adhuc tentari potest.
4. Modo optima e tot monstrosis eligatur compositio, nempe illa, quæ plus *alabastrum* & aliquid *albuminis ouorum* continet. Vile remedium, pretiosus effectus. Conseruetur autem vitro, non capsula; quia facile siccescit.
5. *Vnguenta pingua*, quibus veteres caput inungebant, plane non conducunt: poros enim obstruunt, & sic transpirationem, in hoc adfectu salutarem, præpediunt.
6. Recentiorum aliqui *nucleos persicorum* contundunt, & camphoram cum aqua rosarum admiscent; id quod externo vsu non contemnendum est.
7. *Odoramenta duplicis generis*, nempe *urinosæ & spirituosæ-balsamica*,















*samica*, parum quidem auxilii adferunt; plus tamen ab vrinosis, moderate adhibitis, e. g. a spiritu C. C. salis ammoniaci sperandum est, quam a spirituosiss.

8. Præter ea *spirituoso-balsamica* immoderate adhibita cephalalgiam acerbant, præcipue in feminis, maiorem etiam humorum adpulsum, & hinc vasorum inflationem efficiunt. Caute itaque cum aqua Hungarica & similibus procedendum est.
9. *Cucupha*, quæ ad roborandum caput & memoriam frequentius commendantur, nuda opinione fundatæ sunt, & in dispositis ad commotionem sanguinis occasionem supeditant. Absint in primis species earum calidæ apud feminas, quæ in *bregmate* sensum illum frigidum perferunt, ac si frustum glaciei capiti impositum esset.
10. Senescente & tepescente doloris impetu, immo etiam sub insultu leuiter emicante, vsus *essentia succini* egregie conuenit. Habet enim succinum aliquid tonici, vnde tam *fluxionibus* sanguinis, quam in eiusdem *commotionibus* exitum non inuenientibus, bonum edite effectum. Est etiam diuretico-discutiens.
11. *Oleum autem succini*, vt & alia destillata, vsum cephalicum non habent: humores enim ad modum exagitant, ardorem & æstum inferunt, & non nisi forsan phlegmaticis aliquem vsum præstant.
12. *Herba verbenæ* recentis *specificæ* efficacia, a *Foresto* recensita, raro se commendat. Interea *Stahlius* virginem hæmicrania & odontalgia ad insaniam vsque correptam hac herba restituit.
13. Si quis narium hæmorrhagiam feliciter posset prouocare, haberet ille in cephalalgia, & multis aliis capitis congestionibus remedium exoptatum. Multa quidem in hunc finem commendantur, sed quo effectum, docet experientia. *Michaelis* laudat radicem *crocodilii*; alii commendant adplicationem *hirudinum* ad apicem nasi; alii *comos virides millefolii*; alii *flores graminis* naribus intrusos, & in iisdem agitados; alii ruditer & moleste ad *setas suillas*



- confugiunt. De *scarificatione narium Aegyptiaca* legatur *programma Stahlī*; item *Prosper Alpinus libr. III. cap. 2. p. 70.*
14. *Conspiratio capitis cum ventriculo per par octauum neruorum* bene attendenda est: in sensibilibus enim dolores cephalalgici statim exoriuntur, quam primum digestionis vitia occurrunt, vel ventriculus flatibus distenditur, aut refrigeratur. Quamquam negandum non est, quod hic partium consensus vniuersum negotium non exhauriat, sed congestiones his ad caput, aliis ad alias partes, per meram *consuetudinem* contingant, quam primum cibuse. gr. ingratus, licet mollis, adsumtus est.
15. Causæ horum dolorum quando vel in acrimonia vellicante, irritante, pungente, vel in acido inspissato, vel in crassitie humorum, vel in specifica scorbutica intemperie quærantur, atque hinc per nuda *corrigentia*, & incongrua *discutientia*, item per *narcotica* & sopientia hic adfectus tractatur, omnia grauius peruertuntur: dolores enim non cedunt, sed contumacius durant, & frequentius recurrunt.
16. Speciatim ab *opiatis* & *narcoticis* frequentius adhibitis eius modi peruersus & plane contrarius effectus sapissime expectandus est. Loco enim mitigationis dolorum in contumaciam paroxysmorum, vix credibilem, ægros coniiciunt; vnde non raro audire contingit: Das gewöhnliche Medicament will nicht mehr helfen.
17. Insuper *opiata* sensum capitis obtusum & vertiginosum facile relinquunt, immo catarrhi suffocatiui, adfectus paralytici, cachectici, non raro inuitantur.
18. *Cinnabaris*, maiore dosi exhibita, & cum aliis conuenientibus combinata, effectum edit antispasmodicum satis notabilem, tam in *fluxionibus*, quam *commotionibus* sanguinis, & hinc opiatorum vices sæpius supplere potest.
19. Falsissimum itaque quorundam Practicorum est adsertum, quasi vsus cinnabaris in fluxibus sanguinis & aliarum excretionum minus tutus existat: re enim vera cuius ætati & sexui maxime est adcommodatus.









20. *Specificum cephalicum Michaëlis* satis quidem decantatum, sed effectū felici non æque confirmatum est; in maiori dosi adhibitum, ventriculo molestias inducit.
21. *Helleborina* cum aliis admixta, blande operantur; sola autem propinata, tormina excitant.
22. Semper in hoc adfectu fugienda sunt *fortiora emetica & cathartica*, nec non *calida alexipharmaca*.
23. Inter *laxantia* exsulent *aloëtica*: sanguinem enim turgidiorē reddunt, & sic cephalalgiam augent. Hinc pilularum cephalico effectū vulgo decantatarum ingredientia prius bene examinanda sunt, quam in vsum trahantur.
24. *Embrocationes* veterum, præmissis vniuersalioribus, non plane reiiciendæ sunt: nam motum tonicum fremebundum & horridulum suscitant, hacque ratione sanguinis congesti depressionem promouent.
25. *Pediluua* in omnibus congestionibus, quæ versus caput & pectus contingunt, multum leuaminis exhibent: sanguinis enim versus illa loca restrictionem relaxant, & ad pedes ducunt. Cauendum autem est, ne nimis *calida* adhibeantur, quia sanguis facile turgescit, & natura ad inpetuosam commotionem excitatur: vnde febres nascuntur; præcipue si pedes altius immerguntur, nimis diu immersi detinentur, & aliud insuper est adstricta. Cæterum
26. *Pediluua* quando *nimis frequenter* adhibentur, speratum effectum minime præstant: si vero febrilis commotio concurrit, ab illis prorsus abstinendum est.
27. *Martialia* omnem bonum effectum hic eludunt, & heteroclitias varias aberandi species inuitant.
28. *Feminæ* quidem nonnullæ effectum illorum *adstringentem* (alius enim martialibus, vtut optime paratis, non conceditur) tranquillius adhuc tolerant; successu tamen temporis in *tabem* vel *hydropem* deducuntur.
29. Quæ autem subiecta *sensibilia* sunt, his in parte adfecta varia molimina spastica, immo conuulsiua oriuntur; quæ tandem ad violentas eruptiones impetum faciunt, in partibus



- ribus autem remotis stricturæ impetuosæ, tensiones, in primis alui pertinaces adstrictiones producuntur.
30. Quando autem motus illi spastici ad eruptiones non pertingunt, grauiora adhuc pathemata, febres nempe, inflammationes, œdemata pertinacia ægri incurrunt.
31. *Salia volatilia*, exigua dosi propinata, loco speratæ attenuationis, tonicam & neruinam efficaciam edunt; vnde fit, vt moderate adhibita hæmorrhagias sistant, & sub initium congestionum, præcipue vero in declinatione, bonum effectum præstent, in *anxietate* autem dolorum propinata sensibilem illorum excitationem efficiant.
32. In *maiore* dosi propinata effectum edunt prorsus adstringentem: vnde natura ad impetum excernendi commouetur, & violento motu percurrere intendit.
33. Vnicum & certissimum *artificiale* remedium est *vena sectio* in pede. Magna autem incisione & sufficiente quantitate administranda est, vt eo maior alteratio obtineatur. Inter ea nimis frequenter repeti non debet, alias effectus alterationis non succedit. In grauidis, cephalalgia correptis, in brachio quidem olim instituebatur, hodie autem in ipsis pedibus sine formidine venam secamus.
34. Sanguis quando minore quantitate emittitur, quam natura desiderat, insolentius luxuriare incipit; id quod docet, *motus* hic magis considerandos esse, quam *qualitates* sanguinis *irritantes*.
35. *Vena sectio*, vti semper fere in aliis adfectibus, sic etiam in cephalalgia magis *preseruandi* quam *curandi* scopo laudatur: hinc in paroxysmo ab hoc remedio abstinendum; nisi quidem summa necessitas, quæ tamen hic raro contingit, illud efflagitet: alias enim facilius adfectus recurrit, & *venæ sectio* sensim minore immo tandem nullo effectui instituitur.
36. *Scarificationes*, in primis *adsueta*, in *paroxysmo* facilius possunt tolerari, minoris autem sunt efficaciam, quam *venæ sectiones*. In iuniore ætate infra annum vicesimum quintum adhuc constituta, *artificiales* euacuationes per *venæ sectionem* & *scarificationem*, quantum fieri potest, omittuntur.









mittantur: vix unquam enim tale damnum huic ætati a cephalalgia obtingit, quale in annosioribus timendum est, nempe: vertigo, apoplexia, lethargus, paralytis; sed natura plurimum sponte sua hunc adfectum feliciter profligat.

## TABVLA XXII.

DE

CEPHALALGIA ILIACO - HÆ-  
MATITICA,

SEV

## CLAVO HYSTERICO.

## I. DEFINITIO.

Cephalalgia iliaco-hæmatitica est specialis capitis dolor, sexui feminino proprius, a restrictione sanguinis menstrui versus caput originem ducens.

## II. DIFFERENTIA.

1. *Clavus hystericus*, a Sydenhamo ita nominatus, licet cum cephalalgia sanguinea plurimum conveniat, ob peculiare tamen circumstantias peculiari indiget evolutione.
2. Ab *ileo hæmatite Hippocratis* proprie non differt *clavus hystericus*, sed unus idemque est adfectus; nisi quod ileon hæmatites sensu potius generaliore sumatur, & omnes turbas spasticas, a vitio sanguinis menstrui exortas, comprehendat, nempe cephalalgiam iliaco hæmatiticam, seu *colicam anotericam*, die Ober-Colick vulgo Uebercolck, & *colicam abdominis*.
3. *Clavus hic hystericus differt gradu.*
  - 1) In aliis enim *mitiores* sunt dolores, & circa tempus menstrui.



struum per 3-4 dies plus vel minus aegras exercent. Hic gradus cephalalgiam, præcedente tabula exhibitam, non transcendit.


- 2) In aliis autem dolores sunt pertinaces & ita fere continui, ut ad cephalæam magis referendus sit adfectus: & quando inquinamentum venereum dictis causis superuenit & massam sanguineam conspurcat; quod hodie non ita rarum est, tum cephalæa atrocissima inducitur.

### III. SIGNA.

1. Præcedunt pathemata, quæ in malo hysterico observantur.  
*Vid. tabul. de malo hypochondriaco-hysterico.*
2. Dolor grauians, distendens, vellicans, lancians, modo totum caput occupans, modo & præcipue circa tempora ita sensibiliter pungens, ac si *clauus* ibidem esset infixus; a quo doloris sensu nomen hic adfectus accepit.
3. Cum his doloribus sæpe numero concurrit pertinax *sensus frigoris* plane gelidi circa *suturam sagittalem*, als wenn ein Stück Eis oben auf dem Kopfläge, vel aqua circa *verticem* fluctuantis,
4. Inflatio capitis peripheriæ, quasi erysipelacea, cum rubore faciei plerumque coniuncta.
5. In dorso sentitur dolor ad nucham adscendens, in qua nonnumquam nodi producuntur.
6. Tinnitus aurium, grauitas auditus.
7. Comitantur hunc adfectum non raro
  - 1) febricula aliqua,
  - 2) horripilatio quasi perpetua extremorum artuum,
  - 3) Lassitudo insignis,
  - 4) Adpetitus deiectus,
  - 5) nauseabundus vomendi conatus & ructus,
  - 6) pertinax adstrictio alui.
8. Recurrit ordinarie circa menstruas periodos.
9. Quo tempore, si adhuc *lenioris gradus* existit, per aliquot tantum dies scenam suam ludit.
10. Quo magis autem in *consuetudinem* adactus est hic adfectus, vel









vel causſæ *venerei inquinamenti* accedunt, eo magis continuus, chronicus & perennans obſervatur.

IV. *SUBIECTA.*

1. Est quidem hic adfectus *feminino* ſexui, vitio menſium laboranti proprius; occurrit tamen etiam nonnumquam ſimile ſchema in *viris*, qui arthritico-hæmorrhoidalibus fluctuationibus & turbis obnoxii ſunt.
2. *Illæ* autem *feminae*, & vix unquam aliæ, hiſce doloribus ac incommodis ſubiacent, quæ
  - 1) Otioſæ & vitæ ſedentariæ addictæ ſunt,
  - 2) de diætâ plena & lauta gaudent,
  - 3) animi commotionibus expoſitæ ſunt.

V. *CAUSSAE.*

1. Cauſſa *generalior* huius adfectus convenit cum cauſſa cephalalgiae, præcedente tabula exhibitæ: nimirum motus ſanguinis excretorius, verſus caput directus, utrorumque eſt fundamentum.
2. Cauſſa *ſpecialior* eſt menſium vitium qualecumque, rarius obſtructio hæmorrhoidum, per incongrua artificia induta.
3. Hæ cauſſæ *materiales* naturæ anſam præbent, per varios motus ſpaſticos retenti ſanguinis expreſſionem tentare; & quidem
  - 1) Locis ſub initium proximis: unde motus hypochondriaco-hyſterici oriuntur.
  - 2) Deinde circa pectus, per varias tenſiones & compreſſiones.
  - 3) Denique in capite intentionem ſuam manifeſtat per incommoda ſub *ſignis* indicata.
4. Cauſſæ *externæ & occaſionales*, quæ præcedente tabula nominatæ ſunt, clauum etiam hyſtericum inuitare poſſunt; præcipue refrigeratio pedum, diætâ calida, & animi commotiones.
5. Conferatur tabula de hypochondriaco-hyſterico malô.

VI. *PROGNOSIS.*

1. Quoniam hic adfectus ex congeſtionibus & vehementibus



spasmodis in abdomine, pectore & capite complicatus est, præ aliis cephalalgicis dolore plenus & contumax observatur.

2. Et sane nihil magis vexat Medicos & opprobrio illos exponit, quam dolores capitis in sexu feminino.
3. Causa infelicis huius successus non quærenda est in ipso adfectu, nec etiam semper in præpostera medicatione, sed potissimum in conditione subiectorum.
4. Quem ad modum enim illæ fere solæ huic incommôdo subiacent, quæ commodam, otiosam & victu abundantem vitam degunt, hoc vitæ genus autem ab omnibus personis, quarum fors illud tolerat, cum desiderio adprehenditur: ita etiam nulla alia, quam mitigans & denuo repetenda curatio in illis potest obtineri.
5. Ipse enim morbus *in se* consideratus, licet inueteratus & per multas reiterationes in consuetudinem perductus sit, admittit omnino, teste experientia, optatam sui runctionem, si peruersum vitæ genus mutatur, & congrua methodus adhibetur.
6. Ceterum quoniam hic adfectus in hypochondriaco-hystericis turbis radices suas habet fundatas, prius non tollitur, quam his eradicatis.

## VII. METHODVS MEDENDI ET REMEDIA.

Methodus hic fere conuenit cum illa, quam in cephalalgia *precedente* tabula commendauimus, nimirum

### A. In paroxysmo.

1. *Aluus* ante omnia est expedienda,
  - 1) vel per clysteres lenientes & emollientes, non autem stimulantés,
  - 2) vel per lenissima laxantia interna; ubi nempe impetus dolorum non ita vrget.
2. Deinde *orgasmus* sanguinis temperandus, & spastica fibrarum strictura demulcenda est per nitrosa, absorbentia, cinnabarina cum diaphoreticis fixis combinata, e. g. nitrum depurat. conch. præparat. ocul. caneri, cinnab. nativ. præparat. bezoard. mineral. antimon. diaphoret.

Quan-















Quando crasis sanguinis *spissior* est, addatur sal digestivum, quod etiam ad mucum in primis viis resoluendum & diuresin obtinendam necessarium est.

3. His interponantur æqualem sanguinis distributionem prompventia, e. g.

Rec. essent. alexipharm. *Stahl*i drachm. II.

millefol. drachm. I,

Spirit. salis ammoniac. drachm. semis

M. dosis gutt. XXX.

4. His præmissis utili sæpius effectu usurpatur herb. millefol. in forma vel decocti vel essentia; item essent. cortic. cascarill. cum essent. pimpinell. alb. coniuncta.

5. Hæc autem quando non sufficiunt, *lene anodynum* pulueribus temperantibus misceri & versus somnum propinari potest, e. g. M. P. de cynogloss. gr. I. pro dosi; quo tempore successus alui obseruetur.

6. *Externa* remedia simul adhibeantur, quæ *precedente tabula* commendata sunt; in primis *spiritus camphoratus*, qui temporibus illitus, & vertici instillatus, egregie conducit; item *unguentum alabastrinum*, quod sanguinem notabiliter ad interiora restringit.

7. Denique sub *declinatione* dolorum propinentur *tonica*, e. gr. mixtura tonico-neruina *Stahl*i; item essent. succin.

#### B. *Extra paroxysmum.*

1. Circa æquinoctia instituantur venæ sectiones.
2. Mensium præ omnibus habeatur ratio, & versus illud tempus, quo expectantur, vel expectari debent, pilulæ *Stahl*i aut *Becheri* per sex circiter dies exhibeantur, & sequentibus mensium periodistam diu repetantur, donec in iustum ordinem redacti sunt.
3. Optimum autem & fundatissimum remedium, nempe sufficiens corporis motus, tanto magis ægrotis commendetur & inculcetur, quanto difficilius ad id eligendum & continuandum perducere possunt. Sunt enim fere semper teneræ & delicatulæ, quæ hoc morbo inficiuntur.



## VIII. CAUTELAE ET OBSERVATIONES PRACTICAE.

1. Quæ præcedente tabula sub *cautelis* annotata sunt, hoc loco plurimum possunt adplicari.
2. Cauendum in hoc adfectu congestorio-spastico, ne curatio *motuum* postponatur mitigationi *dolorum*. Hæc enim ratione dolores maiore ferocia recurrunt, & breuem requiem male compensant.
3. Multæ sunt feminæ, quæ *camphora* odorem non possunt perferre; ne autem efficaci hoc remedio priuentur, nares illarum obturandæ sunt, donec natura, sentiens ab hac vnctione leuamen, remedium illud amore amplectatur. Hac ratione multarum auersatio a camphora feliciter sublata est.
4. Calida illa remedia neruina, castorina, carminatiua, elixiria vterina, male hic adplicantur.
5. Quouis etiam modo cauendum est, ne per calida, externe adplicata, sensum illum *frigidum* in vertice remouere animo sedeat. Es ist kein kalter Fluß, ob gleich das Gefühl kalt ist.
6. *Opiata*, præpostere adhibita, exacerbant symptomata, & inducunt adfectus soporosos, stupores paralytodeos, excretionum debitarum suppressiones, & interdum mentis plane alienationes.
7. Odor *salium volatilium* prius non admittatur, quam temperantibus præmissis tonus spasticus in abdomine relaxatus est; alias in capite motum tonicum augent & per hanc congestionem humores, hætenus diffusos, in angustum locum comprimunt; vnde acutissimi dolores exoriuntur.
8. Exsulent omnia *pinguia* externe adplicata: poris enim intimius sese insinuant, transpirationem perutilem impediunt & æstum augent.
9. Si *vena sectio* ob ægrotantis auersationem locum non habet, *pedilunia* alternis diebus versus recursum mensium vesperi vsurpentur; quo tempore alius legitime succedat.









TABVLA XXIII.  
DE  
CEPHALAE A.

I. **D**EFINITIO.

Cephalæa est pertinacissimus & fere continuus capitis dolor a rheumatica congestione humorum versus caput originem ducens. Deriuatur a κεφαλή, caput.

II. DIFFERENTIA.

1. Cephalæa quo modo differat a cephalalgia tabula XXI. indicatum est.
2. Cephalæa differt etiam aliquo modo a cephalalgia continua: nam hæc simplicioribus sanguinis congestionibus innitur, & per consuetudinem tantum ita fit perennis; illa autem moribus congestoriis rheumaticis stipata est. Conf. tabula XXI. de cephalalgia.
3. Differentia cephalææ ab hemicrania e signis inter se collatis elucescit.
4. Ratione autem caussarum quo modo cephalæa differat, infra sub caussis indicabitur.
5. Cæterum cephalæa commode diuiditur in
  - 1) continuam, chronicam, valde pertinacem,
  - 2) periodicam, quæ certis temporibus paullulum remittit.
  - 3) vagam, quæ nullius exactæ periodi existit.

III. SIGNA.

Hæc secundum causas differunt.

1. Quæ cephalæa cum cephalalgia eandem causam generatorem fouet, illa etiam eadem habet signa, gradu licet vehementiora. Nam dolores non solum continuo fere durant, sed etiam pertinacissime adfligunt.
2. In feminis, quando cephalæa contingit, omnia illa signa conspirant, quæ tabula præcedente de clauo hysterico adlegata sunt.
3. Vbi ulceroso-ichorosa congestio & speciatim lues venerea in causis est, ibi dolor adest uni loco quasi infixus, falso ardore



dore rodens, acriter morficans, terebrans, vix vñquam ex solido desinens, qui & nocturno tempore, incallescens sub lecto corpore, acerbatur, & sine manifestis congestionis signis obuenit.

4. Quando a *coagulatione* sanguinis & *inflammatione meningum* cephalæa exoritur, dolores satis acuti sunt, & calor insignis cum siti intolerabili accedit.
5. *Vertiginosa* capitis perturbatio per interualla & præcipue sub doloris declinatione occurrit.
6. Nullum corporis motum ægri possunt tolerare: a leui enim motu dolor capitis augefcit & *arteriarum* pulsus æmulator.
7. In loco adfecto interdum adparet tumor duriusculus, qui sensim capit incrementum.
8. Quamdiu decumbunt, dolores obseruantur *mitiores*, dum autem caput attollere volunt, tam repentino insultu corripuntur, vt sui immemores recumbere cogantur.
9. *Hæmorrhagia narium* effrenis non ita raro in *scorbuticis* causis accedit. *Vid. tab. de scorbuto.*
10. Cæterum ægri cephalæa adfecti sunt *sensibilissimi*: a quouis enim clamore, strepitu, tumultu, gallicinio, tamquam rebus intolerabilibus perturbantur.
11. *Lucem* etiam non possunt perferre, hinc cameras amant obscuras, in quibus tranquilla quies & altum agitur silentium.
12. A quouis *potu* paullulum *fortiore* statim male se habent, nec nisi ad modum *dilutum* tolerant.

#### IV. SUBIECTA.

1. Cephalæa plerumque obnoxia sunt *femine*.
2. Rarius *viri*, nisi a turbulentis hæmorrhoidibus aut vlcerosâ constitutione, speciatim a *lue venerea*, originem sumserit.
3. Illæ autem feminae præcipue huic malo subiacent, quæ ob vitæ genus sedentarium, diætâ plenam, & animi pathemata mensium perturbationem incurrunt.
4. Temperamentum melancholicum huic adfectui præ aliis est expositum, & sane in talibus subiectis pertinax *animi* indoles efficaciam non est postrema.

V. CAUS-









## V. CAUSSAE.

Causas cephalæ ex illis, quæ sub *signis & subiectis* dicta sunt, in hunc ordinem colligimus.

1. Causa *generalior* in *cephalæa* eadem est, quæ in *cephalalgia*: nam sanguinis ad hæc loca congestiones ansam præbent omnibus specialioribus effectibus & productis in cephalæa obuenientibus; id quod & de ipsius luis venereæ capitis doloribus non potest negari. Ab impetuosâ enim congestione contingit distensio partium, quæ relaxatæ repulsi humorum non sufficiunt. Vnde stagnationes, stases, corruptiones exoriuntur.
2. Causæ *specialiores*, quibus cephalæa innititur, sunt constitutiones siue *ulcerosæ*, siue actu iam exulceratæ, quæ a sequentibus circumstantiis & causis originem sumere possunt: nempe
  - 1) a scorbuto.
  - 2) a luis venereæ inquinamentis.
  - 3) ab aliis scabioso-impetiginosis corruptionibus, quæ intra eam contingunt.
  - 4) A contusionibus, vulnerationibus & ulcerationibus præpostere tractatis.
3. Veteres materiam tenacem, cerebro impactam, vel plane *apostema* aliquod accusabant, & hinc pro diuerso respectu, modo *apoplegmatis*mos, *setacea* & *vesicatoria*, modo *cauteria*, modo ipsam capitis *terebrationem* commendabant.

## VI. PROGNOsis.

Diuersitas *causarum* diuersam etiam prognosin inuoluit.

1. Vbi causæ cephalææ cum cephalalgia conueniunt, ibi eadem valet prognosis, quæ *tabula XXI. de cephalalgia* indicata est; modo attendatur, quod a *minori* ad *maius* hic præcipue valeat consequens.
- 2, *Ulcerosa* constitutio quando *simplicior* subest, difficultate quidem curatio omnino laborat, non omnem tamen dirimit spem restitutionis.
3. *Venerea* autem *ulcerosa* constitutio, vel quæcumque *alia*




cum ossium *carie* coniuncta est, multo maiores inuoluit difficultates: licet enim causa per dextram medicationem sublata sit (quod negotium etiam non exigui est momenti) dolores tamen vix vnumquam ita cedunt, ut futuro tempore non magis recrudescent.

4. Cephalæa illa, quæ per serosas excretiones facilem & frequentem exitum adepta est, multo pertinacior, quam alia minus talis, obseruatur.
5. Cephalæa per habitum obfirmata interdum degenerat in melancholiam.
6. Cephalæa cum insigni plethora coniuncta, apoplexiam futuram præsignit. *vid. Forestus.*

## VII. METHODVS MEDENDI ET REMEDIA.

1. Cephalæa, quæ adhuc *simplicior* est, non abluat a methodo, quam tabula XXI. de cephalalgia exhibuimus, nisi quod hic *mucose stases* fortius resolui debeant per anticatarrhalia alexipharmaco-diuretica, e. g.
  - 1) *Radices*: ari, pimp, alb. helen. angelic. vinetox. imperator. gentian. rubr.
  - 2) *Herbas amaras & capillares*: scord. centaur. min. card. bened. capill. vener. cuscut.
  - 3) *Cortices & ligna odorata*: chacarill. fassifr.
  - 4) *Gummi-resinas*: ammoniac. galban. sagapen.
  - 5) *Tincturas alcalinas*: salistartar. antimon.
  - 6) *Salia enixa*: tart. vitriolat. nitr. antimoniac. arcan. duplicat. item salia centaur. min. absinth. genist.
2. Facta resolutione & præparatione materiæ *purgans* aliquod ad illam exterminandam præscribendum est. Laudatur in hunc finem ialapp. extract. panchymagog. *Crollii*, M. P. de succino *Cratonis*, essent. hellebor. nigr. secundum methodum *Stahlii*, nempe ex extracto resinoso per spiritum vini parata.
3. *Hirudines* temporibus vel auribus adplicatæ vsum etiam præstant.
4. Quo magis autem cephalæa ab inquinamentis *venereis* vel *scorbuticis*, aut ab aliis tam internis quam externis ulcerationibus fouetur, eo magis secundum diuersitatem causa-









causarum diuersarum etiam medicationes necessariae sunt, nempe

- 1) *Cephalæa venerea* tractanda est, vti lues venerea, vid. tab. de lue venerea.
- 2) *Scorbutica*, vti scorbutus. vid. tab. de scorbuto.
5. Quando incongrua *suppressio ulcerum* manantium, vel aliarum *serosarum* excretionum praecessit, manet quidem methodus num. 1. & 2. commendata; quoniam autem in illo casu adfectus admodum rebellis est, externa nonnumquam in subsidium vocanda sunt, nempe vel apophlegmatismi, vel fonticuli, vel setacea pro circumstantiarum ratione.
6. In statu *inneterato* colliquatio & euacuatio per *mercurium* aequae ac in causa venerea tentanda est.

#### VIII. CAUTELAE ET OBSERVATIONES PRACTICAE.

1. Omnes observationes & cautelae, tabula XXI. de cephalalgia commendatae, quam maxime & praecipue in cephalæa etiam commendantur.
2. *Topica* eo magis hic sunt necessaria, quo magis continui & contumaces sunt dolores. In hunc finem praeter spiritum vini camphorat. praecipue adhuc laudatur *radix rhodia* puluerisata & epithematis forma capiti adplicata.
3. *Nephritica* doloribus circa lumbos, qui cephalæae prodromi sunt, opponere, adfectum potius acerbare quam eundem mitigare possunt.
4. Absint tamen acriora, in primis balsamica, quae facile commotiones febriles prouocant: immo ipse spiritus vini camphoratus, quem modo commendauimus, non nisi post debitas euacuationes satis tuto potest usurpari.
5. Medici iudicio relinquitur, num initium curae cum *purgante* quodam faciendum, vel prius ad *correctionem* humorum accedendum sit.
6. Ad crasin humorum corrigendam *formula humida* aliis in hoc adfectu praeferenda sunt, c. g. *medicatum vinum* e rad. ari. cichor. caryophyllat. helen. angel. herb. meliss. betonic. verben. comis absinth. cort. citr. aurant. & si



- tempus ferat, cochlear. recent. Ex laxantibus fol. sennæ, rad. rhabarb. & præcipue fibr. hellebor. nigr.
7. In *serosa* sanguinis dyscrasia conducit egregie *essentia succini* cum spiritu volatili C. C. & tinctura tartari maritata.
8. *Pediluvia* & *frictiones* pedum per pannos asperos etiam egregie conducunt.
9. Notum est, quod in cephalæa pertinaci sæpe ad *trepantionem* properetur, sed illa locum non habet, nisi in talibus circumstantiis, in quibus de humoribus sub *caluaria* extra vasa locatis, certa indicia prostant. *Conf. tab. chirurg. de trepanatione.*
10. Continentia & corporis & animi sit tranquilla; diæta aromatica ac spirituosæ evitetur, continuaque alui successio promoueatur.
11. *Vena sectio* æquinoctialis seu præseruans in hoc adfectu maiorem habet vsum, quam quæ incurandi scopum instituitur; & quoniam cephalæa rariora habet interualla, sedulo cauendum est, ne vena tempore acerbitalis secetur.

## TABVLA XXIV.

DE

## OPHTHALMIA.

## I. DEFINITIO.

Ophthalmia est inflammatio *tunicæ adnatæ* oculorum, a congestione humorum versus caput originem ducens, & hæmorrhagiam narium e *longinquo* quasi respiciens. Deriuatur ab *ὀφθαλμός*, oculus.

## II. DIFFERENTIA.

## 1. Ophthalmia est vel

- 1) *Vera*, quæ stasim *sanguineam* pro causa habet, vnde etiam *sanguinea* dicitur; vel
- 2) *Notha*, quæ stasim magis *serosam* inuoluit: vnde *serosa* vocatur.















2. *Notha* iterum duplex est:

1) *Leuioris* gradus, quae *ταράξις* dici solet, a *ταράσσω*, turbo.

2) *Intensioris* gradus, ubi palpebrae simul adficiuntur & prurigo oculorum concurrit. Dicitur *Chemosis* a *χαίω*, dehisco, quia tumor ita conspicuus adest, ut oculi nigrum concavum videatur.

3. Ophthalmia etiam dividitur in

1) *simplicem* &

2) *habitualement*, seu pertinaciter adsueta.

4. Porro dividitur in

1) *Statam*, quae contumaciter durare solet, &

2) *Periodicam*, quae per paroxysmos quasi adfligit.

5. Alia est *profundior*, alia *superficialis*, & tandem

6. Alia *unicum* tantum, alia *utrumque* adfligit oculum.

### III. SIGNA.

1. Rubedo oculorum cum inflatione circa vasa *albuginis*.

2. Sensus modo ardoris, modo pruritus.

3. Dolor inflammatorius, urens, compungens, lancinans, non solum oculos, sed per consensum etiam totum caput adficiens. Praeterea

4. Aeger intolerans est lucis & obiectorum lucidorum.

5. Effusio lacrimarum, quae magis in ophthalmia *notha* seu *serosa* occurrit, quam in *sanguinea*, quae siccior esse solet.

### IV. SUBIECTA.

1. *Infantes*, a crustae lacteae aliarumque capitis exulcerationum atque tumorum repulsi.

2. *Pueri*, ab haemorrhagia narium emanente.

3. *Adulti*, a suppressione evacuationum naturalium & neglectione artificialium e. g. scarificationum adsuetarum.

4. Qui baccho & veneri indulgent & dieta aromatica abutuntur.

5. Qui oculos nimium fatigant & acriora atque coacta videnti intentione irritant, vel aëri frigido, aut etiam nimio calori illos exponunt.

6. Speciatim qui crebris lectionibus & lucubrationibus indulgent.



## V. CAUSSAE.

1. *Internae.*

- 1) Causa antecedens remota est plethora, cum cacochymia, praecipue in adfectu seroso, plerumque coniuncta.
  - 2) Causa propior est decubitus sanguinis ad oculos, cuius transfudans tenuior portio partes hasce sensibiles rodit; quae erosio vltiorem deinde humorum adfluxum inuitat.
  - 3) Causa proxima & immediata est stasis inflammatoria in tunica adhaerata oculorum.
2. Causae externae, occasionales & procatacticae. Praeter illas, quae in subiectis iam nominatae sunt, sequentes adhuc notamus.

- 1) Consuetudo & frequens congestionum talium recursus.
- 2) Frictiones & ploratus.
- 3) Exhalationes acres, rodentes, salinae.
- 4) Aer humidus, vel alia humectatio immodesta.
- 5) Insecta seu animalia parua in oculos inuolantia.
- 6) Percussiones oculi.

## VI. PROGNOSIS.

1. Laesiones oculorum & visus, difficilis sunt restorationis.
2. Quo diutius oculorum adfectus tolerantur, eo grauius damnum in hisce teneris partibus inferunt: rubor enim facile in inflammationem, & haec in suppurationem, ulcerationem & erosionem transit.
3. Nisi stasis tempestiue discutatur, ex ophthalmia sanguinea hypopyum, & ex hypopyo pterygium seu unguis enasci potest; de quibus peculiaribus oculorum adfectibus tabula chirurgica de operationibus in oculis agitur.
4. Ex ophthalmia autem notha seu serosa contumax lippitudo, & inde emollitio & exesio tunicae corneae; ab hac autem procedentia vuae, immo demum, continuante inflammatione, visus plane amissio prouenire observatur.
5. Quando in corneam laesam cicatrix ducitur, clauus oculi emergit.









6. *Aserosis* quoque ophthalmiis *fistulae lacrimales* plerumque initium habent.
7. Ophthalmia *diuturna* vel sæpius recurrens facile post se trahit visus hebetudinem vel cæcitatem.
8. Immo si in ophthalmia neque discussio neque suppuratio locum inuenit, sæpius perit oculus.
9. Alui profluuium & hæmorrhoidum suppressarum autocratica ruptio sæpius ophthalmiam tollunt, saltem immi-  
nuunt.
10. Grauiorem *suppurationem* vel cæcitas vel totius oculi cor-  
ruptio sequitur.
11. Ophthalmia, quæ grauiores capitis contusiones excipit,  
periculosa est.
12. Ophthalmia quo magis hæreditariam labem, aut hæmor-  
rhagiarum suppressionem causam agnoscit, eo sæpius so-  
let recrudesce, & in aduetudinem abire contumacio-  
rem; nisi quidem causa suppressæ hæmorrhagiæ sublata  
prognosin reddat mitiorem.

## VII. METHODVS MEDENDI ET REMEDIA.

## A. In paroxysmo.

1. Cruditates primarum viarum expurgentur.
  - 1) In *serosa* ophthalmia magis conducunt phlegmagoga, e.  
g. fennata, ialappina & mercurius dulcis.
  - 2) In *sanguinea* ophthalmia commendantur rhabarbarina  
& scamoneata.
  - 3) In *adultis* exhibeatur M. P. de succino *Cratonis* cum mer-  
curio dulci, vel cum extract. hellebor. nigr. resinof. aut  
cum resina ialap. combinata.
2. Stasis a congestione orta discutiatur.
  - 1) *Interne*
    - a) in *sanguinea* ophthalmia per nitrosa, præcipitantia,  
grata acidula & diluentia.
    - β) in *serosa* autem, præter modo dicta, exhibeantur infu-  
per lympham corrigentia & sic dicta anticatarrhalia,  
e. g. essent. succin. ligni sassafr. *lignorum*, tinct. anti-  
mon. tartarifat, essent. alexipharmaca *Stahlii*.

2) *Ex-*



- 2) *Externe* optime hoc impetratur per
- a) *Campherata* legitime adhibita, nempe vel linteis multiplicatis instillata, & post spiritus vini exhalationem palpebris adplicata; vel camphora cum amygdalis excorticatis subacta & tum cum modica portione aquæ rosarum in emulsionem redacta intraque oculum, si abest inflammatio, adplicata.
  - b) *Epithemata sicca*, e. g. ex rad. irid. Florentin. valerian. flor. sambuc. herb. hyssop. sem. cumin. foenicul. croc. cum camphora.
  - c) Per *adflatum halituosum* ex sem. anis. foenicul. præcipue in infantibus.
  - d) Per *nitrum* pauca quantitate in aqua rosarum, cyani. calcatripp. solutum & adplicatum; id quod insignem effectum edit.
  - e) Per *lac croco* largius tinctum & tepide adplicatum.
- 3) *Adfluxus* & *ulterior congestio* ad has partes reuellatur.
- 1) *Interne* huic indicationi satis faciunt laxantia repetita, quæ humores ad inferiores partes reuocant. Eadem hic conducunt, cum quibus curationis initium factum est.
  - 2) *Externe* conueniunt discutientia & tonica, quæ simul siccant & adstringunt:
    - a) *Vitriolum album*, in ovo cocto per deliquium resolutum, & cum aqua rosarum temperatum.
    - b) *Nitrum*, supra iam laudatum, maiore cum fructu adhibetur, quando *saccharum saturni* cum illo in crystallos redactum est.
    - c) In *sanguinea ophthalmia* sacrificatio, vel illius loco *Sennerti sinapismus*, nempe farina erucæ facculo inclusa, vino cocta & *nucha* adplicata.
    - d) In *serosa* locum etiam habent exsiccantia & lenia adstringentia, in forma *pulueris* adplicata. e. g. tutia, pomphol. nihilum alb. spodium, mater perl. lapis admirabilis *Crollii*, alumine & bolaribus ingredientibus imbutus.
    - e) Conducunt etiam *externe*, quæ acrimoniam temperant,









rant, & sic adfluxum vltiorem præcauent, e.g. mucilagines semin. psyllii, cydoniorum cum aqua rosarum, vel aliis aquis ophthalmicis mixtæ.

f) Reliqua sub *cautelis* quærantur,

B. *Extra paroxysmum.*

1. *Abundantia* sanguinis imminuatur

1) Vel per venæ sectionem & scarificationem.

2) vel per hæmorrhagiarum suppressarum reuocationem.

2. *Crasis* humorum corrigatur per succinata & alexipharmacodiuretica, e.g. per essentiam succini cum tinct. antimoni, maritatum, item per liquorem C. C. succinatum, essent. alexipharmacam *Stahlii*,

3. *Motus* congestorii præoccupentur per lenes purgationes, singulis mensibus, saltem vere & autumno repetendas.

VIII. *CAVELÆ ET OBSERVATIONES PRACTICÆ.*

1. Nihil familiarius est, quam ut in adfectibus oculorum ad *specialia* remedia statim confugiant, licet hæc ad summam rerum nihil constantis efficere possint.

2. Hinc *universalia* tanto magis commendantur, nempe ea, quæ abundantiam sanguinis imminuunt, illius dyscrasiam corrigunt, aut certos humorum motus & decubitus præoccupant.

3. *Venæ sectiones* enim statæ & scarificationes vsum suum plurimorum exemplis in dies confirmant, auguriumque illorum, qui hinc debilitatem visus, immo cæcitatem harriolantur, oppido incerta & falsa opinione inniti, satis ostendunt.

4. Non minoris efficaciæ sunt congruæ laxationes & pediluvia.

5. *Fonticuli* & *setacea* diuturno ac rebelli malo opem quidem ferre solent, sed facile constantem sui vsum exigunt, alias malum pertinacius recurrit. Ceterum non sunt adplicanda, nisi supra memorata ordinaria remedia frustra fuerint adhibita.

6. *Vesicatoria*, crebrius exhibita, eodem incommodo stipantur. In dolore impetuoso, & quidem magis in *inferiori-*



*bus* partibus, illa adplicare cohuenit; sed non in adeo tenera ætate. Si vero pone aures, vt vulgo moris est, adplicantur, malum sæpius augent. *Reuulsio* enim princeps punctum in hoc negotio absoluit; cuius rei *casum notabilissimum* hic exhibemus. Puer quidam ophthalmia tam contumaci laborabat, vt medicamentis ordinariis, per aliquot menses adhibitis, cedere recusaret. Quum vero improuidus in pede ambustionem insignem acciperet, eodem die ab ophthalmia liberabatur, & inflammatio loco oculorum pedem ambustum occupabat.

7. Specificam adscribunt virtutem auctores *radici valeriana* cum interne, tum externe adhibitæ. Verum specifica certæ fidei vix nota sunt: complurium fane & inter hæc *euphrasia* laudibus non parum detrahit experientia.
8. De *amuleticis* idem sentiendum est.
9. *Crocus metallorum*, crude vsurpatus, irritat oculos, infusum autem illius, nisi menstrua acria fumantur, ad modum debile est.
10. Quod ad *formulas* attinet, sequentia adhuc notanda sunt.
  - 1) *Puluerulenta* formulæ, quantumcumque demum alcoholifatis seu summe extenuatis materiis, sæpe irritationem in oculis excitant, præcipue si in illis submucidos quidam mador versetur, qui puluerulentam substantiam inæqualiter imbibat, & successu noui mucoris in vnum veluti angulum compingat, vnde pressio & irritatio exoritur.
  - 2) *Fluida* formulæ assiduo vsu etiam damnum oculis inferre possunt, nempe emolliendo, relaxando & sic nouo adfluxui viam sternendo.
  - 3) Hinc omnium consultissimum est & efficacissimum, adstringentia cum formulis humidis moderate miscere; vbi *vitriolum album* omnium facile coriphæus est; modo obseruetur, vt ante illius adplicationem æstus prius temperetur, & saccharum saturni, aqua rosarum solutum, mox subiungatur.

4) Col-









- 4) *Collyria* varia quidem, & subinde satis efficacia, descripta habemus, pro omnibus tamen illud experientia optime se commendat, quod *Weisbachius* ex ore *Stahlii* in omnibus oculorum adfectibus, & ipsa adeo incipiente cataracta, commendat. In cæcitate cuiusdam puellæ, mensium emanfione laborantis, visum restituit; præmissis quidem generalioribus & ipsa etiam venæ sectione, sine *conspicuo* tamen effectû, donec hoc collyrium adplicaretur. Est autem sequens:

Recip. butyr. maial. illot. vnc. IV.

tut. præparat. vnc. I.

corall. rubr.

camphor.

sacchar. saturn. ana drachm. semis.

nihil. alb. drachm. II.

virid. æris gr. XII.

misceantur optime, & versus somnum cuiusvis oculorum angulo ad gr. II. immittantur.

11. Camphorata in plerisque oculorum vitiis resoluendi, discutendi, & ita quodam modo exsiccandi efficaciam habent.

1) Camphora, spiritu vini soluta, omnium penetrantissime agit, modo caueatur, ne quid eius intra oculum defluat: Licet enim non statim insigne damnum inde redundet, grauissima tamen ignei ardoris molestia ad momenta aliqua inde expectanda est.

2) Quodsi vero incauta adplicatione ardor quidam per spiritum vini camphoratum illatus esset, *aurem* oculo, siue per volam manus, siue per flatum oris admouere conducere; sic enim cito exhalat spiritus vini, ardor remittit & camphora poris insinuata relinquitur.

12. *Dieptrica* illa adminicula non, nisi urgente necessitate vel magno adiumento ex illorum usu redundante, suadere oportet; excepto illo casu, vbi adfuetudo forte continuationem huius subsidii efflagitat.



13. Vulgarem illam opinionem de *ceparum* & *allii* vsu interno, oculis noxio, satis refutant *Poloni, Hungari & Judæi*, qui omnes ex familiari horum vsu nihil ophthalmicorum incommodorum præ aliis sentiunt: halitus tantum externus nocet.
14. Certiore experientia innititur illa cautio, ne fatigent, aut liberius vsurpent oculos, qui paullo ante, vel hæmorrhagiis largis, vel in morbo acuto inedia, vigiliis, largis sudoribus & aliis euacuationibus sunt exhausti.
15. Horum omnium vero efficaciam vti insigniter promouet diætâ temperata, diluta & commodum regimen, ita vel minimum leuamen succedit, vel malum recrudescit, quando causæ occasionales, procatarcticæ & irritamenta oculorum non euitantur, e. g. veneris, vini & diætæ aromaticæ abusus, multa lectio, lucubratio, cubitus in latere adfecto, vapores acres, aër frigidus pariter atque calidus nimis, lucis & candelarum splendor, præcipue fulguris sub noctem adspectus.

## TABVLA XXV.

DE

## ODONTALGIA.

## I. DEFINITIO.

Odontalgia est periosteï & partium nervosarum, ad dentes tendentium, inflammatio, a congestione sanguinis incompleta, hæmorrhagiam narium eminus respiciente, nullum autem exitum inueniente, originem trahens. Derivatur ab *ὀδους*, deus, & *ἀλγέω*, doleo.

## II. DIFFERENTIA.

Odontalgia est vel

1. *Idiopathica*, quæ a carie vel erosione dentium dependet, & solos dentes occupat, vel
2. *Symptomatica*, quæ motibus humorum versus caput congesto-















gestoriis, præcipue hemicranicis, vestigia legit, & præter dentes non raro etiam confinia loca occupat.

### III. SIGNA.

Signa per se satis sunt manifesta, nempe

1. Dolor dentes plerumque maxillares, rarius anteriores, occupans exquisitissimus.
2. In symptomatica odontalgia manifesta signa congestionum ad caput occurrunt, rubor scilicet faciei, cum insigni tensione & inflatione vasorum, non solum partium vicinarum, verum etiam totius capitis.
3. Hic dolor exferit se præcipue in periosteo & fibrillis per dentium radicum *medullarem* substantiam disseminatis.  
*Conf. Stahl's theoria medica p. 855.*
4. Præter ea dolor hic specie variat: modo enim est tensivus, strictorius, fremebundus, modo lancinans, modo vibratius.
5. Non tantum per qualescumque gingivarum regiones excurrit, sed & interdum ad interiorum aurium cavitatem se extendit.
6. Quo modo *caries* sit dignoscenda, videri potest *tabula chirurgica de carie ossium.*

### IV. SVBIECTA.

1. Sunt homines plethorici, temperamenti sanguineo-phlegmatici, præcipue iuniores, quorum consuetæ narum hæmorrhagiæ emanferunt.
2. Feminæ quarum menses suppressi vel imminuti sunt.
3. Viri, quibus hæmorrhoides non legitime fluunt.
4. Feminæ pariter ac mares, qui consuetas venæ sectiones & scarificationes neglexerunt.
5. Qui nati sunt a parentibus eodem malo, vel arthritico-spasticis insultibus adfectis.
6. In cariem dentium sæpius incidunt, qui pulueribus dentifriciis acrioribus abutuntur.
7. Item qui instrumenta metallica, vel alia, dentibus mundandis destinata improuide adhibent.
8. Quibus radices post euulsionem aut cariem dentium in gingivis remanserunt.



## V. CAUSSAE.

1. Causam odontalgiae *idiopathica* sub *differentia* iam indicavimus, nempe cariem & erosionem dentium, propter quam læsionem adfluxus humorum & hinc stasis inflammatoria contingit.
2. Causas *occasionales* & *procatareäticas* harum erosionum in *subiectis* num. 6. & 7. nominavimus.
3. Odontalgiae autem *symptomtica* causa antecedens *remota* est plethora.
4. Causa antecedens *propior* est congestio humorum versus caput, euacuationem sanguinis per nares respiciens.
5. Causa *proxima* & *immediata* est stasis sanguinis inflammatoria in vasculis sanguiferis per radicem dentium substantiam medullarem disseminata.
6. Causae *occasionales* & *procatareäticae* in *subiectis* iam indicatae sunt, ad quas natiuitatem *dentium sapientia* adhuc referimus, qui ad annum vsque vicesimum octauum procre-scere solent.
7. *Vermiculos* dentium & materiam *salso-acrem* in pathologia odontalgiae aliis relinquimus.

## VI. PROGNOSIS.

1. Odontalgia *idiopathica*, seu quæ ab erosionem & carie dentium orta est, non nisi palliativam curationem admittit, nec etiam penitus cessat, nisi dente euulso.
2. Odontalgia *symptomtica* facilius curatur. Quando autem sæpius recurrit, erosioni dentium ansam præbet, & in *idiopathicam* transmutatur,
3. In *symptomtica* interdum tumor inflammatorius insignis exoritur, qui nisi perite tractetur, facile corruptionem, exulcerationem & cariem cum excrecentiis spongiosis producere potest.
4. *Symptomtica*, quæ per hæreditatem inducta est, promptior quidem ad discussionem, quam illa, quæ a *nudis* congestionibus dependet, contumacior autem ad malum funditus extirpandum observatur.
5. Si tumor in malis oboritur, odontalgiae solutionem indicat.









6. In febribus acutis & malignis odontalgia symptomatica, cum stridore dentium contingens, mortem præſagit.
7. Dantur feminæ quædam, quibus dolor dentium certum grauiditatis ſignum præbet.
8. Ceterum quo frequentius congeſtiones verſus hæc loca contingunt, eo facilius dolor fit periodicus, & tandem hic adfectus ad Medicorum ſcandala tranſit, ita vt patientia magis, quam medicamentis, ſuperetur.

## VII. METHODVS MEDENDI ET REMEDIA.

### 1. *Odontalgia idiopathica.*

1. Caries ante omnia eſt remouenda, id quod obtinetur
  - a) vel per cauteriſationem, vt dicunt, *actualem* cum clauo ignito;
  - b) Vel *potentialem* cum ſpiritu & oleo vitrioli, ſed minus ſecure, item per oleum caryophyl. cum camphora, per oleum ceræ, rad. pyrethri, ariſtoloſch. rotund. & long eſſent. ſuccin.
- 2) Vel pro circumſtantiarum commoda ratione dens plane euellendus eſt, de qua re tabula chirurgica de *carie offi-um* fuſius dictum eſt,
- 3) Ad dolores mitigandos exhibeantur ſpecifica ſympathetica & alia e. g.
  - a) Lignum fulmine tactum,
  - b) Lignum fraxini in ſolſtitio collectum. Dens cauus hoc vel illo ligno fricatur, & lignum poſt ea reponitur.
  - c) Puluis ſympatheticus, in cuius ſolutionem lignum, denti adfrictum, immittitur.
  - d) Palliative dolorem ſedant narcotica, e. gr. philon. Rom. aqua hypnotica *Dorncrellii*, ſem. hyoſcyami cum cera denti impoſitum; quæ omnia tamen non facile in auxilium vocanda ſunt, ob periculum inde metuen- dum.
  - e) Nitrum, denti immiſſum, egregie temperat.

### 2. *Symptomatica.*

- 1) Ad orgaſmum ſanguinis contemperandum & dolorum atrociam mitigandam exhibeantur ſingulis circiter ho-



horis pulveres nitroso-temperantes, cum antimonio diaphoretico & cinnabari combinati; quibus sub regimine leniter diaphoretico ter vel quater propinatis, dolores plerumque cedunt.

2) Quodsi vero cedere recusent, addatur MP. de cynoglossa, & quidem ea proportionem, ut gr. i - ij. quælibet dosis contineat.

3) Sub horum usu *externa* non negligantur, e. g. decoctum emolliens e rad. alth. flor. chamomill. rosar. nymphææ, papau. cum lacte paratum, & calide intra os sumtum.

4) Ad stasim resoluendam & discutiendam subiungantur

a) *Interne*: lenia catarrhalia, e. g. essent. succini cum essent. alexipharm. *Stahl*i maritata.

b) *Externe camphorata*, e. g. spiritus vini camphorat. gossypio adplicatus, emplastr. *Barbette* largiter camphorat. camphora immediate adplicata. Item *decoctum* e rad. irid. Florent. aristolochiæ utriusque, summitat. organ. serpill. flor. sambuc. cum lacte paratum & dentibus sæpe calide adhibendum. Item epithema ex herb. hyssop. flor. chamomill. flor. sambuc. farina secalina, calide genis impositum.

5) *Revulsionem* ad fluxus promouent

a) *Interne* purgantia, pro diversitate temperamentorum aut causarum ordinanda, e. g.

1) *Cholericis* & biliosis rhabarbarum.

2) *Phlegmaticis* argaric. colocynth. mercur. dulc.

3) *Sanguineis* jalapp. & fol. fenn.

4) *Melancholicis* helleb. nig.

5) MP. de succin. *Craton.* ad quemlibet facile casum potest determinari.

b) *Externe.*

1) Venæ sectiones, non facile tamen in *ακμή* doloris.

2) Scarificationes, æque repetendæ.

3) Vesicatoria prope flexuram cubiti in latere adfecto adplicata. Est *indai* cuiusdam experimentum, cuius men-









mentio fit in Actis N. C. Vulgus *allium* huic flexuræ adplicat cum præsentaneo subinde leuamine.

- 4) Apophlegmatizantia stricte sic dicta, e. gr. rad. pyreth. imperat. angelic. herb. tabaci &c. masticata, & per aliquod tempus in ore detenta. Item sem. pedicular. in petia ligatum vino adusto immissum & dolenti denti impositum.
- 6) Tandem etiam *repellentia* in subsidium trahantur e. gr. tinct. laccæ, quæ subadstringit, & hinc non statim in principio adplicanda est. Sic etiam tinctura odontalgica *Mynsichti* intra os sumta, quæ satis temperata, & egregii effectus observatur. Item rad. acaciæ, ceruicariæ, vuulariæ.
- 7) Alius semper legitime succedat, cum primis si anodyna adhibentur.
- 8) In causâ scorbutica tractatur adfectus, vti scorbutus. *vid. tab. de scorbuto.*
- 9) *Præseruatiue* conducit frequens dentium a sordibus repurgatio & oris collutio.

Adsuæ venæ sectiones & laxationes non negligendæ sunt.

#### VIII. CAUTELAE ET OBSERVATIONES PRACTICAE.

1. *Sympathetica*, quæ per vulgus in hoc adfectu commendantur, plerumque dubia & incerta sunt, e. gr. *os bufonis* ab *Helmontio* commendatum, das mittlere Glied vom vordersten Fuß.
2. Nonnulla etiam plane periculosa existunt, v. g. *dens hominis phthisi defuncti*.
3. *Persicaria Paracelsi* vltèrius experimentanda est.
4. *Transplantatio* in arbores e. g. in *salices*, est quidem satis efficax, probe autem observandum est, ne arbor extirpetur: alias enim dolores pari vehementia redeunt. Ad hoc evitandum tales eligere solent arbores, ad quas difficilis hominibus conceditur aditus. Facta operatione vulnus arboris consolidandum est, es muß wieder verwachsen.
5. *Olea destillata empyreumatica*, aliaque acriora, item alumen



men & acetum destillatum, sæpe quidem leuamen adferunt, sed alius dentem erodunt, & in illæfôs etiam cariosam putredinem propagant.

6. Præter ea augent quoque *olea destillata* sanguinis feruorem, & in sanguineis adfectus erysipelaceos producunt.
7. *Vfus tabacifumantis* aduersus odontalgiam vulgo quidem commendant, cauendum autem, ne subiectis delicatulis, quæ ab hoc remedio vomitum accipiunt, obtrudatur. Hac enim ratione remedium grauius fit ipso morbo.
8. Ab *opiatis*, quæ doloribus odontalgicis mitigandis plerumque destinantur, abstinendum est, licet dolores adsint acutissimi. Leuamen enim, quod per exiguum tempus adferunt, grauioribus damnis compensant.
9. Quando *emulsio* necessaria iudicatur, cauendum est, ne hæc præsentē aliquo tumore fiat, alias grauiora incommoda inducuntur.
10. Quando dens in maxillis inferioribus residet, & per cauterisationem vel actualem vel potentialem a carie expurgatus est, cauitas illa expleri potest frustulo quodam plumbeo, ad hoc spatium explendum aptato, & sic dolor non facile recrudescit.
11. Ceterum post cibum adsumptum purgentur dentes pulvere quodam dentifricio, e coralliis, silicibus, pumice ad albedinem calcinat. parato. Item myrrha, rad. gentian. irid. Florent. mastich. sang. dracon. quæ a carie præseruant.
12. Aër humido-frigidus, abusus sacchari & instrumenta metallica excludantur.
13. Ad apophlegmatissimum cito valent oleum terebinthinæ, piper & caryophylli, si conquassantur, linteo immittuntur, oleo terebinth. immerguntur, & deinde adplicantur.
14. Quæ vero subiecta calida hæc non tolerant, sal Anglicanum in ore detinere possunt, quod successiue liquefactum dolores sedat.











## TABVLA XXVI.

DE

## OTALGIA

ET

RELIQVIS AVRIVM ADFFE-  
CTIBVS.

## I. DEFINITIO.

Otalgia est dolor aurium acutissimus, a congestionem humorum versus hæc loca & subsecuta stasi inflammatoria potissimum exoriens, & per consensum vniuersum caput, immo non raro totum corpus adfligens. Deriuatur ab *οὖς* auris, & *ἀλγέω*, dolco.

## II. DIFFERENTIA.

1. Otalgia ratione *impetus* est vel
  - 1) *vera*, quæ febriculam & inflammationem habet coniunctam; Vel
  - 2) *notha*, quæ leniore gradu adfligit, atque a febre & inflammatione libera est.
2. Præter *otalgiam* sequentes aurium adfectus adhuc occurrunt
  - 1) *Tinnitus*, qui ex deprauatione auditus in perceptione soni formatur, & cum notabili in super aurium siccitate coniunctus est.
  - 2) *Susurrus* & *pulsatio*.
  - 3) *Fluxus* aurium, vbi materia plus minus vlcerosa per aures excernitur.
  - 4) *Gravitas*, seu defectus auditus & *surditas*.

## III. SIGNA.

1. *Otalgia*:

- 1) Quando ab *inflammatione* prouenit, sentitur dolor in aure lancinans, pulsans, in concauo auris ardens, & fere



intolerabilis, ita ut nonnumquam delirium vel pathemata syncoptica inducat.

- 2) Calor, rubor & interdum tumor satis durus externe retro aures contingit.
- 3) Commotiones febriles in *vera* otalgia accedunt.
- 4) Stasis hæc inflammatoria, quando prioribus diebus non discutitur, abit in suppurationem, a qua fluxus aurium facile initium sumit.
- 5) *nottha* otalgia, in qua notabilis inflammatio non adest, per plures hebdomadas adfligere, nihilo tamen minus discuti potest.
- 6) Quando a stagnatione sanguinis vel aliorum humorum exoritur, dolor plerumque acutus, pungens ac terebrans adfligit.
- 7) Reliquorum adfectuum signa per se constant, & ex ipso nomine facile dilucescunt.

#### IV. *SUBIECTA.*

1. Aurium adfectus eueniunt præcipue *sanguineis* & *sanguineo-phlegmaticis*.
2. Qui ad rheumata & catarrhos procliues sunt.
3. Speciatim quibus *coryza* vel aliæ *evacuationes* sanguinis & feri circa caput familiares antea fuerunt, iam autem ex qualicumque causa emanent.
4. Qui inter *aërem humido-frigidum* diutius versantur.
5. Quibus excretiones in *febre* ob malum regimen fuere impeditæ.
6. Feminae sanguineo-phlegmaticæ post suppressionem vel circa finem mensium otalgia corripitur nonnumquam obferuantur.
7. Viri hæmorrhoidum suppressione laborantes.


#### V. *CAUSSAE.*

##### A. *Otalgia.*

1. Causa *antecedens* est plethora, cum dyscrasia humorum non raro coniuncta.
2. Causa *propior* est congestio humorum versus caput, hæmorrhagiam narium *eminus* respiciens.

3. Caus-















3. *Causa proxima* est inflammatio internæ membranæ meatus auditorii, nervum auditorium simul adficiens.

4. *Causæ externæ, occasionales & procatacetica* sunt

1) Lapsus rerum modo simplicium modo acriorum, rodentium, vellicantium, vermium.

2) Violenta capitis percussio & vulneratio.

3) Serosarum euacuationum consuetarum suppressio.

4) Hæmorrhagiæ naturales suppressæ, vel artificiales neglectæ.

5) Metastasis materiæ febrilis ad aures, ob minus genuinum regimen circa excretionem sudoris in febribus acutis.

#### B. *Tinnitus & susurri.*

1. *Causa interna* generalis cum otalgia conspirat.

2. Sic etiam specialis congestio & restagnatio humorum versus hæc loca contingit. Vnde aër, intra tympanum inclusus, ita agitur, & sensum talem molestum producit.

3. *Causæ externæ & occasionales.*

1) Cerumen non satis expurgatum.

2) Muscæ & alia insecta, quæ auribus sese insinuant.

3) Ebrietas.

4) Ventriculi cruditates.

#### C. *Lesiones auditus ac surditatis.*

1. Huius causæ cum præcedentibus per omnia etiam conveniunt.

2. Specialiter autem notari adhuc meretur, quod infarctus circa hæc organa suspicione veniat, transitum soni remorans & adfluxum humorum interne impediens. Dantur enim exempla, quæ capite inclinato & demisso possunt audire, erecto autem illo surda sunt.

3. Tympani flaccescencia, vel plane *lasio*, non raro etiam peccat.

4. Quibus auris externa est abscissa.

5. Qui frequenter a fortioribus sonitibus perturbantur.

6. Qui abundantia ceruminis indurati laborant. Hoc enim euacuato omnis sæpe auditus læsio est sublata. Tandem



7. quibus meatus auditorius globulis, tumore vel tuberculo est obstructus.

## VI. PROGNOSIS.

### 1. Otagia.

- 1) Otagiæ felix discussio raro obtinetur, sed plerumque ad suppurationem tendit, præcipue si tumor ille durus externe retro aurem occurrit.
- 2) Rumpitur hæc stasis inflammatoria potissimum *interius*. Quod si vero *exterius* rumpatur, maioris est momenti: tumor enim sæpius est pertundendus, & nisi efficacia mundificantia adhibeantur; metus est altioris ulcerationis.
- 3) Otagia si neque feliciter discutitur, neque ad maturationem & ruptionem peruenit, cerebrum per consensum facile adfligit, febres inflammatorias cum phreniticis quasi symptomatibus inducit, & tandem convulsionibus accedentibus morte scenam terminat.
- 4) Nonnumquam autem hæc inflammatio per discussionem soluitur: atque a suppuratione libera manet.
- 5) Iuvenes periculosius decumbunt, quam senes: sæpius enim ante septimum diem succumbunt.
- 6) Otagia gravitatem auditus non raro relinquit; præcipue quando suppuratio contingit.

### 2. Susurri & hebetudinis.

- 1) Hi adfectus expertes quidem sunt periculi, in tempore tamen illis occurrendum est, ne auditus læsiones, vel alia grauia incommoda succedant. Nam
- 2) si frequentius reuertuntur, cephalalgias, vertigines & in senioribus apoplexiam quandoque minantur.
- 3) Interdum etiam auditus læsionem post se trahunt.
- 4) Qui vero ab *externis* causis originem ducunt, illi his remotis facile tolluntur.

### 3. Tinnitus.

Vili quidem non est pependus hic adfectus, præcipue si nimis sæpe contingit, illas autem non inuoluit considerationes, quæ per vulgus de illo circumferantur.









4. *Fluxus aurium.*

1. Læsionem auditus facile inducit.

2) Quo magis in consuetudinem degenerat, eo difficilius medicationi cedit, &amp; affectus per illum inducti ægrius remouentur.

5. *Læsionis auditus.*

1) Hæc quo magis radices egit, eo difficilius in integrum restituitur.

2) In iuniore quidem ætate spes adhuc superest; in annosis autem, quibus virium energia deest, vix aliquid constantis sperare licet.

3) Multo minus, si læsio *tympani* vel aliorum organorum peccat.

4) Qui surdi nati sunt, rarissime curantur.

5) Surditas iuxta *Ettmullerum* in acutis cum vrina quidem *cruda* delirium portendit; cum vrina autem *cocta* hæmorrhagiam criticam promittit.VII. *METHODVS MEDENDI ET REMEDIA.*A. *In paroxysmo.*1. *Otalgia.*1) Staseos inflammatoriæ *discussio* ante omnia est tentanda.a) *Interne*: per essent. alexipharmac. *Stahlii* cum essent. fuscini, vel spiritu tartari mixtam, interpositis nitrosis & absorbentibus, cinnabarinis, antimonialibus fixis e. g.

Mane propinetur mixtura ex essent. alexipharmac. succin. ad gutt. XXX. Per diem autem pulueres nitroso temperantes, quibus pro moderamine doloris versus somnum gr. I. M. P. de cynoglossa immisceatur.

b) *Externe* per camphorata: nam nihil præsentius impedit suppurationem, quam camphora. Conuenit autem adplicare spiritum vini camphoratum, gossypio in aurem immittendum, vel epichema neruinum erad. irid. Florent. aristol. long. cyperi, herb. puleg. menth. flor. chamom. Roman. serpill. femin. carminatiu. cum camphora.2) *Ad-*



2) *Adfluxus* humorum ad caput simul *reuellatur*.

a) *Interne* per laxationes, easque repetendas; in quem finem M. P. de succino *Cratonis* cum paucis granis resin. ialapp. mixta, laudatur, item infusa per epicrasin.

b) *Externe* per pediluvia, frictiones, hirudines ad hæmorrhoidalia loca adplicatas, in iis, quibus suppressæ sunt hæmorrhoides; vel si necessitas exigit, venæ sectio.

3) Quam primum inflammatio & dolores paullulum *remittunt*, externe etiam locum habet adplicatio *salis volatilis sicci cum castoreo*, gossypio instituenda.

4) Vbi autem *discussio* non amplius est speranda, ibi *suppuratio* promoueat per emollientia & maturantia. Huc faciunt

a) *Emplastra* de melilot. camphor. de spermat. cetti, diaphoretic. *Mynsichti*.

b) *Cataplasmata* vel *fotus* ex rad. alth. herb. malu. chamom. branc. vrsin. flor. melilor. chamom. femin. psyll. foenugræc. lini. ficubus, croco.

5) Deinde ad apostematis *ruptionem* adhibeantur vel emplastr. mellitum, vel succus ceparum frixatarum cum melle subactus, vel manus chirurgica.

6) Denique ad apostematis *abstersionem & mundificationem* adplicentur balsamica e. g. hæc mixtura.

Recip. essent. succin. drachm. III.

myrrrh. drachm. II

spirit. terebinth. scrup. I. M.

Item succus absinth. cyclam. marrub. alb. cum melle.

2. *Susurri & fluxus aurium*.

1) Primo loco adhibeantur laxantia e gummi-resinis, e. g. amoniac. galban. extract. panchymagog. *Crollii*, M. P. de succino *Cratonis*, mercur. dulc. trochiscor. alhandal. &c.

2) Deinde propinentur *discutientia succinata*, e. gr. essent. succin. cum essent. alexipharmac. *Stahlii* remixta, ter per diem ad gutt. XXX, exhibenda,

3) Cum









3) Cum his iungantur etiam *externa*, quæ decubitus versus caput discutiunt & deriuant, ac laxitatem partium roborant. Faciunt hoc

- a) Mixtura balsamica, modo descripta, ex essent. succin. myrrh. & spirit. terebinth. Loco spiritus terebinth. fumi etiam potest oleum succini, sed paucis tantum guttulis.
- b) *Forestus* ambram & moschum in aurem cum effectu ingessit.
- c) *Salia volatilia* vrinosa cum castoreo vel camphora gossypio adplicata.
- d) Conducunt etiam *suffimigia* e gr. ex storace calamit. mastich. ture, carbonibus iniiciendo, & vaporem ope infundibuli auribus excipiendo.
- e) Porro laudantur olea carminatiua, e. g. anisi, foenicul. chamomillæ, item etiam balsam. Indicum.
- f) Pediluua ad reuellendum.

### 3. *Tinnitus.*

1) Quia in *tinnitu* notabilis aurium siccitas & calor circa caput frequenter concurrit, *humectantia* non tantum particularia, verum & quam maxime etiam vniuersalia commendantur.

- a) Pro *humectatione vniuersali* adhibeatur sufficiens & dilutus potus, item herba veronicæ reuerii folio, vel alia conueniens, in forma théæ vsurpanda.
- b) Pro *particulari* externa humectatione laudantur: oleum amygdal. amar. ouorum, ceræ; item decocta neruina, e. g. ex florib. lauendul. spic. nard. &c. cum vino vel lacte humano parata, & vaporis forma admissa. Denique etiam emulsiones cum camphora.

2) Hisce humectantibus iungantur *deriuantia*.

- a) *Interne*: laxantia superius aliquoties iam nominata, quibus helleborus niger præcipue adhuc adnumeratur.
- b) *Externe* pediluua, & loco laxantium, interne sumendorum, clysteres interdum possunt adplicari.



3) Quo magis vrget hic adfectus, & in consuetudinem degenerauit, eo magis venæ sectio in pede necessaria est; quod etiam de *susurro* obseruandum.

4. *Gravitationis auditus*, siue *surditatis*.

1) Hic eadem methodus & remedia, quæ ad *susurrum* superius commendata sunt, adhibeantur, & diu continuentur.

2) Speciatim magis hic necessaria erit *massa* illa *Stabliana*, auribus adplicanda, nempe sal quoddam volatile cum castoreo maritatum, e. g.

Recip. sal. volatil. sicc. C. C. scrup. I.

Castor. medull. electiss. gr. V. VI.

M. f. massa, de qua ciceris magnitudo gossypio involuta versus somnum auri immittatur.

3) In sanguineo-phlegmaticis, minus sensibilibus, vnica guttula de oleo succini addatur; quo casu etiam hæc formula adhiberi potest.

Recip. essent. succin. scrup. IV.

Olei chamomill. destillat. scrup. semis.

Olei succin. gutt. I. Misc.

4) *Ceramen*, vbi peccat, per humectantia, modo non spirituosâ, beneficio syringæ injecta, prius emolliatur, & deinde euacuetur.

#### B. *Extraparoxysmum*.

1. Quoniam *plethora* in hisce adfectibus tamquam causa antecedens considerata est, illius per venæ sectionem in pede æquinoctialem imminutio ad præseruandum quam maxime commendatur.


2. Quando malum a *suppressis* hæmorrhagiis, e. g. narium; mensium, hæmorrhoidum, originem sumsit, restitutionem horum fluxuum per methodum, suo loco commendatam, conuenit respicere.

3. Ad congestiones humorum versus caput præoccupandas & reuellendas commendantur

1) *Interne*: lenia purgantia, quæ quater circiter per annum repetenda sunt e. gr. extract. panchymagog. *Crollii* M. P. de









de succino *Cratonis*, addito stimulo per resin. ialapp. trochisc. alhandal.

2) *Externe pediluia, & frictions.*

4. His iungantur, quæ æqualem humorum discussionem promouent, e. g. mixtura polychresta tonico-neruina *Stahlii*, item essent. succin. cum essent. pimpinell. alb. vel cum essent. alexipharmac. *Stahlii* remixta. Horum autem usus non debet esse continuus, sed laxantibus præmissis per octo circiter dies subiunctus.

### VIII. CAUTELAE ET OBSERVATIONES PRACTICAE.

1. *Olea* destillata, nisi largiter diluta sint, nimium suscitant ardorem, immo in vehemente otalgia ad phrenesin aliquando disponunt.
2. Speciatim *oleum succini* nimis feruidum est, hinc in copia nullo modo adhiberi debet; cum aliis autem parcius mixtum roborandi efficaciam habet non contemnendam.
3. *Olea destillata graueolenta*, e. gr. laeundul. maioran. foenicul. anethi non nude, sed cum essent. succini conuenienter mixta, in his casibus usum suum exhibent; & quidem præ reliquis *oleum chamomill.* laudem meretur.
4. *Essentia succini*, quoties in his & aliis adfectibus externe usurpatur, non debet esse alcalisata, sed spiritu vini rectificatissimo simpliciter præparata.
5. Si inflammatio suppurascens rumpitur, cauendum est, ne *olea cocta* nimium usurpentur, quia inferre hac ratione possent surditatem. Quod si vero infaustus eiusmodi effectus iam productus esset, securissima & efficacissima essentia *succini* habetur.
6. In *granitate auditus*, in qua nulla organi debilitas, sed materia tantum catarrhalis ad caput redundans reperitur, sola sæpius purgantia, mediocriter fortiora, negotium exhauriunt; in quo casu helleborus niger largius cum reliquis combinandus est.
7. Si in *tinnitu* ardentes capitis dolores, immo erysipelacei adfectus, ut sæpius fit, circa hanc regionem occurrunt, usum habet vapor decocti *sabine*, auribus admissus: ca-



vendo, ne in tinnitu calida neruina & exsiccantia adhibeantur.


8. *Vesicatoria* impetum doloris quidem placant, & humores reuellunt, non raro autem illorum vsu pruritus & fluxus aurium sequitur; vnde non temere applicanda sunt. Quando autem, necessitate urgente, in subsidium vocantur, discutientia statim debent coniungi.
9. Quod de *vena sectionibus* magis præseruando, quam curando instituendis, *precedentibus tabulis* sæpe iam monuimus, illud etiam in *otalgia* obseruandum est; in reliquis autem tribus adfectibus, in quibus status paroxyzans & acutus non obseruatur, nullam adeo inuoluit considerationem.
10. *Fonticuli* in læsione auditus non ita facile in auxilium vocandi sunt; in statu autem seniorum surda stro ad applicatio illorum fere necessaria videtur, quia serum ibi abundat, & reliqua subsidia minus efficacia reperiuntur.
11. In grauitate auditus a *metastasi* materiæ febrilis, vel alia congestione exorta, vulgus vititur *urina leporis*, calide instillata; item *pane cum aromatibus* nostratibus subacto, & cocto, quem dissectum & spiritu vini conspersum calide applicat.
12. In *otalgia*, quando tumor simul in faucibus occurrit, locum habent gargarismata ex subadstringentibus, abstergentibus, temperantibus nitrosis & albo græco, cuius peculiaris est efficacia, parata. Hoc nomine conducunt rad. bistort. herb. auric. muris, saluæ, hyssop. (quæ vel sola stases sanguinis satis potenter resoluit) flor. chamomill. melilot.
13. Absint ab aurium adfectibus *cataplasmata*, licet ex discutientibus speciebus parata, præsertim vbi tumor iam diu durauit: nam humida relaxant, & ita stasim augent. Saltem vino cocta sint, si omnino illa in vsu vocare placeat.
14. *Sulphuris* vsus in læsione auditus, cum manatione materiæ tenuioris stipata, ad modum prouide admittendus est,















est, corpore nempe bene mundato, ne vlcerosum quidquam in teneris partibus ad interiora pellatur, & graua paralytodea, aut apoplectica mala producantur.

15. Senes, auditus grauitate laborantes, auxilium interdum impetrant a repetitis euacuationibus iusto tempore institutis, & temperatis discutientibus subiunctis.

## TABVLA XXVII. DE VERTIGINE.

### I. DEFINITIO.

Vertigo est perturbatio phantasie seu imaginationis, quæ rotationem modo in ipsis ægris, modo in obiectis externis inuoluit, & a causis siue physicis, siue moralibus, siue ex utrisque mixtis originem ducit.

### II. DIFFERENTIA.

1. Vertiginem quando in *sanguineam* & *phlegmaticam* diuidunt, differentiam potius subiectorum & temperamentorum, quam causarum putant.
2. Ratione autem causarum vertigo est
  - 1) *vel idiopathica*, quæ plerumque a plethora, eaque commota, rarius a sanguinis depletionem dependet:
  - 2) *vel symptomatica*, ubi vitium primarum viarum potissimum accusandum est.
3. Vertigo tres habet gradus.
  - 1) *Mitior* simplicem tantum *rotationem* oculis offert, id est, obiecta quæuis turbine quasi continuo repræsentat.
  - 2) *Elatior* est, qui obiecta oculis *nigra* & *tenebricosa* per gyrum mentitur. Græce dicitur *scotodinia*, a *σκοτος*, tenebræ & *δίνη* aquarum vortex.
  - 3) *Summus* gradus graue illud symptoma addit, ut ægri in



terram procidere cogantur. Vnde vertigo *caduca* appellatur.

#### 4. Ratione *durationis*.

- 1) Alia est quasi *continua*, per plures nempe dies, immo hebdomadas, adfligens, nec citra medicationem facile cedens. Huc referri potest vertigo *habitualis*.
- 2) Alia est *periodica*, quæ certis anni temporibus recurrit, & quia ultra consuetas horas & dies non adfligit, *temporaria* quoque vocatur.

### III. SIGNA.

Hæc e differentia graduum partim, partim e sequentibus patescunt.

1. In causa *sanguinea* præceps sæpe & transitoria visus obnubilatio oritur; concurrente aurium susurru & obiectorum externorum gyratione.
2. Hoc quidem præcipue contingit, quando caput terram versus inclinatum erigere ægri intendunt; dantur autem, quibus sine capitis inclinatione hæc contingere solent.
3. Conspirant vasorum capitis inflationes & rubor faciei; nisi quidem a nimia sanguinis depletione vertigo orta fuerit.
4. In non nullis concurrunt punctiones quasi per transuersum caput adfligentes.
5. Hæc oculorum obnubilatio & reliqua symptomata in aliquibus ita inualescunt, vt pedes officii sui immemores vacillent, ægrique in terram prolabantur. Actum quidem apud plerosque vertigo facile transit. Qua de causa sedentibus iam aut decumbentibus nil harum molestiarum euenire solet.
6. In illa autem vertigine, quæ e vitio *primarum viarum* per consensum prouenit, insignes circa ventriculum alterationes obseruantur, nausea scilicet instante prandii hora, pathemata cardialgica & flatulenta.

### IV. SUBIECTA.

Vertigini præaliis obnoxii sunt

1. Homines plethorici, de plena diata gaudentes & a laboribus corporis alieni.

2. Lit-









2. Litterati, qui phantasmam & memoriam nimis fatigant, cum primis, quando studia anxio quodam desiderio tractant.
3. Qui sunt temperamenti sanguineo-melancholici.
4. Seniores præ iunioribus.
5. Quibus euacuationes sanguinis naturales rite & sufficienter antea successerunt, iam vero quacumque de causa suppressæ sunt, aut parcius fluunt.
6. Qui euacuationes artificiales, tam sanguineas, e.c. venæ sectiones, scarificationes, hirudinum applicationem: quam ferofas, ut sunt sudores nocturni, & laxationes antea consuetas neglexerunt.
7. Qui hæmorrhagias narium, & hæmorrhoides nimias passi sunt: nes non feminæ hystericæ, quarum vires fluxus diuturnior exhaust.
8. Quibus vires per morbos admodum attritæ sunt. Raro enim æger a grauiori morbo restitutus, sine vertiginis molestia per hypocausta primis diebus, ambulare potis est.
9. Qui tabaci fumo præter consuetudinem assuescere satagunt.
10. Qui aliorum sermones aut querelas nimis diu & attente audiunt, animi vires eo ipso intendunt, & præmeditate respondent.
11. Qui olim in capite grauius læsi sunt.
12. Qui cibum aliquando solito largius, præcipue post ieiunium insuetum adsumunt.
13. In primis *cacostomachi*: alii quidem ventriculo vacuo, alii autem, quando cibum vel potum sumserunt.

## V. CAUSSAE.

1. In eruenda causa vertiginis multi quidem ingenii sui vires exercuerunt, neque tamen rem ita confecerunt, ac si aliis, in perscrutanda & explicanda vera vertiginis causa, nihil remansisset negotii.
2. Veterum opiniones, de spiritibus flatuosis; humoribus a calore in vapores resolutis; de ataxia & distortis spirituum animalium vis; de descensu spiritus animalis ad oculum, & motu ante humorem crystallinum quasi saltatorio; eo minus hic erunt at-



tendendæ, quò certius est, eas omnes infirmo niti fundamento, ac ne veri quidem habere similitudinem.

3. Longe feliciores hac in re fuerunt recentiores, qui plethoram & specialem sanguinis versus caput directionem, causam vertiginis esse tradiderunt, minime tamen omne negotium exhauserunt: cum vertigine affici videamus tales, qui minus plethorici, sed humoribus potius valde exhausti sunt. Cuius phænomeni ratio neutiquam reddi potest, nisi in subsidium vocetur tamquam hypothesi, illa sententia, quæ non ita pridem in Actis medicorum Berolinensium cum publico communicata est; quod *nerui* nimirum non *ex cerebro* sed meningibus suum trahant ortum. Nam cerebri ac medullæ spinalis substantia mollis ac humida ex sua natura ad aliquam tensionem inepta est: meninges vero & *nerui* tamquam corpora duriora, sunt motus tonici perquam capaces. Quando enim e cerebro egrediuntur, formato prius ganglio, medullaris substantiæ amittunt consistentiam, ac in progressu firmi fiunt & duri, meningibus circumuestiti, ut functiones illas, quibus, tamquam sensus & motus instrumenta, dicati sunt, apte subire possint. Bene ergo suo iam tempore iudicauit *Iul. Cas. Claudinus*, scribens: *cerebrum sentit non ratione sui, sed ratione membranarum quibus inuoluitur.* Ut *diffensum*, qui inter principes anatomicos de *neruor. origine*, viget, nunc non attingamus. Huius sententiæ vberiore evolutionem vide in *dissertatione nostra, de vertigine.* Quibus præmissis ad ipsas tandem accedimus causas vertiginis & quidem

- 1) *idiopathica illius, ubi sanguinis vrget abundantia.*
  - a) *Causa materialis antecedens remota* plethora est, cum spissitudine sæpius coniuncta.
  - b) *Causa propior* est congestio sanguinis versus caput.
  - c) *Causa proxima & immediata* est infarctus seu stagnatio sanguinis, vasa capitis moleste distendens.
  - d) *Causa instrumentalis* sunt ipsæ meninges & inde exorientes *nerui*.

e) *Caus-*









e) *Causa formalis*

1. est tremulus nervorum motus, qui a spastico meningum renisu exoritur. Wenn man an den Stamm schlägt, so zittern die Nerven. Sic etiam renisus ille & tonico-spastica coarctatio, in meningibus suscepta, nervos tamquam ramusculos e meningibus ortos, & in his nervum præcipue opticum in tremulum concitat motum, qui tunicis atque humoribus oculorum communicatus talem efficere potest motum, ut imago subiecti per gyrum moveri videatur, in primis cum objecta in statu vertiginis numquam in linea recta se repræsentare sciamus.
2. Interea hoc formale mechanicum non simpliciter ut mechanicum, sed ordinatum organicum consideramus, & pro causa efficiente horum motuum principium quoddam sapiens & dirigens agnoscimus; videlicet ipsa natura per hunc renisum spasticum humorum stasim & molestant vasorum distensionem auertere intendit.

2) *Idiopathica, ubi sanguinis manifesta est depletio vel defectus.*a) *Humorum depletio & consumtio fit vel per hæmorrhagias*

1. *naturales* e. g., per nares, pulmones, ventriculum, renes, hæmorrhoides, menses, lochia, abortus.
2. *artificiales*, per prodigam venæ sectionem, quo etiam violentæ læsiones præcipue spectant.
3. vel per sanguinis in serum resolutiones; quis enim nescit corporis per grauiore morbos consumtionem?

b) *Causam instrumentalem & formalem* itidem hic agnoscimus motum meningum & nervorum tremulum.c) Sic etiam *causa efficiens* eadem hic considerata est. Iustissimam enim natura habet causam, ut humoribus amissis, & motu tonico deficiente, per eiusmodi contractionem meningum, vasorum collapsum præpedire & æqualem tonum restaurare nitatur.



d) *Causse occasionales.*


1. Refrigeratio pedum corpore calente.
2. Abusus vini & spirituosorum.
3. Commoratio ad mustum fermentans.
4. Halitus carbonum ardentium.
5. Odor suaueolentium in subiectis sensibilibioribus.
6. Motus gyratorius, in ducendis choreis.
7. Prospectus in præcipitia.
8. Adspectus rerum per gyrum motarum, aquarum vorticofarum.
9. Sessio in anteriori currus parte, wenn man rückwärts sitzend gefahren wird.
10. Strepitus fortior, vel instrumentis musicis, vel vociferationibus excitatus.
11. Commoratio in auralibera, in subiectis ultimæ sensibilitatis.
12. Sanguinis circa vasa venæ portæ impeditior circulatio, quæ occasionalis ratio certo sensu etiam ad symptomaticam referri potest. Quæ porro ad causas occasionales referendæ essent, opportune supra indicauimus in designatione subiectorum, quæ vertigini præcipue sunt obnoxia.

3) *Symptomatica.*

Huius causse sunt

- a) Cruditas primarum viarum, a concoctionis vitio inducta.
- b) Rigida partium membranofarum distensio circa ventriculum a flatibus incarceratis.
- c) Connexio & consensus capitis cum ventriculo, qui ob par octauum perquam notabilis est.
- 4) Quamuis autem vertiginis causam in certis quibusdam materiis posuerimus e. g. in sanguinis abundantia, defectu, spissitudine circa venam portæ, & vitiis primarum viarum: docet tamen experientia, dari nonnumquam vertiginem sine causis hisce materialibus, vbi in  
mo-









moralibus rationibus vnice est acquiescendum, præcipue autem in consuetudine & sensibilitate.

## VI. PROGNOSIS.

1. Vertigo *symptomtica* a stomachi vitio præueniens, crebrius quidem occurrit, quam idiopathica, hæc tamen longe periculosior est illa.
2. Imperitiæ indicium est, quibuslibet vertiginosis, sine discrimine ætatis, apoplexiæ insecuturæ prognosin formare: iunioribus enim triginta annos nondum egressis, a *periculosa* quoque vertiginis specie nulla imminet apoplexia: nisi vita simul nimis sedentaria aut ingentes animi commotiones accedant.
3. His potius *valde plethoricis*, ex inualecente vertigine facilius conuulsiones exoriuntur: iidem etiam si subito & cum vehementia corripuntur vertiginosi, in epilepsiam plane incidere possunt.
4. Quo magis cephalalgia cum vertigine in senioribus complicata est, eo facilius febres inflammatoriæ, vel affectus arthritico-spastici in superioribus partibus; vel apoplexia sanguinea accidere possunt.
5. Symptomtica vertigo cum sensibili flatulentia, nausea & cardialgia coniuncta, maxime si tempore instantis cibi assumendi contingat, nullum quidem portendit periculum; senioribus tamen, progrediente tempore, causa occasionalis fieri potest adparatum apoplecticorum.
6. Vertigo consensualis hypochondriacorum aut hysteriarum, quarum menses iamdum cessarunt, fit ob defectum sufficientis motus, ab his subiectis non facile obtinendi, plerumque habitualis & difficile curabilis.
7. Vertigo solis topicis non curatur: facilius contra euanescit post hæmorrhagiam narium, hæmorrhoidum & mensium eruptionem sufficientem, nec non repetitas venæ sectiones.
8. Vertiginosi plethorici, hæmophobi, si venæ sectionem pertinaciter auersantur, ob hoc morale impedimentum curari vix possunt.



## VII. METHODVS MEDENDI ET REMEDIA.

## A. In paroxysmo.

Vertigo, etiam idiopathica dicta, est tantum symptoma alterius affectus, quo sublato etiam ipsa cessat: vnde ventilatio sanguinis & euacuatio ventriculi vniuersum ferre negotium absoluit.

## 1. In vertigine idiopathica, ubi sanguinis urget abundantia,

a) exhibeantur primo loco blandiora laxantia ad reuclendos humores versus caput congestos. In hunc finem egregie conducunt

1. Helleborina: nempe extractum hellebori nigri cum aliis conuenientibus mixtum, vel essentia illius methodo Stahlianæ parata.

2. Gummi-resinæ: e. g. gummi ammoniacum cum aceto squillitico solutum.

3. Extractum panchymagogum Crollii.

4. MP. de succino Cratonis.

b) Quæ laxantia in progressu medicationis, si opus est, subinde repetantur, & alius quouis modo laxa seruetur.

c) Post laxationem pediluua conueniunt, quæ aliquoties repeti debent.

d) Subiungatur deinde venæ sectio in pede, quæ iteratis vicibus celebranda est, cum consueta æquinoctialis vel altera hic neutiquam sufficiat, vt nuper demonstrauit Doctiss. D. Dan. Abrab. Hancke in peculiari scripto, quod tamquam appendicem dissertationis inauguralis, de frequente venæ sectione in regionibus frigidis, germanice edidit Hafniæ 1732.

e) Interponantur nitrosa temperantia & cinnabarina.

f) Et simul in subsidium vocentur externa ad discussionem infarctus promouendam. In hunc finem laudantur

1. Camphorata: e. g. spiritus vini camphoratus vertici & temporibus applicatus.


2. Salia volatilia odore adhibita, quæ blandam strictionem
















auram partibus membranosis inducunt, atque hac ratione discussionem promouent.

3. Ad reuulsionem conducunt frictiones pedum cum sale & aceto; item ligaturæ partium extremarum.

g) Denique *tonica* subiungantur, ad partes affectas iterum roborandas, e. g. MR. polychresta tonico-neruina *Stahlii*.

h) Diætā tenuis & eupeptā; potus dilutus & temperatus.

i) Quæ vertigini velificare vllō modo possent, caueantur.

k) Affectus animi, sanitatis turbatores, coërceantur & remedia commendata superius, prout postulat necessitas, subinde repetantur.

2. In vertigine idiopathica, ubi manifesta est depletio seu sanguinis defectus,

a) Propinentur bene nutrientia, gelatinosa, euchyla; interpositis analepticis temperatis.

b) Partium tonum restituentia.

c) Animus a curis & intensis meditationibus liber sit.

d) Ab ira, metu, solitudine æger abstineat, & quidquid animi ægritudine clam adficere potest, serio vitet.

3. Vbi sola subest moralis causa seu falsa æstimatio, quæ opinionis errore facile sibi pericula fingere adeoque causam vertiginis constituere vnice potest, ibi æstimationem corrigentibus opus est:

a) habitus nempe contrarius inducendus.

b) obiecta hætenus reformidata sæpius vsurpanda oculis.

c) Occasiones, quæ alias ad vertiginem leui opera disposuerunt, crebro arripiendæ, vt iis adsueti vertiginosi aliter sentire discant; omnisque metus, qui turbatæ imaginationis origo est, penitus euanescat.

4. In vertigine symptomatica

a) Corrigantur cruditates primarum viarum per salia digestiua.



## b) præparatæ &amp; correctæ expurgentur

1. per vomitum, vbi nihil contra indicat, e. gr. Recipe tart. emet. gr. iij. tart. vitriolat. gr. X. misce.
2. vel per laxationes cum epicrasi.

c) deinde versus tempus ciborum assumendorum propinentur *stomachica* & intestinorum tonum roborantia. Commendantur in hanc finem

1. pulvis stomachicus Birckmanni & Quercetani.
2. acorus, zingiber & condit.
3. essentia cortic. aurantiorum.
4. essentia absinthii composita cum TR. vitrioli martis Lud. maritata.
5. essentia carminativa amara e rad. ari, gentianæ rub. imperatoriæ, zedoariæ, herb. tanaceti, cent. min. parata.
6. diætâ moderate aromatica & vinosa.
7. præcipue etiam semen sinapi & coriandri aceto correctum, mane sumenda laudantur, quia fermentationi stomachi egregie succurrunt.

B. *Extra paroxysmum.*1) *In vertigine idiopathica*a) *plethora imminuatur*

1. per venæ sectiones, non æquinôctiales solum, sed extra hos terminos sæpius reiterandas.
2. per reuocationem suppressarum hæmorrhagiarum.
3. per blandas laxationes.


## b) nimia memoriæ fatigatio præcaueatur, motus aurem voluntarius continuetur: idque tanto magis, si ob hæmophobiam ægrotantes renuant venæ sectionem.

## c) transpiratio quouis modo promoueatur.

2) *In vertigine symptomatica*

*Qualitas sanguinis spissior* corrigatur, per infusa ex herbis antiscorbuticis & radicibus alexipharmaco-diureticis, cum laxantibus, præcipue helleboro nigro coniunctis; quibus salium digestiuorum conti-









continuatio accedat. Pedes ceterum recti & blando calore semper foueantur.

# VIII. CAUTELÆ ET OBSERVATIONES PRACTICÆ.

1. Vbi grauius malum metuendum est, non permittit tempus methodum *tardiores*, supra indicatam, obseruare, sed illo casu *clysm*a stimulan exhibere, & statim deinde venæ sectionem in pede instituere.
2. Si flatulenta ventriculi distensio subsit, a vomitu abstrahendum est: facile enim flatulentia anoterica habitualis inducitur, & anxietates augentur.
3. Conuenit potius in tali casu materiam digerere, mobilem reddere & per laxantia euacuare. Ad materiam digerendam, præter salia digestiua, adhuc commendantur: rad. enulæ, irid. florent. aristoloch. long. raphani, herbæ amaræ, & incidentes, e. g. absinth. cent. min. & antiscorbuticæ, item gummata.
4. Formulæ *pilularum* in subiectis melancholicis non adeo commode operantur, præstat igitur *liquidas* in illis adhibere.
5. *Gummi ammoniacum* cum aceto squillitico solutum, ingrati quidem saporis, sed egregiæ virtutis est, ad sordes primarum viarum abstergendas.
6. Venæ sectio, si alio nondum aperta instituitur, præposterum edit effectum, nempe congestionem *particularem* facile in commotionem *vniversalem* transmutat, id est, cephalalgia vertiginosa in febrem traducitur.
7. *Cucupha* in speciebus ita dictis cephalico-neruinis odoratio-ribus, quæ ad vertiginem arcendam, & ad memoriam confortandam vulgo solent applicari, plus perturbatio-nis, maxime plethoricis, adferunt, quam leuaminis exoptati.
8. In phlegmaticis autem frigidis vsui esse possunt, sed discre-tio vertiginis idiopathicæ a symptomatica valde necessa-ria est: in hunc finem conducunt rad. irid. florent. bry-on. cyper. rotund. herb. hyssop. summitat. serpilli, sem. fœnic. carv. camph.



9. Cautè etiam adhibenda sunt aromatica, odorifera, balsamica, volatilia, ne per vsum illorum malum potius augeatur, quam minuatur.
10. Pediluua sub methodo laudauimus, magis tamen vsum habent, vbi vertigo e redundantia sanguinis versus caput contingit, quam in caussis vitii primarum viarum.
11. Cum vertigine conspirat familiariter memoriæ debilitas, cui autem simul occurritur, si vertigo per methodum commendatam remouetur.
12. Ceterum quia nemo facile sanus *anxie* vomit, quin simul vertigine quadam corripiatur, hæ circumstantiæ nullo modo cum genuinis vertiginosis affectibus confundendæ sunt.

## TABVLA XXVIII.

DE

# CORYZA, GRAVEDINE ET PHLEGMATORRHAGIA.


## I. DEFINITIO.

1. *Coryza* est adfectus catarrhalis, qui excretionem seroso-mucida modo benigniore, modo acriore, per nares & sæpius etiam per fauces sese manifestans plerumque cum sternutatione coniunctus est, & a compressoria restrictione humorum versus caput maximam partem originem ducit. Deriuatur a *κορυζαίω*, grauedine laboro.
2. *Grauedo*, secundum receptam distinctionem, est adfectus itidem catarrhalis, qui nulla quidem perruptione materiæ serosæ, maiore autem illius congestione & stagnatione ad nares & partes vicinas manifestus, atque hinc maioribus etiam incommodis stipatus est.

3. *Phleg-*









3. *Phlegmatorrhagia* est verus continuus fluxus seu stillicidium limpidi phlegmatis e naribus, qui itidem a congestione humorum versus caput, haemorrhagiam narium respiciente, originem ducit.

## II. DIFFERENTIA.

1. Catarrhorum praecipuae species sunt coryza, grauedo, phlegmatorrhagia, raucedo, tussis & catarrhus suffocatiuus. De coryza, grauedine & phlegmatorrhagia hac, de reliquis autem speciebus aliis tabulis agemus.
2. Vulgus quidem aliam adhuc speciem adcusat, nempe catarrhi lapsus in stomachum, es sey ihnen ein Fluß in den Magen gefallen; est autem consensualis tantum molestia, a faucium catarrhali incommodo, seu veteribus dicto *branche*, circa orificium oesophagi & ductum illius vna conueniens.
3. Liceat hic paucis indicare differentiam *catarrhi a rheumate*, ad evitandam vulgarem confusionem.
  - a) Rheuma plus sanguinis stricte dicti inuoluit, quam catarrhus, qui seroso-mucidae magis est crasseos.
  - b) Rheuma febriculam qualemcumque semper habet comitem, quae tanto fortior & acrior est, quanto plus sanguinea substantia altius ad partes seriferas diffunditur, cui congestioni rheumaticae aliquando otalgia cum vel sine parotidum dura inflatione superuenit; catarrhus autem simplex nulla febre stipatus est, sed cum demum eandem habet comitem, quando sanguineae portiones his stasibus accedunt, & corruptionis periculum minantur. *conf. tab. de febre catarrhali benigna.*
  - c) Rheuma ad exitum non peruenit, sed dolore premente, tendente, immo interdum lancinante ac fremebundo percellit; in catarrho autem materia seroso-mucida excernitur. *conf. etiam differentia tab. de rheumatismo.*
4. *Coryza*, est vel recens & transitoria, vel habitualis.
5. Vel vaga, vel periodica, circa certa anni tempora eueniens.
6. Differentia *coryzae, grauedinis & phlegmatorrhagiae* ex definitionibus elucescit.



## III. SIGNA.

1. *Coryza.*

- 1) Præcedunt pruritus & sternutationes, quæ, vt hanc humiditatem immobiliorem reddant fluidam, inseruiunt.
- 2) Concurrent torpor animi, somnolentia sensuum exteriorum, nempe gustus, visus, auditus & olfactus qualiscumque hebetior conditio.
- 3) Interdum ipsa grauedo coryzæ prodromus est.
- 4) Subsequitur excretio materiæ seroso-mucidæ, per nares, fauces, & subinde etiam per oculos.
- 5) Quo tenuior & acrior est hæc catarrhalis materia, eo magis adficit illa loca, per quæ excernitur, ita vt sæpius leviter illa arrodantur, & ardoris sensu infestentur.
- 6) Aluus ordinarie est clausa, vrina pauca & sudor suppressus.
- 7) Aliquando tussis cum rauedine coniuncta est, præ primis si magna quantitas materiæ serosæ acris ad fauces pellitur.

2. *Grauedinis.*

- 1) Temulenta & adgrauans capitis afflictio.
- 2) Dolores prementes, tendentes, frementes, immo pungentes & vrentes, a summitate quasi capitis, quam occupant, ad occiput, & in primis ad ipsos vsque processus mastoideos se se extendentes.
- 3) Vasa notabiliter rurgent.
- 4) Concurrit sitis cum oris siccitate.
- 5) Somnus est inquietus.
- 6) Pectus etiam in consensum trahitur, & oppletione quadam grauante occupatur.
- 7) Grauedo, quæ diutius durat, non solum sensibus exterioris, quod familiare est, verum etiam adpetitui incommoda quædam adfert.
- 8) Non nulli, si intensior est adfectus, modo horrores, modo æstus vagos, præfertim aëre frigido-humido, perferunt.

3. *Pblegmatorrhagia.*

1) Præ-









- 1) Præcedunt congestiones ad caput, molestæ per sensum oppletionis, grauitatis & pressionis.
- 2) Succedit stillicidium limpidi phlegmatis per nares, quod post effluxum plurium guttularum sponte sua iterum cessat.
- 3) Coniunctus etiam est sensus grauitatis circa oculos & radicem nasi.

#### IV. SVBIECTA.

1. Ætas infantilis, præcipue si transpiratio suppressa vel, secundum *Riuerii* obseruationem, vrinæ excretio in illis non succedit.
2. Puerilis ætas, multa lymphæ saliali abundans.
3. Præcipue etiam *præuocior* ætas, quæ, ob sanguinem inertiores, sinceris hæmorrhagiis non magis par est.
4. Temperamentum in primis phlegmaticum, vel sanguineo-phlegmaticum, plethorici.
5. Sexus sequior præ virili.
6. Homines otiosi, lautæ diætæ dediti, sommolenti.
7. Qui frequentiori eius modi euacuationi adsueti sunt; præcipue ex *interna* dispositione. Hanc enim magis hic respicere conuenit, quam accidentales & externas occasiones, ab intemperie aëris humido-frigidi dependentes.
8. Adulti etiam & viri, qui congestionibus versus caput sine succedente hæmorrhagia adhuc obnoxii sunt.

#### V. CAUSÆ.

1. Quæ scena in hæmorrhagia narium, illa etiam in coryza luditur: huius enim caussa primaria etiam est congestio sanguinis versus caput, hæmorrhagiæ narium destinata.
2. Huic adserto non repugnat, quod coryza per aliquot dies duret: nam hæmorrhagiæ narium satis est familiare, vt non vnica semper eruptione absoluitur, sed per aliquot sæpe dies repetitis successibus continet.
3. Hinc coryza pro *accidentali* tantum euentu hæmorrhagiæ, cui proprie destinata fuit congestio, habenda est. Quoniam enim in talibus subiectis sanguis, stricte dictus, cum tenui abundante sero sufficienter non subactus est, atque ob hanc causam crassa rubicunda portio vltius progredi non valet: tum euenit, vt tenuior solum pars excernatur,



& quidem satis subinde copiose; de qua re notabile exemplum apud *Salmuthum* reperitur.

4. *Arrestatione passiva*, nempe detentione humorum ferro-lymphalium intra & circa glandulas, tamquam illorum colatoria, aliquando quidem coryzam prouenire posse, non negatur, sed hoc rarissime.
5. *Causæ externa & occasionales.*
  - 1) Euacuationes catharticae, consuetæ, suppressæ, naturales.
  - 2) Artificiales, circa æquinotia celebrari solitæ, neglectæ.
  - 3) Aër humido-frigidus, immo etiam humido-caldus, cum repentina refrigeratione permutatus.
  - 4) Crebriores crapulae, secundum prouerbum: *Güsse macht den Stülße.*
  - 5) Vñsus herbæ nicotianæ, antea frequens, iam simul & semel abrogatus, & abusus pulueris sternutatorii.
  - 6) Omne illud, quod transpirationem naturalem impedire solet.
  7. Suppressio vrinae secundum *Rixerium*.
  - 8) Qui veneris abusu vigore sanguinis spoliati sunt.
6. Tandem de *sternutationis* causa non nulla adiicienda sunt.
  - 1) *Hippocrates & Aristoteles* statuerunt, non tantum aërem, sed & serum illud viscidum, quod sternutando excutitur, prouenire ex *cerebro* per ossis ethmoidei poros ad nares. Quum vero ob viarum angustiam sponte sua id fieri non posse animaduertent, a *cerebri contractione* impetum hunc deriuabant.
  - 2) Recentiores hunc errorem detexerunt, & sternutationem pro actione *thoracis* ex principiis anatomicis & mechanicis iustius declararunt. Eo autem redit sententia, quod aër, qui per inspirationem ad pulmonum cellulas transmissus est, & ordinarie blande iterum emittitur, hic per violentum *thoracis* & in primis *diaphragmatis* motum vno actu impetuose explodatur, & ab hac forti explosione aëris, ex amplo pulmonum spatio in angustam tracheam & narium foramina protrusi & percussii, *sonus* ille & *strepitus* importunus proueniat.
  - 3) Sic de formali mechanico & de causis *instrumentalibus* bene















bene quidem iudicant; quando autem de causa efficien-  
te huius impetuosi motus dicunt, solas materias acres,  
quæ fibras narium nerveo-membranaceas vellicent,  
adculant. Sed uti manca est hæc pathologia, ita mo-  
tum hunc rationalem omni iure tribuimus principio  
cuidam rationali, quod *propter* materiam, siue *acrimo-  
nia*, siue *spissitudine*, siue alia ratione molestant, vehe-  
mentissimum hunc laborem resolutionis, discussionis  
& expulsionis suscipit.

## VI. PROGNOSIS.

1. Simplex tam coryza, quam grauedo parum in recessu ha-  
bent periculi, & quando certis temporibus, in primis cir-  
ca æquinoclia, recurrunt, salutares sunt, & a multis serosis  
capitis adfectibus præseruant.
2. Immo ipsa etiam habitualis horum adfectuum sedes, si æ-  
tas & reliqua constitutio adhuc vegeta est, directum  
periculum non adfert. Interea tamen *chronica* hæc co-  
ryza *olfactum* facile lædit.
3. In *annosioribus* autem & *effætis* aliter se res habet: in illis e-  
nim perpetuus hic copiosus adpulsus ad caput & fauces  
vertiginosa, apoplectica, hemiplectica, paralytica consecuta-  
ria tandem inducit; vel adfectus asthmatici & catarrhi  
suffocatiui oriuntur, si decubitus huius materiæ acris ad  
pulmones contingit; quo intuitu etiam in *iunioribus*  
phthifica exulceratio produci potest.
4. Coryzæ nonnumquam superuenit febris catarrhalis, quæ  
infantibus periculosior esse obseruatur. *Conf. tab. de fe-  
bre catarrhali benigna.*

## VII. METHODVS MEDENDI ET REMEDIA.

Rarissime quidem contingit, ut ægri, coryza, grauedine aut  
phlegmatorrhagia laborantes, Medici consilium quæ-  
rant; quod si tamen omnino hoc fieret, sequente mo-  
do incedendum est.

1. Iusta & necessaria *euacuatio* in *grauedine* promoueatur.
2. Euacuationi per hæc loca *alia* conuenientior substituatur,  
& hac ratione coryza auertatur & intercipiatur.
3. Ad primam indicationem quod attinet, adhibeantur in gra-



vedine vel lenia *ptarmico-errhina* e. g. herb. maioran. betonie. thym. serpill. flor. lauendul. lilior. conuall. &c. vel odor *salium volatilium* vrinosorum naribus excipiat: ita enim facile resoluitur, saltem ad fluxilitatem reducitur mucida illa substantia, quæ tensionem & infarctum pepererat.

4. *Secundæ* indicationi vt satis fiat, præscribantur circa æquinoctia laxantia, venæ sectiones in pede, & pro re nata scarificationes.
5. Subiungantur lenia diaphoretica & diuretica. Hic præcipue laudem merentur tinct. antimonii cum ess. succini & alexiph. *Stahlii* mixta, coniuncto moderato regimine.
6. Medicatio *curatiua* non quidem requiritur, conueniunt autem lenes laxationes & lenia catarrhalia, ex quibus nominamus M.P. de succino *Cratonis*, extract. helleb. nigr. mercur. dulc. essent. alexiph. succini, quorum vsus cum leni diaphoresi coniunctus esse debet.
7. In *nimis copioso* autem effluxu catarrhali, præmissis laxantibus & diapnoicis, vna vel altera exigua dosi M.P. de cynogl. cum puluere quodam tonico & cinnabarino mixta, exhibeatur. Pro scopo tonico conducit præcipue pulvis & essent. cascarillæ.
8. In coryza *acriore*, in primis illa, quæ cum sensibili dolore capitis iuncta est, vsus camphoræ externus e. gr. mixtura ex spiritu vini camph. salis armoniac. lilior. conuall. rosar. & essent. croc. vertici & fronti adplicata, multum leuaminis adfert.
9. Denique *præseruatiue* adhuc commendantur:
  - 1) Mixtura tonico-neruina *Stahlii*, quæ egregiæ hic est efficaciæ.
  - 2) Venæ sectiones & scarificationes versus æquinoctia præfertim in plethoricis & adfuetis, instituendas, superius iam nominauimus.
  - 3) Alui debitus successus.
  - 4) Modestus vsus pediluuiorum.

#### VIII. CAUTELE ET OBSERVATIONES PRACTICAE.

1. *Deckerus* in notis ad praxin *Barbette* insignem efficaciam vaporis turis, aceti & similium adscribit; sed cauendum est,









est, ne ad repellendum potius, aut mucum illum restagnantem in altiore carcerem detrudendum, talia remedia inseruiant, & hoc casu periculosa pathemata producantur.

2. Minime omnium nudi tales repulsus in *grauedine habituali*, sæpius recurrente, tolerantur.
3. In hac parum etiam efficiunt ipsa *volatilia* & *ptarmico-errhina*; immo frequens & quotidianus *ptarmico-errhinorum* vsus adfluxum copiosius inuitat, & homines habitualibus eius modi catarrhis obnoxios reddit.
4. Idem præstat *fumus tabaci* multum vsurpatus. Qui vero horum vtrorumque vsui adsueuerunt, non possunt, quin eidem, sed intra limites subsistendo, rursus se se submittant.
5. Sic etiam *salia volatilia urinosa* in coryza acriore & tenuiore adfluxum, saltem ruboris & pruritus passionem circa radicem narium intendunt, & grauedinis valde molestum sensum ibidem gignunt; cui potius *nitrosæ collutionibus*, modeste vsurpandis, succurritur. In coryza autem *mucosa* & *grauedinosæ* externe non reiicienda sunt volatilia urinosa; si quidem, quod nimium est, quodque caput & memoriam debilitat, euitemus.
6. A remediis externis *subacidis* & *adstringentibus* in coryza abstinendum est.
7. In coryza præcipue *acriore*, & speciatim *contagiosa*, præmissa leni laxatione, vsus alexipharmacorum temperatorum & nitroforum egregie conuenit; in *simpliciore* vero, præsertim ad habitum iam propendente, eximii vsus est ess. fuccini, siue sola, siue cum essent. lignorum, & præcipue essent. ligni *sassafras*, combinata.
8. *Succini* circa collum gestatio cui vmquam vere profuerit, non constat: licet enim globuli pellucidi, ab eius modi catarrhosis gestati, obscuritatem, quem ad modum corallia pallorem aliquando præbeant, hoc tamen sine villo aegri leuamine vtriusque euenire obseruatur.
9. *Fonticuli* & *setacea* possunt quidem fluxus tales catarrhales  
inter-



interdum intercipere, praesertim in iunioribus, plura autem incommoda hoc tentamen premunt.

- 1) Saepius sine ullo effectu adhibentur.
- 2) Raro diu iuuant, licet fomiculi continuentur & fetacea repetantur.
- 3) Non continuata antiquum incommodum grauius reuocant, immo grauiora alia pathemata introducunt.
- 4) Aetati iuniori debilitationes fomiculi plerumque conciliant.
- 5) Quibus pensitatis elucescit, quod remedium grauius & molestius sit ipso morbo.
10. *Thermarum* vsus si praegressis debitis euacuationibus proportionate instituitur, non quidem inefficax est, magis autem in praesens, quam pro vniuerso malo constanter auferendo conducit; nisi vitae genus otiosum in laboriosum mox mutetur.
11. *Vena sectio* tempestiua & proportionata eximium vsum praestat. Hinc non audiendi sunt, qui per illam vires exhauriri, & sanguinem magis vappidum, mucidum, vel antiquorum vocabulo, frigidum reddi, ex falso spirituum principio statuunt; cui commento innumera fere exempla, hisce ventilationibus adsueta, quantumcumque seniores, alacriter contradicunt. Quibus autem torius sanguinis crasis mucida & phlegmatica est, iis venae sectio non aeque conducit.
12. *Essentia succini*, praemissa methode euacuante, in adfectibus catarrhalibus, non adeo *acribus*, eximiae est efficaciae, & id praestat, quod ab aliis frustra expectatur: modo *sine alcali* parata sit.
13. *Lignum sassafras* in decocto quidem aliquem habet vsum, essentia autem eius nimis calida est.
14. *Massa pilularum de Succino Cratonis* reuocat decubitus excretionis mucidae a capite ad intestina, tamquam debita excretoria sed corrigenda est eo modo, vt minus aloës & plus succini eamdem ingrediatur.
15. *Extract. panchymagogum Crollii* satis bene & leniter purgat, quando conueniente dosi propinatur.









16. *Essentia hellebori nigri*, bene saturata & eum tinct. ialappæ mixta, egregium etiam præstat effectum, in primis quando circa æquinoctia & tempus adpropinquantis catarrhi exhibetur.
17. *Radix ariæ* ad euacuandam colluviem serosam in nodulis seu infusis numquam contemnenda est.
18. *Motus corporis sufficiens* magis commendari meretur, quam vlla alia remedia. Per hunc enim abundantia seri dissipatur, & status humidus in siccum mutatur; cauendum autem est, ne calefactum corpus refrigeretur.
19. In phlegmaticis largus vsus *zingiberis*, in cibis egregie conducit.
20. *Pulvis sternutatorius* ad grauedinem expediendam si non sufficit, grana VI. *euphorbii* puluerisati cum vna vel altera vncia vini coquantur, & modicum huius decocti in nares trahatur; sic has satis potenter stimulando humores discutit; quod *vitriolum album* in aqua maioranæ solutum etiam præstat.
21. *Cortex mezerei* aliquo modo lenius operatur. Inter ea hæc remedia non nisi post alia conuenientiora adhiberi debent.
22. *Cucupha*, quas catarrhosis ex herbis aromaticis parare solent, vsus quidem aliquem in pure phlegmaticis exhibent, in sanguineis autem cauendum est, ne vertiginosi adfectus sequantur.
23. *Balsama apoplectica & cephalica* subiectis talibus magis nocent, quam conueniunt: quia caput valde grauant.
24. In *coryza acriore*, præmissis per tres circiter dies nitrosis & temperantibus, *MP. de cynoglossa* vsus habet. Præter ea in omnibus coryzæ speciebus, *cinnabaris* conuenit, præcipue in hac specie acriore, in qua etiam essent. alexiph. plus, quam essent. succini præstat.
25. Multi catarrhosi, quando aliquid cibi adsumserunt, insolitam ad vomitum habent proeliuitatem; cuius symptomatis tractatio a reliqua methodo non differt, in primis si hæc emesis catarrhosam & cum coryza complicatam capitis oppletionem sequatur.



26. Veteres per *trageas* huic rei mederi voluerunt, e rad. *helen. ari.*, galang. zedoar. cost. ver. cinnamom. &c. quæ vero, licet contemni non mereantur, effectum tamen non ita promptum edere solent.
27. *Costus verus* dentibus in ore contritus leuiore stases catarrhales satis cito discutit.
28. Melioris energiae est rad. *pimp. alb.* vel per se, vel in forma essentiae adhibita.
29. Radix *vincetoxici* in adfectibus serosis præ reliquis laudabilis est: radix *bardana* eidem intentioni optime inservit; item radix *petasitidis*, magis tamen in phlegmaticis subiectis.
30. Ex hisce radicibus extracta essentia *sine vehiculo* debet propinari, ita vt 6-8-10 guttulæ per se deglutiantur, & vsus illius per aliquot dies repetatur. Hac ratione vomitui optime consulitur, & fauces a serosa oppletionem liberantur.
31. Conuenit etiam cochleare vnum alterumue spiritus communis ardentis, bonæ notæ, post adsumtos cibos, & sub vsu essentiae in primis pimpinellæ albæ, adsumere.

## TABVLA XXIX.

DE

## BRANCHO &amp; RAUCEDINE.

## I. DEFINITIO.


*Branchus* est materiae seroso mucosæ intra fauces & asperam arteriam secessio, a congestionem humorum versus has partes originem trahens.

*Raucedo* est tunicæ glandulosæ & partium glandulosarum, circa superiora asperæ arteriæ sitarum, constrictio, qua debitus prouentus lymphæ, asperam arteriam humectantis, intercipitur.

## II. DIFFERENTIA.

1. *Branchus* ordinarie cum raucedine solet confundi. Qua de causa sequentes attendendæ sunt differentiae: 1) In









1) In *brancho* sub initium adsunt molimina hæmoptica. Quando autem euacuatio sanguinis locum non inuenit, decubitus seu secessio fit humorum seroso-mucidorum; in *raucedine* autem hæc omnia desunt, contra lymphæ, ad irrigationem necessaria, est intercepta.

2) Hinc in *brancho* toni relaxatio, in *raucedine* autem constrictio adest.

3) *Branchus* excipit ordinarie coryzam & grauedinem, *raucedo* autem sine his occurrit.

4) *Raucedo vera* chronice & per multos interdum annos adfligit, *branchus* breuioris est periodi.

5. Vterque adfectus est vel *lenior*, quæ a causis externis generatur, vel *pertinacior*, quæ a causis internis originem ducit.

6. Praeter ea, secundum reliquas diuersas causas, diuerso modo adhuc differant, uti inferius sub *causis* dicitur.

### III. SIGNA.

1. Coryza & tussis siue humida siue sicca plerumque præcedunt, vel ad minimum accedunt *branchum*.

2. Quo acrior est decubitus, eo certius aspera arteria interne excoxiata sentitur.

3. Superuenit difficilis respiratio, vox rauca & reliqua symptomata coryzam concomitantia.

4. Quando *lenior* est hic adfectus, tussis vel coniuncta obseruatur, vel eundem sequitur.

5. Cum *grauiore* vero facile conspirant adfectus catarrhales, scorbutici, immo subinde venerei.

6. *Raucedo* per se satis dignoscenda & non raro cum adfectibus phthisicis stipata est.

7. Hinc loco asperæ, profundæ & raucae vocis, quæ in *brancho* adest, in *raucedine* potius vox suppressa seu aphonia obseruatur.

### IV. SUBIECTA.

*Branchus* euenit

1. iuuenili & consistentia ætati, ubi adhuc vigent congestiones versus pectus.



2. Interdum quoque infantibus.
3. Phlegmaticis in primis senibus, & caussis infra nominatis expositis.
4. Raucedo euenit
  - 1) Tussi siccae adfectis.
  - 2) Phthificis.
  - 3) Feminis obstructione mensium laborantibus.
  - 4) Diu multumque clamitantibus.

#### V. CAUSSAE.

1. Causa *proxima branchi* est congestio sanguinis ad fauces, sub qua in partes glandulosas materia seroso-mucida secedit.
2. Causa *vero proxima interna raucedinis* est interceptio lymphae, quae arteriam asperam humectat.
3. Causa *concomitans*, quae lymphae prouentum impedit, est plerumque constrictio partium glandulosarum, circa superiora arteriae asperae.
4. In causa vero scorbutica & venerea erosio epiglottidis praesto est.
5. Causa *externa & occasionales*.
  - 1) Decubitus rei alicuius extrinsecus delatae, e. g. particularum puluerulentarum.
  - 2) Tussis vehemens.
  - 3) Frequens & diuturna sermocinatio, immo vociferatio.
  - 4) Cibi nimium pingues.
  - 5) Humores acres biliosi, circa haec loca stagnantes.

#### VI. PROGNOSIS.

1. *Branchus simplex* parum periculi portendit.
2. Quando autem iam *habitualis* factus est, nonnumquam, praesertim apud senes, in catarrhum suffocatum abit; apud iuniores vero plerumque tussim vel asthma relinquit.
3. *Rauedo*, a caussis *externis* producta, leuioris est considerationis.
4. Quae a caussis *internis* dependet, non, nisi his sublati, tollitur.
5. Quo grauiores sunt morbi complicati, eo difficilius raucedo















cedo tollitur : hinc in caussa venerea & scorbutica satis pertinax observatur.

## VII. METHODVS MEDENDI ET REMEDIA.

### A. In *brancho*.

1. In *brancho* ad humorum adfluxum a pectore deriuandum, præmissis lenioribus laxantibus, propinentur nitrosa, absorbentia cum cinnabarinis mixta.
2. Ad mucorem incidendum & resoluendum conducit aqua veronicæ vinos. essent. alexipharmac. *Staklii*, essent. succini.
3. Paucis: uti cum hæc mucida stasi coryza & tussis concurrunt, ita & eadem medicatio locum habet, quæ tabulis de coryza & tussi indicata est.

### B. In *raucedine*.

1. Ad stricturam partium glandulosarum relaxandam & acrimoniam obtundendam exhibeantur lubricantia, e. g. oleum amygdal. dulc. syrup. liquirit. de erysimo *Lobellii*, capilli veneris, violar. iuscula mucilaginosæ raparum, avenæ, hordei, decocta ex herbis veronic. hyssopi, saluix, hederæ terrestr. semin. anisi, foeniculi.
2. Quo magis humores acriores biliosi in hoc adfectu peccant, eo melius conducunt absorbentia cum nitro & antimoniato quodam fixo combinata, coniuncto leni regimine diapnoico.
3. In caussa scorbutica, venerea, phthifica, primarii adfectus respiciendi sunt.
4. Alius subinde per lenia laxantia soluenda est.

## VIII. CAUTELAE ET OBSERVATIONES PRACTICAE.

1. In utroque casu fugienda sunt *expectorantia*.
2. *Relaxatio* arteriæ asperæ in *raucedine* vulgo quidem solet adcurari, & hac ratione *branchus* cum *raucedine* confundi; qui vero omnes circumstantias in vera *raucedine* occurrentes, & præcipue relaxantia remedia, quæ ipsi salutariter opponuntur, penitus considerat, ille potius *constrictionem* subesse observabit.



3. *Heluigius* bene obseruauit, quod rancedo in sexu femi-  
no contingens, mensium obstructionem interdum pro-  
fundamento habeat, quo intuitu venæ sectionem com-  
 mendat.
4. De hac re notum est singulare exemplum, videlicet virgi-  
nis duo de viginti annorum, cui mensium suppressio-  
ne & raucedine laboranti, suasu quorundam *Batania*  
Medicorum, breui tempore vena septies secabatur.  
Quam diu sanguis fluebat, virgo voce sonora naturali e-  
loquebatur; quam primum autem, vena compressa, pro-  
fluere cessabat, mox aderat vox ægerrime percipienda,  
quæque aphonia magis quam simplex raucedo dicenda  
fuisset. Menses post ea per remedia conuenientia aliquo-  
modo reuocabantur, manebat autem aphonia. Tandem  
sub vsu decocti *veronica* naturalis loquela restituebatur.

## TABVLA XXX.

DE

## ANGINA.

## I. DEFINITIO.

Angina est stasis sanguinis inflammatoria circa fauces & vi-  
cinas illarum partes collecta, a tumultuaria humorum  
congestione, medium quasi locum inter caput & pectus  
occupante, & hinc modo hæmorrhagiam narium, mo-  
do hæmoptysin respiciente, originem ducens. Deri-  
vatur vel a Græcorum ἀγχα, præfoco, strangulo, vel  
a Latinorum ango.

## II. DIFFERENTIA.

1. Variæ & sollicitæ tam veterum quam recentiorum anginae  
diuisiones vix quidem vllam in praxi habent vtilitatem,  
quoniam tamen formandæ prognosi quodam modo in-  
feruiunt, breuiter illas tangemus.

a. An-









2. Angina est vel *vera*, vel *spuria* seu *notha*.
- 1) *Vera* dicitur, quando tumor inflammatorius magis *interne* observatur; nempe in larynge, pharynge & partibus vicinis, insuper etiam cum febre acuta stipata est.
  - 2) *Notha* autem vocatur, vbi tumor *externe* magis se se manifestat, videlicet circa tonsillas & glandulas post aures sitas, sine concursu febris acutæ.
3. Angina a veteribus ratione partis adfectæ diuidebatur in cynanchen, paracynanchen, synanchen & parasynanchen.
- 1) *Cynanche* dicitur, quando muscoli laryngis *interni* inflammati sunt, & tamen neque intus, neque extus tumor adparet, & febris exquisita coniuncta est.
  - 2) *Paracynanche* vocatur, quando tumor inflammatorius in musculis laryngis *externis* occurrit.
  - 3) *Synanche* est, quæ inflammationem musculorum *pharyngis internorum* format, & maiorem deglutiendi, minorem vero respirandi difficultatem coniunctam habet, & cuius tumor magis *extrorsum* vergit.
  - 4) *Parasynanche* inflammationem musculorum *pharyngis externorum*, cum febre coniunctam, veteribus denotat.
4. Sunt, qui quintam speciem his adiiciunt, quam *prunellam* vocant, quando *lingua* intumescit, & in superficie *fissuras* dolore stipatas concipit, ac glutine quasi viscido oblinitur. Quum vero plerumque symptoma febrium malignarum sit, insuper etiam confinia faucium simul adficiat, non est, cur ab angina symptomatrica eam separemus. Est enim
5. Angina vel
- 1) *Idiopathica*, quæ per se & sponte sua exoritur, & a sola plethora dependet; vel
  - 2) *Symptomatrica*, quæ febribus acutis, præcipue circa statum, vel aliis morbis accedit. Vide *subiecta* & *causas*.



6. Hæc omnia differunt *gradu*; in aliis enim *mitior* est, in aliis autem cum tali impetu angina inuadit, vt paucis momentis omnia inualecant.


7. Diuisio anginae in *sanguineam* & *mucosam* non differentiam caussarum, sed temperamentorum inuoluit; illa magis ad *veram*, hæc autem ad *notham* referenda est.

### III. SIGNA.

1. Manifestat se sub initium *aliqua* deglutiendi difficultas.
2. Quæ more consueto cum rumore & sensu doloris pulsantis ac pungentis, modo in alterutro latere, modo in utroque ad ceruicem vsque se extendens, coniuncta est.
3. His accedit notabilis ardor in faucibus & inflammatio.
4. Paucis horis hæc ita increbescunt, vt vix deglutire quidquam valeant ægrotantes, immo deglutita, in primis potulenta, sæpius per nares reddant.
5. Lingua insigniter tumescit, & venæ quasi nigricantes *sub* illa adparent.
6. Facies turgēt & rubicunda existit.
7. Vasa circa tempora intumescunt.
8. Vascula in oculis sanguine ita repleta comparent, vt ipsi oculi e capite quasi prominentes, vt in strangulatis, conspiciantur.
9. Respiratio fit difficillima, & malo vltius procedente orthopnoea sequitur, quæ ægros periculo suffocationis exponit.
10. Vox clangosa & rauca, cum loquendi difficultate.
11. Animus valde anxius.
12. Manus sunt pallidæ & tactu frigidæ.
13. Æger ipse modo horrore leuiore, modo æstu volatico percellitur.
14. Pulsus potissimum frequens, durus & inaequalis.
15. Vrina variat: *Symptomática* enim angina talem exhibet, qualem febres acutæ; *idiopathica* autem, præcipue notha, qualem adfectus congestorio-inflammatorii offerunt.
16. Hæc vero omnia in angina notha multo mitiora deprehenduntur.









IV. *SVBIECTA.*

1. Angina *idiopathica* potissimum euenit *iunenibus*, vix tamen aliis quam insigniter *plethoricis*.
2. Quibus *præcedentibus* annis hæmorrhagiæ narium familiares fuerunt.
3. Qui ad hæmoptysin proni sunt.
4. Qui diæta calida aromatica & vinosa vtuntur.
5. *Symptomatica* vero angina, quæ acutis & aliis morbis accedit, reliquæ etiam ætati obtingere solet, præcipue sanguineo-cholericis subiectis.

V. *CAVSSAE.*1. *Idiopathica.*

- 1) Causa *materialis remota* est turgida sanguinis abundantis ebullitio.
- 2) Causa *propior* est tumultuaria humorum versus hæc loca congestio.
- 3) Causa *proxima* seu *continens* est stasis inflammatoria, circa caput laryngis aut pharyngis collecta.
- 4) Causa *efficiens* est naturæ intentio ad sanguinem exonerandum, fluctuans tamen & hæsitans, num per nares vel per pulmones excretio instituenda sit: hinc medio quasi loco humores detinentur.
- 5) Causæ *occasionales & procatarticae* sunt
  - a) Hæmorrhagia narium per ætatis rationem suppressa.
  - b) Hæmorrhoidum tam in feminis quam in viris repentinae cohibitiones.
  - c) Venæ sectiones & scarificationes consuetæ neglectæ.
  - d) Fluxus dysentericus male tractatus, aut cito suppressus.
  - e) Sensibiles faucium stimulationes & arrosiones per remedia valde acria, adstringentia, vehementiora vomitoria &c.
  - f) Refrigeratio corporis repentina post æstum.
  - g) Ebrietas.
  - h) Abusus pulueris sternutatorii acrioris ad fauces delatantis.



i) Clamores & vociferationes.

k) Luxationes colli.

2. *Symptomata.*

1) Incompleta sanguinis versus hæc loca congestio:

a) in febribus acutis præcipue epidemicis.

b) in adfectibus vagis arthriticis &c.

2) Causæ occasionales in acutis sæpissime sunt

a) vel incongrua venæ sectio, quæ præcipue circa dies criticos anginam prouocat. Vel

b) quando ægri consiliis non obtemperant, sed impatentia & inquietudine resistunt. Vel

c) Quando per incongrua artificia & regimina calida, aut etiam refrigerantia peruersæ & anotericæ humorum commotiones excitantur.

VI. *PROGNOSIS.*

1. Angina quo maiore impetu inuadit, eo maius periculum minatur.

2. Angina *notha* mitior est quam *vera*.

3. Species mitissima est *paracynanche*.

4. *Cynanche* autem omnium est periculosissima; conf. *Hippocrat. Sect. IV. aphor. 34. 35.*

5. Quando *orthopnœa* accedit, quo scilicet statim ægri non amplius iacere possunt, sed erecti hiant ore, canum instar, aërem petunt: sæpius eodem, vel secundo aut tertio die suffocantur.

6. Qui *cynanche* pereunt, & quidem ita, ut spumas ante os agant, illi conuulsionibus magis, quam suffocatione moriuntur: magnum enim periculum sphacelosæ corruptionis ibi prostat, quod naturam in tales motus tremulos coniicit.

7. Angina *idiopathica* quando subiecta adultiora corripit, periculosior obseruatur, quam in iunioribus.

8. Angina in febribus *acutis* circa dies *criticos* contingens, est perniciofa. Nam per eiusmodi tumultuariam humorum congestionem intra fauces reliquus febrilis decursus peruertitur, dum ad febrem pertinentes necessarias exerce-









excretionibus turbat, & ad secundariam magisque accidentalem sanguinis euacuationem collineat.

9. Angina luxationem vertebrarum colli secuta, lethalis. *Conf. tab. chirurg. de luxatione colli.*
10. Quando angina subito euanescit, resursum ad interiora denotat,
11. Quibus ex angina liberatis ad pulmonem fit conuersio, ii intra dies septem moriuntur, si vero hos euaserint, purulenti existunt. *Hippocrat. Sect. V. aphor. 10.*
12. Staseos discussio, quando non obtineretur, suppuratio contingit, & tum anceps valde est euentus.
13. Anginam interdum per narium hæmorrhagiam, interdum per hæmorrhoidum aut mensium fluxum solui, experientia testatur.

## VII. METHODVS MEDENDI ET REMEDIA.

### A. In paroxysmo:

1. Ante omnia *clystma* adplicetur, & quidem extemporale, ob periculum quod est in mora. In hunc finem conducit vrina calida, vel aqua calida salina. Si tempus conducit, stimuli loco *pulpa colocynthid.* in petia ligata & cocta, addatur, vel electuat. *hier. pier.*
2. Deinde in casu *urgente*, larga venæ sectio in brachio, vel adhuc melius in pede, instituat, & si post aliquot horas mali vehementia non remittat, *tarina* etiam sectentur.
3. In *mitiore* autem adfectu venæ sectio in paroxysmo non æque necessaria est, sed sufficiunt plerumque remedia, quæ impetum sanguinis mitigant, e. g. nitrosa, absorberia, leniter diapnoica, cum grano MP. de cynogloss. combinata, & sæpius adhibita; qui pulueres in malo etiam *urgente*, immo per vniuersum morbi decursum salutares essent, si modo deglutiendi difficultas non obstaret.
4. Facta sanguinis siue sola *contemperatio*, siue simul ipsius quantitatis per venæ sectionem *imminutio*, locum habent *gargarismata*. Remedia ad illa paranda triplicis sunt generis.



- 1) *Resoluentia & nervino-discutientia*. e. g.
  - a) *Radices*: irid. Flor. figill. Salom. vincetox. caryophyllat. bryon, aristoloch. vtriusque, helen.
  - b) *Herba*: hyssop. chærefol. salu. organ. centaur. min. comæ abrotan. scabiosa, licet insipida.
  - c) *Flores*: chamomill. melilot. bellid.
  - d) *Semina*: anisi, carui, dauci, foenugræci.
- 2) *Lenientia & demulcentia* ad ardorem & æstum, plus minus inflammatorium, temperandum. In hunc finem laudantur.
  - a) *Mucilaginosa*: e. g. semen cydonii, psylli, lini, malua & althæa.
  - b) *Aqua* rosar. rubr. cum sem. cydonii.
  - c) *Syrupi*: rub. idæi, dianuc. & adhuc magis diamor.
  - d) *Specificæ*: album græcum & quadantenus fungus sambuci.
  - e) Quorum omnium princeps est *nitrum*.
- 3) *Adstringentia*. Huc pertinent
  - a) *Herba traumatica*: pyrolæ, prunell. sanicul. auricul. muris, ab *Heurnis* commendata.
  - b) *Radices*: bistortæ, tormentill. symphyt. maior. pseudo-acori.
  - c) *Cort. & fol.* mali pūnici.
  - d) *Validiora*: tinct. terræ catechu, gallæ, alumen crudum.
5. Sub initium adplicentur aliquoties *gargarismata* sine adstringentibus, vel lenissimis tantum, parata, deinde *leniora* ex illis, & de hora in horam fortiora addantur. Vid. *cautel.*
6. Eodem tempore, quo gargarismata in vsum vocantur, necessarium etiam est, extrinsecus adplicare *emplastra* discutientia & emollientia, e. g.
  - 1) Emplastr. de melilot. camphor.
  - 2) Emplastr. diachylon simplex absente inflammatione.
  - 3) Emplastr. diachyl. cum gummatibus, si ardorem & inflammationes subesse adparet.
  - 4) Si insignis calor & ardor æstuosus vrget, loco emplastri spiri-















spiritus vini camphorat. crocat. cum linteis multiplicatis adplicetur.

7. Quando autem stasis inflammatoria hanc methodum discussoriam adspernatur, & propria sua pertinacia ad supurationem tendit, ruptio *spontanea* expectanda est. Vid. *cautel.*

8. Ruptione vero facta, sponte quasi restituitur aeger, sine peculiari concursu medicamentorum. Potest tamen ad mundificationem loco gargarismatis adhiberi *vinum* calidum cum paucis *melle*, siue simplice, siue rosaceo. Item aliquid myrrhae, salviae & prunellae pro consolidatione.

9. Aluus semper aperta seruetur, siue per clysteres, siue per moderata laxantia.

10. Vbi suffocationis metus impendet, *bronchotomia* ultimum est refugium.

#### B. *Extraparoxysmum.*

1. Plethora imminuatur

1) Siue per euacuationes sanguinis *naturales*, iusta methodo reuocandas.

2) Siue per *artificiales*, nempe venarum sectiones æquinoctiales, in pede instituendas, & non facile prætermittendas.

2. Motus versus hæc loca congestorius præoccupetur

1) per laxationes subinde instituendas.

2) per essentiam alexipharmacam Stahlî cum mixtura tonico-neruina coniunctam & anniuersaria periodo recurrente exhibitam, cum regimine leniter diaphoretico, per motum corporis voluntarium promouendo.

#### VIII. CAUTELÆ ET OBSERVATIONES PRACTICÆ.

1. In angina *notha* & magis *mucosa* adhiberi possunt resolutentia *penetrantiora*, e. g. rad. ari, helen. pimpinell. alb. bardan. vincetox. Herbarum nonnihil aromaticarum, lign. sassapar. guaiac. gummi galban. sagapen. myrrh.

2. Aluus autem in illa mucosa constitutione non tam aperta seruanda, quam potius *purganda* est, e. g.



Recip. MP. de succin. Craton. scrup. I.

Resin. jalapp. gr. V - VI.

Extract. trochisc. alhandal. gr. II. III.

M. f. pilulæ.

Mercur. dulc. quoque locum habet.

3. Rob *dianucum* in mucosa angina, in sanguinea autem magis rob *diamoron*; in utroque casu fungus sambuci conuenit.

4. *Vena sectio particularis*, sub lingua nempe instituta, si vniuersali nondum præmissa administratur, duo graua incommoda parit

1) vel enim, quod sæpe contingit, sanguis sufficiente quantitate non emittitur, ob vasa minus capacia, & sic adfluxum vehementiorem adfert, omniaque deteriora reddit.

2) Vel fluxus si satis procedit, vix vilo remedio potest sedari, qua ratione ager viribus exhauritur, & febres facile lentescentes subsequuntur.

5. *Vena sectionem generalem* in pede instituere, ad reuulsionem quidem maioris efficaciz deprehenditur; quam illa, quæ in brachio administratur; ob tenacem autem aliorum consuetudinem nonnumquam conuiendum est.

6. *Venæ sectionem* quando *inquietaudo* & crebra iactatio corporis excipit, *frictiones* fortiores in pedibus & *pedilunia* conueniunt.

7. Ne error in *gargarismatibus* committatur, duo simul coqui possunt: vnum e discutientibus & demulcentibus; alterum e solis adstringentibus paratum. Hac enim ratione sub initium vel nulla, vel tantum exigua portio decocti adstringentis alteri immisceri, sensim vero sensimque augeri potest, e. g.

Recip. rad. irid. Florent. drachm. III,

helen.

caryophyllat.

althææ ana vnc. semis.

herb. saluæ.


bellid. min.

hyssop.

flor.









flor. chamomill. ana man. semis.

caricar. ping. num. IV.

Coq. in aqua simplice q. s. colaturæ add.

Rob diamoron.

Alb. græc. ana drachm. III.

Nitri crySTALLISAT. vnc. semis.

Item

Recip. Rad. bistort.

tormentill. ana vnc. semis

herb. prunell.

pyrol. ana manip. I.

gallar. drachm. I.

coq. in aqua communi & colaturæ addatur pro re-  
nata minus plus aluminis crudi.

8. Ratione *adplicationis* sequentia observanda sunt.

1) Caueatur ne æger sub iniectione supinus iaceat, sed an-  
trorsum quodam modo caput inclinet, ut infusum ci-  
to possit refluere.

2) Chirurghi monendi sunt, ne gargarismata cum impetu,  
ut moris est, iniiciant, utpote quo pruritum & ardorem  
faucibus inferunt. Modeste adhibita æque bene pe-  
netrant.

9. *Nitrum* sensum ardoris egregie demulcet, salivam in consi-  
stentiam submucidam coagulat, & sic subitanæam illius  
siccitatem impedit, insuper leni sua acrimonia abstergen-  
di simul efficaciam præstat.

10. *Sal commune* ad morbos faucium etiam conducit, nam acri-  
monia sua insigni, in ore detenta, adfluxum salivæ prouo-  
cat, & sic humectationem oris inducit.

11. *Album græcum* ad ardorem demulcendum specifica & egré-  
gia sane virtute præditum est. Hinc non solum hic præ-  
stat, quod vulgaria gargarismata præstare non possunt,  
sed etiam in internis ardoribus intestinorum, & inde in-  
ducto ileo, egregiam mitigationem adfert.

12. *Terra catechu* in repentino angina casu, ubi ad coctionem,  
qua pleraque vegetabilia indigent, tempus non concedi-  
tur



- tur eximium edit effectum adstringentem, aqua soluta & adplicata.
13. Sic etiam *radix bistorta* ad repentinas stases dissipandas et gregiam habet efficaciam.
  14. *Galenus* refert de quodam per insomnium edocto, ut in angina pertinaci vteretur succo *lactuca*, & quod illo usurpato conualuerit.
  15. *Puluerulenta*, nisi tenerrima, & lactis instar liquoribus innatent, non habent locum: faucibus enim adherent, & titillando irritant.
  16. Ob exquisitum hunc sensum faucium abstinendum etiam est ab omnibus istis, quæ eas magis adfligere possunt: quo pertinent omnia acria, acida valde adstringentia, essentia feruidiores, aromatica, resinosa & peregrina balsamica, saturnina, terræ bolares, item cortex cascarillæ, quæ ob acredinem suam adflictas fauces magis adficiunt.
  17. Ad motus congestorio-dolorificos aliquo modo mitigandos remedia *sedativa* omnino, sed parca dosi & cum aliis tutis remediis adhibere licet, v. g. *MP.* de cynoglossa sub pulueribus temperantibus; semen papaveris, semen cardui marie sub emulsionibus; syrupus papaveris rhæados & diacodyum *Montani* sub formulis lenientibus exhiberi possunt: *opiata* vero in tali casu plane excludenda sunt.
  18. Ab *emollientibus pure* adhibendis, abstinendum quoque est, strangulationem enim, secundum *Foresti* observationem, inducere valent, maiorem adfluxum inuitando. Hinc in gargarismatibus cum neruino - discutientibus hic copulari debent.
  19. In *epithematibus*, extrorsum adplicatis, maiorem usum præstant, relaxando poros, ut humores introrsum congesti, reuocentur.
  20. *Salia urinosa*, e. g. spiritus salis ammoniaci, exiguum hic adferunt opem: *maiore* enim copia adhibita, irritantem edunt effectum; *minore* autem dosi nihil notabile præstant.









21. *Suppuratio*, (quæ in angina *notha* frequentius contingit quam in *vera*) quo magis impediri potest, eo melior successus sperandus: illa enim ingentes inuoluit dolores, & tumorem ita auget, vt intra 4 - 5. dies ne potulenta quidem deglutire queant; quo tempore miseri ineffabili siti anguntur, quam tamen ob deglutiendi impotentiam, restinguere non possunt.
22. Si staseos discussio post quartum, ad summum, diem non contingit, & hinc illius resolutio non magis expectanda est, cum adstringentia & gargarismatibus sunt segreganda & lenientibus tantum ac emollientibus vtendum est.
23. Ad ruptionem apostematis promouendam nihil tentandum est: per se enim intra 4 - 6. dies, cum effusione materiæ albicantis, subsequitur. Cauendum proinde est ab ambiguo, immo subinde temerario illo consilio, quod per vomitoria ruptionem promouere commendat. Immissio candelæ cereæ, quam nonnulli suadent, est quidem tolerabilior, non caret tamen difficultate.
24. In angina febribus acutis superueniente non negligenda est genuina febrium methodus, vbi simul pulueribus antifebrilibus *camphora* immisceri potest ad gr. III. pro dosi, quæ inter deglutiendum aliquid opis adfert partibus inflammatis.
25. Præcipue videndum est, ne diaphoresis deficiat, alia enim ratione humores per impetuosam congestionem ad fauces copiosius feruntur. Hinc decocta dilutiora, resoluentia & diuresin adiuuantia ordinari possunt ex rad. eichor. scorzon. leuist. herb. veron. scord. chærefol. flor. sambuc. rasur. C. C. & hordeo excorticat.
26. Cauendum autem est a capitali illo errore, hunc morbum symptomaticum in febribus, cum *sudoriferis* tractare.
27. *Buso* in vino adusto ad putredinem quasi maceratus, & euaporato spiritu, residuum aqueum magma cum linteo vertici calide adplicatum, in angina febribus petechialibus accedente, leuamen præsentaneum adferre dicitur.



28. In *Holsatia* bufonem *vinum* in ore detinent, qui ibidem moritur, ægro postea conualecente.
29. Quæ circa *bronchotemiam* obseruanda sint, ex tabula chirurgica de operationibus in collo edisci possunt.
30. Denique prophylaxis, sub *methodo* commendata, quam maxime obseruetur: solet enim hoc malum vel anno reuertente, vel alia occasione, facile recrudescente,

## TABVLA XXXI.

DE

## T V S S I

## I. DEFINITIO.

*Tussis* est exspiratio vehemens & sonora, cum partium musculosarum exspirationi potissimum destinatarum, thoracis, laryngis, lumbarium & abdominis motu spastico facta, quo motu discussorio & elisorio principium vitale materiam aliquam molestantem euacuare intendit.

## II. DIFFERENTIA.

1. *Tussis* est vel *humida* vel *siccâ*.
2. Vtraque vel vere *pectoralis* existit, vel per *consensum* tantum pectus adficit; illa *idiopathica*, hæc autem *symptomatica* seu *consensualis* dici meretur.
3. *Consensualis* hæc ipsi tandem pectori incumbere solet, ut *complicatus* denique adfectus inde oriatur.
4. *Tussis symptomatica*, seu *consensualis*, est
  - 1) vel *catarrhalis*, quæ coryzam habet sociam, strictiore sensu, grauedinem, maxime *branchum*, aliquando etiam consillarum tumores. In hac tussis specie nulla fit insignis euacuatio, præter ea ad modum vehemens seu *ferina* est, & falsum infert saporem; iunctæ sunt sternutationes, horripilationes; & non raro febris catarrhalis









lis accedit. Sentitur titillatio in larynge, & descensus materiæ cuiusdam in fauces: tempore nocturno sæpius exacerbatur: Gustus læditur & appetitus proster-nitur.

2) Vel *hypochondriaca*, quæ exoritur

a) Aliquando a *stomachi vitio*: unde tussis *stomachalis sicca* vocatur, quæ tamen *humida* euadit, quando dura-tione sua pulmones in consensum trahit.

b) Aliquando ab *hepatis scirrho*, unde tam *hecticis* quam *hydropicis* familiariter euenit.

5. Tussis ab *internis* causis pendens, bene distinguenda est ab illa, quæ ab *externis* concitatur, *vid. causse.*

6. Tussis *humida* & *sicca* differunt

1) Subiectorum & causarum diuersitate. *conf. subiecta & causse.*

2) *Sicca* diuturnior, & coniuncta est cum dolore capi-tis, pectoris & dorsi. Præter ea facilius quam hu-mida recurrit.

3) Nulla humiditate conspicua est, nisi vel *incalescentia* febrilis, vel *saniosa materia*; vel *aëris constitutio ca-tarrhalis* concurrat.

7. Tussis *stomachalis* per consensum orta, dignoscitur e copio-fo lento sputo, post pastum se se exserente, & vomitio-nem prouocante, dolore, vel ad minimum titillatione, in scrobiculo cordis. Hæc *stomachalis humida* differt a sto-machali *sicca*, de qua superius dictum est.

8. Tussis reliqua *hypochondriaca* ab aliis discernitur

1) *siccitate effera* & *vehemente*, vocem satis illibatam re-linquente, vel ad summum *sicca* quadam *raucedine* adficiente.

2) *Augmento illius* post pastum & motum, præcipue ad-secensorium, item post potum largiorem vel frigidum.

3) *Maiore tolerantia aëris frigidi*, per quem ita non exacer-batur, uti tussis *pectoralis*.

4) *Sensu concussionis hypochondriorum* sub tussi vehe-mente, & dolore grauatiuo in regione iliaca.



9. Tussis *habitualis a phthifica sicca* dignoscitur
- 1) ex insigni humiditate.
  - 2) Ex materia non saniosa, nec sanguineis striis mixta, sed pulposa, viridescente, & per plures interdum dies prodeunte. Præter ea
  - 3) In *habituali* nulla tabida consumptio occurrit;
  - 4) Neque tam insignis exacerbatio ab opiatīs, phthificæ tussis inimicissimis, sentitur.
  - 5) *Habitualis* notabile leuamen a mediocriter purgantibus nanciscitur, phthifica nullo modo.
10. Denique tussis plurimum etiam differt ratione *ætatis & temperamenti*.

### III. SIGNA.

1. Signa tussis generaliora satis sunt manifesta.
2. Iungitur plerumque rauco, & occurrit vel cum vel sine copiosa mucī excretionē.
3. Signa specialia diagnostica sub *differentia* iam indicata sunt.

### IV. SUBIECTA.

1. Tussis non cuilibet ætati & subiecto communis, sed infrequentior & rarior est quam prima perpensione iudicamus. Ex multis enim, qui eisdem iniuriis aeris expositi sunt, paucissimi tussientes obseruantur. Huic accedit, quod non ita pauci reperiantur, qui tussim re vera per totam vitam numquam experiuntur.
2. Tussis *simplex idiopathica*, ab *internis* & quasi domesticis causis exorta, non solum *humida*, sed etiam *sicca*, nec non *ferina*, ætati iuuenili, & constitutioni plethoricæ propria est.
3. Tussis *catarrhalis symptomatica*, & ab *externis* causis orta omnibus fere ætatibus, maxime tamen senili, impendet.
4. In specie tussi *sicca* succumbunt:
  - 1) Iuuenes floridæ constitutionis, habitus corporis ficioris & strictæ texturæ.
  - 2) Ætas virilis & senilis e prægressa adsuefacta dispositione,  
item















item ex hæmorrhoidum vel mensium regeſtione & ventilationum ſanguinis adſuetarum neglectu.

3) Male conformati, gibboſi, ſcrofuloſi.

4) Calculis bronchialibus vel nodis pulmonum ſcirrhoſis obſeſſi.

5) Quibus ſcabies repulſa vel variolæ male tractatæ fuerunt.

5. *Humida* autem tuſſi magis obnoxii ſunt homines phlegmatici, ſanguinei, qui

1) Habitus corporis ſucculenti, catarrhoſi.

2) Oſioſi præcipue, & ſenſibiles delicatuli, qui ab aëre humido-frigido autumnali refrigerationem colli & pectoris incurrunt.

3) Qui conſuetas venæ ſectiones vel ſcarificationes neglexerunt,

4) Qui ſpiritu vini vel acidis abutuntur.

5) *infantes* maxime quidem obnoxii ſunt tuſſi *ſtomachali humida*, quando autem dentitionis labor diu continuat, tuſſis *ſicca* iſſis familiarior eſt.

#### V. CAUſſæ.

1. Cauſſa tuſſis *pectoralis idiopathica* eſt ſtagnatoria congeſtio humorum circa pectus, modo hæmoptycam excretionem reſpiciens, modo ſcirrhoſis collectionibus veſtigia legens; prior ſpecies, quia ſanguis ad exitum non pervenit, ſimplici oppleſione anguſtiam inducit, & per vices ægrotum exercet; poſterior magis continuo adfligit, inſarctum enim, intra veſiculas pulmonales collectum, reſolvere & diſcutere intendit.

2. Nonnumquam ſub hac congeſtione, in primis in tuſſi *ſerina, tenuis & acris* portio humorum arripit teneras pulmonum membranas & nervos, eoque ipſo vehementiorem tuſſim prouocat.

3. Cauſſæ concurrentes *externæ*, quæ in deſcriptione *ſubiectorum* nominatæ ſunt, ſymbolam ſuam etiam contribunt, & partim lapſu irritante vltiorem adpulſum verſus pectus prouocant, partim ſpasmodyca ſtriſtura, quam vicinis partibus inferunt, reſluxum ſanguinis impedi-



unt, & hoc modo secassione materiae mucidae promovent, e. g. acida, potus frigidus, pectoris & capitis refrigeratio.

4. His concurrentibus causis omni iure etiam adconsentur remedia *expectorantia*, praecipue *iuiuba* & *sebesten*, quae humores versus pectus propellunt.
5. Causa tussis *hypochochondriaca* est vel obstructio aut induratio hepatis vel vitium stomachi.

## VI. PROGNOISIS.

1. Tussis *idiopathica* pectoralis, quando adhuc *recens* est, frequentissime sine medicamentis, solo motu discussorio vel ventilationibus sanguinis, perite institutis profigatur.
2. Quando autem iam *habitualis* facta est, pertinacissime se gerit: Licet enim imperitum sit, illam pro phthifica statim tussi pronunciare, periculum tamen subest, ne tandem erosionem pulmonum inducat.
3. Tussis sicca iuuenum diuturna merito suspecta est, fomenta enim haemoptyleos & phthiseos inuoluit, & in haec etiam non raro transmigrat.
4. Abit interdum sicca haec in tussim *ferinam*, quae vix ad sedare, vel spiritum recipere possunt aegri.
5. Tussis vernalis mitior est, & facilius etiam tollitur, quam autumnalis.
6. Tussis *periodica*, quae statis temporum mutationibus repululare consuevit, quando iam emanet, nec alia euacuatio siue a natura, siue ab arte substituitur, varios incommodos habet successores e. g. adpetitus & digestionis vitia, catarrhos suffocatiuos, paralyticos adfectus.
7. Tussis antea humida, quando in siccam repente commutatur, nihil boni portendit.
8. Tussis *hypochochondriaca* sicca vehemens, frequenter cedens & recurrens, aut noctu exacerbari solita, merito suspectam reddit scirrhosam, in primis in hepate, siccescentem constitutionem; & quo magis certis horis se se exserit, eo certius obfirmatam visceris alicuius obstructionem indi-









indicat. Hinc prognosis ipsius non est dissimulanda.

9. Hoc periculum augetur, si viscerum abdominalium labi superuenit vitium pulmonum, & ita morbus fit complicatus.

10. Tussis stomachalis, grauis & diuturna infantum, atrophiam vel præsentem vel futuram indicat.

## VII. METHODVS MEDENDI ET REMEDIA.

### A. Tussis pectoralis.

#### 1. Humida.

1) Ad humorum adfluxum a pectore deriuandum exhibeatur purgans aliquod, satis quidem sensibile, a vehementia tamen alienum: in hunc finem laudantur MP. de succino *Cratonis*, de ammoniaco *Quercetani*, extractum panchymagog. *Crollii*, mercur. dulcis, resina ialapæ, trochisci alhandal.

2) Deinde materia catarrhalis ad euacuationem præparetur.

a) Quando simpliciter est mucosa, tum exhibeantur resoluentia & discutientia catarrhalia, e. g.

α) Radices vincetox. pimpinell. alb. helen. ari. irid. Florentin. aristoloch. vtriusque, gentian. rubr.

β) Herbe, hyssop. marrub. alb. centaur. min. capill. vener. epithym. cuscut. tusfilag. scabios. roris solis, veronicæ.

γ) Gummi-resinae e. g. ammoniac. galban. sagapen. benz.

δ) Semina anisi, fœniculi, cumin.

e) Ex compositis huc faciunt essent. alexipharmaca *Strahlii*, essent. lign. sassafras, syrup. de cryfino *Lobelii*, de prasio, capilli veneris, tincturæ alcalinæ e. gr. antim. tartari.

b) Quando autem viscida tenacitate peccat, incrassetur potius, & in pulposam volubilem consistentiam redigatur; id quod præstant rad. liquiritiæ & illius succus, gummi. Arabic. tragacanth. cerasor. passulæ, ficus,



cus, amyllum, flor, sulphur. ballam. sulphur. cum oleo amygd. dulc. parat.

- c) Si vero materia *tenuis* & *acrimonia* irritante prædita est, obtundentia in vsum veniant, e. gr. emulsiones, decocta hordei, auenæ, cum rad. polypod. vel althææ parata. Item mucilag. semin. psyllii, cydoniorum, gelatinæ, pinguia & oleosa, oleum amygdalar. dule. sperma ceti, absorbentia marina.
- 3) Vsi horum resoluentium & præparantium *laxantia* subinde interponantur, vel, in tussi præcipue habituali, iisdem coniungatur.
- 4) *Motus consuetudinis* si, sublata materia, cedere recusat, sopiatur anodynis correctis, præcipue MP. de cynoglossa.
- 5) Denique, ad tonum in pulmonibus restaurandum, propinetur mixtura tonico-neruina *Stahlii*: conducit etiam essent. succini, & specificæ aqua veronicæ vinosæ.

## 2. Sicca.

- 1) Hic lenissimæ tantum laxationes, præcipue rhabarbarinæ, præmittantur.
  - 2) Deinde, ad sanguinem stagnantem a pectore discutendum, propinentur infusa seu decocta ex herbis veronic. tusfilag. heder. terrestr. scabios. succis betonic. capill. vener. consolid. saracen.
  - 3) Sub horum internorum vsum *pediluvia* subinde adhibeantur.
  - 4) Denique mixtura tonico-neruina *Stahlii*, & aqua veronicæ vinosæ continuata egregium vsum præstant.
  - 5) Si suppressio mensium vel hæmorrhoidum in causa est, iuxta methodo in ordinem redigantur.
  - 6) Si scirrhus pulmonum, vel ipsorum cum pleura concretio, hanc tussim siccam prouocat, confert solum methodus priuatiua.
- ## 3. Tussis *phthistica* quomodo tractanda sit, videatur tabula de *phthisi*.









B. *Tussis hypochondriaca.*

1. Quando vitium *hepatis* subest, nisi illi consulatur, tussis numquam tollitur. Hinc adfectum primarium, non vero adeo symptomaticum, respicere conuenit: methodum & remedia exhibet *tabula de infarctu hepatis*, qua simul difficultates, quæ hoc negotium circumstant, adnotatæ sunt.

2. Si vero tussis hypochondriaca a vitio *ventriculi* dependet, consideretur, num sicca vel humida existat.

1) *Sicca* quando adparet, non tam in ventriculo, quam circa eundem vitium hæret; & hinc motus sanguinis congestorii in vena portæ respiciantur, & conueniente methodo tractentur. *Conf. tabul. de malo hypochondriaco.*

2) *Stomachalis humida* pectus per consensum adficit & hinc *stomachico-pectoralis* dici meretur: mucus enim, qui in faucibus hæret; & secreta magis quam tussi per diem excutitur, secundum veri similitudinem ex ipso oesophago adscendit, & leuem talem tussim suscitatur; nocturno autem tempore, quo hæc excretio cessat, facile aliquid in asperam arteriam defluit, quod mane iterum eliditur. Hæc sequente methodo tractetur.

a) Laxationes leniores cum rhabarbâro, sale Anglicano, magnesia alba præmittantur, & interponantur.

b) Deinde adhibeantur remedia, quæ viscosas impuritates a prima coctione pullulantes resoluunt; quo intuitu egregie se gerit essent. pimpinellæ albæ, gentianæ rubr. vel in phlegmaticis essent. helenii, item costus verus parua quantitate masticatus & deglutitus: in cibis conducunt piper, zingiber, sinapi, coriandrum, armoracia, haustus spiritus vini, cubitum eundo, *vid. cautel.*

c) Mitescente notabiliter adfectu essentia succini, vel in feminis liquor. C. C. succinatus propinetur. Commodum etiam effectum exserit mixtura polychresta *Stahlii.*



## VIII. CAUTELAE ET OBSERVATIONES PRACTICAE.

1. *Vena sectiones* in plethorica corporis constitutione, quando tempestive instituuntur, impetum morbi magnopere frangunt; immo ipsam phthisin arcere, & corruptorium illius vicerofum effectum diu sane retardare valent: Largius autem instituendæ sunt, ne parior emissio, in primis in brachio celebrata, maiorem sanguinis adpulsum & oppressionem pectoris inuitet.
2. Magis autem necessaria est venæ sectio in tussi *sicca* quam *humida*; nisi hanc suppressiones hæmorrhagiarum naturalium vel artificialium præcēsserint.
3. Tanto certius requiruntur in tussi venæ sectiones, quando recursus post aliquam remissionem cum impetu quodam pectus & pulmones obruit.
4. *Scarificationes* antea adfuesactæ, postea autem neglectæ, repetantur.
5. *Purgantia*, vti in tussi *humida* præsentioris sunt effectus, ita in *sicca* minus tuto adhibentur; talis enim materia, quæ *fortiter* educenda esset, in illa non reperitur; sufficiunt lenes laxationes.
6. *Sudationes* & *regimina sudorifera* in tussi nullum habent vsum, nisi ultimo loco, sublata nempe materia & placato motu, quo temporis puncto, ad humores pervniuersum corpus æqualiter distribuendos, & materię serosæ ventilationem, adhiberi possunt.
7. In *simpliciore tussi* paucis medicamentis opus est: incidentia enim & materiam ad euacuationem præparantia cum laxantibus, vniuersum sæpe negotium absolunt.
8. Neque convenit commotiones tussis humidæ non adeo vehementes, sopire, quia non sunt periculosæ: Quando autem motus tales contumaces sunt, & adfluxus vel nimius, vel paucior *aeris* adest, sopientia, præmissis præmittendis, locum habent, e. g. M.P. de cynoglossa, diacodium Mentani recte præparatum, quod vehementius est, quam M.P. de cynoglossa.
9. Ad discussionem expediendam minime conveniunt elixiria calida, olea destillata, balsam. sulphur. anisac. salia vola-









volatilia oleosa, tincturae bezoardicae, infusum *Ioëlis* e zedoar. sale ammoniac. flor. sulphuris, croco, &c.

10. In chronicis pectoris adfectibus *simplicia absorbentia* & terrea tenacem mucum magis augent quam resolvunt; *marina* autem, cum *acido* saturata, vsum præstant.
11. *Squilla* prudenter & modeste vsurpata, in chronicis mucosis malis humores ad euacuationem egregie præparat. *Conf. Stahl's dissert. de pectoris adfectibus.*
12. *Expectorantia* vulgato abusui obnoxia, adfluxum humorum ad locum adfectum augent, eongestionem seu decubitum maiorem reddunt, & potius *per* pectus, quam *ex* pectore (non secus ac purgantia per intestina) euacuant. Hinc in tussi humida, præcipue habiutali, nisi vsus illorum breui abrumptur, & resoluentia vel interponantur, vel statim subiungantur, phthiseos periculum faciunt, in *sicca* autem tussi certius & citius eandem inducunt. De *glycyrrhiza* in specie notandum, quod spissitudinem non tenacem, sed mollem & pulposam faciat, & hinc præ aliis dulcibus expectorantibus eligenda sit, abstinendum autem a nimio & diuturno illius vsu, alias materia augeatur: in præsens tantum vsurpanda, & tunc discussio iuvanda est.
13. *Nitri* moderatus vsus ad expectorationem illius portionis, quæ in pulmonibus iam hæret, plus sane valet, quam vulgus crediderit. Vnde salutariter ad modum iunioribus calidis, in primis tussi sicca laborantibus, ad eundem scopum & orgasmum sanguinis temperandum, exhibetur.
14. *Febricula* quando tussi accedit, vel qualiscunque inquietudo, & adpetitus decrementum, tum absorbentia cum acido subtili saturata & nitro remixta vsum habent.
15. Quando tussis a *scabie retropulsa* dependet, interne sulphur & mercurius dulcis moderato vsu laudari merentur,
16. *Aqua veronica vinosæ*, quæ post digestionem per 8 - 10 - 12, dies destillando ita parata est, vt spiritum vini dilutissimum exhibeat, egregiam habet efficaciam discutientem,



- & in recentiori tum hectica, hypochondriaca, tum pectorali phthifica tussi mirificas subinde virtutes exserit, si mane & versus somnum ad vncias II. sumitur, & vsus illius per aliquod tempus continuatur.
17. Ad irritationes placandas *opium* merito damnatur: *cortex* autem *cascarille* vt egregium pectorale diseutiens pariter ac sedatiuum se commendat, si reliquis iusto tempore subordinetur, *Conf. num. 8.*
18. *Extractum tabaci*, per diuturnam coctionem præparatum, tussem pectoralem, non æque autem hypochondriacam, citius sæpe, quam expedit, sedat. Hinc circumspicte exhibendum est: materiam enim circa pulmones hærentem resoluit quidem, & motum corrigit, adfluxum autem humorum non cohibet, vnde periculum suffocationis in vehemente pectoris infarctu adfert; dextre autem propinatum, vnica sæpe dosi ad grana tria vel quatuor exhibita, admirandum edit effectum, & ipsam adeo *chronicam* tussem profligat.
19. *Sulphuris* vsus in adfectibus pectoris catarrhalibus præmissis præmittendis, non reiiciendus est: interne satis efficaciter exhibetur in forma pulueris, florum, aut in oleo amygdalarum dulcium solutum, in forma autem balsami dicti, cum quocumque oleo destillato, ambiguus est effectus. *Vid. num. 9.*
20. *Externe vapor florum sulphuris* hialitu attrahi solet, sed longe commodior, & satis euidente efficacia huic par est *fumus antimonii* in crucibulo, sufficiente ignis impetu, fusi; cuius effectus in cohibenda non solum simpliciore, verum etiam suspecta, vlcerosa pectoris tussi, plus semel confirmatus est.
21. *Humida* tusses non promiscue & æqualiter totos pulmones occupant, sed satis frequenter & sensibiliter ex vno saltem latere adscendunt: in tali tussi intemperantia conatus excussorii ab ipsis ægris sæpius fouetur, & hac ratione tussis magis excitatur: hinc a voluntaria tali intemperante tussi serio dehortandi sunt.















22. *Tussis stomachalis*, immo *stomachico-pectoralis humida*, licet vehemens sit, non raro tamen feliciter intra aliquot dies profligata est per usum spiritus vini, propinando versus somnum 2 - 3. cochlearia: tanto certior autem est effectus, si homines tales potui spirituum ardentium non sunt addicti, & tussis pure stomachica existit.
23. *Oleum anisi*, licet ad pectoris adfectus multis elogiis commendetur, referendum tamen est ad calida illa, quorum num. 9. mentio facta est. Hinc, nisi summa circumspeditione adhibeatur, phthificis, hecticis, febrilibus accidentibus viam sternere potest.
24. *Incrassantium* usus in hisce adfectibus semper sit moderatus & rationalis: ante omnia distinguatur incrassatio *volubilis*, *pulposa* ab altera *tenaci mucosa*; hæc multo peior est & excretionem impedit, qualem effectum edunt *saccharata*, immo etiam *mellita*; illa autem mobiliorem consistentiam conciliat, & interdum necessario requiritur; remedia quæ hoc præstant præcipue sunt *emulsiones* satis saccharatæ, & præ omnibus aliis *glycyrrhiza*, cui *ficus* subiungere conuenit. *Conf. num. 12. & methodus.*
25. *Essentia alexipharmaca Stahlî* successum expectorationis ad modum præsentem sæpissime exhibet; quam proinde & *nitrum*, pro optimis & securis expectorantibus habemus. *Vid. num. 12. & 13.*
26. Pectus externe *unguinosis* illinere, non omni quidem caret efficacia, præcipue in teneris & succulentis; quando autem febrile quid concurrit, minus tuto peragitur, ob pororum obstructionem; & inflammatorio-suppuratorias congestiones hinc metuendas.
27. In tussi *habituali* minime omnium expectorantia conducunt: In hac enim sana ratio dicitur, quod tantum materiae, quantum quotidie excernitur, diu in pulmonibus haerere non potuerit: conuenit potius ventilationes sanguinis iusto tempore instituere, euacuationes serofo-mucidas catharticas tolerabili quantitate & motu administrare, & pro circumstantiarum ratione repetere; tandem



- vero alexipharmaca, diaphoretico-diuretica subiungere, & de reliquo tempus aliquod respirandi naturæ subinde concedere, ne medicationibus adsuescat.
28. Ante omnia ex usu erit, in eiusmodi casibus habitualibus languentem admonere, ut notabili sublevatione contentus sit, nec plenam restitutionem impatienter adfuerit.
29. Tussis etiam *infantum* & *puerorum* euacuantibus cathartice expugnare, non sine fundamento *Sydenham* commendauit; melius autem est aliquoties tantum euacuationes instituere, quam in crebris purgationibus *curationis neruum* collocare.
30. *Traumatica* licet modice tantum adstringant, viscera & præcipue pulmones stringunt, materiam profundius infarciunt, & hinc malum notabiliter augent.
31. *Frigida* & *porus frigidus* materiam inspissant & illius excretionem opprimunt: porus vero calidus ad materiæ resolutionem & discussionem commode adhibetur.
32. *Cibi* condiantur antiscorbuticis e. gr. armoracia, nasturtio, sinapi; *acidi* fugiantur, & in pectoris morbis cautus sit *salium* usus, tam medicus quam dieteticus.
33. Sensibiles sedulo sibi caueant a *refrigeratione* capitis, pectoris, & pedum; item a subita permutatione aëris calidi & frigidi, & denique ab *alui obstructione*.

## TABVLA XXXII.

DE

## ASTHMA TE.

## I. DEFINITIO.

Asthma est liberæ respirationis præclusio, modo ab atonia partium, modo ab humorum tenacium aut scirrhi pulmonalis concursu, modo a spastica, rigida & actiua contractione









tionem originem ducens. Deriuatur ab ἀσθμαίνω, an-  
helo.

## II. DIFFERENTIA.

### 1. Asthma est

- 1) vel *defectiuum*, quod a neruorum labefactionibus de-  
pendet, & multum cognationis habet cum adfectu illo  
catarrhali seniorum, qui circa caput & fauces obtingit,  
cumque raucedine ac difficili respiratione coniunctus  
& in habitum deductus est.
- 2) Vel *actiuum* seu *spasticum*, hodie *convulsium* dictum, ubi  
rigida & spastica contentione libera respiratio impe-  
ditur.
- 3) De asthma *defectiuo* hac tabula, de *actiuo* infra age-  
mus.

### 2. Asthma *defectiuum* est

- 1) vel *humidum*, quod cum humorum tenacium, in primis  
bronchiis inhaerentium, notabili concursu se se mani-  
festat.
- 2) vel *siccum*, ubi nulla excretio mucosa contingit.

3. Asthma in genere non est adfectus soli *pectori* proprius, sed  
etiam aliquando in *hypocondriis* sedem suam habet, & *dys-*  
*pnoea hypocondriaca* vocari solet, quæ modo ante, modo  
post pastum, post motum corporis & nocturno tempo-  
re augetur; effectus tamen ipse in partes pectoris redun-  
dat, ob neruorum *recurrentium* cum negotio respirationis  
connexionem, de qua re notabile est *Galenus* de cane, his  
neruis interceptis, asthmaticò facto, experimentum per  
*Louuerum* in actis Anglicanis repetitum.

4. Asthma raro *idiopathicum*, sed plerumque *symptomaticum*,  
nempe tussi valde humidæ, scirrhis collectionibus &  
pulmonum læsioni accedens, reperitur.

5. Differt tamen asthma a *tussi*: datur enim asthmatica adfec-  
tio sine notabili tussi, præcipue in statu *siccò*.

6. Asthma ratione recursus paroxysmorum est

- 1) vel *periodicum*, quod certo per intervalla tempore e. gr.  
circa æquinoctia,

2) vel



- 2) vel *vagum*, quod incerto tempore,
- 3) vel *diurnum*, quod dedie,
- 4) vel *nocturnum*, quod noctu,
- 5) vel *continuum*, quod absque intermissione adfligit.
7. Asthma differt etiam *gradu*: quo respectu id, quod mitius est asthma, vocatur *dyspnœa*; summus autem gradus, quo ægri non nisi in lecto erecti decumbere possunt, *orthopnœa* adpellatur.
8. De asthmate *spastico* seu *convulsivo* adhuc notandum est, quod quidem symptoma-interdum reperiatur asthmatis *defectivi*, ab hoc autem differat
  - 1) repentina inuasionem,
  - 2) frequente paroxyzante recurso,
  - 3) exitu breuiore, sæpius funesto.

### III. SIGNA.

#### 1. Humidi.

- 1) Sibilus vehementior & sonus spumidæ quasi ebullitionis.
- 2) Laboriosa, difficilis & brevis respiratio.
- 3) Anxietas præcordiorum, ut, quo se vertant afflicti, sæpius nesciant.
- 4) Insignis raucedo, vel ad minimum asperitas vocis.
- 5) Concurrit plurimum tussis, quæ aliquid muci quidem excutit, sed sine leuamine, nisi asthma plane temporarium & ipsius tussis symptoma existat, aut ab hac originem ducat.
- 6) Tempore autumnali frigido & pluuioso hæc respirandi difficultas augetur.
- 7) Alius magis magisque exsiccatur.

#### 2. Sicci.

- 1) Humidus scretus abest.
- 2) Respiratio est quidem difficilis, sed non brevis, aërem enim haustum diutius retinent.
- 3) Sibilus & sonus acutus, quando inspirant, auditur.
- 4) Tussis non iugiter coniuncta est, bene vero in adfectu inueterato & quando scirrhi pulmonum ad exulcerationem tendunt, aut vera corruptio iam adest.

5) Ma-









- 5) Matutino & vespertino tempore magis affligit.
- 6) Ab inspiratione aëris frigidi & a vaporibus acris facile irritatur.

IV. *SUBJECTA.*1. *Humidi.*

- 1) Phlegmatici, otiosi & obesi facile hunc adfectum incur-  
runt.
- 2) Senili ætati, præcipue quando aliæ congestionum spe-  
cies incommode cessarunt, plus quam omnibus aliis  
obtingere solet asthma.
- 3) Iuniori ad modum ætati minus familiare est, nisi ab ex-  
traneis causis inducatur, e. gr. vaporum, puluerum  
corrosiuorum, aëris frigidi, humidi &c. admissione  
scabiei, in primis siccae, ferinae vel aliorum capitis im-  
petiginosorum inquinamentorum retropulsione, a va-  
riolarum aut morbillorum reliquiis in veram phthisin  
abuentibus: item a causis violentis externis, vitio hæ-  
reditario, morbo venereo, male curato, &c.
- 4) Qui consuetas sanguinis emissiones neglexerunt.

2. *Sicci.*

- 1) Homines strictioris habitus magis, quam quibus is laxior  
est, hoc malo corripuntur. In primis
- 2) Iuvenes floridae & plethoricae constitutionis, qui ordi-  
narie quidem otiosi sunt, nonnumquam autem vehe-  
mentes corporis motus subeunt.
- 3) Hypochondriaci sinistre curati & scirrhus viscerum alia-  
que labe laborantes.
- 4) Qui fodiendis & repurgandis metallis manus admo-  
vent.
- 5) Præcipue, qui ab evacuationum sanguinis consuetarum  
intermissione prægrauati sunt.

V. *CAUSSAE.*

1. Causse asthmatis *defectivi* cum tussis causa plurimum con-  
veniunt & ex iis, quæ sub *differentia* diximus, illustran-  
tur.
2. Nempe asthmatis causa *continens* est materia mucido-vi-  
scida circa pectus copiosius collecta.
3. Causa *antecedens* & *concomitans* est flacciditas texture pul-  
mo-



monalismi membranaceæ ex prægressis pectoris congestio-  
nibus & neruulorum, non tam intercostalium, quam pul-  
monalium; unde paucis momentis talis humorum ad-  
fluxus contingit; quod fieri non posset, si nerui illi in de-  
bito tono seruarentur,

4. In grauiore autem & insolito asthmate nerui etiam interco-  
stales, pulmonibus propinquiore in consensum trahun-  
tur.

5. Cum his omnibus in asthmate præcipue *siccò*, tamquam  
caussa *primaria* conspirat plurimum actiua humorum  
versus pectus congestio, euacuationi hæmoptycæ desti-  
nata.

6. Causse *occasionales* & *aduentitiæ* sunt:

1) Euacuationes sanguinis naturales suppressæ, vel artifici-  
ales neglectæ.

2) Tussis humida deprauata.

3) Flatulentia anoterica.

4) Mutatio vitæ generis laboriosi in otiosum.

5) Mala pectoris conformatio & gibbosa.

6) Concretio pulmonum cum pleura.

7) Puluerulenta per respirationem intra pulmones hausta,  
a quibus collectio scirrhusa, immo tophacea induci  
potest.

8) Halitus mercuriales, arsenicales, saturnini & subtiles  
orgastici.

9) Diuturnæ refrigerationes.

10) Oedemata retropulsa,

11) Abusus opiatorum in tussi præmature consopita.

12) Abusus spirituosorum.

13) Hydrops ascites.


## VI. PROGNOSIS.

1. Asthma generatim est adfectus valde pertinax, præcipue in  
annosis, gibbosis & polyposis, vbi immedicabilem sæpe  
contumaciam induit.

2. Inualescens iunioribus minatur scirrhus, suffocationes pe-  
ctorales, immo si materia in bronchiis hærens acrimo-  
niam concipit, pulmonum exulcerationem & phthisin  
indu-









inducit; quo casu ne seniores quidem a phthifica hac exulceratione liberi sunt.

3. Asthma in corpore stricto peripneumoniam, in laxo & humido facile cachexiam aut hydropem inducit.
4. Mitigatum asthma ob diætæ errores facile recrudesceat.
5. Difficilius curatur asthma absente, quam concurrente tussi: hæc enim quando non adeo enormis est, excretionem materiæ aliquo modo promouet.
6. Hæmorrhoides asthmatici superuenientes malum notabiliter sæpius mitigant; id quod eo certius contingit, si affectus ab earum suppressione ortum traxit.
7. Vbi materia valde tenax & pauca existit, ibi pertinacissimum est asthma cum concurrente phthisi.
8. Iuniores asthmatici, qui vel a retropulsione scabiei & impetiginis, vel a variolarum reliquiis in hoc malum coniecti sunt, certo tandem in phthisin transmigrant.
9. Asthma *siccum* inueteratum, raro funditus tollitur, si autem in tussim siccam mutatur, spes melior curationis adfulget.
10. Asthmatici *siccis* diuturno cachexia, oedemata & hydrops succedunt, in primis quando asthma hocce nocturno potissimum tempore adfligit.
11. Scirrhus hepatis, vel etiam alia viscerum labeles quando cum asthma coniunctum est, malum vel insanabile, vel curatu difficillimum reddit.
12. Asthma hæreditarium numquam fere curatur.
13. Asthmaticus status, febribus acutis superueniens, omnino suspectus est.
14. Orthopnoea quando accedit, plerumque breui tempore funesta fit.
15. Asthma venereum non nisi sublato morbo primario, curationem admittit.
16. Qui gibbosi ex asthma aut tussi fiunt, ante pubertatem pereunt.
17. Quo magis attollitur pectus cum scapulis in asthmaticis, eo periculosior est status.



VII. *METHODVS MEDENDI ET REMEDIA.*A. *Humidi.*

1. Huius medicatio partim congruit cum tussi humida, partim ab illa differt.

1) Conuenit

a) materia copiosa vappida, hic etiam præsente;

b) resolutione materiae.

c) discussione materiae, seu potius motus illius, ne decubitus ad locum adfectum perpetuo contingat.

2) Differt aliquo modo *euacuatione*: materia enim non solum resoluenda, sed & euacuanda atque excutienda est.

2. Hinc, præmissa laxatione, ad infarctus mucosi resolutionem exhibeantur remedia illa resoluentia, quæ præcedente tabula indicata sunt.

3. His per aliquod tempus continuatis, ad materiae præparatæ euacuationem respiciatur.

1) In robustis ac bene dispositis natura ipsa huic excussioni sufficit.

2) In aliis pulvis nitrosus, versus somnum exhibitus tussim vehementem excitat, cuius ope materia soluta intra aliquot dies feliciter euacuatur, quo facto tussis sponte iterum euanescit.

3) In aliis materia resoluta per laxantia commodius eliminatur. *Conf. ubique methodus tab. præced.*

4. Denique mitesciente adfectu, *tonica* propinentur & congruum regimen prophylacticum præscribitur.

1) Scopo tonico inserviunt miktura ex spiritu C. C. & tinctura antimonii tartarifata, ess. succin. & lign. sassaf. decoct. ex rad. gent. rubr. & herb. veron. heder. terrest. hepat. nob. scor. sem. fœnic. cort. citr. & cinnam. It. succi harum herb. cum tantillo balsam. Peruu. aut de Copaina &c.

2) Dieta sit moderata, animus quietus, motus corporis sufficiens. In primis respiciatur causa illa, ex qua asthma natum est, e. gr. suppressiones hæmorrhagiarum















rum naturalium, vel omissiones artificialium. Aër frigidus & humidus fugiatur.

**B. Sicc.**

1. Huius tractatio cum tussis siccae methodo in genere prorsus convenit, modo per plures dies medicatio continetur, & venæ sectio æquinoctialis instituatur. In specie sequentia notentur.
2. Quando asthma siccum a retropulsis superficialibus inquinamentis aut tumoribus dependet,
  - 1) Lenia laxantia ex mercurio dulci, extr. panchym. *Crollii* & MP. de succin. *Cratonis* ordinanda sunt.
  - 2) Materia retropulsa *corrigitur* per absorbentia siue simplicia siue acidulata. *Expellitur* per decoct. ex rad. chin. sassaparill. scorzonera, vincetox. herb. scord. fumar. lign. sassafr. aut ess. alexiph. sigillatim per modestum sulphuris usum, cuius aliquot grana, absorbenti cuidam mixta, & ter per diem repetita, bene se gerunt.
3. Asthma siccum ex *flatulentia* ortum per clysteres & temperata stomachica tractatur.
4. Quando autem scirchi hepatis vel lienis hoc malum sustentant, methodo, in tab. horum adfectuum proposita, utendum est.
5. Si atonia pectoris in asthmate sicco potissimum peccat, decocta ex speciebus roborantibus profunt.

**VIII. CAUTELAE ET OBSERVATIONES PRACTICAE.**

1. Quæ cautelæ *precedente* tabula traditæ sunt, illæ etiam in adfectibus asthmaticis observandæ commendantur.
2. In primis *expectorantia* in asthmate, tanto magis *sicco*, quo vis modo fugiantur, quia ad pulsus humorum, qui per illa ad pectus inuitatur, nihil certius, quam vlceroso-faniosam corruptionem eius modi scirrhis collectionibus inducit.
3. *Vomitiva* non promiscue, sed tantum in asthmate stomachali præmissis incidentibus & resolventibus sunt usurpanda.
4. Ab *adstringentibus*, *acribus* & vulgaribus *opiatis* abstinendum est.



5. Quo magis adfectus est *chronicus*, eo potentiora resoluentia requiruntur. e. g.
  - 1) *Rad.* imperat. angelicæ, petasit. aristol. vtriusque, zedoar. leuist. bardan. apii, dracunc. præcipue commendari meretur in asthmate humido rad. ari, in maiori etiam dosi & repetitis vicibus exhibita,
  - 2) *Herb.* antiscorb. trifol. fibr. fumar. nasturt. beccabung.
  - 3) *Ligna* antiuenerica, quaiaci, sassaf. iuniper.
  - 4) *Sem.* ammios, dauci.
  - 5) *Bacce* iuniperi.
  - 6) *Gummata* penetrantiora, nominatim gummi *ammoniac.* quod non solum resoluit, sed etiam per pulmones & aluum materiæ euacuationem quodam modo promouet.
  - 7) *Ex compos.* spir. sal. ammoniac. vrinof. liqu. c. c. succ. in phlegmaticis, potiuncula *Brunneri* e gumm. ammoniac. vnc. semis, in acet. squillit. vnc. I. solut. add. aquæ veronic. vnc. II. ol. tart. per deliqu. gr. X - XII. sacch. vnc. semis.
6. Extra paroxysmum optima est medicatio: si autem suffocationis periculum vrget, blanda incidentia & expectorantia, inprimis vero sperma ceti in iusculo calido ægrotis exhiberi possunt.
7. *Vena sectio* in asthmate *sicco*, nisi statim in principio paroxysmi instituatur, vel post octo dies *secunda* subiungatur, nil iuuat.
8. In asthmate senili & flaccida præsertim paralytode pulmonum læsione, atque aliis humidis pectoris constitutionibus chronicis egregie conuenit diuturnior vsus *aquæ veronicæ vinosæ* destillatæ, it. *aquæ hyssopi*: porro dicta vinosæ, leniter aromatizata resoluentibus & balsamicis iungenda.
9. *Cinnabaris antimonii*, in aqua quadam asthmatica propinata, ab *Oswaldo Kremser* ad modum extollitur, & eius ope ægrum talem intra mensis spatium restitutum esse adseverat.
10. In subiectis humidis, *asthmate humido* laborantibus, adfluxus discutitur & pectus quodam modo roboratur per mo-



Nullum datur nobilius, presentius, et probatius reme-  
dum in omnes fere Pectoris Vitis, Balsam. &  
Dosis ad gutt. V. vel Sympo imprimi Violam.  
Graling





modestam inspirationem *fumi ex antimonio* fuso adscendens.

11. *Baglinius* particulas *nitrosas* inter *arandum* respiratione attrahendas, asthmaticis commendat; quod remedium politicum, ad placidum & continuum motum corporis impetrandum, non reiiciendum est.
12. Dantur exempla asthmatica, in quibus constrictio humorum non solum versus pulmones, sed totum etiam caput contingit, ubi *tabaci* usus mediocris, & quidem mane ieiuno stomacho adhibitus, subleuationem adfert.
13. *Segmenta pinea*, fornaci calefactæ imposita, fundunt resinam, cuius vapor, naribus attractus, in adfectibus asthmaticis tussiculosis sensibile leuamen aliquando attulit.
14. *Urtica urens* specificè solet laudari, ita quidem ut vel in forma decocti vel quod melius, in substantia nempe radix, herba & semen ad scrup. I. luna decrescente sumatur. Solum semen est *D. Michaelis* specificum.
15. *Fonticuli & vesicatoria*, suris adplicata, num aliquod leuamen asthmaticis adferant, ulteriori experientiæ relinquimus.
16. Conferatur *Horlacheri* scriptum germanicum de catarrhis, quo fabulis anilibus contradicit, ac si in asthmaticis talibus catarrhis aliquid ex capite in cavitatem arterie asperæ defluat.
17. Quo magis *asthma siccum* existit, eo consultius curæ initium cum *vena sectione* in pede faciendum est.
18. *Scarificationes & hirudines*, locis hæmorrhoidalibus adplicatæ, etiam commendari merentur.
19. Ultimo loco adiicimus *casum notabilissimum* in puero quodam 14. annorum, qui, quum asthmate per integrum annum adfectus fuisset, insigni hæmoptysi tandem corripiebatur. Hæc sanguinis reiectio, quæ frustra coagulata continebat, per aliquot hebdomadam interualla aliquoties & tanto quidem impetu repetebatur, ut mortem singulis horis expectaremus, præcipue quum uersum corpus summe extenuatum esset, & facies *Hypocra-*



*pocratica* conspiceretur. Verum enim vero mox surgebat hic tabidus, edebat, dormiebat & intra mensis circiter spatium, vniuersi corporis incrementa, non turgida, sed solida & genuina capiebat. Quum vero exiguo hoc tempore corpus vere saginatum recuperasset, atque, præter asthmatis consueta incommoda non haberet, de qua reconquereretur, subito incipiebat lugere, atque ab omni cibo abstinere, donec septimo die exspiraret. Facta cadaveris sectione ne minima quidem pulmonum vestigia reperiebantur, vasa autem sanguinea, in congeriem quasi furculorum colligata, cum pleura conereta erant, & cor in suspenso tenebant.

## TABVLA XXXIII.

DE

## PALPITATIONE CORDIS.

## I. DEFINITIO.

Palpitatio cordis est spastica cordis contractio, per intervalla insultans: quo vehemente, licet erroneo motu principium vitale vel abundantiam sanguinis per sinceram euacuationem imminuere, & simul crassa illius corrigere, vel collectionem scirrhosam aut concretionem polyposam abstergere & remouere intendit.

## II. DIFFERENTIA.

## 1. Palpitatio cordis est

- 1) vel *idiopathica*, quæ rarius occurrit,
- 2) vel *symptomatica*, quæ aliis morboris adfectibus superuenit.

2. Palpitatio cordis *vera* distingui debet a nudis fortioribus cordis commotionibus & sanguinis orgasmo; quæ incommoda ab improviso terrore & ira, vel a vehementibus









bus prægressis motibus corporis oriuntur & subito plerumque transeunt.

### III. SIGNA.

1. Vehemens pulsatio cordis ad partes solidas thoracis, ita ut a circumstantibus sæpe videri, immo audiri possit.
2. Arteriarum quoque, præcipue carotidum in collo, fortior conspicitur pulsatio.
3. Præcedunt nonnumquam vel coniuncta sunt
  - 1) Anxietas præcordiorum ad sudorem usque.
  - 2) Languor artuum.
  - 3) Pallor faciei.
  - 4) Respiratio anxiosa, cardialgica, cum intercepto libero vocis usu.
  - 5) Lipothymia.
4. Adstrictio alui sæpius complicata est.
5. Flatulentia iridem in abdomine detenta.
6. Quando remittit palpitatione, multum animi & corporis languorem atque virium defectum post se relinquit.

### IV. SUBIECTA.

1. Hic adfectus frequentius evenit plethoricis, specularibus & vitæ sedentariæ deditis.
2. Specialiter hypochondriacis, scorbuticis & hystericis, vitio mensium laborantibus.
3. Plerumque obtingit iuventuti, & ex hac in adultiorem ætatem transcendere solet.
4. Spontaneis euacuationibus sanguinis adfuetis, quæ vero iterum cessarunt.
5. Qui adfuetas sanguinis ventilationes statim temporibus non continuant.
6. Qui animi pathematibus, hisque suppressendis, facile moventur, præcipue qui terrore conturbantur: unde nonnumquam *idiopathicus* adfectus induci observatur; de qua re notabile exemplum sub *cautelis* legendum est.
7. Qui diutius sub cœlo frigido quiescunt.
8. Temperamentum melancholicum præ aliis huic adfectui obnoxium deprehenditur.
9. Præcipue virgines pallidæ chloroticæ iuniores, quarum



menes vel nondum eruperunt, vel suppressi sunt, & tamen laboriosa molimina ad eorum productionem conspirant.

10. Qui febres acutas vel intermittentes parturiunt.
11. Plethorici quidam nonnumquam sub somno palpitationibus cordis corripuntur, & quando terrore alienius insomnii excitantur, palpitationem talem vigiles aliquamdiu adhuc persentiscunt.
12. Qui polypos cordis habent, palpitatione hac cum difficili continua respiratione corripuntur.
13. Deprehenditur etiam superuenire subiectis hæmoptycis, & quando in pulmonibus scirrhusa quædam labes est.

#### V. CAUSSAE.

1. Causa *materialis* est
  - 1) vel plethora & spissitudo sanguinis.
  - 2) vel polypus cordis aut scirrhus pulmonum, aut tubercula cordis.
2. Hæc natura tamquam causa *efficiens* imminuere, corrigere & abstergere intendit, ac proinde, licet ex errore, humores versus pectus copiosius restringit. Falsa itaque est illa pathologia, quæ hunc motum auctiorem a stimulatione & irritatione cordis deriuare vult.
3. Causæ *occasionales & procatacæ* sunt:
  - 1) Animi pathemata, e. g. improvisus terror, timor, tacita & suppressa indignatio; quibus omnibus restrictio humorum versus interiora contingit: licet enim palpitationes cordis, ab hisce animi pathematibus dependentes, rariores sint, quam quæ a materialibus causis oriuntur, vix vllum tamen exemplum contingit, in cuius palpitatione non aliqua animi anxietas conspiret.
  - 2) Evacuationum, præcipue sanguinearum, adsuetarum suppressio vel neglectio, e. g. obstructio mensium, hæmorrhoidum, neglectæ venæ sectiones, purgationes, obstructio alui &c.
  - 3) Diæta lauta.
  - 4) Vitæ genus sedentarium; speculabundum.
  - 5) Pal-









- 5) Palpitationes cordis in adolescentibus, & puellis menses nondum expertis, non raro a *vermibus* fouentur.
- 6) Reliquæ causæ occasionales præcedente membro indicatæ sunt.

VI. *PROGNOSIS.*

1. Initium huius adfectus non adeo fonticum est; quo magis autem inualefcit, & in consuetudinem degenerat, eo maioris fit periculi.
2. Quo plures causæ concurrentes conspirant, eo maior est metus, & familiarior palpitatio recidiua, cum primis quia leui etiam occasione hic adfectus solet recrudesce.
3. Varia deinde mala pectoris emergere possunt nempe inflammationes, hæmoptyses in iunioribus, polypi cordis, infarctus viscerum.
4. Frequentius febres post se relinquit, quæ periculo non vacant, transeunt enim facile in statariam, diuturnam, pessimam sanguinis commotionem.
5. Immo morbi conuulsiui, vel aliquando desertiones tonicæ & adfectus paralytici inde prouenire solent.
6. Qui polypos in corde gerunt, ex improviso sæpe moriuntur.
7. In hypochondriacis & hystericiis plerumque sine periculo occurrit.
8. Si in his hæmorrhoides & menses ordinatim fluant, malum mitigatur, quandoque etiam tollitur.
9. Palpitatio cordis, quando a *nudo* terrore exoritur, quod tamen raro contingit, malum curatu est difficillimum.

VII. *METHODVS MEDENDI ET REMEDIA.*

1. Præmittatur *euacuatio* primarum viarum per rhabarbarina, sennata, melanagoga.
2. Deinde, ad *plethoram* imminuendam, venæ sectio in pede instituatur, sed sufficiente quantitate & magna incisione, alias directe ad palpitationem cordis nulla datur medicatio.
3. Post venæ sectionem, ad *orgasum* sanguinis temperandum, exhibeantur temperantia, nitrosa, cinnabarina, acidulata, e. g. nitrum depuratum, conch. præpara-



- rat ocul. cancr. mat. perlar. cinnab. antimon. tinctur. bellid.
4. His per duos vel tres dies continuatis, *spissa* sanguinis *crasis* respiciatur. Hanc corrigunt
- 1) Præ omnibus aliis motus corporis *placidas & diuturnus*, cum potu sufficiente ac diluto.
  - 2) Alexipharmacō - diuretica, e. g. essent. alexipharm. *Stahlii*.
  - 3) Antiscorbutica temperatiora, nempe nasturtium, beccabung. cochlear. trifolium fibrinum.
  - 4) Anticatarthalia.
5. Denique ad motum erroneum sedandum, & æqualem sanguinis distributionem promouendam subiungantur
- 1) *Interne*.
    - a) Mixtura tonico - neruina *Stahlii*, ex spiritu quodam volatili vrinoso & tinctura alcalina acri parata; item essent. succin. crocus exigua dosi exhibitus.
    - b) Gemmata analeptica: tinctura coralliorum, confect. de hyacinth. alkermes, vinum rubi idæi, condit. citr. &c.
    - c) Anodyna correcta: M. P. de cynoglossa, pilulæ *Wildegensii* genuinæ.
  - 2) *Externe*
    - a) clysteres reuulsorii.
    - b) Pediluuiæ.
    - c) Adpensio camphoræ.
    - d) Epithema cordiale ex aqua carbunculi, Anhaltina, essentia croci, castorei, balsam. vitæ.
    - e) Epithema *Foresti* ex herb. meliss. borrag. cum aceto & aqua rosarum.

#### VIII. CAUTELÆ ET OBSERVATIONES PRACTICÆ.

1. *Vena sectio* in hoc adfectu numquam prætermittatur, absque enim illa omnis medicatio minus efficax erit.
2. Extra paroxysmum instituta efficacior quidem deprehenditur, præcipue si adfuefacta fuerit neglecta, sed circumstantiæ hanc moram non semper tolerant: hinc eo tantum respiciatur, ut sub paroxysmo, non adeo exacerbato,















- to, administretur, ne commotiones febriles exoriantur.
3. *Malum hypochondriacum* quo magis conspirat, eo magis salia media digestiva cum pulueribus nitroso - temperantibus remiscenda sunt.
  4. In *chlorotica virginum* constitutione pilulæ *Stahlianæ*, *Becherianæ*, vel amara cum laxantibus & martialibus per 8 - - 14. dies præscribantur.
  5. Quando *menstruum* vel *hemorrhoidum* adfectus fluxus suppressus est, tum extra paroxysmum conueniente methodo reuocetur.
  6. Quando alii adfectus, ut vitia pulmonum, polypus cordis &c. ad palpitationem cordis ansam præbent, eorum cura est respicienda.
  7. Vbi *vermes* in suspicionem veniunt, ibi anthelmintica propinentur.
  8. Concurrente *scorbuto* antiscorbutica, sub methodo commendata, cum alexipharmaco - diureticis combinantur.
  9. Vulgaris ordinatio cordialium acriorum neruinorum & spiritibus dicatorum, nihil ad hunc adfectum confert.
  10. Cauendum a sanguinis, in mobilitate sua impediti, subita fortiore commotione: item a remediis valde calefacientibus.
  11. Vomitoria & purgantia fortiora exfulent, adfectum enim peiorem reddunt.
  12. Numquam ad *motus sopitionem* properetur, nisi causa materialis, nempe plethora & spissitudo sanguinis, prius remota sit: exceptis illis rarioribus casibus, ubi *sola* animi pathemata, e. g. mœrores, terrores, anxietates, metus in culpa sunt, in quibus gemmata cum M. P. de cynoglossa sufficiunt.
  13. Præ aliis gemmatis laudatur *hyacinthus vera*, quæ sane, placando trepidantem naturam, ad pauidos tales adfectus notabilem efficaciam præstat.
  14. Deinde etiam *smaragdus vera*, exiguis dosibus, nempe gr. 1 - 11. exhibenda.



15. Hæc gemmata, tonica analeptica cum nitrosis, cinnabarinis, longo interuallo post se relinquunt *opiata*, quæ recidivas inducere obseruantur.
16. *Martialia & salia volatilia*, præmature exhibita, malum in grauius mutant.
17. *Pediluuia*, præmissis generalioribus, cum effectu versus somnum vsurpantur, præsertim si palpitatio cordis magis nocturno, quam diurno tempore exacerbetur.
18. *Thermarum & acidularum* vsus ad spissitudinem sanguinis resoluendam, non penitus est reprobandus; vti balnea *domestica*, cum moderamine vsurpata, proficiunt.
19. Methodus prophylactica, per venæ sectiones æquinoctiales & pulueres nitroso-temperantes, numquam omitteretur, utpote quæ interdum plus facit, quam curatoria.
20. Diæta conueniens, & causas occasionales excludens, vique iniungatur.
21. Præcipue animus modeste & tolerabiliter exhilaretur; quod vinum modice & medice vsurpatum, præ aliis præstat, nisi scorbutus vel orgasmus sanguinis, in primis autem febres acutæ, ardentes, immo intermittentes, contra indicent.
22. Mutatio vitæ otiosæ, speculabundæ, sedentariæ, in mobilem & laboriosam plus sane ad sanguinem attenuandum confert, quam vniuersus medicamentorum apparatus.
23. Coronidis loco subnectere placet eminens exemplum, quod egregie confirmat, in palpitatione cordis *quantitatem* sanguinis, & illius *spissitudinem*, magis esse respiciendam, quam fictam acrimoniam scorbuticam. Vir quidam ad annos quinquaginta natus, plethoricus & vitæ sedentariæ magis quam laboriosæ deditus, temperamenti sanguinei, leuiter cholericus, animi commotionibus, in primis terrore, facile obnoxius, quum annum ageret tricesimum tertium, arcessebatur, ut coniuges quosdam, contentionebus distractos, in pristinam reduceret concordiam. Gemebundus citato pede aduolabat, quumque scalam veloci  
hoc









hoc cursu adscenderet, vehementissima cordis palpitatione cum præcluso sermonis usu corripiebatur, & totam horam inter summas præcordiorum angustationes absumebat. Post ea hic adfectus innumeros fere habuit recursus, atque per multos annos & Patientem & Medicos multum vexauit. Simul ac enim, commotiones animi accesserunt, vel corpus celeri cursu, scansione montium, scalarum &c. vehementer commotum, aut caput versus terram præceps incuruatum fuit, malum hoc cum tanta vehementia Patientem infestauit, ut non adstantes solum, sed alii in altero hypocausto horrendos illos pulsus, qui per quinque interdum horas durarunt, audirent. Huic afflictioni multi Medici multa quidem remedia opposuerunt, quoniam autem, ut plerumque moris est, plethoram & spissitudinem sanguinis non respiciebant, sed acrimoniam tantum illius corrigere intendebant, radicem huius mali extirpare non potuerunt. Tandem patiens, quoniam leuamen ægritudinis suæ in hominibus hætenus viderat nullum, animum erigebat, atque supremi Numinis auxilium precibus quærebat. Post preces somno placido utebatur, atque per insomnium videbat *lanceolam*, qua venam in brachio secare, & ter multum sanguinis emittere cohortabatur: er sollte die Ader dreymahl sein hoch springen lassen, so würde er gesund werden. Experrectus nouum Medicum vocabat, atque huic, quid ea nocte in somno sibi euenisset, enarrabat: quumque & Medicus & æger hoc insomnium non a lusu phantasiæ, sed ab altiori principio deriuarent, venæ sectionem instituendam decernebant. Hac peracta Patiens intra quatuor hebdomades a malo suo, quod per sedecim annos durauerat, ita restitutus est, ut grato in Deum animo hæc verba sæpius repeteret: *ex periculo ereptus sum.*



## P H T H I S I

## I. DEFINITIO.

Phthisis est ulcerosus pulmonum adfectus, a stasi sanguinis ibidem collecta, & in corruptionem deducta oriundus, atque lenta corporis extenuatione maxime conspicuus. Deriuatur a  $\phi\theta\iota\omega$ , consumo, tabesco.

## II. DIFFERENTIA.

1. Phthisis differt *gradu*: in læsione enim pulmonum est vel ulcerosa tantum dispositio, vel vera iam & consummata ulceratio.

1) *Ulcerosa dispositio* nihil aliud est, quam collectio & infarctus scirrhusus materiæ tenacis & viscosæ, seu etiam mucidæ portionis sanguinis; quæ materia lentescens, discussis repente partibus fluidis, in duritiem, & calcaream consistentiam abit, atque *nodos* seu *tophos* format, & hinc in actum corruptionis non ita promte deducitur. Hæc est ratio, quod tabidi in hoc statu per plures annos vivere possint, & vix aliqua phthiseos suspicio in plures cadat.

2) *Vera exulceratio* dicitur, quando ulcerosa hætenus, ad corruptionem disposita, scirrhusa collectio altiores radices egit, & vlcus iam erumpens vel plane consummatum constituit; sub qua constitutione febris *hectica* cum reliquis symptomatibus exacerbatur, & æger intra breue tempus consumitur.

3. Cum hoc tophaceo & ulceroso statu nonnumquam etiam coniuncta est *concretio pulmonum cum pleura*; quamquam nonnulli recentiorum ex observationibus anatomicis adstruere volunt, hanc concretionem in plurimis subiectis reperiri, & ita ad statum naturalem pertinere.

3. Phthi-



## De Phthysi

1 Definitio. Est autem Phthisis, Corporis contabescencia,  
cum lenta febre, Spi<sup>3</sup>randi difficultate, molesta et  
continua tussi atq<sup>3</sup> copioso Phlegmatica materiaq<sup>3</sup>  
corrupta ac Purulenta Spi<sup>3</sup>to iuncta, ab insigni  
Pulmonalis Substantia lesione, per schirrosam vel  
ulcerosam corruptionem, vel Abscessum inducta, ortum  
ducens. Hoffman.

Probe distinguenda est Phthisis a Tussi valde  
Chronica, cum ejectione copiosi Phlegmatis juncta,  
sequente labe viriumq<sup>3</sup> prostratione et calore praeter-  
naturali; quae quidem mala autumnali, et Vernali  
tempore subiecta ad Catarrhales Morbos procliviora  
saepius saepius corripiant. diutiusq<sup>3</sup> vexant, sed  
hilominus Naturae, et Artis Consilio sollicito adiuvent.



3. Phthiſeos differentiam ab *hectica abdominali* anxie quaerere, vix ullam in praxi habet vtilitatem. Sicut enim remedia placide reſoluentia & diſcutientia, ac, ſine omni acredine, baſamica phthiſicorum vnica ſunt ſolatia, ſic etiam iisdem, & eadem quidem methodo, heceticis ſtrictè dictis ſubuenitur. Sequentes tamen obſervationes hanc differentiam & diagnoſin præcipue docent.

- 1) Hectica abdominalis ſemper inuoluit febrem, phthiſis autem aliquando ſine febre, ad minimum notabili, obſeruatur.
- 2) Si a profunda aëris attractione tuſſis augetur, & anguſtia ſeu reniſus in pectore ſentitur, tum eſt læſio *pulmonum*.
- 3) Tuſſis pulmonalis, niſi grauiffimæ commotiones ſuppurafcentes iam adſint, cedit extracto *tabaci*, abdominalis non item.
4. Sic etiam phthiſis ab *atrophia* infantum non niſi loco & ætate differt; nempe atrophia eſt læſio glandularum meſenterii, pancreatis, vel ipſius quoque hepatis, infantili ætati communis; phthiſis autem læſionem pulmonum inuoluit & iuuenili ætati familiaris eſt. De reliquo quoad cauſam *continentem* prorſus conueniunt.
5. Differt etiam phthiſis a *marafmo* ſenili, ſeu illa corporis extenuatione, quæ annofioribus e quacumque cauſa obtingit.
6. Phthiſis differt quam maxime a *vomica pulmonum*, nam
  - 1) in *phthiſi* eſt *vlcus* ſtrictè dictum, in *vomica* autem *abſceſſus* ſeu *apoſtema*. Falfum enim eſt axiomã; *ubi pus, ibi vlcus*, nam in *puris* efformatione tota differentia apoſtematis ab vlcere fundatur.
  - 2) Vlcus phthiſeos in partibus *exſanguibus*, humidis tamen & mollibus, reſidet, apoſtema autem in *ſanguiferis* reperitur.
  - 3) Hinc *vomica*, tam breuioris & præcipitis eſt ſucceſſus, vlcus autem phthiſicum longioris periodi.
  - 4) Phthiſis licet ex *vomica*, non lethaliter rupta, ortum ſumere poſſit, euidenter tamen manet differentia rei ſuccedentis a præcedente.



- 5) Immo licet vicissim ex ulcerosa pulmonum constitutione vomica tandem erumpere possit, per accidens tamen hoc tantum contingit, nempe quando vasa eroduntur, & præceps inflammatio ulceri *segniori* phthifico superuenit; rara autem huius successionis vomica sunt exempla.

## II. SIGNA.

1. Phthisis *lenius* incipiens vix vlla habet signa, nam eo tempore exigua solum *tussis* sese manifestat.
2. Tussunt autem omnes fere phthifici, plerique *acrius*.
  - 1) Alii cum multa *excretionē*,
  - 2) Alii cum pauca,
  - 3) Alii cum nulla, & hoc quidem vel sub initium, vel in fine.  
*Conferatur Hippocrat. aphor. 16. Sect. III.*
3. Tussim autem quamcumque, etiam diuturnam & notabili excretionē conspicuam, pro certo phthiseos signo declarare, error est satis communis: nam vitia primæ concoctionis tussim prouocant, phthifica interdum maiorem.
4. Hinc in phthiseos diagnosi signa *sociā* semper sunt coniungenda, nempe
  - 1) *Ætas* infra sub *subiectis* adnotata.
  - 2) Tussis diuturnitas, & illius exacerbatio ab aëre frigido, halitibus acribus, acidis adsumtis, & profunda respiratione.
  - 3) Materia profundius excussa, sanguineis striis infecta, odorata, saniosa aut puris æmula, sæpius etiam coloris cineritii & subnigri.
  - 4) Pectoris angustia cum sensu rei cuiusdam illud comprimētis.
  - 5) Virium lapsus.
  - 6) Deiectio adpetitus, vel frigidorum tantum cupido.
  - 7) Somnus non reficiens sed magis delassans.
  - 8) Siccitas oris & saliuā glutinosa
  - 9) Calor hecticus post prandium in partibus exterioribus, in primis vero in manuum volis se exferens.
  - 10) Facies rubicunda & turgida, præcipue crescente hectico calore.

11) Pul-



11. Phthysica passio sit frequentius antecedens sanguinis  
fluor, aliquando etiam longi temporis lapsula, sive  
Catharro — quo pulmonum profundæ et intima  
partes lacrantur & <sup>præterea</sup> <sup>tunc</sup> ulcerata — Sequitur  
Agrotantes febricula labor, quæ initium, encl-  
inante diu, accipit, atq; vomitu ludo levigatur, ad-  
iuncta lapsula plurima initio. Noctis atq; finis,  
cum, sputis, saniosis ac parvulis quidem, deinde  
autem plurimis — His vero, qui ex fluore ignis  
in vitium veniant passionem, primo sanguinolenta  
sputa efficiuntur, tum secutenta, tum livida  
vel præseria, & in ultimis alba atq; purulenta,  
dulcia vel salia, cum voce rauca aut clausa,  
et difficultate spirandi, atq; gravium rubore, et  
ceteri corporis lenis coloris. Cibi fastidium  
sequitur & Major Sitis, quibusdam gravi doloris  
tensus et Ulcerati pulmonis, ut etiam quæ  
fibras excipuas, pulsus debilis durus & duri  
formicularis. Sequitur præterea inflatio pectoris,  
& Ventris fluxus, et phlegmata carbonibus injecta  
sibi sunt Odoris — (c. Aurelian. lib. 2. c. 14.)

The most certain Characters that show y<sup>e</sup> Lungs  
affected are y<sup>e</sup> much Spitting of a Purulent  
Matter attended with a difficult  
Respiration, a load or Weight upon the Breast,  
and a Hoarse Liver. This Matter as  
y<sup>e</sup> Disease increases grows of a Yellow, Green,  
or Dusky Colour. Vid. VI. 20. Ruys' Tabul. —

In Catarrh the Spittle is thin in the beginning,  
and thicker in it's progress; in Consumption  
thick & purid from the beginning —  
In y<sup>e</sup> last Stage of a Phthisis, the Cough, Pain in  
the Breast, and Expectoration of thick, Green  
Purulent Matter, are all exasperated — This  
Pus or Matter spit up appears not to differ  
any thing in it's sensible Qualities from that  
Expectorated from a Well digested Ulcer,  
happening to any other part — Robinson  
on Consumption, p. 143. part. first —



- 11) Pulsus pro gradus præcipue diuersitate variat: modo enim parvus & debilis, modo febrilis, modo serratus ac inæqualis deprehenditur.
  - 12) Sensibilitas & impatientia *animi* subiracundi.
  - 13) Sensibilitas etiam *corporis*, præcipue circa mutationem aëris.
5. Si his signis accedant prægressæ violationes pulmonum, & dispositio hæreditaria, tum certitudinem phthiseos fere indubiam reddunt. Tales violationes pulmonum contingunt
- 1) in hæmoptysi.
  - 2) in peripneumonia.
  - 3) per violentas externas contusiones & vulnerationes.
  - 4) per diuturniorem inter corrosiuos minerales, sulphureos vapores obuersationem.
6. Quando autem his omnibus conspicua extenuatio totius corporis, & ultimo etiam faciei, quæ *Hippocratica* adpellari solet, cum notabili *febre hæctica* accessit, de phthisi *confirmata* non magis est dubitandum.
7. Sputum *purulentum* est quidem phthiseos *consummata* certissimum signum, sed non vnicum: datur enim phthisis ad *ἀκμὴν* deducta, sine tali sputo; nempe in iis, quibus vlcus bronchiorum, aut membranaceæ pulmonis portio- nis, citra sanguinis concursum adhuc perstitit.
8. Pro sputo autem purulento non debet reputari materia illa crassa, pultacea, e flauo viridescens, quæ in tussi quoque simplice innoxia solet excerni.
9. Urinæ phthysicorum sanis frequenter sunt simillimæ, nisi quod spumam diutius seruent: hoc tamen in simplice etiam tussi, & habitu phlegmatico contingit.
10. Interdum vero etiam intense rubræ, interdum colorem urinae febrium intermittentium æmulantes & sedimentum farinaceum album, aliquando etiam subrubrum deponentes.
11. Si *vomica* pulmonum phthisi superuenit, febris, alias lentescens, acutam indolem induit, & tussis antea dolore



obtusoincommoda, iam interlancinante adfligit, & respiratio maiore difficultate laborat.

12. *Diarrhæa* & *sudores colliquatini*, defluuium capillorum & aphthæ, quando proueniunt, de malo *consummato* testantur.

13. *Tephi* pulmonum admodum latent, & vix aliqua signa diagnostica manifesta præbent, nisi quod

1) Tussis sicca sonora & quasi clangens cum respirandi difficultate & sensu doloris in pectore interdum eos prodatur.

2) In quibusdam post motum aut tussim fortio rem eiusmodi globuli, pus vel materiam viscidam continentes, excernuntur,

14. Neque etiam *concretio pulmonum cum pleura* in viuis ex certis & indubiis signis cognosci potest, nisi quod in quibusdam insolita pectoris angustia occurrat.

#### IV. SVBIECTA.

1. Phthisis in pauciora subiecta cadit, nempe quamplurimum in iuuenes ab anno XVIII. ad XXXV. *Conf. Hippocr. aphor. 29. sect. III. aphor 7. sect. VIII.*

2. Ex his autem homines plethorici, sani, floridi, otiosi, cholero-sanguinei, magis in phthisin prolabuntur, quam mucosi, scorbutici, phlegmatici, laboriosi.


3. Seu, quod idem est, longe maiore numero phthistici fiunt, qui hæmorrhagiis frequentioribus, capitis doloribus æstuosiss & lancinantibus, hemicraniis acutis, respiratio-nis difficultati a motu corporis citatiore, & veræ hæmo-ptyssi expositi fuerunt, quam qui obnoxii sunt catarrha-libus defluxionibus, coryzæ, tussi simplici, diarrhœis, scabiei ferofiori & vlceribus externis.

4. Sexus femininus phthisi magis expositus est quam virilis; quod sequente fundamento innititur: euacuationes sanguinis *suppressæ* vtrumque sexum disponunt ad phthisin, & quoniam *pauciores* in virili sexu hæmorrhagiarum sunt, in feminino autem ordinariè omnes, sit inde, ut numero longe maiore suppressio sanguinis, & hinc etiam phthisis, sexui sequiori, quam virili, obtingat.

5. Quum















5. Quum autem alii de hac sententia in partes contrarias abeant, & infrequentiam phthiſeos in ſexu ſequiore præ virili ex ipſo beneficio negotii menſtrui deriuare volunt, pauca ad ſententiam noſtram roborandam adponemus:

- 1) Si in eiſmodi loco, vbi magna iuuentutis cohors tam in ſcholis quam in academia reperitur, obſeruaciones practicas inſtituimus, plures phthiſicos in ſexu maſculino quam feminino deprehendemus. Si quis autem alibi, vbi vterque ſex in æquali fere numero, & a ſtudiis litterarum remotus viuit, in praxi conſtitutus eſt, is ſi paullo attentius rem obſeruabit, deprehendet, quod ſexu femininus phthiſi & hæmoptyi ob menſium turbas & anomalias magis obnoxius ſit quam virilis.
- 2) Phthiſis differt gradu: alia eſt incipiens, alia confirmata, illa facilius poteſt curari, hæc autem non. Hinc negari non poteſt, quod in ſexu ſequiore natura ſibi magis proſpicere & phthiſin completam auertere poſſit quam in virili. *vid. prognofis.*
6. *Seniores* non facile fiunt phthiſici, niſi a manifeſtis cauſſis externis: neque *pueri*, exceptis illis, quibus hæmorrhagia narium largior familiaris fuit, & repente ſuppreſſa eſt.

#### V. CAUſſæ.

1. Cauſſa phthiſeos antecedens *remota* eſt ſtatus plethoricus.
2. Cauſſa *propior* eſt ſpecialis congeſtio ſanguinis ad pectus, præcipue floridioris, ſeroſi rarius.
3. Congeſtio floridi ſanguinis deſtinata eſt ad euacuationem hæmoptyticam, ſeroſioris autem ad *becchicam*.
4. *Hæmoptyica*, ſi propter difficultatem non perrumpit, vel poſt perruptionem portio mucida relinquitur, ſtaſin & hinc corruptionem, ſive vlcerofam ſive ſuppuraſcentem infert.
5. *Becchica* euacuatio quando non ſuccedit, materia illa tenax, mucoſa, ſeroſa, affatim congeſta, corruptionem falſo-acrem ſubit, & hinc etiam vel abceſſum vel vlcus producit. Eiſdem indolis eſt materia illa acris, quæ in



coryza per nares excernenda fuisset, si ad pulmones defluit.

6. *Causæ externæ, occasionales & procatacæ sunt:*

- 1) Lapsus aut ictus violentus in pectoris regionem factus.
- 2) Nimis vehemens tussis.
- 3) Aër autumnalis, qui tabidis in primis noxius est; *conf. Hippocr. aphor. 10. Sect. III.*
- 4) Fumi corrosivi.
- 5) Scabies retropulsa, vlcerà antiqua manantia imprudenter consolidata.
- 6) Potus frigidus corpore insigniter æstuante.
- 7) Quando pulmones a pleuritide, peripneumonia, tophis, vomica, aut etiam a miasmate post variolas vel morbillos relicto, exulcerati sunt.
- 8) Abusus veneris & potuum spirituosorum.
- 9) Suppressio hæmorrhoidum & mensium.
- 10) Mala artificia, e. gr. expectorantia, quibus non modo copiosior sanguinis adfluxus inuitatur, sed etiam pulmonum oppletio augetur, & ordinaria tensio relaxatur,
- 11) Peruersa curatio morborum prægressorum, in primis febrium & hæmorrhagarum per adstringentia suppressarum.
- 12) Dispositio hæreditaria ad phthisin plurimum etiam confert.

7. *Causa tussis* est intentio naturæ stasin discutiendi, vel subnatam ex illius corruptione materiam acrem excernendi.

8. *Tophi pulmonum* oriuntur vel

- 1) ex congestione sanguinis ad pectus, nulla subsecuta cruoris excretionem aut eiusdem plenaria discussione. Vel
- 2) a tussi humida laboriosa, ubi pars materiæ illius tenacis in pulmonibus remansit. Vel
- 3) ab impulsu humorum intra pulmones, per qualemcumque pectoris motum concitato, quo pertinent cantationes









tiones, intentiores clamores, nec non qualiacumque exercitia, pectoris motum requirentia.

9. Cóncretio pulmonum cum pleura vel ad vitia formationis in vtero materno referenda est, vel etiam per accidens & ob certas causas occasionales contingere potest, e. gr. quando infantes tenelluli semper in vno eodemque latere portantur.

## VI. PROGNOSIS.

1. Frequentia phthiseos tanta non est, quanta quidem vulgo existimatur vel metuitur: quoniam frequenter tussis humida pectoralis & expectoratio materiæ mucidæ, quoad colorem non satis ingenuæ, cum vera phthisi confunditur.
2. Corruptio, quæ in pulmonibus adest, non ita præceps existit, hinc natura corpus suum tam diu conseruare adlaborat, quam diu fieri potest; inter ea tamen illud nutrire cessat, quia periculum læsionis auertere & vlceri præsentī prospicere, ne citius se expandat, intendit; & hoc modo corpus sub vitalium motuum continuatione consumitur & paulatim marcescit.
3. Corruptio autem illa, quæ pulmones obruit, est vlcerosa, non autem sphacelosa, cum sanguis continuo per pulmonum texturam refluat.
4. *Incipiens* phthisis ancipitis est prognoseos, *consummata* lethalis.
5. Ratio hæc est: nullum vlcus curatur, nisi tota eius superficies absterfa sit, aut abscesserit, (daß die Wunde frischen Grund bekomme,) sed hæc *mundificatio* in partibus internis vix habet locum; insuper *consolidatio* vulneris in pulmonibus ægre succedit, quia perpetuo aëris concursui, motui & vehementi tussis concussioni obnoxii sunt.
6. Prostant tamen exempla phthiseos incipientis curatæ, in quibus vestigia autocraticæ restitutionis & cicatriculæ detecta sunt.
7. Subiecta sicciora longe citius humidis, agilia languidis, iuniora senilibus consumuntur.

8. Sc.



8. Sexus femininus, sicut, ob faciles mensium turbas, præ virili phthisi magis expositus est, ita etiam facilius ab illa liberatur, quia fluxus sanguinis suppressus iusta methodo potest reuocari, negotium autem sanguinis in viris non ita feliciter succedit.
9. Phthisis non accelerat mortem, sed febris hectica, phthisi superueniens: hinc quo frequentius hecticae tales exacerbationes recurrunt, eo celerius æger opprimitur; & quo magis phthisis sine febre hectica sibi quasi sola constat, (quod in subiectis non ita sensibilibus & incuriosis obseruare licet) eo diutius patiens vivere potest.
10. Sputum vere purulentum, diarrhœæ & sudores colliquatiui prognosin funestam non fallunt.
11. Tumores tam præcordiorum quam pedum œdematosi, quando phthisi superueniunt, lethale signum est.
12. A phthiseos periculo liberati facile iterum eidem ob leuissimas etiam causas subiiciuntur.
13. Ceterum quidquid vulgo de phthisi *curata* circumfertur, his fere innititur fundamentis.
  - 1) Vel sola fuit tussis catarrhalis in habitum deducta, & in primis crassum, pulposum, viridem mucum proferens.
  - 2) Vel febris lenta cum largis sudoribus & repentinâ corporis extenuatione coniuncta.
  - 3) Vel recens hectica, ex febre lenta pullulans.
  - 4) Vel asthmatica solum pectoris adfectio.
  - 5) Vel æger euasit cum ancipiti periculo; tum vegeta suppuration, seu vomica, seirrho alicui minori superuenit.
  - 6) Vel hæmoptysis pro phthisi venditata est.
  - 7) Vel plane singulare robur naturæ cum specialibus circumstantiis, a millesimo vix expectandis, concurrir.
14. Tophi, ex sanguine nati, peioris semper sunt euentus, quam qui ex pituita generantur, nam facile in suppurationem abeunt, & vomicam pulmonum ac phthisin post se trahunt.





20. Si Vertantur in Molis Pthysi laborantes, Tabes  
Longior et rarior fit, plura excernuntur Sanguis  
Sputa, et humidiora, multa per Ventrem aqua  
exurbantur, Urina copiosa excernitur, licet nonnun-  
quam in ea subsidat, vox sonantior clariorq[ue]  
redditur, Somni longioris, quantum satis est, efficiuntur.  
Precordia remittuntur dolor interdum ad Scapulas in  
compressione transit, anhelitus rarus, huius sed cum Vocis aspe-  
ritate fit: & ita Sane Mortem Effugiant. Trist. Lib. 3. c.

## VII. Methodus Generalis.

1. Sanguinem munire contra infectionem pu-  
rulentam. 2. Ulcus quanto citius evacuare pure  
et labia abstergere, consolidare. 3. Hujusmo-  
di in corpus ingerere, quae minimam requirunt  
Vim, ut per pulmones subigi queant, tamon  
Nutris apta, et puris rejectioni inopla Beor.



15. Quando autem hi nodi peculiari folliculo inclusi sunt, vita, adcurata observata diæta & prudenti medicamentorum usu, diu protrahi potest: valetudinarii tamen sunt, & facile in febrem putridam incidunt tales ægro-  
tantes.
16. Ex tuberculi ruptione vomitus & animi deliquium fit.
17. Tuberculum, si quam citissime maturuerit, & eruperit, & pus totum exspuatur, & cavitas, in quo delituerat, contrahatur & resiccetur, penitus sanus euadet.
18. Si vero penitus resiccari non poterit, & ipsum tuberculum a se ipso pus produxerit, & pituita a reliquo corpore ad tuberculum defluens putrescit, & pus exspuitur, accedente ventre fluente, opprimitur.
19. Quod si multo tempore rumpi non possit, neque sua sponte neque a medicamentis, consumitur debilitatus a doloribus vehementibus, tussi & febribus, & sæpius perimitur. *conferatur Hippocr. lib. I. de morbis XIV. 5. 6. 7. 8. 9. 10*
20. Si pus per vomitum eiectionem fuerit album, & fibræ in ipso subcruentæ, effugit, si vero liuidum & cum virore pallidum ac graueolens, moritur. *Hippocras. l. II. de morbis LV. 20. 21. 22.*
21. Phthisis hæreditaria & a mala pectoris conformatione oriunda insanabilis & funesta est.
22. Concretio pulmonum cum pleura non exiguum incommodum liberiori pulmonum motui & respirationi adfert.

## VII. METHODVS MEDENDI ET REMEDIA

### A Methodus generalis.

1. Adfluxus sanguinis ad pectus copiosior deriuandus est per venæ sectiones, scarificationes, pediluua, laxantia lenia.
2. Materia vlcerosa est resoluenda, abstergenda, discutienda.
3. Facta vlceris mundificatione consolidatio ipsius respicienda.



4. Analepsis necessaria præstanda.
5. Tonica roboratio perficienda.
6. Symptomata febris, tussis &c. decente ratione mitiganda sunt.

*B. Methodus specialis.*

*1. Tempore exacerbationis*

- 1) Curationis initium fiat per lenissimam *laxationem*.  
Conueniunt hic blandiora laxantia, e. g. rhabarb. elect.  
passulæ minores, manna, tamarindi.

In subiectis cacochymicis conducit etiam senna, agarius, resina ialappæ, mercurius dulcis, sed hic raro adhibeatur, ne saluationem particularem pulmonibus inducat.

- 2) Deinde per aliquot dies, immo hebdomadas propinentur resoluentia, abstergentia & discutientia. In hunc finem laudantur:

a) *Radices*: pimpinell. alb. vincetox. helen. irid. Florent. aristoloch. vtriusque, maxime ari. &c.

b) *Herbæ*: capill. veneris, cuscuth. epithym. marrub. alb. hyssop. bellid. min. &c.

c) *Gummi-resinæ*: ammoniac. sagapen. galban.

d) *Abstergentia salina, & absorbentia* cum acido tartari vel citri saturata, e. gr.

Recip. tartar. vitriolat.

Ocul. cancr. acido citr. saturat. ana vnc. semis.

aquæ scord.

scabios.

chærefol. ana vnc. III.

M. dos. cochl. I. bis per diem, interposito subinde nitro ad æstus febrilem mitigandum.

- e) Formulæ nonnumquam mutantur, quia æger medicamina diu debet continuare. Hinc aliquando vsus decocti alicuius ex ante dictis resoluentibus & discutientibus substituitur, e. gr.

Re-



B. Methodus Specialis -

1. Tanguinem contra infectionem muniunt, <sup>coniter</sup> Acida, ut Oxymsl. & Hydromsl. & jst. talsa, et. Sal. Tart. Vitriol. c. Decoct. herbar. Vuln. Theri. Sarsaparil. & Santal. cum Glycyrrh. Herba Vuln. sunt Orig. anum Hyssop. Majoran. Adena serrast. & Balsamica Conia ut Myrrh. Olibanum, Balsam. Capiv. Peruv. Mastich. &c. Nec omnia magna copia omni forma, sed usurpari debent. Boerh.
2. Ulcus & Absorgerent &c. Medicamina liquida, diuretica, expectorantia, Motus corporis, et tumorem paragogica, quae danda sunt ubi jam desinit. cum decurand -
3. Ad 3<sup>iam</sup> indicationem Phisica, fuscule, Lacticius speculant. Boerh.

6. <sup>et Diarrhoea</sup> Super Occurritur Dieta Lactea, opiatum, cautum ac  
Probitum, liquidis calidis. Boerh.



Recip. rad. ari.

pimpinell. alb. ana vnc. semis.

herb. veronic. tussilag. chærefol.

bellid. ana man. I.

capill. veneris, pyrol. sanieul. ana manip.  
semis.

Fiat decoctum cum pauco melle dulcificandum.

f) Aqua veronicæ vinosa, bis de die ad cochl. III. sumta,  
etiam laudatur.

3) Post ea ad *consolidationem* ex balsamicis temperatiora  
sunt eligenda, e. gr. terebinthina cocta, mastix, oli-  
banum, balsam. Peruvian. de Copaiua, *Locatelli*, rubi-  
nus sulphuris, e. gr.

a) Recip. balsam. Peruvian. scrup. I.

gumm. iuniper. subtiliss. puluerifat. mastich.  
elect. ana drachm. I.

amygdal. excorticat. num. XXX.

Contusis adde aquæ scord. hyssop. scabios. tussilag. ana  
vnc. II.

Misc. edulcorentur saccharo q. s. ad gratum saporem.

Dos. cochl. I. singulis binis horis repetenda.

b) Pulvis sympatheticus, sputo purulento iniectus, & le-  
ni calori impositus, bonum sæpius effectum edidit,  
& hinc, ubi sputum purulentum adest, potest pro-  
bari.

c) Quid valeat encheiresis a *Weishachio* p. 132. edit. nou.  
commendata, ad balsamica sub forma vaporis pulmo-  
nibus adplicanda, ulterius inquirendum est.

4) Semper coniungatur moderata nutritio ex emulsi-  
onibus amygdalatis & gelatinis cum conferva rosarum.

5) Paroxysmo denique remittente, propinetur mixtura  
tonico-neruina *Stahl*i.

6) Denique adfluxus & tussis, si non remittunt, cohibe-  
antur per M. P. de cynoglossa vel extractum tabaci,  
e. gr.

Recip. Ocul. cancr. acido citri saturat. drachm. I.

M. P. de cynoglossa gr. VI.



M. d. in 4. partes.

Vel.

Recip. extract. tabac. gr. III. IV.

Soluantur aqua cichor. vel alia conueniente, mane in lecto propinentur, & quando nausea succedit vomibunda, haustus vini calidi cum saccharo & cinnamomo dulciſſimi ſumatur.

2. *Tempore remiſſionis.*

- 1) Circa æquinoctia venæ ſectio largior in pede inſtituatur, & pedilunia ſubiungantur.
- 2) Vel ſuppreſſæ ſanguinis euacuationes, iuſta methodo reuocentur, e. g. hæmorrhoidum, menſium.
- 3) Si ætas & reliqua indicent, *hirudines* ad hæmorrhoidalia loca poſſunt adplicari.
- 4) Ceterum non opus eſt tempore euſtadias medicamentis obruere languentem: ſufficit aluum ſeruare laxam, & eſſentiam alexipharmacam *Stablii* cum eſſentia ſuccini maritatem ſubinde uſurpare.
5. Diæta ſit mollis & euchyla, & motus corporis placidus.

*Vid. cautel. & tab. de hæctica.*

VIII. CAUTELAE ET OBSERVATIONES PRACTICAE.

1. Phthiſis cum non ſolum generatim, quoad cauſſam continentem, & pleraque ſymptomata, cum hæctica aliarum partium nobiliorum conueniat, verum etiam viſcus tenerioris texturæ occupet, tanto magis ſollicite omnia ſunt obſeruanda, quæ tabula de *febre hæctica* monuimus.
2. Sic *adſtringentia* vulneraria & baſſamica acriora vulneratis pulmonibus deſtinare, nemo ſanæ mentis vtile iudicabit, quia aliorum viſcerum conſtrictionem, neceſſariæ ſecretionis ſuppreſſionem, reſpirationis maiorem anguſtiam, materiæ vlcerofæ conſuſionem, inflammationis & febris augmentum, certiffime inferunt; quod adeo verum eſt, vt etiam in externis vlceribus, tali incongruente modo tractatis, hoc obſeruare liceat.
3. Baſſami *Locatelli*, &, qui correctior eſt, *Meibomii* pectoralis quantulacunque efficacia, *cera* imputanda eſſet, quid reliqua ingredientia valeant, notum eſt.

4. *Mar-*



VIII. Ad Affluxum humorum a Pectore derivandum.

Intus non minus quam utilis spes poterit  
Caustici usus quo inter Scapulas et in Cervicis  
adhuc imminebat Phthisin feliciter sub-  
= statum legimus apud Krügerum. in Obs. Cent.  
2. Obs. 61. 70. Centur. 4. Obs. 92 Hoffman  
De Tabes











4. *Martem* pectori cum primis inimicum esse, vel eius patroni inficiari non audent.
5. Hinc *tinctura antiphthisica Grammanni* multa damna infert, quia nihil aliud est, quam solutio quædam vitrioli martis; & si quid forte de saccharo saturni in ea remanserit, etiam huius usum nemo peritus adprobare sustinebit.
6. Non minore damno adhibetur famosum illud *antihecticum Poterii. vid. tab. de febre hectica.*
7. Absorbentia *terrea* concoctionem debilitant, excretiones retardant & supprimunt.
8. Hinc etiam *antimonium diaphoreticum* nihil prærogatiuæ ad hunc adfectum habet, licet a *Sylvio* ad ulcerationes internas admodum commendetur.
9. Omnia *expectorantia* dulcia motum congestorium adhuc magis versus pectus inuitant, & crassos humores non tam *ex pectore*, quam potius *per pectus* cum maiore exacerbatione expurgant. Hinc caute in phthisi vsurpanda.
10. *Nitrum*, quando *vera* exulceratio suspecta est, non ita larga manu, assidue & perenniter exhibendum; si vero *scirrhus* tantum constitutio, & impendens collectio maturatoria seu apostematodes præsto esse iudicatur, tum nitrum omni modo locum habet.
11. Si post copiosam *nitri* propinationem tussis augefcit, cum multa materiæ expectoratione, tum vera ulceratio adest; sin minus expectoratur, & tussis potius mitescit, de ulcerosa tantum collectione testatur, & ita cum nitro pergendum est.
12. Immo etiam in ipsa exulceratione, urgente febre hectica non *plane* a nitro abstrahendum est, sed intrepide illud interponere licet, altero aut tertio quouis die.
13. *Sulphur* nullum vlcus, immo ne pustulam vllam de fecunda scabie curat, sed motum tantum humorum immutat & hoc præsentissime, pauca etiam dosi; crasin vel plane non, vel languide demum corrigit. Non quadrat itaque eius applicatio ad vlcus phthisicum, tanto minus, quia æqualitatem liberæ excretionis turbat.



14. Plus autem sperandum de sulphure, flammam non adepto, florum exhalantium forma extrinsecus per inspirationem attracto, pro tussi nempe sedanda. Hinc *sulphuris & antimonii fumus* tutior erit, quam realgaris seu sandaracæ Græcorum secundum Riuerium.
15. *Rubinus sulphuris* nihil aliud est quam sulphur oleo destillato coniunctum & subtilius agiliusque redditum, tenax, amarum & nauscabundum, hinc modo adlegatur, non autem admodum extollitur.
16. *Paracelsus*, licet in aliis morbis promptus fuerit, ad medicamenta specialissimæ efficaciz promittenda, in phthisi tamen ad modum temperans obseruatur. *Murem* quidem *campestre* laudat, sed modeste.
17. Adleclæ autem illius tanto audacius hoc fecerunt, & medicamina commendarunt, quæ pulmones, hepar, renes &c. *regenerarent*, etiam si iam ad iuglandis magnitudinem absumpta forent, scilicet restante tantum eorum seminio.
18. Ceterum optandum esset, vt *traditio Paracelsi* de vlcerum expurgatione & mundificatione spontanea *ab intra*, per circumspectam experientiam melius tentata & explorata haberetur; si enim in vlla, certe in hac adhuc aliquid solidi subsidii pro phthifico vlcere superest. *Confillius tractat. von Spital-Kranckheiten.*
19. Reliqua *specificæ*, quæ passim commendantur, obiter attingere placet:
  - 1) De *nummularia* circumfertur, quod vlcerationibus pulmonum in *hominibus* salutaris sit, in *ouibus* autem vlcerationem iisdem inducat.
  - 2) De radice *trifolii fibrini* prædicant, illam hominibus phthificis & ouibus esse salutarem.
  - 3) *Bonetus* refert phthificum per *nasturtii aquatici* adsiduum vsum esse restitutum. *Vid. lib. II. Sect. VII. c. 23.*
  - 4) *Pulmones vulpis* & aliorum animalium, *ranae* pulmones & hepar, *sperniola Crollii* & alia magnam haud dubie fiduciam a medico & ægroto mutuari necesse habent, pro laudato effectu obtinendo.





23. Videtur a Fred. Hoffman, narratum Viri cujus-  
dam Phisici sanati usu Lact. Caprill. et  
Pulveribus Conitis Apocynitibus valine - absterse  
vis et Nitrosus. Dissert. de Lact. Asinini Un-  
p. 222. up.



20. De *equitationis* efficacia in phthisi, quam indubiam fere facit *Sydenham*, ipse legi potest. Conf. etiam *Programm. D. D. Stablii* de hac materia. Qui placidum & continuum corporis motum poterit instituere, ille his sumtibus facile supersedebit, & eandem vtilitatem, immo maiorem, experietur.
21. *Acidularum* vsus nemo phthificis, quocumque etiam gradu constitutis, facile suadebit,
22. De *thermis* dissident practici: alii omnes, alii peculiare tantum commendant; alii internum vsus reiiciunt, alii moderatum laudant. Feruidiores improbantur, temperatae post venae sectionem facilius tolerabuntur, ad summam autem rei nihil faciunt.
23. Decantata *lactis* cura nihil aliud est, quam modice vivere, & negotium naturae commendare. Laudatur tamen ideo in *dieta*, quod continuationem eius per multos menses ager non facile fastidiat. Certum enim est, vlcus phthificum breuem & sinceram sanationem non recipere.
24. *Venae sectio* tempestiua quam salutariter phthificis succedit, tam certo noxia est, si in exacerbatione febrili instituitur.
25. Omnia *salsa* & *acida* nocent; inter quae acida mineralia, maxime *salis communis*, immanem tussim cum doloribus & morbi exacerbationibus prouocant.
26. In emulsionibus exsulent semina *frigida*, e. gr. cucum. melon. quia ventriculum refrigerant, & cardialgias flatulentas inducunt
27. Nec *amygdalae* per se adhibeantur in emulsione, quia facile in austerum acorem degenerant. Semper aliquid de sale digestiuo adiiciatur.
28. Ceterum *emulsionēs* omni modo commendantur; temperant enim salis acrimoniam, & praecipuant omnem asperitatem, quae tussim solet exacerbare.
29. *Bellis minor* non reicula est in hoc adfectu, leniter enim adstringit & discutit.

30. Nec



30. Nec *chærefolium*, præsertim recens adhibitum, est contemnendum.
31. Plantæ, quæ colliquationem promouent, egregie hic conducunt, e. g. *sanicula*, & si ardor maior concurrat, *pyrola*, quales herbæ in formula mellita, seu cum glycyrrhiza vsurpatæ, effectum sæpe edunt spe maiorem.
32. Radix *ari* in primis commendatur, nam resoluendo & abstergendo omnibus palmam præripit.
33. Moderato harum radicum vsui addi potest herba *capilli veneris*, quæ ad resoluendas stases materiæ mucidæ & catarrhalis egregium vsum præstat.
34. Specialem ad modum efficaciam aperiendo & abstergendo in materia resoluenda attribuit *Forestus marrubio albo*, cum primis in hepatis adfectibus. Etiam in pectore vim eius laudat, sed monet, ne æger in renibus vitium habeat; quod si adsit, notabiliter damnum augeat. Unde conuenientia inter renum & pulmonum læsiones adparer, quæ viscera inuicem sibi prodesse & nocere possunt.
35. In recentibus apostematibus pectoris, peritus *mellis* vsus non contemnendus est ad mundificandum & consolidandum, cauendo, ne imperito vsu latentes adhuc dispositiones apostematodes exacerbentur. Plura vide *tabula de vomica pulmonum*.
36. *Tussis* quoniam vel stasi discutiendæ, vel, si hoc non magis integrum fuerit, vlcerosæ materiæ abstergendæ & excernendæ a natura destinata est, caueatur ne per in tempestiua *anodyna opiata* sopiatur, ob graua detrimenta, quæ hac ratione importantur.









